

ՀԵՐ 3



# ՄՈՆԵՅԻՆ 9

ՆՈՎԵՄԲԵՐ 1965



მარგარიტა ლომჯინა და შპა ტიგონ პრემიის ლაურეატი ლიანა ისახაძე

ფოტო ითარ თურქიანი



# სილსაქი



## შინაარსი

### კოეზია

- ტაგუ მავურიშვილი — ლექსები 42
- მედეა კახიძე — ლექსები 62

### კროზა

- გიორგი ნატროშვილი — თეორი  
ხნული. მოთხრობა 3
- ჯემალ ძარჩხაძე — სასწაული. მო-  
თხრობა 44
- ნოდარ კეკელიძე — სინანული. მო-  
თხრობა 64
- ლევ შიინინი — გახვრეტილი დინარე-  
ბი, მოთხრობა. თარგმანი გურამ გვერდ-  
წითელისა 70

### კრიტიკა და პუბლიცისტიკა

- აბაბი ბაძრაძე — ტრაგიკულთან მიახ-  
ლოება. 92
- ოტია კაპორია — დიდი ლიტერატურა  
პატარებისათვის 98

# 9

სექტემბერი

1965

გამომცემლობა  
„ლიტერატურა და ხელოვნება“

ლიტერატურულ-მხატვრული და  
საზოგადოებრივ-კოლექტიური  
ჟურნალი

საპარტველოს ალკა ც. კ-სა და  
მწერალთა კავშირის ორგანო

ვახტანგ შვანიძე — ვაჟა ფშველა —  
ადატობრივი სამართლის მკვლევარი

107



## რუსთაველის ნაქველევება

ნოდარ უოზიაშვილი—XII—XIV სს.  
საქართველოს სახელმწიფო სამართლის ისტორიისა და რუსთველოლოგიის ზოგიერთი საკითხი

114

## ისინი სამშობლოსათვის იბრძოდნენ

ემზარ კვიციანიშვილი — ადამიანი სახელს არქმევს მდინარეს

152

## საორგზი

გურამ ფანჯიკიძე—ბრაზილიის დიდი გუნდი

156


## ყოველი მხრიდან

41

რედაქტორი კონსტანტინე ლორთქიფანიძე

სარედაქციო კოლეგია:

გურამ გვერდწითელი, კარლო კალაძე, როინ მეტრეველი, გურამ ფანჯიკიძე (პ/მგ მდივანი), გიორგი ციციშვილი, ვლადიმერ ჭავჭავანიძე, ვახტანგ ჭელიძე, სერგი ჭილაია, თამაზ ჭილაძე, ლაშა ჯანაშია.



მონიშნება

შვილიშვილი

**გ**ვიანი საღამოა. ტელევიზორს მართო მოხუცი სულხანი და მისი შვილიშვილი ჯუნი უსხედან.

— ეს ჰოკეია, შაიბიანი ჰოკეი! — უხსნის მოხუცს პატარა ბიჭი.

— ვიცი, — ამბობს სულხანი, — ოდესღაც მეც მითამაშნია.

ბიჭმა გაოცებით შეხედა ბერიკაცს, ხუმრობს თუ არაო. არა, არ ელიმება პაპას. რამდენი რამ უამბნია, ამაზე კი ჯერ ხმა არ ამოუღია. ამიტომ ეგონა ჯუნის — სად რა ნაბიჯი გადაუდგამს მოხუცს, ყველაფერი ვიციო. მართლაც იცოდა, იცოდა, რომ მთელი სიცოცხლე მესტამბე იყო პაპა, ქართულ ანბანს ჩასცქეროდა, მრავალ ათეულ უჯრაში ჩალაგებულს და განაწილებულს, — ისე ნაცნობს, სინათლეც რომ ჩამქრალიყო, ბნელში მოძებნიდა, ზეპირად იცოდა, სად ეწყო ანი და სად ზენი, მოძებნიდა ტყვიის იმ პატარა ნამცეცებს და სიტყვად აქცევდა, წიგნად, „დედაენად“, მთელი ქვეყნის სიხარულად. რა ხანია უკვე პენსიაზეა ბერიკაცი და მანც

აქამდე იმ სტამბიდან გამოყოლილი სუნი ასდის მის პალტოსა და კოსტუმს. ეს ეთილისა და ტყვიის სუნიანო, უთხრა პაპამ; ჰეი, რა გრძელი გზა გაუვლია ბერიკაცს ამ ქვეყანაზე, სად არ ყოფილა, საით არ გადაუგდია ბედს. ციმბირიც უნახავს და ტუსაღის ფარაჯაც სცმია, მერე პირველი ომის დროს ჯარისკაცის ფარაჯა ჩაუცმევიათ. ვინ მოსთვლის, რამდენი ღამე გაუთევია კარპატებში გაჭრილ სანგრებშიც, სუვოლოკის ჭაობების წყალიც დაუღევია, მაგრამ მუდამ ისევ იმ უჯრებთან დაბრუნებულა. ვერაფერმა გაჰყარა ერთმანეთს ის და ქართული ანბანი. სულ პატარა ბიჭი იყო, შეგირდი იყო და მას ევლებოდა თავს, მერე ოსტატიც გახდა, მერე საამქროც ებარა, მერე მთელი სტამბა ჩააბარეს, ათასი მანქანა რომ ბრუნავს და ბუბუნებს — სულ მისი მორჩილნი იყვნენ. და მუდამ კერასავით, საკუთარი ოჯახივით ახლობელი იყო იქაურობა. დღეს იქ აღამებდა და ბევრჯერ ღამესაც იქ ათენებდა.

ყველაფერი ეს იცის ჯუნიმ, მაგრამ ეს ჰოკეი საიდან სადაო?

— სადა თამაშობდით? — ეჭვით ეკითხება ბიჭი.

— სოფელში... უუპ, როდის იყო ეს, იცი? მაშინ შენოდენა არც კი ვიყავი.

— სოფელში? — უკვირს ჯუნის, — მერედა ყინული სადა გქონდათ?

— ყინულიც უნდა?

— მაშ რა? — გაიცინა ბიჭმა, — ვერა ხედავ? — ჯუნი ახლა ეკრანს მიაჩერდა, — აგერ, სრიალით რომ წამოვიდა ყინულზე, ეგ ჩეხების პირველი ბომბარდირია, იოზეფ ჩაპლა... დახე. გაიტანა შაიბა!

— ბალახიანი ჰოკეი არ გავიგონია, ჯუნი? — ესმის ბავშვს მამის ხმა მეორე ოთახიდან. გურამი რაღაც ქალღელბებს უზის, მაგრამ ეტყობა ამათი ლაპარაკიც ესმის — პაპაც და შვილიშვილიც ფიცხი გულშემატკივრები არიან.

— ჩვენ ბალახზე კი არა, გზაზე ვთამაშობდით, — განაგრძობს პაპა, — ზემოუბნისა და ქვემოუბნის ბიჭები... ერთი კარი მთავარანგელოზის საყდართან იყო, მეორე — სასოფლო დინგასთან, იქ აუარებელი ხალხი იყრიდა თავს. მანძილი საკმაოდ გრძელი იყო, მაგრამ ჩვენც ბევრნი ვიყავით.

— ეგ რა ჰოკეია! — არ უთმობს ბიჭი.

— ჩვენ კი მოგვწონდა და... აი, მაგ შაიბას კოჭურას ვეძახოდით, აი იმ ჯოხს — ხაჩას. გუნდის კაპიტანს — დედა ერქვა, მოთამაშეებს — შვილები, კარს — ბინას ვეძახოდით. კოჭურას რომ გაიტანდნენ — დავიწვითო, უნდა დაგვეძახნა. თამაში კი არა, ომი იყო. ურემი ვეღარ აივლიდა ხოლმე, ცხენოსანიც გზას დაავლებდა და ბილიკზე გადადიოდა.

— დაიძინეთ, — ისმის ისევ გურამის ხმა, — მაგ საკითხს ახლა ვერ გადასწყვეტთ... კამათი გაზეთში გადაიტანეთ... ჯერ პაპამ დაწეროს — „ჰოკეის საწყისები ქართული წარმართული მითოლოგიის შუქზე“, მერე შვილიშვილი გამოეხმაუროს — „კოჭურა თუ შაიბა“, ასეთი სათაური მიეცე, ჯუნი! თქვენ წერეთ და დაბეჭდვა ჩვენზე იყოს.

ეკრანზე თამაში დაიძაბა, სულ უფრო მძაფრად ისმოდა ჯოხების ჩახიჩხუბი, და გურამის ხუმრობისათვის პაპასა და არც შვილიშვილს ყურადღება აღარ მიუქცევიათ.

— დაიძინეთ-მეთქი, — გამოსძახა ისევ გურამმა.

— მოიცა, მამი, ჩეხებმა ძალიან მწარედ შეუტყიეს კანადას, — გაეძრახა ბიჭი.

ჰოკეის თამაში რომ დამთავრდა, დიქტორმა ამინდზე დაიწყო ლაპარაკი და, როგორც კი თქვა, ხვალ ნაშუადღევს იწვიმებსო, ჯუნიმ მწარედ შემოიკრა თავში ხელი.

— რა იყო, ბიჭო? — ჰკითხა პაპამ შეშფოთებით.

— ვიღუპებით.

— წასასვლელი იყავი სადმე?

— არა, პაპავ, ხვალ ჩვენი ქუჩის ბედი წყდება.

— რაო, შენც ჰოკეის ხომ არ თამაშობ?

— არა, ყინული სადა გვაქვს, — დანანებით თქვა ბიჭმა, — ფეხბურთში ვეთამაშებით „მერცხლებს“.

— ამ ზამთარში?

— ეს რა ზამთარია! საცაა მიიწურება და ჯერ პალტო არა მცმია.

— ჰო, თოვლი ვერც წლეულს ვნახეთ.

— ნეტავი დედაჩემმა გაიგონა, წვიმა იქნებაო?

— არა მგონი.

— შენ არ წამოგცდეს, პაპავ! თორემ ხვალ დილით დედა არ გამიშვებს. დილისაკენ უნდა წავიდეთ, შორს არისო მეტყვის და თანაც წვიმას მოიმინებებს.

— ნუ გეშინია, საიდან გაიგებს!

ჯუნიმ ტელევიზორი გამორთო და ორივენი დასაძინებლად წავიდნენ.

კვირა დილით არსად არ ეჩქარებოდათ და ამიტომ გვიან წამოიშალნენ. სასაუზმოდაც ჩვეულებრივზე უფრო გვიან დასხდნენ.

ეს რაღა უცნაური მოდა შემოიღეს — საუზმობენ და თან წიგნებში იქტირე-



ბიან. რაკილა ხელს არ უცალიანთ, რაც სუფრაზე დაუნახავთ, წიგნის მისაყუ-  
დებლად გამოუყენებიათ. პაპას საშაქ-  
რზე დაუდგია გაზეთი, ჩასცქერის და  
დროდადრო ავიწყდება, რომ ხელში  
ჩაის ჭიქა უჭირავს, გურამს ლარნაკი  
გადმოუღია კარადიდან და ზედ შუაზე  
გადაშლილი „მამაცი ჯარისკაცი შვეიცი“  
მიუყუდებია, ჭამს და ხითხითებს, ხში-  
რად ჩანგლით თავის თევზს ვერ პოუ-  
ლობს და უადგილო ადგილას წაჰკრავს  
ხოლმე, ჯუნის პურის დიდ ნაჭერზე  
დაუყრდნია „მერსედეს კასტილიელი“...  
ველარ გაიგებ, სუფრაა თუ სამკითხვე-  
ლოს მაგიდა.

არც ნატო ბებოს მოსწონს ეს ამბავი  
და არც ნუნუს — ეს რაღა მისხრობაა,  
ნეტავ რა გემოს ატანთ საჭმელსო.

— აბა სცადე, ასე უფრო გემრიე-  
ლია! — ურჩია ჯუნიმ დედას.

— გადააგდე ეგ წიგნი და დროზე  
დალიე ჩაი! — გაუწყრა ნუნუს, — უნდა  
წამოხყვე, კოსტუმები შევათვალეიერე  
გუშინ მაღაზიაში.

ჯუნიმ ცერად გახედა დედას — რა  
დროს კოსტუმია, ისიც დღეს, როცა...  
არა, ჯუნის მაღაზიებში სიარულისა-  
თვის არა სცალიან. მერე რამდენი თვა-  
ლიერება და რჩევა-დაწუნება უყვარს  
დედას — ათჯერ მაინც ჩააცმევს და  
გახდის.

ვერა, ვერ წაჰყვება.

როგორც კი დედა სამზარეულოში  
შებრუნდა, ჯუნიმ შეთქმულივით ჩაუ-  
კრა ნატო ბებოს თვალი, მერე ხვლიკი-  
ვით გაძვრა კარში და ეზოში ჩაიკარგა.

იქ კი მიდი და ეძებ!

ასეთი დიდი ეზო ალბათ არცერთ  
სახლს არ ექნება მთელ ქალაქში.

ჯერ მარტო გარაჟი ექვსი დგას, ერ-  
თი-მეორეზე მიკრული და ქოხებივით  
ჩაწიკწიკებული; ეზოს სიღრმეში რაღაც  
კანტორაა და რა ჯურის ხალხი გინდა,  
იქ არ ირეოდეს; იმ კანტორის იქით  
საწყობებია დიდი მაღაზიისა, ფასადით  
ქუჩაში რომ გამოდის. დიდიდანვე შე-  
მოგრიალდებიან პირამდე სავსე საბარ-  
გო მანქანები — ხან ყველი მოაქვთ, ხან  
მწნილეული, და დგას ეზოში ერთმა-

ნეთში არეული სურნელი მკავე კრემ  
ბოსტოსი და ლედვისა, თუ ატმოს-  
ფერული  
გინგლიფოფა

მთელი ეზოს გოგო-ბიჭობა აქ იყრის  
თავს; დიდი ფეხბურთი აქ, რა თქმა  
უნდა, შეუძლებელია, მაგრამ საწვრთ-  
ნელი ვარჯიშების ჩატარება შეიძლება.  
ამიტომ აქ მუდამ ისეთი ჟრამული  
დგას, ყურთასმენა აღარ არის.

ჯუნიმ ჩაათავა თუ არა კიბეები, კი-  
დეგ ერთი მანქანა შემოვიდა ეზოში.

— ჯუნი, ჯუნი! — გაისმა იმავე  
წუთს მესამე სართულის აივნიდან,  
ბიჭმა სცადა დამალულიყო, მაგრამ  
თავს მაინც ვერ უშველა. „დედა გეძა-  
ხის, ჯუნი“, მიძახა ვიღაცამ და ის  
იძულეზული გახდა, ისევ შესასვლელი-  
საკენ მობრუნებულიყო.

გაოფლიანებული ამოვარდა ბიჭი კი-  
ბეზე, მთელი ღონით დაწვა ზარის  
ღილს და თითი მანამდე არ აუშვა,  
ვიდრე დედამ კარი არ გაუღო. შემოვი-  
და ჯუნი და სტაცა დედამ საყელოში  
ხელი.

— სად გაიქეცი, მე რა ვითხარი?

არა, ჯუნი ამას აღარ მოითმენს, ბი-  
ჭი უკვე თორმეტი წლისაა და დედას  
კი ისევ პატარა ჰგონია. ყოველ ნაბიჯს  
უთვლის დედა: პაი, იქ არ წახვიდე...  
გაგასთან არ ითამაშო, ის ქუჩის ბიჭია...  
ფრანგული არ გააცდინო, მუსიკაზე არ  
დაიგვიანო, არ გაიოფლო, წვიმაში არ  
მოჰყვე... მზემ არ დაგკრას! რა უნდა  
დამკრას ამ მზემ, კაცმა არ იცის. რა  
ამბავია ეს — სახლია თუ ციხე? არა.  
გეითხები, ციხეა? — და ჯუნიმ ჯიქუ-  
რად შეჰხედა დედას. ნუნუს ყველაზე  
მეტად ციხე ეწყინა — ბიჭმა ესეც  
მამისაგან გადმოიღო. გაუტევეს მამამი-  
სი, დაიკარგება და, საყვედურს რომ  
ეტყვი, ისიც ამ სიტყვას მოგახდის. ეგ  
კი არა, ერთხელ, ასეთი ჩხუბის დროს  
ნუნუს უცებ ქმარს გახედა და შეამჩნია  
— გურამი თვალებით აქეზებდა ბიჭს.  
ახლაც ზის და ისე დინჯად ავსებს  
მელნით ავტოკალამს, ისეა გართული.

გიორგი ნატროშვილი  
თეთრი ხნული

თითქოს აქ არაფერი ხდებოდეს. განა ხმას ამოიღებს, განა დაარიგებს ამ გადარულ ბიჭს.

ამან უფრო გააბრაზა ნუნუ და ჯუნის მკაცრად უთხრა:

— ახლავე ჩაიწყვიტე ხმა! დახე, რაები დამიწყო! ფეხსაც ვერ გადასდგამ უჩემოდ.

— ვერა, ხომ, ვერ გადავდგამ? აბა, ახლა უყურე, — წამოენთო ბიჭი, მამლაყინწასავით აიწურა და მერე მარჯვენა ფეხი ისე დაარტყა იატაკზე, მინებმა დაიზრიალეს — აბა, თუ ვერ გადავდგამ, — ისევე მარცხენას მიაბჯინა და ისევე გადადგა წინ.

ნუნუს სიცილი აუტყდა, ნატო ბებომ კი ცერად გახედა რძალს და საყვედურით უთხრა:

— აი, ასე იცი შვილო! ჯერ გაუწყრები და მერე უცინი. ამის მერე რაღას გაგიგონებს.

— რა ვქნა, დედი! შეხედე ერთი, ნამდვილი მაიმუნი!

და მერე ისევე ჯუნის მიუბრუნდა:

— ჩაიცივი და წამომყე მალაზიაში!..

— ვერ წამოვალ. საქმე მაქვს.

— რა საქმეა?

თქვას თუ არა თქვას? გაუწვივენ ანკარიშს? არა და ილუბება ყველაფერი, თორემ მალაზიაში კი არა, ქვეყნის კიდემდე გაჰყვებოდა დედას. ახლა კი რა ქნას — ზუსტად თორმეტ საათზე დიღმის მინდორზე მიდიან ბიჭები... მთელი თვეა, ამ დღეს ელოდებიან... ჰოდა, შეიძლება ცენტრალური თავდამსხმელი თამაშს არ დაესწროს? წინა თამაშზე გაგა მოედანზე მკლავშეხვეული გამოვიდა — ხელი ჰქონდა მოტეხილი და თაბაშირში ჩასმული, არტაშანით გამოვიდა, — ბინტებით, თაბაშირით... და ახლა არ წავიდეს? რას იტყვის გაგა, რას იტყვიან სხვა ბიჭები! დღეს კი გადამწყვეტი თამაში იმართება — გუნდები ფინალში ხვდებიან ერთი-მეორეს. ჰოდა, რა პასუხი გასცეს ჯუნიმ ამხანაგებს — დედამ არ გამომიშგაო?

მაინც რა გახდა ეს ტანსაცმელი, რა სულ ამაზება ჩხუბი!

— უჩემოდ ვერ იყიდი? — მაგვდრებელი თვალით შეხედა დედას.

— ვერ ვიყიდი! ეგ ქოჩორიც უნდა მოიშორო, ვინდა ატარებს ახლა?

ჯუნი გაუსხლტა. რა უცნაურია დედა, ახლა ქოჩორს გადასწვდა, ამოიჩემებს და მორჩა, ვეღარ გადაათქმევინებ, თოპ, რა გახარებულები იქნებიან „მერცხლები“, ჯუნის მოედანზე რომ ვერ დაინახავენ!

ბიჭმა ახლა სხვა ხერხი იხმარა — იქნებ მოფერებამ გასჭრას.

— დედა, იცი რა? იყიდე უჩემოდ! მომიწონება, დედას გეფიცები, მომიწონება.

— არა, ჯუნი, უნდა წამოხვიდე, რა ვიცი რა ზომა გინდა. გადავყარო ამდენი ფული და მერე...

— ზომა არ იცი? — და ჯუნი მამას მიუბრუნდა, — მამა, შენ რომ მიექვსე კლასში გადახვედი, რა ზომას გიყიდიდნენ ხოლმე?

— რა ზომას? აღარ მახსოვს. ბებიას ჰკითხე. მაგას უფრო ეხსომება, — ჩაიცინა გურამმა.

ჰო, მართლა, ბებოს უქვეყლად ეხსომება, მასაც ხომ ჰყავდა პატარები — ჯუნის მამა, ახლა აქ რომ ზის, გაზეთს რომ კითხულობს და კიდევ ზაქრო ბიძია — ყირიმში, ნასირის ტბის პირას რომ მოჰკლეს გერმანელებმა.

ბიჭს თვალთ უნახავი და მარტო ზღაპარით გაგონილი ნასირის ტბა რომ გაახსენდა, უმალ სიტყვა ჩაუწყდა. ასე ეგონა ფიქრში კი არა, ხმამალლა ვთქვიო. ბებოსთან ეს სიტყვა არ უნდა ახსენო. არც ახსენებს. უცებ მოიშორა მტანჯველი ზმანება და მოხუცს ჰკითხა:

— ბებო, რა ზომას უყიდიდი ხოლმე?

— რა ვიცი, ბიჭო, მე ძველებისაგან ვუკერავდი. ზედ ბიჭებზე ავზომავდი ხოლმე.

დედამ ნიშნისმოგებით გაიღიმა: შეხედე, ზედ ბიჭებზეო!

და ის იყო, პაპას ოთახის კარი გაიღო... მოხუცი შემოსასვლელთან გაჩერდა და ყველას თვალი მოავლო. გურამი თავისთვის იჯდა და საქმეში არ ერეო-

და, ნატო ბებო სუფრას ალაგებდა, ნუნუ წასასვლელად ემზადებოდა, ბიჭი კი შუა ოთახში იდგა შეცბუნებული და სატირლად გამზადებული.

ჯუნის წუხანდელი საღამო გაახსენდა, შეხედა პაპას და მიშველეთ, თვალეზითა სთხოვა.

სულხანმა მორიდებით შეხედა რძალს, და ქალი მიხვდა, ახლა კი გაიტანდა ჯუნი თავისას, მოდი და მოხუცს უარი უთხარი.

— ნუნუ, დღეს მე მაპატიე, შვილო! წუხელ შემეხვეწა და მე დავპირდი — გაგიშვებ-მეთქი. სიტყვას ნუ გამატყუებ.

ნუნუმ ხმა ველარ ამოიღო და ის-ღა შეძლო, მუქარით გაჰხედა სიხარულით აცმუკებულ ბიჭს, განა ვერ ხვდებოდა საით მიიქაროდა ჯუნი—ალბათ ისევ დიღომში, მოვა საღამოთი დაფლეთილი, დაკაწრული, მაგრამ ბედნიერი და ამაყი.

დედამ ხელი ჩაიქნია. მეტი გზა არ არის, ისევ ალალ-ბედზე უნდა უყიდოს. გაბრაზებულმა დასტაცა ჩანთას ხელი და კარებში გავარდა.

ჯუნიმ ისევ ეზოს მიაშურა, მამა თავის სამუშაოს ჩაუჯდა და ოთახში მარტო მოხუცები-ღა დარჩნენ.

— რათ გამოექომავე?! — უსაყვედურა ნატომ პაპას, — ბიჭი ისეც დასაბმელია და შენ კიდევ...

— იტყვი, შენც... დასაბმელი კი არა, — მოხუცს ხმა გაეზარა, — ის ბიჭი გამახსენდა. ასე მეგონა, ზაქრო შემომეყურებს-მეთქი!

მოხუც ქალს სახე მოედრებოდა... არ იცო, ბერიკაცო, რომ იმ ბიჭის ასე წარამარა ხსენება არ შეიძლება. თანაც,

როცა დედას ელაპარაკები, ისე უნდა ილაპარაკო, როგორც ცოცხალზე. იყო, არ უნდა წამოგცდეს, არასგზით არ უნდა წამოგცდეს. იმიტომ, რომ ისევე ელის დედა, რა ვუყოთ, რომ ამდენ ხანს არა ჩანს. ხომ ამბობენ, აქ, ქალაქში კი არა, მაგრამ სადღაც, სოფელში, შვილი ასე დაკარგული ჰყავდათ და ახლა ჩამოვიდაო, მეორეზე ამბობენ წერილი მოიწერაო. დადის ეს ხმები ხალხში და დედაც არ ტყდება, არ უნდა დაიჯეროს ზაქროს სიკვდილი და შინაურებიც ისე აჩვენებენ თავს, თითქოს მათაც არა სჯერათ.

წარამარა მაინც არ უნდა ახსენო... თუმცა სად გაექცევი ფიქრს და ფიქრში ისევე ის ბიჭი უდგას თვალწინ:

— პატარაობაში ისიც ასეთი იყო. გახსოვს, ერთხელ წვიმაში ამოლუმბული რომ მოვიდა. ღვარი მოვარდნილიყო ქუჩაში, ბიჭებს ფიცრები გაედოთ და ხიდი გაეკეთებინათ. შენ მაშინ ძალიან გაუწყერი.

— ჰო, ჩვარივით ეკიდა ყველაფერი ზედ, ახალთახალი ხალათი დახეოდა...

— ერთხელ გოგოებს წახმარებოდა ქუჩაში, თავის კლასელებს... როგორ ეცემნათ, მოუკვდეს დედა! ჩავტაცე ხელი, მილიციაში მიწდოდა წაგუსულიყავ. მომეძებნინებინა ის მხეცები! არაფრით არ წამოყვა.

— რაო, შეკრთა?

— არა, მე იმათ თვითონ გადავუხდიო.

— ამაყი ბიჭია, თავმომწონე, — იყო, ვერ ამბობს სულხანი, — იცი, იქაც, სტამბაშიც რა ხშირად ახსენებენ? შემომხვევიან ხოლმე ბიჭები, იმისი ტოლები...

თითქოს ცოცხალი იყო ზაქრო, თითქოს წუთით იყო სადღაც გასული და საცაა შემობრუნდებოდა.

#### ჟანი-ბურუნე

იმ ოთახში, სადაც პაპა სულხანს სძინავს, კედელზე ჯარისკაცის სურათი ჰკიდია. შეხედავ და თვალს ველარ მოსწყვეტ—მხედრული ქუდი, პილოტურას რომ ეძახიან. თუშური ქუდივით კოხ-

ტად მოუგდია გვერდზე და ანცურად იღიმება; თვალსაც იმიტომ ვერ აცილებ,

---

გიორგი ნატროშვილი  
თეთრი ხნული



რომ შენ გიღიმის და ასე გგონია, რა-  
ღაც კვიმატი რამ უნდა ვითხრას. ვერ  
იცნობ ამ ჯარისკაცს, მაგრამ რატომღაც  
გეჩვენება, რომ ათასჯერ შეგხვედრია,  
ქუჩაში გინახავს, სუფრასთან მჯდარა  
შენს გვერდით, უმხიარულნია, უცინია...  
რა ვიცი, ვერც მიხვდები, რად გიქცერის  
ასე ახლობელივით ეს უცნობი მხედარი.  
იქნებ მართლაც გინახავს და აი იმ ბი-  
ლოტურასა და ხაკის ხალათში ველარ  
გიცვინია.

ეს ჯარისკაცი — ზაქროა, უფროსი  
შვილი პაპასი, მაგრამ ჯუნის ის არასო-  
დეს არ უნახავს.

იმ კვირა საღამოს, დიღმიდან რომ  
დაბრუნდა, ბიჭმა დიდხანს უტრიალა  
პაპას ოთახს, შესვლა უნდოდა, ათასი  
რამ ჰქონდა მოსაყოლი, იმდღევანდელ  
თამაშზე, „მერცხლები“ რომ დაამარცხა  
მათმა გუნდმა და მათ კარში ერთად-  
ერთი ბურთი თვითონ ჯუნიმ გაიტანა.  
პაპა კი ჩაკეტილა და არ გამოდის.  
ბიჭი ისევ მის კართან აიტუზა და ის  
იყო შესვლას აპირებდა, უცებ გაუჩერ-  
და ფეხი — ოთახიდან ლაპარაკი მოეს-  
მა, „ეტყობა სტუმარი ჰყოლია“, გაი-  
ფიქრა და ფეხი შეაჩერა. ყური მიუგ-  
დო და ლაპარაკი კი არა, ჩუმი კვნესა  
გაიგონა:

— ზაქრო, ბიჭო, ზაქროო! — არა, კი  
არ ესაუბრებოდა, ეძახოდა პაპა.

უფრო მეტად გაოცდა ბიჭი, როცა  
ჭუჭრუტანაში შეიხედა და დაინახა,  
რომ პაპა მარტო იყო.

შეკრთა ჯუნი და ჩუმად. ფეხაკრე-  
ფით გამობრუნდა უკან. მაინც ძალიან  
გვიან იყო და დედა გაუწყრა კიდეც —  
რატომ აქამდე არა გძინავსო.

ბერიკაცმა კიდეც ერთ ხანს იბორგა,  
იწრიალა ოთხში, მერე დაქანცული  
მიწვა ლოგინზე.

ბურანში მყოფ მოხუცს უცებ ჩაესმა,  
რომ ვიღაც ამოდოდა კიბეზე. შუალამე  
გადასული იყო, ყველა სართულს ეძინა,  
ყველა მომსვლელი მოსული იყო და  
ყველა სტუმარი — წასული. და ამ  
სიჩუმეში უფრო მკაფიოდ ისმოდა კი-  
ბეზე ამომავლის ფეხის ხმა. „ნამდვი-  
ლად ზაქროა“, — გაიფიქრა ბერიკაცმა.

ამხანაგებში შეაგვიანდებოდა, შეუხვეწე-  
დნენ სადმე. ხელგაშლილი ბიჭი, მხარა  
ჯავი, ეპატიება, ჯეელია, იაროს, გული  
გახიაროს. აპა, ახლაც როგორ დაიგვიანა,  
ვასშამიც ჩაასწრეს და მთელ სახლსაც  
უკვე სძინავს. რა უშავს მერე — ლხინ-  
ში იქნებოდა, მშვიერს ხომ არ გამოუშ-  
ვებდნენ. ჰო, მართლა ზაქრო ყოფილა,  
შემოალო კარი და ოთახში შემოვიდა.  
ხმა არ ამოუღია, ისე გაიხადა კოსტუმი  
და სკამზე გადაჰკიდა. სულხანი წა-  
მოდგა და უცებ შეამჩნია, რომ შვილს  
ქათათა აბრეშუმის პერანგი, დღეს  
დილით რომ ჩაიცვა, მკერდზე წითლად  
დალაქული ჰქონდა. დახეთ, ახალთ-  
ახალი პერანგი გაუფუჭებია, აღარ ჩაი-  
ცმევა. აკვირდება მამა და ხედავს, რომ  
ის ლაქა ღვინისა კი არა, ვაიმე, სისხ-  
ლისაა, და ის პატარა, შავი წერტილი  
მკერდზე, პაპიროსის ცეცხლით კი არ  
არის ამომწვარი, ნატყვიარია.

გაშეშდა ბერიკაცი, ბიჭს ველარც კი  
ხედავს, მარტო იმ ნატყვიარს დასჩე-  
რებია და ძლივსა ბუტბუტებს:

— დახე, სად დაუმიზნებია იმ ძალ-  
ლიშვილს... შიგ გულში მოუხვედრე-  
ბია!

— ჰოო, მამი, — ამბობს ზაქრო და  
ამომწვარ ხალათზე ახლალა იფარებს  
ხელს, — მაინც დაინახე, შეამჩნიე? არ  
მინდოდა, გენახა! მთელი ჯერი მომაცა-  
რა გულში, ავტომატით... ვერ მოვას-  
წარ, თოფს ველარ დავწვდი, ხელი  
თავისუფალი არა მქონდა. გახსოვს შრი-  
ფტი რომ გამატანე, ის უნდა გადამე-  
ყარა ტბაში. ჰოდა, მაშინ იხელთა  
დრო... იმავე წუთს წაიჭიქცი, თვალთ-  
დამიბნელდა. ვეგდე აგრე უპატრონოდ,  
ტბის პირას. მერე, სამადლოდ დამმარ-  
ხეს ყირიმელმა მეთევზეებმა.

ზაქრო ისევ გაჩუმდა, მოხუცი კი  
კვლავ ამომწვარ ხალათს ჩასჩერებია და  
ისევ ჩაესმის შვილის სიტყვები:

— იმიტომ ველარ გნახე, მამი...

— მეც არ მიკვირდა?! ეს ბიჭი ხმას  
რატომ არ მაწვდის-მეთქი? რამდენი  
წელი გიცადე, შვილო? სათვალავიც კი  
ამერიას!..

ბერიკაცი ისევ ნატყვიარს აკვირდება.



ველარ, ველარ მოუშორებია თვალი. ისევ ეს ტყვია, მთელი სიცოცხლე ხელში სჭერია ის ტიალი და მისი მტვრით სავეს აქვს ფილტვები, ფერიც იცის მისი და გემოც, მაგრამ ის ტყვია კეთილი იყო, კაცს არა ჰკლავდა. ჰკლავდა კი არა, თვალებს უხელდა, ქვეყანაზე გამოჰყავდა.

მას დასტრიალებდნენ თავს მამაც. შვილებიც... და სახლშიც მისი უცნაური. მჭირე სუნი მოსდევდათ.

მერე დაიწყო ეს ომი. ცხრაასორმოცდარტი წლის ზამთარი იყო, როცა სტამბაში უცნობი ოფიცერი მოვიდა, მაშინვე დირექტორი იკითხა, სულხანთან შეიყვანეს, ჩაიკეტეს კარი და დიდხანს ისაუბრეს. მთელ სტამბას უცებ მოედო ხმა: ის ოფიცერი ყირიმის ფრონტიდან ჩამოვიდა.

— მე მეგონა, ჯარისკაცები სჭირდება-მეთქი, — უთხრა სულხანმა შვილს.

ზაქრომ გაკვირვებით გადმოხედა:

— აბა, ვინ? სწორედ რომ ჯარისკაცები სჭირდებოდა!

— არა, ბიჭო, არ გახსოვს? მაშინვე შრიფტის თვალიერება დაიწყეს. მერე მკითხა — ყველაზე კარგი ასოთამწყობები რომლები არიან!

— შენ მაშინვე ჩემკენ გამოგექცა თვალი, მამი!

— ჩემზე კარგა ვინ იცოდა, ვის რა შეეძლო?

— შენ რალაც მანიშნე თვალით. მე მიგიხვდი და აღარაფერი გკითხე. დროც აღარ იყო.

ბერიკაცმა ისევ ამოიხორა:

— რაო, მამი, ხომ არ ნანობ? — ჩაჰკითხა ზაქრომ.

— არ ნანობო? მაშ, შენა გგონია, აგრე ადვილი იყო შენი გადაგდება იმ ცეცხლსა და ჯოჯოხეთში?

მოსუცი კანკალებს, ეცოდება ზაქროს თავისი ბებური მამა, ეცოდება და უნდა სანუგეშო რამ უთხრას, შეჰყურებს მამას და უნდა, რომ გაამხნეოს:

— გახსოვს, მამი, შენ ერთხელ ილიაზე მიაშობდი... გაზეთი რომ აუტანე, შენი შეგირდობისას... გახსენე, რა გითხრა?

— მახსოვს!

— ჰოდა, მამი, ჩემი საგუშაგო კედელზე იქ იყო!

და ზაქროს თვალეში ისევ ის ნაბერ-წკლები ელავენ, როგორც იმ სურათზე. კედელზე რომ ჰკიდია.

— ვიცი, განა არ ვიცი, მაგრამ რომ ველარ განახე, ჭიშკარი რომ გაიხურეთ, მერე შენი აღარა გამოვიარა...

— აბა, საიდანა გაიგებდი. წავედიო და წავედიო. ეგ იყო და ეგ... უზიანოდ გატარეთ მთელი ქონება — შრიფტიც, ქაღალდიც, საბეჭდი დაზგაც. სამ დღეში ჩვენი მანქანები თემრიუკში იყვნენ. იმ წყეულ ზამთარში ქერჩის სრუტე იყო იყო გაყინული, მანქანები პირდაპირ გადადიოდნენ წყალზე. ყამიშ-ბურუნე გაგონილი გექნება?!

— ჰმ... — ჩაიგმინა მოხუცმა, — გაგონილი, იტყვი შენცა... ნეტავ, მართლა გაგონილიც არა მქონდეს!

— მოიცა, მამი, ხომ არ დაგაგვიწყდა, რომ ჯარისკაცი ხშირად შინ ველარ მოდის... სამუდამოდ ჩარიცხაკენ ხოლმე იქ, უვადო სამსახურში.

— მესმის, შვილო!

— ჰოდა, მაშ, რათ გამაწყვეტინე. გადავედიო ყამიშ-ბურუნეში, და იქ, მართლა, ჰქედვა იყო. ძალზე ვიწრო ზოლი იყო გასასვლელი. ჰოი, ისეთი ჰქედვა იყო, ენით არ აიწერება. ფრონტისაკენ მიდიოდა არტილერია, ნაღმ-სატყორცნები, მიდიოდა ქვეითი და ცხენოსანი ჯარი, თანაც ხშირ-ხშირად მოფრინდებოდნენ ხოლმე მტრის თვითმფრინავები, იყო ერთი ვაივავლახი, ერთი აურზაური, ერთი-მეორისა არავის ესმოდა-რა, ზოგი ურიგოდ მიდიოდა წინ. ვისაც როგორ შეეძლო. იმ ვიწრო ზოლის დასაწყისთან მესანგრეთა კაპიტანი იღვა და ამ ქაოსში წესრიგის დამყარებას ლამობდა.

ერთ ხანს ვდგავართ და ვიცდით. ველარ მოვითმინე და შოფერს ვუთხარი:

— ბიჭო, გაძვერი წინ როგორმემეთქი.

გიორგი ნატროშვილი  
თეთრი ხსული

— სდექ, გადააყენე გვერდზე! — გადაუდგა წინ მესანგრეთა კაპიტანი, წესრიგს რომ იცავდა. ჩვენმა შოფერმა ვითომ ვერც გაიგონა ეს სიტყვები და ვითომ ვერც კაპიტანი დაინახა. კაპიტანმა შეამჩნია ეს და გაბრაზდა:

— შენ, რაო? — მუქარით უთხრა შოფერს, — სადა გგონია შენი თავი? საჯარიმო ბატალიონი ხომ არ მოგენატრა?

შოფერმა დაამუხრუჭა და მე შემომხედა, გადმოგვიღი და კაპიტანს წინ დავუდექი.

— ამხანაგო კაპიტანო! უნდა გაგვატარო-მეთქი, ვუთხარი.

ისევ ის ანცურის ნაბერწყლები ელაგენ ზაქროს თვალებში. რაღაც უხარია სულხანასაც — ყოჩაღ, ბიჭო, ვიცოდი, ავრე იქნებოდა, ვიცოდი, არსად დაიკარგებოდი, შვილო!

— გაკვირებული მიყურებს კაპიტანი. ფიქრობს, ვინ არის ეს მეტიჩარა სერჟანტი, რას ეჩრება, ან რა მიაქვს ასეთი, რომ კისრისტეხით მიიკლავს თავს და ქვემეხებზე წინ გაძრომას აბიჯებსო!

— ისევ შემათვალიერა, მამი, აი, როგორც ახლა შენ მიყურებ, შემათვალიერა და მკითხა:

— რაშია საქმე? რა მანქანებია ეს?

— ძალიან საიდუმლო და საჭირო ტვირთია, ამხანაგო კაპიტანო! — ვეუბნები.

მესანგრეთა კაპიტანმა უკვე ინტერესით შემომხედა და მკითხა:

— მაინც რა მიგაქვთ ასეთი!

მოდი ახლა და აუხსენი!

ამასობაში კაპიტანი მოახლოვდა, გადაჰხადა ბრეწენტი ჩვენს მანქანას, ჩაჰხედა შრიფტს, პატარა საბეჭდ დაზგას, ხომ გახსოვს ის „ამერიკანკები“ რომ წავიდეთ, მერე ხელის გულზე დაიყარა ეს ჩვენი ქართული ანბანი, დაჰხედა და გულიანად გაიცინა.

— შენ ძალიან ხუმარა ბიჭი ჰყოფილხარ, სერჟანტო! — მითხრა და მერე შოფერს მიუბრუნდა:

— აბა, გადააყენე გზიდან მანქანა! სამხედრო წესი ხომ იცი, მამი, კაპი-

ტანის ბრძანებას სერჟანტი როგორ დაარღვევს. შოფერმა მოლორია საქმე და ბოლოში მოექცა ქარავანს.

კაპიტანი ისევ იმ ქაოსში ჩაერია, რომ ოდნავ მაინც მოეწესრიგებინა იქაურობა, რიგ-რიგობით მიეცა გზა ყველასათვის, ვიდრე მტრის თვითმფრინავები შეგვამჩნევდნენ. საფრთხილო იყო, წამდაუწყობი ბომბავდნენ იქაურობას.

ვღგავართ და ვიცდით. მეტი რა გზა გვაქვს. ამასობაში იმ გასასვლელში მთელი პოლკები გავიდნენ. ხალვათობა რომ იგრძნო და საქმეც მოითავა, კაპიტანი ჩვენკენ წამოვიდა, თურმე არ დავვიწყებვივართ, შემოახტა ჩვენს მანქანას და შოფერს ახლაც უფროსივით უბრძანა — დასძარიო.

შოფერმა მოტორი ჩართო.

კაპიტანმა ღიმილით გადმომხედა, თვალებში მიტყერის, მაგრამ მე თვალს ვარიღებ, ამით მინდა ვუთხრა — უსამართლობა ჩაიღინე-მეთქი.

ის კი მაინც არ ისვენებს, უნდა, რომ ლაპარაკში გამომიწვიოს.

— მაშ, უამისობა არ იქნება, არა? — კითხულობს ის.

მის დაცინვას მეც იმავე იარაღით ვუხვდები.

— ამხანაგო კაპიტანო! სხვათა შორის, რაკი-ღა ასე ცნობისმოყვარე ყოფილხართ, იქნებ პეტეფის სახელიც გაგიგონიათ?

— ჰმ, — გაიცინა კაპიტანმა, — გემოთიც გაგვისინჯავს.

— მართლა? — ვუთხარი მე, — მაინც, როგორი იყო გემოთი?

— ეეხ, ბიჭო! — მითხრა მაშინ მესანგრეთა კაპიტანმა, — რას იტყუხნი მაგ წარბებს, ზედ შუბლზევე გაწერია შენივე ბოგრაფია. დასავლეთის ლიტერატურის ფაკულტეტის რომელ კურსზე იყავ, როცა ეს ომი დაიწყო?

— არც რომელზე. უნივერსიტეტში შესვლაც ვერ მოვასწარ...

— მაშ, პეტეფი საიდან სადაო?

— ვერ მიხვდი, ამხანაგო კაპიტანო? შენ ხომ არ გაატარე ჩვენი მანქანა? პეტეფი გაატარებდა... არ დავავიწყდეს,

ისიც შენსავით ოფიცერი იყო. ჰოდა, ყველაზე წინ გაგვიშვებდა.

— რა ფიცხი კაცი ყოფილხარ, ქართველო! — მითხრა კაპიტანმა, — ვიცი, ბიჭო, წაკითხული მაქვს, ზეპირადაც მახსოვს: „ვიღუბებით, ან ერთი დღეიზია მოგვაშველეთ, ანაც ერთი საბეჭდი დაზგა გამოგვიგზავნეთ, რომ ლექსები დავბეჭდოთ და ჯარისკაცებს წავაკითხოთ!“

— ჰოდა, მეც ერთი დღეიზია მიმყავს ფრონტზე, — მწყურალად ვუთხარი, — ამ მანქანაზეა ჩემი დღეიზია... თუ ამას დააკვირნდა, ამხანაგო კაპიტანო...

— მე სტუდენტი მეგონე, ბიჭო!

— აკი გითხარი, სტუდენტობა ვერ მოვასწარი-მეთქი. მაგრამ პეტეფის თქვენ საიდანღა იცნობთ, ამხანაგო კაპიტანო?

კაპიტანმა ისევ გულთანად გაიცინა:

— ბიჭო, განა მე კი მესანგრედ დავიბადე? მე კიევის უნივერსიტეტის ასპირანტი ვარ... მაგრამ პეტეფი მართლა გაგიშვებდა წინ... კარგი, რაც იყო, იყო. მოდი, ჯერ ეს ომი გავათაოთ, მერე ჩამოდი ჩვენთან, კიევიში... მოიტა ხელი... პრაქტიკულებს აღარ მოგკითხავ, დღევანდელს ჩავითვლი.

შევრიგდით და ხელი ხელს დავკაპირით.

მერე, სადღაც, შუა გზაზე კაპიტანი გამოგვეთხოვა და მანქანიდან გადახტა.

— კიევიში რაღას წახვალ, შვილო? — წუხს ბერიკაცი.

— ჰო, ველარ წავალ, — წუხს ზაქრო ბიჭიც, — აქაც, შენს სანახავად მოველ, მამი, ძალიან შემეცოდე.

## კალოს მხალი

ჯუნიმ კარი გაიხურა და კისრისტე-ზით დაეშვა კიბეებზე.

პაპას აქ, თავის ოთახში, მეოთხე სართულზე ესმის როგორ ჩარბის ბიჭი, ოთხ-ხუთ საფეხურზე ერთად ხტება... აჰა, მესამე სართულამდე ჩაადწია, ორი ნახტომიც და უკვე მეორეზეა, ცოტაც და სულ მიწყდება ფეხისხმა.

— შესაცოდარი მე რა მაქვს, ბიჭო, მაშინ შენ რაღა უნდა თქვა, მიწაც არ გელირსა აქაური...

— მიწა იქაც გრილია, მამი! მიწა ყველგან მიწაა, ტიალი... ტბის პირას ვმარხივარ... ძალიან ზევნი ვართ, მამი... ოღონდ იქ ნუ ჩამოხვალ. საფლავს, სულ ერთია, ვერ იპოვნი...

ზაქრო ისევ ფიქრში მიდის. მერე გაპხედავს მამას და ამაყად ამბობს:

— ჩაგვებით ომში... იმ ჩვენი ქართული ანბანით. უბით დაჰქონდათ ჩვენს ბიჭებს ჩვენი ფურცლები. მაგრამ ცუდი დრო იყო, მამი, გვიჭირდა. სასწორი ჯერ ისევ იმით მხარეს იყო. ჰოდა, ერთხელ მტერმა ისე შემოგვიტია, გზას გადაგვიჭირდა, რომ არ გამოგვესწრო.

— შენ რომ ვერ გამოასწორ?

— იარაღი ვერ დავუტოვე მტერს. როცა ნასირის ტბაში შრიფტსა ვყრიდი, სწორედ იმ დროს მოკვივდნენ გერმანელები. ჯერ ვერ მიხვდნენ, რას ვაკეთებდი, მერე ერთი მესტამზე იმათშიც აღმოჩნდა და უთხრა თავისიანებს — შრიფტზე უთხრა, ეგ იარაღი ტყვიავზე მეტად სჭრისო. უცებ ვერც მიხვდნენ, მაგრამ ეს კი გაიგეს — იარაღს არ ვუთმობდი. ჰოდა, იმ მევატომატემ, აი, პირდაპირ გულში მომაყარა.

სულხანმა ისევ ამომწვარ პერანგს დახედა და ამოიგმინა. აღარ უნდოდა დაენახა, დახუჭა თვალები.

თვალი რომ გაახილა, დაინახა — მზე ამოსულიყო, მეორე ოთახში ჯუნი ხმაურობდა, სკოლაში წასასვლელად ემზადებოდა.

სულხანს კი აღარსაით არ ეჩქარება.

ამიტომ ასე დაიმარტოხილებენ ხოლმე ფიქრები, მოერევიან და თავიანთ დაუსრულებელ გზაზე წაიყვანენ.

დაჰყავთ ამ ფიქრებს მოხუცი თავიანთ

---

გიორგი ნატროშვილი  
თეთრი ხნული



ნებაზე. დრო იმათ არ იციან და მანძილი; უცებ, ერთ წამში, გადაახტებიან წლებს და ისევ პატარა ბიჭად გადაგაქცევენ, შესტყერი და ველარც შენი თავი გიცვინა, ველარც ქვეყანა, თითქოს ყველაფერი ეს სიზმარი იყო.

იქნებ სიზმარი იყო ისიც, სულხანმა საბარგო მანქანები რომ დატვირთა საბეჭდი დაზგებითა და ქალაღლით და ზაქრო-ბიჭს ყირიმში გაატანა, იქნებ სიზმარში მოვიდა ის წვიმაც, რამზე ბონელოს წმინდა სახარება რომ წაუბდინა და დაუსველა?

დახეთ, სად წაიყვანა ფიქრმა...

რამდენი წლისაა ახლა ჯუნი, თორმეტისა, არა? სულხანი სწორედ ამხელა იყო მაშინ. არა, თორმეტის არც იყო, რომ დაობლდა და მეზობელმა თბილისში წამოიყვანა; ბევრი ატარა აქეთ-იქით, დუქნის ბიჭად გასაბარებლად ვერ გაიმეტა, ეცოდებოდა—ცემით სულს ამოხდიანო, თანაც ბიჭმა წერა-კითხვა უკვე იცოდა და იქნებ შესაფერ ხელობაზე მივაბაროთო.

მიიკითხ-მოიკითხეს და ბოლოს საამკინძაო სახელოსნოს წააწყდნენ.

ფორნებით საიდანდაც მოჰქონდათ ამ სახელოსნოში ვეება, უკვე დაბეჭდილი ფართო ფურცლები. ჰკეცავდნენ იმ ფურცლებს, ჩამოსტრიდნენ ნაპირებს, ძაფითა და ნემსით შეჰკერავდნენ, ყდაში ჩასვამდნენ, მერე ისევ ის მეფორნეები მოვიდოდნენ და სადღაც მიჰქონდათ გამზადებული წიგნები.

ნახევრად ბნელ სარდაფში, მთელ სივრცეზე გაბმული იყო თასმები, რომლებიც მანქანებს ამოძრავებდნენ. დაზგებთან დახრილიყვნენ მუშები—ერთნი ტვიფრის ამოყვანით იყვნენ გართულნი, მეორენი სურათებს აწებებდნენ წიგნებში, მესამენი ჰკერავდნენ და დილიდან საღამომდე სარდაფში ისმოდა გაუთავებელი ხმაური, შრიალი და აურზაური.

უცნაური კაცი იყო ამ სახელოსნოს პატრონი. არავინ იცოდა, რა რჯულისა იყო, სახელიც უცხოური ჰქონდა და გვარიც, ეტყობოდა არც ერთი არ იყო ნამდვილი. იგი შორეთიდან გადმოხვეწილ იმ ადამიანთა რიცხვს ეკუთვნოდა.

მთელ მსოფლიოს რომ მოსდებოდა ფულის საშოვნელად. ზოგი სად გადავადლო მოგების წყურვილს და... ამ საუკუნის დასაწყისში საქართველოსაც ბლომად მოაწყდნენ ისინი—უფრო მდიდრები კონცესიებს იღებდნენ, შავი ზღვის ახლად გახსნილ პორტებში ტრიალებდნენ, ხეტყეს ეზიდებოდნენ გემებით, შედარებით ნაკლები ფულის პატრონები ლიმონათის ქარხნებსა ხსნიდნენ, ანდა, აი, ასეთ სახელოსნოებს აწყობდნენ.

ასე გაჩნდა თბილისში რამზე ბონელოს საამკინძაო სახელოსნოც.

ბონელო ცოლიანად იყო თბილისში ჩამოსული, ნაცნობ-მეგობრები ბევრი არავინა ჰყავდა, ხანდახან ფარმაცევტ ზემელს თუ ესტუმრებოდა, ან ავჭალელ მებაღეს—ლანგეს. ეს იყო და ეს. ისე კი, ნასიარულევი კაცი ჩანდა, ქვეყანამოვლილი. ვინც უნდა შემოსულიყო სახელოსნოში — მის ენაზე დაელაპარაკებოდა. ერთხელ სპარსეთის კონსული რიზა-ხანი ჩამოვიდა სარდაფში, ომარ ხაიამის დაფურცვლილი რუბაიები ჩამოიტანა, ყდაში ჩამისვითო... შეჰყვნენ ლაპარაკს და რამზეიმ ისეთი სუფთა სპარსულით დაუწყო კონსულს ვაჭრობა, რომ მის აღტაცებას საზღვარი აღარა ჰქონდა. ეს რომ დაინახა, რამზეიმ ზეპირად წაუკითხა კონსულს ხაიამის ორიოდე ლექსი და კაცი კინაღამ გადარია, ვაჭრობაც აღარ დაუწყია და რაცა სთხოვა ბონელომ, უმალ იქვე ჩაუთვალა. მეორეჯერ ვიღაც ინგლისელმა ბიზნისი მოიტანა დასაკანავად და აქაც შესძლო ბონელომ მუშტარს მის ენაზე შევაჭრებოდა.

ეტყობოდა ყველაფერი ენახა, ყველა ჯურისა და ხელობის კაცთან გაეტეხა ბური. შეიცოდებდა ვაჭირვებულ კაცს, რომ კეთილი სახელი ფულივით მოეხვეჭნა და მერე ის ფულიც ადვილად ეწლანგნა — აქაოდა სიკეთე ამაზე მეტი მაქვს დათესილიო.

თბილისში სახელოსნო რომ გახსნა, ერთი კი მიიხედ-მოიხედა და უმალ გადაწყვიტა, აქაური ქუდი დაეხურნა. სახელიც გადაეკეთებინა და გვარიც:



სახელოსნოს აბრა თავის ხელით დახატა და ზედ რამზეი ბონელოს მაგიერ წააწერა — რამაზ ბონელიძე. ქართულ გვარს რომ დანახავენ, მუშტარიც მეტი მომაწყდებო. მაგრამ როცა ის აბრა ჩქარა დაუწუნეს — ქართულში მაგნაირი გვარი არ არისო, მაშინ აბრაზე ძე მოშალა, ისევე ბონელო მიაწერა, სახელი რამაზი კი შეინარჩუნა.

აი, ამ ბონელოს სახელოსნოში მოხვდა სულხანი, მაშინ თორმეტი წლისა არც იყო.

ბონელომ ისე მიიღო, თითქოს დიდი მადლი მოისხა. გამოჰკითხა ბიჭს ყველაფერი, შეწუხდა, როცა გაიგო ობოლი ყოფილათ, გამოსცადა კიდევ — რაღაც წააკითხა და ქართულ ენაში რაღაც დაუწუნა კიდევ.

ბიჭი იმ სახელოსნოში ჯერჯერობით ხელზე მოსამსახურესავით ჰყავდათ, თუმცა ბონელომ ის ხანში შესულ ყდის ოსტატს სანდრო ძიას მიაბარა.

მაგრამ, გარდა იმისა, რომ წიგნის ყდაში ჩასმის ხელობა უნდა ესწავლა, ბიჭს კიდევ ერთი მოვალეობა ჰქონდა. ყოველ ორშაბათსა და ხუთშაბათს რამაზ ბონელოს ბაზარში უნდა წაჰყოლოდა ვეება კალათით; იქ იგი იყიდდა სანოვაგეს, დატვირთავდა ბიჭს და შინ გაატანდა.

ზაფხულის იმ დილას რამზეიმ დიდხანს უტრიალა დიდმელ გლეხკაცს, ბაზარში ახლად შემოსული კალოს მსხალი რომ ჰქონდა გამოტანილი; დიდმელს მუშტარი თვალში არ მოუვიდა და აგდებულად პასუხობდა. არჩევა რომ დაიწყო, ყველა მსხალი ისე გასინჯა, თითქოს რომელიმე შეიძლება ნამდვილი არ იყოსო. დიდმელმა შეუღრინა:

— რას არჩევ, შე უღმერთო! ამ დილით დავკრიფე. რასა ჰითიხნი და სათითაოდ ხელში ატრიალებ. თქვი და აგიწონი რამდენიც გინდა!

ბონელომ მსხლის პატრონი პასუხის ღირსადაც არ ჩათვალა. დიდმელს ეს უფრო მეტად ეწყინა:

— ძმობილო, შენ გელაპარაკები!

რამაზს ბევრი აღარ უფიქრია, მსხალი ააწონინა, მერე სათითაოდ დათვალა

და სულხანს ჩანთაში ჩაუყარა. უთხრა, აქ მომიცადეო, და თვითონ ეტყუებოდა შურა, სადაც წიწილებით სავსე უნდა იყოს ბი ეწყოს ურამებზე.

— ეგ ვინ არის? — ჰკითხა დიდმელმა პატარა ბიჭს.

— ჩემი უფროსია!

— გყოლია, შენც, უფროსი! ვინ არის მეთქი, მედუქნა?

— არა, წიგნებს აკეთებს.

— წიგნებს? — გაოცდა გლეხკაცი, — რას ამბობ, ბიჭო? მე კი რა ვიფიქრე, ღმერთო შეგცოდდე... იმ მსხლის დათვლა რომ დაიწყო, ძალიან არ მომეწონა.

— დათვალოს რა? მაგისი მსხლის ხარბი ვინ არი?

— შენ მაინც გაფრთხილდი, შვილო! არ მიყვარს მაგნაირი ძალიან ანგარიშანი კაცი.

— სხვას ვის უყვარს! ძია სანდროს ერთი სული აქვს, ნეტავი ეგ მაცემინაო.

— ძია სანდრო რომელია?

— არის ერთი... მუშაა ჩვენი.

— ბევრნი ხართ?

— ჰოო, — დაუქნია ბიჭმა თავი.

— ჰოო და, მოდი იმათ წაუღე... რაც აქა ვცდები, ამის ფასს რას მოვიგებ. წაუღე, რაც დამრჩა.

და დიდმელმა გლეხკაცმა რაც დარჩენილი მსხალი ჰქონდა, ბიჭს ტიტველა უბეში ჩაუყარა, ჯიბეებიც აუღსო — წაიღე ბიჭო, ხეზე მაქვს დაკრეფილი, ღვთის მოცემულია!

მალე რამზეიც მობრუნდა, ხელში ერთი-მეორეზე გადაბმული წიწილები ეჭირა, ისინიც ბიჭს გადაჰკიდა მხარზე. შინ გაგზავნა და თვითონ სახელოსნოსაკენ გაეშურა.

სულხანმა სანოვაგე რომ მიიტანა, დიასახლისმა ჩამოართვა და ბიჭი სამზარეულოში შეიყვანა, ჩაი დაუსხა და პურის ქერქები მოუტანა. პატარა იყო სულხანი და მაინც იუკადრისა, დიასახლისს არაფერი უთხრა. ჭიქას ხელი მოჰკიდა, კუთხეში გადააქცია, პურის

გოორგი ნატროშვილი

თეთრი ხნული

ქერქები ეზოში ძალღებს გადაუყარა, ორი თითი ჩაიდო პირში, მაგრად დაუსტვინა, თითქოს გამოთხოვების ნიშნად და სახელოსნოსაკენ გაიქცა.

სახელოსნოში რომ მივიდა, დიდმელის ნაჩუქარი მსხლეები ამოიღო და ყველას გაუნაწილა. პატრონმაც გამოიხედა, რა მხიარულება ატეხესო, და მსხალი რომ დაინახა, იმავე წუთს თავის კანტორაში შებრუნდა. ცოტა ხნის მერე ბიჭს კანტორაში დაუძახეს.

ბიჭი რომ შევიდა, უფროსს არაფერი უთქვამს, მხოლოდ ანიშნა, ახლოს მოდიო, სულხანი მიუახლოვდა. იმან კი ჩახედა თვალებში, მერე ჩაავლო ყურში ხელი და ღონივრად მოსწია. უცქერის თვალებში და ეწევა, უცქერის და ეწევა... არაფერს კი არ ამბობს, აქაოდა ისედაც გასაგებია, მე შენ შინ მსხალი გაატანე, შენ კი აქ წამოიღეო. ბიჭს ცრემლები გადმოსცვივდა; მეპატრონე მაინც არ უშვებდა ხელს და მიხვდა ბიჭი, რატომ ექცეოდა ეს კაცი ასე უღმერთოდ.

მერედა, ეს მსხალი ხომ მისი არ არის, დიდმელმა აჩუქა!

მაინც არაფერს ეტყვის, თავს არ გაიმართლებს.

ბონელომ ბიჭს ხელი ჰკრა და კანტორიდან გამოაგდო. მერე ქუდი დაიხურა და შინ გაექანა.

შინ თურმე ხელახლა დათვალა მსხალი და გაოცებული დარჩა. არაფერი არ აკლდა. ვერ მიხვდა, საიდან შეიძლებოდა ჰქონოდა იმ ლაწირაკს იმდენი ფული, რომ მთელი სახელოსნოს მუშებს გამასპინძლებოდა. გაბრაზდა, ვეღარ გაიგო საიდან გაჩნდა იმ დილით მსხალი სახელოსნოში; მერე დიასახლისმა ისიც უთხრა, როგორ იუკადრისა იმ ბიჭმა საუზმის ნარჩენები და ჩაის დალევაც არ იკადრა.

მეორე დილით რამაზ ბონელო გაბრაზებული მოვიდა სახელოსნოში და ოსტატს, სულხანი რომ ებარა, უთხრა:

— ეს ლაწირაკი ყაჩაღი გამოვა, მძარცველი, ეგ ციმბირში გაათავებს სი-ცოცხლეს.

— რა წაგართვა, ბატონო? ოსტატმა.

ბონელომ ახლა სანდროს ბრაზიანი თვალით.

— დაინსომე ჩემი სიტყვა. გეუბნები, სახრჩობელაზე წავა-მეთქი.

სამუშაო დღის დამთავრებას ცოტადა აკლდა, როცა ბონელომ სულხანს უბრძანა, სტამბიდან ახლად მოტანილი დაბეჭდილი ფურცლები ფორნიდან გადმოეტვირთა და სარდაფში ჩაეზიდა.

ადგილიც უჩვენეს, სადაც უნდა დეფუო. კინალამ წელი მოსწყდა ბიჭს. სამუშაო რომ დაამთავრა, იქვე სახელოსნოში მიეგდო და მკვდარვით მიიძინა.

ვერც კი გაიგო, როდის წავიდნენ მუშები.

შუალამისას სიცივემ გააღვიძა — მოათათურა ხელი, წყალში იწვა. მოიფშვინტა თვალები — ქუჩიდან ხმაური მოესმა, ღვართქაფი მოდიოდა, წვიმა კი არა, — წარღვნა იყო, მოხშირებული, კოკისპირული. წყალს სარდაფისკენაც ეპოვნა გზა და ნაკადებად შემოჭრილიყო.

საზრიანი ბიჭი უმალ წამოხტა და ქუჩაში გამოვარდა, დაინახა, საიდან მოდიოდა ღვარი, დასტაცა წერაქვს ხელი და ღვარს გზა ქუჩის მხარეს გადაუგდო. მოერია წვიმას, მაგრამ თავით ფეხამდე ისე დასველდა და გაიწუწა, ერთი ხელის დადება მშრალი ადგილი აღარსადა ჰქონდა.

მუშაობამ და აქეთ-იქით წყვეტებამ ისე გაახურა, სიცივეს ველარა გრძნობდა.

ვეღარ დაიძინა, დილით ადრე მოსულ მუშებს ფეხზე დაუხვდა. ცოტა ხანიც და სარდაფში ბონელო კი არ შემოვიდა, შემოვარდა.

დაფეთებული იყო, არავისთვის შეუხედავს, ყველა კუთხე მოირბინა და გუშინ რომ ფურცლები მოიტანეს, იქ შეჩერდა, ჯერ ხელით მოსინჯა, მერე ერთი ფურცელი აიღო, დარწმუნდა, რომ სველი იყო, წყალი სწორედ ამ კუთხიდან შემოვარდნილიყო სარდაფში და ქალაღი წაეხდინა.

ბონელომ ფურცელი ბრაზით დააგ-  
ლო და მუშებს მოუბრუნდა:

— გაგიწყრეთ ამისი მადლი, იცით,  
ვისი შეკვეთა იყო?

არავინ უპასუხა, ამან უფრო მეტად  
აანთო.

— უწმინდესი სინოდის შეკვეთა  
იყო!.. — წამოიძახა მან — ვინ დააწ-  
ყო ეს ფურცლები აქ?

მუშები ჩუმად იყვნენ. ბოლოს წინ  
პატარა სულხანი წამოდგა (რა კარგად  
ახსოვს ბერეკაცს, ისე კარგად ახსოვს,  
თითქოს გუშინ მომხდარიყოს).

— მე დავაწყე, ბატონო!

ჯუნიმ უნებლიედ გახედა პაპას. რა  
დააწყო პაპამ, საღ! წიგნის კითხვას  
თავი მიანება ბიჭმა. პაპას თვალები  
საღლაც შორს იცქირებოდნენ.

— შენ? — წამოიწია ბონელომ, — აკი  
გითხარით, ეს ბიჭი სახრჩობელაზე გაა-  
თავებს-მეთქი სიცოცხლეს, ხომ  
ვთქვი, კატორღა არ ასცდება-მეთქი. შენ  
დააწყე, მერე იცი, რა წიგნია ეს? ეს  
წმინდა სახარებაა. იცი, რა მოგივა ამის  
წაბილწვისათვის?

სანდრომ წინ წამოიწია და სახელო-  
სნოს პატრონს უთხრა:

— ბიჭს მადლობის მეტი არაფერი  
ეთქმის, ბატონო! მთელი სახელოსნო  
გადაარჩინა!

— რას ამბობ, რას? სახარება წაბილ-  
წა, გესმის? — უცებ გამოცდილი თვა-  
ლით შეათვალიერა ფურცლები — ხუ-  
თასი ფურცელია, ასი მანეთი გადაიხა-  
დოს, დანარჩენი მიპატიებია.

ასი მანეთი... სათქმელად ადვილი  
იყო.

ბიჭმა ახლა კი შებედა მეპატრონეს:

— მე არაფერს არ გადავიხდი!

ბონელო თითქოს უცებ გადაირია,  
არა მარტო ამ ბიჭის უარის გამო,  
უფრო იმის გამო, რომ მთელი სახელოს-  
ნო იმ ლაწირაკის მხარეზე იყო. უცებ  
თავი ველარ შეიკავა, ბიჭს საყელოში  
ხელი სტაცა, მიიზიდა თავისკენ და

ჩურჩულით, ყველას რომ ესმოდა, აბ-  
ლაც, ამდენი წლის მერე რომ ჩაესმის,  
სულხანს უთხრა:

— ახლავე გადაიხადე, ძაღლიშვილო!  
და ბიჭს ღონივრად გაართყა სახეში.  
წაიქცა პატარა, სანდრომ ველარ მოით-  
მინა, მივარდა, საკინძში ჩასტაცა ხელი  
ბონელოს და უთხრა:

— სახარებას გიჩვენებ ახლა, შე უწ-  
მინდურო!

— რაო, ბუნტი გინდა მომიწყო? —  
ჰკითხა შემცბარმა ბონელომ.

— აი, ჩემი ბუნტი, — და გააწნა სი-  
ლა, — მოერიე პატარას?

ბონელო დაეცა, სანდრო სცემდა, ვი-  
ლაცამ სარდაფის კარი ჩაკეტა.

სანდრომ თვითონ წამოაყენა ნაცემი  
პატრონი და უთხრა:

— ჩივილი არ გაბედო! რაც მერგება,  
არა გუხოვ. ამაში გამიბარე. მივდივარ.  
ჩივილი კი, არ გაბედო-მეთქი, თორემ...  
შენ თვითონვე ინანებ!

ჩაჰკიდა სულხანს ხელი და წაიყვანა.  
ჰკვიანი კაცი იყო ბონელო, ის უმალ  
მიხვდა, რომ ჩივილი მართლაც უფრო  
ძვირი დაუჯდებოდა.

— ახლა საით წავიდე? — ჰკითხა  
სანდრომ პატარას, ქუჩაში რომ გამოვი-  
დნენ.

საით წაესვლებოდათ? განა იცოდა  
პატარამ.

სანდრომ კი იცოდა... ჯერ ერთი,  
სტამბაში რა ხელობა უნდა ყოფილიყო,  
მას არა სცოდნოდა. მარტოს შეეძლო  
აეწყო ქართული ანბანი, დაებეჭდა,  
წიგნად ექცია... ადგილიც შეგულიანე-  
ბული ჰქონდა, დიდი ხანია გული „ივე-  
რიის“ სტამბისაკენ მიუწევდა.

ოსტატმაც და შეგირდმაც იქით გას-  
წიეს. სანდრომ ანჯერად მბეჭდავად  
დაიწყო მუშაობა, შვილობილი კი ასოთ-  
ამწყობებს მიაბარა.

მარჯვე და საზრიანმა ბიჭმა ხელი  
მაღე გაიწაფა.

---

გიორგი ნატროშვილი  
თეთრი ხნული



ჯერ ისევ ბონელოსთან იყო, „გლახის ნამაზობი“ რომ წაიკითხა. რას იფიქრებდა, რომ ახლა არა მარტო თვალით დაინახავდა იმ წიგნის დამწერს, არამედ მის სახლშიც შინაურით შევიდოდა. შინაურით იმიტომ, რომ ილიას სახლი საცხოვრებელი ბინაც იყო, სტამბაც და რედაქციაც.

ახლაც ცოცხალივით უდგას თვალწინ ილია, დინჯად რომ ჩამოვიდოდა ხოლმე მაღლა სართულიდან, მუშებს დაჰხედავდა და ისე არ წავიდოდა, ერთი კეთილი სიტყვით არ გაეთბო იმათი გული.

მარტო ილია კი არა, ყველანი ახსოვს, ვინც იმ სტამბასა და რედაქციაში ტრიალებდნენ — წერდნენ, თარგმნიდნენ, კამათობდნენ, ვიღაცას ებრძოდნენ, ხან აშკარად, ხანაც გამოგონილ სახელს ამოეფარებოდნენ — ეს ფრონელიო, ლალიო, დონ-იაგოო, მეველეო და კიდევ ვინ მოსთვლის. სულხანმა კი მათი ნამდვილი სახელებიც კარგად იცოდა და მათი ნაწერების კითხვაც უყვარდა, ნაწერშიც ისეთივე იყვნენ, თითქოს გესაუბრებიანო და კითხვისას მათი ხმაც ესმოდა. სწორედ რომ საკვირველი ხალხი იყო — ვერ გაიგებდი, როდის ეძინათ — როცა უნდა მისულიყავ, სულ ფეხზე იყვნენ, დღე იყო თუ ღამე.

პირველი ღამისმთვეველი კი თვითონ ილია იყო.

ახსენდება სულხანს: ერთხელ, ზაფხულში, უძილო ღამის შემდეგ, დილით, „ივერიის“ ბეჭდვა რომ დაიწყეს, სანდრო-ძიამ ახალი გაზეთი აიღო, გადაშალა, გაჰხედ-გამოჰხედა, წუნი ხომ არაფერი აქვსო, და სულხანს მიაწოდა — ილიას აურბენინეო.

გახარებულმა ბიჭმა გაზეთს ხელი დასტაცა და ზემო სართულისაკენ გაიქცა. რედაქციაში რომ შევიდა, წინა ოთახში სოფრომ მგალობლიშვილი დაინახა. დინჯად ჩამომჯდარიყო სოფრომი და გაზეთებს ფურცლავდა. მის გვერდით წარმოსადგევი ჭაბუკი იჯდა, ახალგაზრდა იყო, მაგრამ თმა ღომის ფაფარივით ედგა. კუთხეში რედაქციის შიკ-

რიკი თვლემდა. ბიჭმა კარი შეღო, თუ არა, სოფრომმა შემოთვლია, <sup>გველქივთა</sup> ხელი და ანიშნა — ჩუმათო, <sup>გველქივთა</sup> და ილიას კაბინეტის ფანჯარას გახედა. სულხანიც უმაღ მიხვდა: კაბინეტში, საწერ მაგიდასთან ილია იჯდა და წერდა. წინ გაბრდვლილებული ღამა ედგა, თუმცა მზე კარგა ხნის ამოსული იყო, მეათე საათი იყო დაწყებული. ილია წერდა და ისე ღრმად წასულიყო ფიქრში, აღარა ახსოვდა-რა, აღარ იცოდა, დღე იყო თუ ღამე. კარის ხმაურზე გამოიხედა და იკითხა:

— რომელი ხარ მანდა?

— მე ვარ, ბატონო ილია, სოფრომი.

— კაცო, რა დროა, განა ჯერ არ წასულხარ შინ?

სოფრომს გაეცინა:

— ამ წუთში მოვედი, ბატონო ილია, უკვე გათენდა!

მაშინ კი მიიხედ-მოიხედა ილიამ, ღამას ჩაუბერა, ჩააქრო და შიკრიკს უსაყვედურა:

— მაქსიმე, ბიჭო, რაზე ჩამკალი, რატომ არაფერი შემატყობინე?

— ოთხჯერ შემოვედი, ბატონო, თქვენთან. თქვენ ვერც ჩემი შემოსვლა გაიგეთ და ვერც გასვლა.

— ჰოო, — გაიღიმა ილიამ, — ომში ვიყავი, მაგრამ ისეთ კაცუნას ვებრძოდი, ღირდა კი ამისთვის ამდენი ვაიგალახი?

თქვა და გაჩუმდა, მიმოიხედა. ის იყო პატარა ბიჭიც დაინახა, იმასაც თვალეზი ჩაწითლებოდა უძილობით. ბიჭი სასაცილოდ იყო გამურული და ილიას გაეღიმა. სულხანმა ახალი გაზეთი გაუწოდა, ილიამ ჩამოართვა, გაშალა, ერთი კი ჩაათვალა, მერე ბიჭს ხელი მოხვია და უთხრა:

— შენ ის ახალი შეგირდი იქნები. სულხანი, აგრა?

შემკრთალმა ბიჭმა თავი დაუქნია.

— ჰოდა, ჩემო სულო, — განაგრძო ილიამ, — მე და შენ, ქვეყნის ვალი დღეს მოხდელი ვგაქვს. ახლა ცუდი არ იქნება, ცოტა ხანს თვალი მოვატყუოთ!

ბიჭი სიხარულით აღარ იყო — გუ-



ლი თითქოს აღარ ეტეოდა საგულეში, გახარებული დაეშვა ქვემოთ, უნდოდა ეს სიხარული ყველასათვის გადაეცა, ყველასათვის გაეზიარებინა.

უნდოდა ეს სიხარული თან გაჰყოლოდა იმ გაზეთებს, იმ წიგნებს ამ ბუდეში რომ იზადებოდნენ, მერე მიფრინავდნენ და ეფინებოდნენ ქვეყანას — ანუ გაეშვებოდნენ, იმედს აძლევდნენ, ამხნევებდნენ.

წიგნი სასწაული იყო და პატარა ბიჭი ერთი სასწაულმოქმედთაგანი. ვინ იფიქრებდა ამას, ქუჩაში რომ დაენახათ მისი გაცვეთილი ფეხსაცმელი და ცხრამეტჯერ დაკრებულ სატინის ხალათი.

შესცქერის ახლა პაპა სულხანი ჯუნი და იმ ბიჭსა ჰხედავს. ჰგავს ჯუნი იმას, როგორ არა ჰგავს, აბა ჩახედე ბიჭს

თვალეში. ის არის, ის. ხეალ დილით სკოლაში კი არა, „ივერიის“ სტამბაში წავა, ილიას დაინახავს იქ, ყველგან, ფრონელსაც, მეველესაც, ამ მთელი ქვეყნის მეველეებს, გუშაგებს, ჭირისუფლებს.

ახლა კი ზის ეს ბიჭი პაპა სულხანის ოთახში — და „მერსედეს კასტილიელსა“ კითხულობს, თან პაპას უზიარებს თავის შთაბეჭდილებებს, მაგრამ ლაპარაკი როგორღაც ვერ აუწყვიათ. საღამოს უტდიან, დღეს ჩეხები ფინელებს უნდა შეხვდნენ, ვნახოთ რას იზამენ ირქი პოლიკი და იოზეფ ჩაპლა.

მანამდე კი შეიძლება კაცმა „მერსედეს კასტილიელის“ თავგადასავალსაც გადააყოლო გული.

### ქულის ქალაპა

ჯუნი გაციებული შესცქერის მოხუცს — ილია ჭავჭავაძე უნახავს, თავისი ხელით აუწყვია იმისი გაზეთი, ულაპარაკნია ილიასთან.

— მერე აღარაფერი უთქვამს, პაპა?

— ჩემთან სალაპარაკოდ სადღა ეცალა, შვილო! ქვეყნის საქმე იმის კისერზე იყო...

— კიდეც ვინ გინახავს? — ეკითხება ჯუნი და კედელს შესცქერის, იქ სურათები ჩამწკრივებული, ძალიან ნაცნობი, საყვარელი და თანაც ლეგენდასავით შორეული სახეები.

— კიდეც? — იხსენებს პაპა და ისიც იმ სურათებს შესცქერის, — ვაჟა-ფშაველა...

ბიჭს თვალეში უბრწყინავს.

— ეს უფრო გვიან იყო, შვილო, მაშინ ილია ცოცხალი აღარ იყო...

ბროსეს ქუჩა, მტკვრის სანაპიროზე რომ ჩამოდის... რა ერქვა მაშინ იმ ქუჩას? მგონი, მაშინაც ასე ეძახდნენ... სწორედ აქ მორბოდა სულხანი. მაგარი მუხლი ჰქონდა და ამიტომაც გამოასწრო მღევარს, აქ შეუხვია და დაეკარგა

თვლიდან პოლიციელებს, სტვენით და ღრიანცელით რომ მოსდევდნენ უკან. გამოსცილდა სანაპიროს და ზემოთ წავიდა, აი, იმ ფიცრის ღობეს, აქამდე რომ შემორჩენილა, ქაჯივით გადაახტა და რბილად დაეცა ბალახებში. ვიდაცის ბაღში მოხვდა. ჩაიმალა, გაინაბა და ყური მიუგდო ქუჩაზე ატეხილ ქრიაშულს. ამ ხმაურზე მიხვდა, რა მანძილზე მოსდევდნენ. პოლიციელები ახლოვდებოდნენ. აქ ყოფნა არ ივარგებდა, წამოდგა, ჩუმად სახლის შესასვლელი კარისაკენ გაემართა და ფრთხილად დააკაუნა. კარი შუახნის კაცმა გაუღო — ჯმუხი იყო, წარმოსადეგი, ხშირი და მაღალი თმა ღომის ფაფარივით გაღმომჟვნოდა. მოიხსნა სათვალეები და შეხედა სულხანს, ისევ გაიკეთა სათვალე, ისევ შეპხედა და მერე ხმაურს მიაყურა, ქუჩაში რომ ისმოდა. სულხანმა უცებ ასწონ-დასწონა ყველაფერი, ლოდინისა და ყოყმანის დრო არ არის, უნდა მიენდოს, და უცნობს ჩურჩულით უთხრა:

გიორგი ნატროშვილი

თეთრი ხნული

— მომდევნე, შენი ჭირიმი, შემიშვი!  
ლომისფაფარიანმა სასწრაფოდ გაუ-  
ლო კარი.

სულხანი ძლივ სუნთქავდა, მასპინ-  
ძელმა ოთახში შეიყვანა; იმ წუთში  
დევნილმა და შეშფოთებულმა ჭაბუკმა  
ოთახის შეთვალეირება მოასწრო და  
კედელზე რუსთაველის, ილიასი და აკა-  
კის სურათები დაინახა; აი, როგორც აქ,  
ამ ოთახში. გული მოეცა, დაწყნარდა.  
მიხვდა, რომ საიმედო ადგილას მოხვედ-  
რილიყო; მასპინძელმა მეორე ოთახში  
გაიყვანა, იატაკს სარკველი ახადა და  
სულხანს უთხრა—ჩადი მანდ, ვიდრე  
ყველაფერი მიწყნარდებაო.

სულხანი ჩაპყვა კიბეს და სარდაფში  
ჩავიდა.

„ვინ არის ის კაცი, ნეტავ სად მინა-  
ხავს“, გაურბინა ფიქრმა.

საათზე მეტი დრო იქნებოდა გასუ-  
ლი, როცა სულხანმა ზემოთ ფეხისხმა  
გაიგონა. მასპინძელმა სარკველი ახადა  
და შემოხიზნულს ჩასძახა:

— სადა ხარ, ვეჟო, ამოდი ზევით!..

და მერე დაუმატა:

— მიწყნარდა ყველაფერი, ამოდი!

სულხანი ამოვიდა. მასპინძელიც და  
სტუმარიც ერთ ხანს დუმდნენ. ბოლოს  
ისევ მასპინძელმა დაარღვია სიჩუმე:

— პოლიტიკური ხარ? — ჰკითხა შე-  
მოხიზნულს.

— არა, ბატონო! ჩვენ და პოლიტი-  
კა? — მოისაწყულა თავი სულხანმა.

— მაშ, მოიპარავდი რამეს?

ეს კითხვა კი მოულოდნელი იყო და  
სულხანს არც პასუხი ჰქონდა მზად.  
მოდია და თქვი, ქურდი ვარო. შეეყოყ-  
მანდა, მასპინძელმა შეპხედა თვალებში  
და გაიცინა.

— თქვი, ვეჟო, ნუ მალავ, რისა გეში-  
ნია, დუქანს გასტეხავდიო სადმე ბიჭე-  
ბი. ჰოდა, ცოტა საქონელიც გამოგოყო-  
ლებია ხელისათვის. მაგრამ ასე თუ  
ჰვანტე გზაზე წამოდებული ქონება?!

მასპინძელი იცინის, მუჭსა შლის და  
სულხანი გაოცებული დასცქერის. მას-  
პინძელს ხელისგულზე შრიფტი უყრია.

„კარგი კაცი ჩანს, მაინც არ გამოგუ-  
ტყდები“, ფიქრობს სულხანი და

შრიფტს ისე დასცქერის, თითქოს ბრ-  
ველად დაენახოს.

მასპინძელი კი სათითაოდ იდგენდა  
ეებს და გამადიდებელი შუშით სინჯავს-  
სინათლეზე:

— ეს ვინი ყოფილა, ეს ხარი. ეს  
კიდევ კითხვის ნიშანია! ვეჟო, შენ არ-  
იცი, რომ ეს ტყვიისაა და ამას ციმბი-  
რის და სახრჩობელას სუნი უდის?

„ჰკვიანი კაცი ჩანს, მაგრამ ეგ შრი-  
ფტი საიდან სადაო, ნუთუ ჯიბიდან  
გადმომეფანტა“, ფიქრობს სულხანი.

— ვიცი, რომ არაფერს მეტყვი, არც  
გეკითხები, მაგრამ ერთი ეს მითხარი:  
ქუდის ყალბაში შრიფტი რამ ჩაგაყრე-  
ვინა. შევეკრავდი პატარა პარკში და  
ჩაივადებდი ჯიბეში.

მასპინძელი იცინის და განაგრძობს:

— ვეჟო, ქუდის ყალბაში მწყემსებ-  
მა ნემსისა და ძაფის შენახვა იცინა.  
სატრფოს წერილიც შეიძლება შეინახოს  
შიგ კაცმა. იქ ვერავინ იპოვნის.

სულხანმა საწერ მაგიდაზე თავისი  
ქუდი დაინახა.

მასპინძელი კი განაგრძობდა:

— შენ რომ დაგმალე, გარეთ გავი-  
ხედე, მიგზვდი, რომ ღობეზე გადმომხ-  
ტარიყავ, ჭირმკარი ხომ დაკეტილი მქონ-  
და. ჰოდა, ბალახებში ეგ შენი ქუდი  
ეგდო. ეს შრიფტებიც იქ ეყარა. უნდა  
იფრთხილო, ასე არ შეიძლება, ყმაწვი-  
ლო!

მართლაც, ეს როგორ დაემართა სულ-  
ხანს — საღამოთი, სტამბიდან გამოს-  
ვლის წინ იხარბა, ჯიბეებიც აივსო,  
ჩექმებშიც ჩაიყარა შრიფტი, ქუდის-  
ყალბაშიც. მაშ რა ექნა... საჩქარო იყო,  
ოთხი ფუთი შრიფტი იყო საჭირო საი-  
დუმლო სტამბის მოსაწყობად; სულხანს  
გარდა სხვა მუშებიც ეზიდებოდნენ, კო-  
მიტეტმა აუარებელი ხალხი ჩააბა ამ  
საქმეში და ისიც ერთი მათგანი იყო.  
სულ ცოტა-და აკლდათ და გულმა  
აღარ მოუთმინა, უფროსებიც აჩქარებ-  
დნენ და აპა, მოჩქარეს მოუგვიანდესო,  
კინალამ გაება მახეში. არა, ეჭვი არ  
მიუტანიათ მასზე, მაგრამ მადათოვის  
კუნძულზე პოლიციელებმა და კაზაკებ-  
მა გზა გადაკეტეს, ხალხი ალყაში მოა-

ქციეს და სათითაოდ ჩხრეკა დაუწყეს. მას კი ჯიბეებიც და უბეც საფეც ჰქონდა შრიფტით, ამიტომ გაუსხლტა ალყას, მაგრამ გამოჰყვენ და ძლიერ გამოაღწია თავი.

რა ბედზე გადააწყდა ამ სახლს!

მაგრამ სად უნახავს ეს კაცი? რატომ არ ახსენდება?

მასპინძელმა შრიფტზე რომ დაიწყო ლაპარაკი, სტუმარი მაშინვე მიხვდა — ეს კაცი სტამბის საქმეს კარგად იცნობს... მაგრამ მუშას არა ჰგავს. უუჰ, ახლა კი ვაახსენდა... „ივერიიდან“ ახსოვს — ამას პატარა ილიას ეძახოდნენ, დიდი ილიასაგან გასარჩევად. ესეც იქ იჯდა, იმ დღეს, სულხანმა გაზეთი რომ აუტანა დიდ ილიას... იჯდა და იღიმებოდა; იმ ღიმილით იცნო ახლაც სულხანმა. ორივენი გამოცვლილნი არიან, ძალიან გამოცვლილნი. ხუმრობა ხომ არ არის, ათი წელი გავიდა მას მერე. მასპინძელი მაშინ ჰაბუკი იყო, სულხანი კი — თორმეტი წლის ბიჭი.

— სადღაც შეგხვედრივართ ერთმანეთს, — დაიწყო სულხანმა.

— სად, ვეჟო? — ჰკითხა მასპინძელმა.

— „ივერიაში“ ვმუშაობდი, სტამბაში...

— ჰოო, ერთი ბუდიდან ვყოფილვართ. აბა გამახსენე!

სულხანი ჰყვება იმ სამახსოვრო დილის ამბებს. მასპინძელს სახე უნათდება ილიას ხსენებაზე, ეღიმება და ის ლამაზად ახსენდება, მზეში რომ ენთო „ივერიის“ რედაქტორს, აგონდება ის პატარა ბიჭიც...

— ახლა მეც გიცანი. დანარჩენს ვიცი არც შენ მეტყვი და აღარც მე გეითხავ... ვერა ფიგნერი გეცოდინება...

— ვიცით, — დაუქნია სულხანმა თავი.

— ჰოდა, ქენევაში თურმე ერთი ზომამზე მეტად აღტაცებული ქალიშვილი ჩააცვიდა — ძვირფასო ვერა ნიკოლოზის ასულო, მითხარით, როგორ ახერხებდით ასე ფარულად ბომბების დამზადებას, იმათ გადატან-გადმოტანასო. ფიგნერმა თურმე მკაცრი სახე მიიღო და ჰკითხა:

— კარგი, მაგრამ შეგიძლიათ რაიმე დუმლო შეინახოთ?

— რასაკვირველია, — უმაღლესად მარტოვანად რა ქალიშვილმა.

— მეც შემიძლია! — უბასუხა თურმე ფიგნერმა. ჰოდა, ვეჟო, მეც შემიძლია და შენც, მაგრამ ასე თუ სთესე ეს შრიფტი ქუჩაში, ფურცლების დაბეჭდვას რითღა აპირებ, ყმაწვილო!

ლამის ათი საათი იყო; უეცრად ჭიშკარს ვილაცამ ბრახუნი აუტეხა და მალე ხმაც მოისმა:

— ნათლიმამ, გააღე, მე ვარ.

— ვაჟა ჩამოსულა — წამოიძახა მასპინძელმა და სულხანს გულმა აჩქარებით დაუწყო ცემა, მიხვდა, რომ ახლა სახელოვან მგოსანს დინახავდა.

მასპინძელმა ჭიშკარი გააღო და ოთახში ვაჟა შემოვიდა. რაღაც შეხვეული ეჭირა, მასპინძელს გადასცა და უთხრა, არაგვზე რომ ჩამოვიარე, ეს ორაგული დავიჭირე და წამოვიღე, ვიცი, გიყვარსო. მასპინძლის სიხარულს საზღვარი არა ჰქონდა. მაშინვე ქვაბი შემოღდა ცეცხლზე.

— სტუმარი გყოლია!

— ჰო, კარგი ყმაწვილია, ჩვენიანია, „ივერიაში“ მუშაობდა.

ვაჟამ ხელი ჩამოართვა სულხანს, მერე მასპინძელსა ჰკითხა: — ბალები, ნათლიდედა, სად არიან!

— სოფელში გავგზავნეო, — უბასუხა პატარა ილიამ.

მასპინძელი თან თევზსა ხარშავდა და თან სუფრას აწყობდა.

— შენც მოგიწვიეს, პაპავე!

— ჰო, აღარ გამომიშვეს...

— მერე, მერე... სუფრასთან რაზე ლაპარაკობდით, აღარ გახსოვს?

— როგორ, არ მახსოვს. ვაჟა უყვებოდა მასპინძელს, ყინვალთან ერთი ფშაველი შემხვდაო, თურმე „ზახტრონი“ წაეკითხა და ყელგადაგდებით მეხვეწებოდა, თითქოს შეკაზმულ ცხენსა

---

გიორგი ნატროშვილი

თეთრი ხნული



მთხოვდა საჩუქრად, მეხვეწებოდა, მე-  
კითხებოდა, ვაჟავ, თუ ღმერთი გწამს,  
ნუ დამიშალავ, სწორედა თქვი, საქარ-  
თველოს თავისუფლებას არა ჰგულის-  
ხმობ, „ბახტრიონში“ რომ ამბობ, ეღირ-  
სებაო ლუხუმსა ლაშარის გორზე შად-  
გომა?

— რა უბასუხე? — ჩაჰკითხა მასპინ-  
ძელმა.

— იქნება ვგულისხმობდე-მეთქი.  
„სწორედ საქართველოს თავისუფლება-  
ზეა ნათქვამიო“, დაიჟინა ფშაველმა და  
თხუთმეტი ათასი მჭევრმეტყველი პრო-  
ფესორი რომ მოგეყვანათ, იმას ამ  
რწმუნებს, აზრს ვერ გამოუცვლიდნენ.

— კიდევ რა ილაპარაკებს, პაპიკო?

— კიდევ? — იხსენებს მოხუცი, —  
ჰო, თევზელზე ლაპარაკობდნენ, მას-  
პინძელმა განჯინიდან ზურგიელი გად-  
მოიღო, სუფრას მიუმატა, ისეთ სიფრი-  
ფანა ნაჭრებად დაჭრა, სინათლე გავი-  
დოდა შიგ — აგრე უფრო გემრიელი-  
აო... მერე ვიღაც ნაცნობს დასცინოდა—

ჭიბა და წელა თევზები ჰკონებია მე  
ვუთხარი, ვეჟო, ეგ თევზის ვიშები კი  
არა, ნაჭრებია-მეთქი... ვაჟაც გულისხმობდა  
იცინოდა.

— კარგა ხანს შეეყვიეთ. ხვანჭკარა  
ჰქონდა მასპინძელს, რაჭიდან ჩამოტა-  
ნილი. იმის მერე ნაცნობობა აღარ გაგ-  
ვიწყებთია, ბოლო ხანამდე რედაქციებ-  
ში მუშაობდა.

— ვაჟა იმის მერე აღარ გინახავს?

— საიდანღა ვნახავდი. სულ ცოტა  
ხანში მაინც მტაცეს ხელი და ციმიბირში  
მიკრეს თავი. ისევ შრიფტმა დამლუბა.  
ტყუილად კი არ მითხრა მაშინ იმ და-  
ლოცვილმა (პატარა ილიაზე გეუბნე-  
ბი) — ვეჟო, მაგ ტყვიას ციმიბირის სუ-  
ნი უდისო. აკი მართლაც აგრე მოხდა!  
მაგრამ იქიდან სულ მალე გამოვიქეცი,  
ჩამოვედი და ის იყო, დაიწყო ომი...  
ჩამაცვეს მაზარა და ჰაიდა ფრონტი-  
საკენ. საქართველოში რომ დავბრუნდი,  
ვაჟა ცოცხალი აღარ იყო.

## იცნი, მძინა ვარ?

პაპა ყველაზე ძალიან მაშინ მოიწ-  
ყენს ხოლმე, როცა ჯუნი შინ არ არის.  
მაშინ ყველა მხრიდან შემოგსევინან,  
მწარედ მოაწყდებიან ფიქრები, მშვე-  
ლელი კი არსაიდან ჩანს.

აწრიალდება მოხუცი, გულს ვედარა-  
ფრის დაუღებს, მერე ჰაიპარად ისაუ-  
ზმებს და გარეთ გამოდის.

შინაურებმა იციან, სადაც მიდის...

შინაურებმაო? სახლის კუთხეში, მო-  
სახვევთან, ფარდულში ბიჭი ბორჯომის  
წყალს რომ ჰყიდის, იმანაც კი იცის,  
სად მიდის მოხუცი; გაზეთის კიოსკში  
რომ ცალფეხა კაცი მუშაობს — იმანაც  
იცის; მთელმა ქუჩამ იცის, რომ სტამ-  
ბაში მიდის ასოთამწყობი, თუმცა თა-  
ვისი დაზვა აღარ ელოდება, სამსახურ-  
ში მიდის დირექტორი, თუმცა აღარა-  
ვითარი სტამბა არ აბარია.

ეთქმოდა კი ამას სამსახური? ეს  
ოჯახი იყო მისი, კერა იყო და აბა  
კერას როგორ მოსწყდები! მივა, ჩამო-

ივლის იქაურობას, და სიხარულით შეჰ-  
ხვდებიან ყველანი. უთამამდებიან, ეხუმ-  
რებიან, ყველაზე ძალიან კი მისი დანა-  
ხვა თენგიზს უხარიან, საამკინძაო საამ-  
ქროს უფროსს. სულხანსაც გაეღიშება  
და იცის თენგიზმა — ერთი ძველი ამბა-  
ვი გაახსენდება ხოლმე მოხუცს...

სულხანი მაშინ ჯერ ისევ დირექტო-  
რი იყო.

იმ დილით ადრე, სტამბაში რომ მო-  
ვიდა, სამინისტროში გამოიძახეს. ცოტა  
არ იყოს, გააკვირვა უცნობი ქალიშვი-  
ლის სიტყვებმა, ტელეფონით რომ ელა-  
პარაკებოდა: „ყველაფერს თავი დაანე-  
ბეთ და რაც შეიძლება სწრაფად წამო-  
დით“.

ათი წუთის შემდეგ უკვე მთავრობის  
სასახლის კიბეზე ადიოდა. შევიდა თუ  
არა მისაღებ ოთახში, მდივანმა ქალი-

შვილმა ტელეფონის მილი სწრაფად დადო, წამოხტა და სულხანს უთხრა:

— ამ წუთში ისევ თქვენთან ვრეკავდით! — და კარზე უჩვენა — მიბრძანდით, თქვენ უკვე გელიან!

„რა მოხდა ასეთი?! — ისევ გაუელვა ფიქრმა და კარი შეაღო. კაბინეტში, მინისტრის გარდა, ორი ნაცნობი პროფესორი დაინახა. სულხანის დანახვამ მინისტრი წამოდგა და შესახვედრად გაემართა. ხელი რომ ჩამოართვა და სკამზე ანიშნა, ისევ თავის ადგილზე დაბრუნდა, მაგიდას ხელი რამდენჯერმე მოუთათუნა და სულხანს უთხრა:

— ვიდრე ჩვენს გასაჭირს გეტყვოდე, ჯერ ამას შემოხედე!

სულხანმა ახლალა შენიშნა — მაგიდაზე ვეება ხელნაწერი იდო და გამოცდილმა თვალმა არ მოატყუა — დედანი იყო, სასტამბოდ გამზადებული რაღაც წიგნის დედანი, მაგრამ გასაჭირი რა შუაში იყო და ამ საქმეს ამდენი აურზაური რატომ უნდოდა. ალბათ ამათია, ამ პროფესორებისა, მოეტანათ ამ დალოცვილებს სტამბაში, მიიღებდნენ შეკვეთას, და მორჩა...

მინისტრი კი განანგრძობდა:

— წაიკითხავდით გაზეთებში, სტოკპოლში ენათმეცნიერთა საერთაშორისო კონგრესი ეწყობა. თანაც გაიხსნება დიდი გამოფენა, რომელზეც მსოფლიოს ყველა ხალხის ანბანი იქნება წარმოდგენილი.

მინისტრი ერთ წუთს შეჩერდა, და პროფესორმა ამით ისარგებლო, ჩამოთვლა დაიწყო:

— შუმერთა ლურსმული, სპარსული ჭანგური, იაპონური კატაკანა, არაბული ნეში, რუსული კირილიცა, ებრაელთა კვადრატული...

ალბათ კიდევ დიდხანს გააგრძელებდა, მაგრამ მინისტრს ოდნავ შესამჩნევად გაეღიმა და პროფესორი მიხვდა, ახლა ამ ჩამოთვლის დრო არ იყო. უცებ გაჩუმდა. მინისტრი მხიარული და ხალისიანი კაცი იყო და იმ ჩამოთვლამაც უცებ კარგ ხასიათზე დააყენა. და ახლა სულხანს ჰკითხა:

— ჩვენ რა ვქნათ? არ წავიდოთ

ჩვენი ქართული ანბანი? — და თან პროფესორს გადახედა.

— მე მეკითხებით? — გაიცინა სულხანმა.

— ხომ გითხარი, გასაჭირში ვართ-მეთქი. ყველაფერი მზად არის, მოხსენებათა ტექსტებიც გაგზავნილია, ანოტაცია-თეზისებიც. მაგრამ ერთი რამ დროზე არ გვაცნობეს და აი, ეს წიგნი... სულ ბოლო დღეებშილა გადაწყდა მისი გამოცემა. არა და უამისობა არ იქნება. აქ, — დაადო ხელი დედანს, — ოცდახუთი თაბახია. თქვენ ძველი მესტამზე ხართ: მითხარით, ყველაზე უმოკლესი დრო, რაც მის გამოცემას დასჭირდება, ყველაზე უმოკლესი, უუმოკლესი. — მინისტრი ახლა უკვე დელავდა, — რამდენი დრო გინდათ?

სულხანი რატომღაც წამოდგა, ხელთნაწერს გადასწვდა, თითქოს უნდა მოსინჯოს, მოვერევი თუ ვერაო, გადაშალა, მერე აიღო თავი და თქვა:

— ოცდაოთხი საათი.

— რამდენი? — ყურს არ დაუჯერა მინისტრმა.

— ოცდაოთხი, მეთქი.

— შენ ავაშენა ღმერთმა! — ისევ წამოიძახა მინისტრმა, თითქოს მორევში ხელი მიაწვდინეს და ნაპირისკენ გამოსწიესო, — წამოდგა და სულხანს მაგრად ჩამოართვა ხელი, — აღარ ვიცოდი რა მექნა. ხვალ ორ საათზე დელეგაცია მიფრინავს.

— წიგნებს მე თვითონ გავიტან აეროდრომზე.

— არ იჩქაროთ-მეთქი, ვერ გეტყვით. მაგრამ ახსნა, მე მგონი, არ დაგჭირდებათ, თუ როგორი გამოცემული უნდა იყოს წიგნი. ხომ გითხარი, სად მიდის...

— გასაგებია. ისეთი ბიჭები მყავს. ცეცხლს წაიკიდებენ ხელებში.

და უცებ გაჩუმდა. დახეთ, ისევ ხმა-მალლა წამოსცდა ეს სიტყვები. ასე ჰგონია, აგერ ახლა გამოვიდა მინისტრის კაბინეტიდან, ფიქრით ისევ იქ

---

გიორგი ნატროშვილი

თეთრი ხნული

არის, სხვა აღარაფერი ახსოვს, ველარაფერს ხედავს...

რა ამბავი იყო იმ დღეს სტამბაში! ჩაკეტეს ყველა კარი და გამოაცხადეს განგაში. სულ გადაირიენ ეს ბიჭები, ყველა აზარტმა და კიდევ სიამაყემ აიტანა — როცა გაჭირდა, ჩვენ გაგვიხსენესო.

ახლა კორექტურის სწორების დრო არ არის, მაშასადამე, უშეცდომოდ უნდა აიწყოს. ლინოტიპებთან ყველაზე საუკეთესო ოსტატები დასხდნენ, თვითონ სულხანმაც ის იყო დაიკაპიწა ხელები და პირველ მანქანას მიუჯდა, როცა საამკინძაოდან თენგიზი ამოვარდა; წარმოსადგვი ბიჭი იყო, ღონიერი ჩანდა, უდარდელი და თამამი გამოხედვა ჰქონდა.

— ძია სულხან! — კარებშივე დაიყვირა ბიჭმა.

— რა გინდა, ბიჭო? — გაეძრახა დირექტორი.

— იცი, ძია სულხან, რა ვიფიქრე? ერთი მითხარი, მე აწყობასა და დაბეჭდვას რად უნდა მოვუცადო?

— მაშ, რას იზამ?

— რასა და ყდებს წინასწარ გავამზადებ. თორემ ისე ვერ მოვასწრებთ და შევრცხვებით. აი, მაკეტი უკვე გავაკეთე!

სულხანმა შუბლი შეიჭმუხნა:

— შეგეშლება, ბიჭო, ლედერინსაც გააფუჭებ, მუყაოსაცა და ფოლგასაც. მთელი ტირაჟი გადასაყრელი გახდება. გემის, რამოდენა ზარალი იქნება?

თენგიზმა ეშმაკურად მოჭუტა თვალები:

— ძია სულხან! აქამდე არ იცი, მე ვინ ვარ?

— ვინ მიგდინხარ ასეთი, შე ლაწირაკო!

— მე ვარ მაგ საქმის პროფესორი, აკადემიკოსი და კიდევ რას ეძახიან, რესპუბლიკის დამსახურებული არტისტი. მილიმეტრი არ შემიშლება.

„რისკზე მიდის, — გაიფიქრა დირექტორმა, — დაე, წავიდეს!“

— წადი, დაიწყე! — უთხრა თუ არა, ბიჭი ტყვიასავით გავარდა საამქროდან.

იმ დამეს თვალი არავის მოსუტყვეს. მეორე დღეს, თვითმფრინავის აფრენამდე კიდევ ერთი საათი იყო დარჩენილი, როცა წიგნებით დატვირთული მანქანა აეროდრომს. მიადგა.

დღის ბოლო იყო. სულხანი საამკინძაო საამქროში ჩავიდა. უძილობით გატანჯული, დამენათევი თენგიზი ნამთვრალევივით ბარბაცებდა. დირექტორმა გაიცინა და უთხრა:

— რა გემართება, ბიჭო! რა წიწილასავით გწყდება კისერი.

ცოტა ხანს შეჩერდა, თითქოს რაღაც უნდა გადაეწყვიტა, — იცი, თენგიზ, ერთი რამ ჩავიფიქრე. შენ ახლა აარჩიე კარგი ეგზემპლარები და ჩემთან ამოიტა. სამინისტროში წავიღებ და შენც უნდა წამოყვე.

ნაცნობ კაბინეტში რომ შევიდნენ, მინისტრმა დიდხანს ატრიალა წიგნი ხელში, ხან შორიდან დაჰხედა, ხან ახლოდან და მერე თქვა:

— უნდა გამოგიტყდეთ, არ მეგონა თუ მოასწრებდით. ისიც ასე შნოიანად.

— რა დასამალია, მეც მეშინოდა მაგრამ...

სულხანი შეეყოყმანდა და სიტყვა შუაზე გაწყვიტა.

— თქვი კაცო. — შეაქეზა მინისტრმა.

— რა ვიცი, კვებნაში არ ჩამომართვათ.

— არ ჩამოგართმევთ.

— ნუ ჩამომართმევთ და რასაც ვიტყვი, ნურც ჩემზე იგულისხმებთ.

— აგრე იყოს, რათ გინდა ამდენი ბოლიშები?! — გაიცინა მინისტრმა.

— მაშ, გეტყვით. პატარაობაში, სოფელში გამიგონია — ქართველი კაცი ნიკორა კამეჩივით არისო. როცა ნიკორა წამოუჩოქებს, გათავდა, ან უღელი უნდა გატყდეს, ან მძიმე ტვირთი, მთაც რომ იყოს, უნდა დაძრას და გაიტანოს.



თოდონდ უღელმა გაუძლოს და ნიკორას მუხლი არ გატყდება.

— კარგი ნათქვამია! — მოეწონა მინისტრს.

— წილანაც გითხარი, ჩემზე ნუ იგულისხმებთ—მეთქი. აი, ეს ბიჭი იმიტომ წამოვიყვანი. მინდოდა მეჩვენებინა, ეს რომ არა, იქნებ ვერც მოგვესწრო.

გულლია კაცი იყო მინისტრი, მიმხვედრი, მოყვარული და გულში ჩამწვდენი. შეჰხედა თენგიზს და თქვა:

— მაშ, ეს არის შენი ნიკორა! კარგად წამოუჩოქე, ბიჭო! — და მერე ისევ სულხანს მიუბრუნდა:

— რა ხელობის კაცია?

— მომგარაყებელია, მეექვსე თანრიგი აქვს. ჩვენ რომ აწყობა დავამთავრეთ, მაგაც ყდა უკვე მზადა ჰქონდა. ერთი-ორად მოიგო დრო.

მინისტრმა კიდევ ერთხელ შეათვალიერა ჭაბუკი. უნდოდა მოჰფერებოდა და ვერ მოეხერხებინა, მერე უცებ ჰკითხა:

— არაფერი გიჭირს, ბიჭო?

— არაფერი, ბატონო!

სულხანმა კალთაზე ჩამოსწია, მინისტრმა შენიშნა ეს და შეჰხედა, მეც გამაგებინეთ, რაშია საქმეო. სულხანმა ველარ მოითმინა.

— ერთი ამ გლაბა ამპარტავანს დამიხედეთ. ბიჭო, იქ, მე რომ წამჭამე თავი, აქ რას გაჩუმებულხარ. სათხოვარი აქ უნდა ითხოვო,—მერე მინისტრს მიუბრუნდა, — ბინა არა აქვს და განა ამოიღებს ხმას?

ბიჭმა უხერხულად ჩაღუნა თავი. მინისტრმა ჩაიციხა, რაღაც ჩაინიშნა ქალღღებ და თენგიზს მიუბრუნდა:

— ცოლ-შვილი გყავს?

— საცოლე მყავს, ბატონო!

— აბა დანარჩენი ჩვენზე იყოს. სწორედ რომ ბედზე მოასწარი... გუშინ ჩავიბარეთ ახალი სახლი ვაჟა-ფშაველას პრესპექტზე. ერთი ბინა შენი იყოს, ალალია. სხვა ხომ არაფერი გიჭირს, ბიჭო?

— არა, ბატონო! მადლობელი ვარ, დამასახლეთ კაცი!

— მეც შენი მადლობელი ვარ, ჩემო

თენგიზ. მაშ, გვეცოდინება, გაჭირვებაში ჩვენ შენთან მოვალთ, ჩვენცენ გამოსწიე.

— აგრე იყოს.

ასე ასახელა თენგიზმა ძია სულხანი, მაგრამ მერე, იმ ბიჭმა ისეთი ოინი გააკეთა, საკოცნელი ლოყა ლამის საფურთხებლად გაიხადა.

ერთი თვეც არ იყო გასული იმ ამბიდან, დირექტორის კაბინეტში ნაცნობი მწერალი შემოვიდა, თავისი ახალი წიგნი შემოიტანა, იქვე გადაშალა, მადლობის სიტყვები დააწერა და დირექტორს უთხრა:

— ძალიან მომეწონა. აღარ ვიცი როგორ გადაგიხადოთ მადლობა... აი, მომირთმევია ეს წიგნი.

სულხანმა დაჰხედა წიგნს და სახტად დარჩა: მადლობას ეუბნებიან და რაზე—უარი რომ უთხრა, ვერ გაგაკეთებთო, მასალა არა გვაქვსო, და მართლაც არა ჰქონდათ. ახლა კი აგერ, ხელში უჭირავს ამ კაცს ეს წიგნი, შნოიანად ამოტიფრული. სულხანმა სტუმართან არაფერი შეიმჩნია, მადლობის პასუხად რაღაც წაიღულღულა და როგორც კი მწერალი წავიდა, წიგნს ხელი დასტაცა და საამკინძაოსკენ გასწია.

შესვენება იყო, სადილობის დრო. საამქრო ცარიელი იყო. შორს, ბოლოში სულხანმა უფროსი ოსტატი დაინახა, დირექტორი იმანაც შეამჩნია და წამოდგა.

— ავტორმა დიდი მადლობა მითხრა, — წყნარად დაიწყო სულხანმა, — კარგად გაგიკეთებიათო. ჰო, მართლა, ერთი რამ უნდა მეკითხა შენთვის, სოსო: ეს ფოლგა, საწყობში რომ აღარა გქონდა, საიდან გააჩინეთ, კაცო?

სოსომ მხრები აიჩჩია:

— მე საიდან უნდა გამეჩინა? თენგიზასია, ლაფანიძისა.

— თენგიზასია?

— ჰო, იმისია. აგერ, იქ უწყევია, თავისი დაზვის უკან.

გიორგი ნატროშვილი  
თეთრი ხნული

დირექტორმა დაზგის უკან შეიხედა, გრძელი, თეთრი ქალღიმი ეფარა რა-ღაცას — გადასწია, ხელითაც მოსინჯა ფოლგა — პირველი ხარისხის მასალა იყო, ყველა ფერისა — თეთრი, ლურჯი, იისფერი, ოქროსფერი...

მუხლებზე ჩაკეცილმა დირექტორმა ისე ამოჰხედა უფროს ოსტატს, რომ ის უხერხულად შეიშმუშნა, თითქოს ახლა-ღა მიხვდა რაღაცას.

მიხვდა და თავის მართლება დაიწყო.

— ეშმაკმა იცის მაგ ბიჭის თავი. აღარაფერს არ მიგონებს. სიტყვა ვერ შემიდრახავს, დიდი ვინმე ჰგონია თავისი თავი. ისე აურია აქაურობა... აივსო მოთმინების ფიალა.

სულხანი ჩაფიქრებული უსმენდა. საამქროს უფროსი კი განაგრძობდა:

— თქვენც ძალიან ათამამებთ, სულხან! თქვენი იმედი აქვს და მე კი არაფრად მაგდებს.

— კარგი, კარგი! თენგიზა რომ მობრუნდეს, ჩემთან გამოგზავნე.

და საამქროდან ჩქარი ნაბიჯით გავიდა.

მალე კაბინეტის კარი თენგიზმა შემოაღო, ნირწამხდარივით გაუღიმა დირექტორს და კართანვე გაჩერდა.

— ჩაკეტე კარი და მოდი აქ, დაჯექი! — უთხრა სულხანმა.

ბიჭს ეტყობოდა, შეშფოთებული იყო, მაგრამ ცდილობდა არ დაემჩნია. ეტყობა, რაღაც უკვე უთხრა უფროსმა ოსტატმა; მან ნაძალადევად გაიღიმა და დირექტორს უთხრა:

— მარტონი უნდა ვიყენეთ, არა? ცემას ხომ არ მიპირებ, ძია სულხან!

სულხანმა წარბი არ გაუხსნა და არც მის ღიმილს უპასუხა.

— დაჯექი-მეთქი. ბიჭი დაჯდა.

— აბა, ახლა პირდაპირ მითხარი, თენგიზ, ფოლგა სად იშოვნე?

— ფოლგა? — ისე ჩაჰკითხა ბიჭმა, თითქოს ამ კითხვას არ ელოდაო, — ჩემი იყო, ძია სულხან, ჩემი. დედას გეფიცები, ყველამ იცის. არცა ვმაღაუდო.

— ვიცი, რომ არ მაღაუდო, მცხავენახე, სადაც გიწყვია. მაგრამ რასაც გეკითხები, შენ იმაზე მიპასუხე მოგცა, სად იშოვნე?

— თქვენი არ არის, ბატონო! აბა, შედით საწყობში. აღრიცხული ხომ გაქვთ? ფურცელ-ფურცელ დათვლილი გაქვთ ყველაფერი! ნახეთ, გაკლიათ რამე? არაფერი? მაშ, რა გინდათ ჩემგან?

ბიჭი უკვე დეღაფდა.

— როგორ თუ რა მინდა, ბიჭო? საკოსტუმე ნაჭერი ხომ არ არის ეგ საოხრე და სატიალე. მაშინ ვიტყოდი, მაღაზიაში იყიდა-მეთქი! ფოლგა სად უნდა გეშოვნა, სად?

— ძია სულხან, სხვამ თუ არა, შენ ხომ იცი საიდან მექნება? ხომ იცი, რომ მოპარული არ არის! მილიმეტრობითა მაქვს გადარჩენილი, და თანაც, — ბიჭს თვალეები აუციმციმიდა, — ოსტატის ხელში ეგ ტიალი ცოტა გაიწილე-ბა ხოლმე. წუნი ხომ კანონით არის დაშვებული. მე კი...

— დამიწყო კანონებით ლაპარაკი, — გააწყვეტინა დირექტორმა, — ეგეც არ იყოს, როდისა გეჭონდა ჩვენ როსტოვის ფოლგა? საიდან მოიტანე?

ბიჭმა ჯიუტად ჩაღუნა თავი.

— თენგიზ, გირჩევნია ყველაფერი მითხრა. სად იშოვნე როსტოვის ფოლგა?

— ბაქოდან ჩამოვიტანე.

— ყოჩაღ, ბიჭო! კარგა შორს გაგიშლია ფრთა! გზაში იყიდიდი, აღსტაფის სადგურზე, თათრის ქალებს გამოაქვთ იქ, ქიშიში-ლაბლაბოსთან ერთად! — გაუტრიაზა სიტყვა დირექტორმა.

— არა, ძია სულხან, ერთი ძმაკაცი მყავს ბაქოში, გახსოვს, მოსკოვში პრაქტიკაზე რომ გამგზავნე, ისიც იქ იყო. იქ გავიცანი და იმის მერე მისვლამოსვლა გვაქვს ერთმანეთში. ამ გაზაფხულზე ქინძმარული ჩავუტანე. ისე გაუხარდა, აიღო და ეგ ფოლგა მაჩუქა. განა იმას კი მოპარული ჰქონდა? იმასაც, ჩემი არ იყოს, მილიმეტრობითა ჰქონდა დაზოგილი. პოდა, აიღო და აბა, მიჩუქნიაო!

— იმ კისერმოსატებს, იმასაც სხვა რამ ეჩუქებინა! იქ ნაბდებსა სთელავენ კარგს, ფაფახებსა ჰკერავენ. ფოლგა რა გასაჩუქებელი იყო, კაცო!

ბიჭი უკვე შემოთოებული იყო, და მინც ჯიუტობდა.

— რას დაეძებთ, ძია სულხან! წარმოებას არაფერი უზარაღნია. ჩემია, მინდა წყალში გადავყრი, მინდა საქმეში მოვიხმარ.

— როგორ თუ რას დავეძებ, კაცო!— ახლა კი უნებურად აუწია ხმას სულხანმა, — როგორ თუ რას დავეძებ! რას აიტეხე ეს ჩემია და ჩემია. შენი კი არა, სახელმწიფოსია. კერძო სახელოსნო გამიხსნა ამ ლაწირაკმა! იქნებ მარტო ვეღარ აუღიხარ შეკვეთებს, მუშახელიც ხომ არ გინდა წაგახმარო?

ბიჭი თავჩაქინდრული და გაჩუმებული იყო. დროდადრო ჯიუტად გამოჰხედავდა ხოლმე დირექტორს და ხმას აღარ იღებდა, სულხანმა პაპიროსი მოძებნა, მოუკიდა და წამოდგა, ფანჯარას გაჰხედა. გარეთ ხმაურობდა ქუჩა, მდინარესავით მოდიოდა ხალხი, ის კი ვერავისა ჰხედავდა.

მობრუნდა, ბიჭი ისევ თავჩაღუნული იჯდა; მერე აიხედა და ძლივს ამოთქვა, ხმა ერთხელ ჩაუწყდა კიდეც:

— მომხსენით, ძია სულხან! მეტი რა გქნა?

— მე თვითონ ვარ მოსახსენელი, რომ ახლა პროკურორის არ ვურჩევ. მაგრამ დედაშენი მეცოდება და არც შენი წახედენა მინდა.

უცებ ხმა გაეზარა:

— არა გრცხვენინან, ბიჭო. ოქროს ხელის პატრონი ხარ, როდის უნდა მოხვიდე შკაუზე, როდის? — ქოჩორზე ხელი მოჰკიდა, — მითხარი?

— მომკალი, ძია სულხან!

— კარგი, მიპატიებია, დაე, მე მომიკითხონ. ადექი ახლა, წადი, გამოუყენებელი ფოლგა ხელწერილით ჩააბარე საწყობის გამგეს. და გათავდა. ამაზე სიტყვა აღარავინ დაძრას. დანარჩენი შენს სინდისზე მომიგდია.

ბიჭი წამოდგა, მაგრამ ფეხი ვეღარ გადადგა წინ. გული რაღაც უჩვეულოდ

უთრთოდა, უნდოდა მოჰფერებოდა ამ კაცს, რაღაც კარგი ეთქვა, იმიტომ კი არა, რომ აპატია, არამედ იმიტომ, რომ ასეთი გული ჰქონდა და თითონ კი, მისამვე გაზრდილმა, ამდენი საწყენი შეახვედრა.

— წადი-მეთქი, — თითქო გულში ჩახედო სულხანმა ბიჭს, — წადი, მიჰხედე საქმეს.

და უკვე კართან მისულს გადადგნა სიტყვა:

— გამომიჩნდა მეორე რამზეი ბონელო!

თენგიზმა გაკვირვებით მოხედა. იმან არ იცოდა, ვინ იყო რამზეი და რა საერთო ჰქონდა მის ფოლგასთან.

სიტყვა აღარავინ დაძრასო, თქვა მან სულხანმა, მართლაც სამუდამოდ დავიწყებას მიეცემოდა ეს ამბავი, ის კრება რომ არა...

არ ეგონა სულხანს, რომ ამ ვეება ოჯახში ვინმე უკმაყოფილო ჰყავდა, ამიტომ ყველაფერი ის, რაც აქ ხდებოდა, მოულოდნელი იყო.

საქარხნო კომიტეტის თავმჯდომარემ ძალზე ჩვეულებრივი მოხსენება წაიკითხა: გეგმას ამდენი პროცენტით გადავაჭარბეთ, ამდენი საგზური გავეციოთ, ესა და ეს ფილმები კოლექტიურად ვნახეთ, ყინწვისში და ატენში ექსკურსიები მოვაწყეთ, მიჰყვა, მოჰყვა და ბოლოს დაასკვნა, რომ ყველაფერი კარგად იყო.

„სიტყვა ვისა გაქვთო,“ — იკითხა კრების თავმჯდომარემ. პირველად ერთი მკვეცავი გამოვიდა. ეტყობოდა, ვიღაცის მიერ შეგულიანებული იყო და სათქმელს აღვილად ვერ მოაბა თავი, მერე კი ლაპარაკის ეშხში შევიდა და რა არ ათქმევინა ენას. სულხანი გაკვირვებული უსმენდა. სწორედ მას უტევდა ოოატორი — ბატონივით იქცევაო, — ამბობდა. მოძებნა იმანაც ბატონი. საბუთი არ უნდა, ისე ვინ დაგიჯერებს. მოიცა, ავერ საბუთებიც მოჰყავს: ერთს

გიორგი ნატროშვილი  
თეთრი ხნული



რომ იალტისა და მახინჯაურის სანატორიუმებში ჰგზავნის, მე ბორჯომის პლატოს დასასვენებელი სახლის საგზური მომიგდესო, აქ ყველა თანასწორნი ვართ, ჩვენში გარჩევა რად უნდა იყოს? რაო, ისინი აზნაურები არიან და მე არაო? აიღებს ხოლმე და წარმოების ფონდიდან უფასო საგზურს იმას აძლევს, ვინც თვალში მოუვაო.

— რას მიედ-მოედები, ძია სულხან-ზე მაგას კაცი იტყვიო? — წამოიძახა ვილაქამ წინა რიგებიდან.

ეს ვინდა გამოდის, ჰო, ეს თინაა, სალინოტიპოში მუშაობს, „შენ რადა გინდა გოგო“, გასძახა ბიჭმა, სულ წინა რიგში რომ იჯდა. ის კი მიდის ტრიბუნისაკენ, ისე მიდის, ეტყობა გრძნობს, რომ უტყვერიან და მერე თამამად იწყებს:

— მე ძალიან გამაკვირვა წინა ორატორის გამოსვლამ. აქ არც აზნაურები არიან და არც გლეხები. არიან ზარმაცები და ბეჯითები. ერთის ნახელავი წიგნი ხელში არ აიღება, მეორისა — მსოფლიო გამოფენაზე შეიძლება გაიტანო. თვითონ წიგნებმა კარგად იციან ლაპარაკი — საიდუმლოს არ ინახავენ, მაშინვე იტყვიან ხოლმე — მე ფინანსმა გამაკეთა, უხეირომ და ზარმაცმა, ჩემი ბრალი არ არის, ასეთი შეუხედავი რომ ვარო. გუშინ მაგათ საამქროში შევედი. ტკუას დაპკარგავს ადამიანი, მაგათ წუნს რომ ნახავს. ავიღე წიგნი, გადაფურცლე, თექვსმეტი გვერდის მერე წიგნი ყირაზე დადგა, სწორედ ისე, როგორც ზარმაც გიგოს ზღაპარშია, უკუღმა რომ ეჭირა წიგნი და თხა რომ დაეტაკა. მერე მეორე ავიღე, ერთი გვერდი თეთრი ჰქონდა, მეორე დაბეჭდილი.

დარბაზში სიცილი ატყდა. მომდევნო ორატორმა ორანზროვანი და გადაკრული ლაპარაკი დაიწყო:

— აქ ზოგიერთი პრანჭიები გამოდიან და არ იციან, რას მიედ-მოედებიან. დიდი ამბავი, წუნდებული წიგნები უნახავს. რა მოხდა, დაიქვა ქვეყანა... ერთი აღილუია დიაკვანსაც შეეშლებაო, ნათქვამია. აქ იმაზეა ლაპარაკი, ხალხში გარჩევა ნუ არისო. ეგაც არ იყოს.

რაო, თენგიზა ცუდი ოსტატია? დიოქტორმა კინლამ შეიკლა ბიჭი ხელში. ჩემი თვალთა ვნახე, ამხელა მსახურმა ბალღივით ატირებული გამოვიდა მაგისი კაბინეტიდან.

გაოცებულმა სულხანმა თვალებით დაუწყო ძებნა ბიჭს და ის იყო თენგიზიც, სადღაც, შუა რიგებში წამოხტა და ორატორს გასძახა:

— ჩემი ვეჭილობა შენ ვინ დაგავალა?

— შენს მეტი ვინ დაავალებდა, შე უმადურო შენა, — გასძახა ხანში შესულმა დამლაგებელმა ქალმა, — გაგზარდა, მამობა გაგიწია და დახეთ, კარგად არ გადაუხადე!

— შენც ავრე ჰფიქრობ, მაგდანაძალო! — ბიჭმა საცოდავად მიმოიხედა აქეთ-იქით და თავმჯდომარეს გასძახა: — სიტყვა მომეცი, სიტყვა-მეთქი...

— მოიცა, ამხანაგო! აგერ ჩავწერ და...

— მომეცი-მეთქი სიტყვა.

ბიჭი პირდაპირ წამოვიდა ტრიბუნისაკენ, თავმჯდომარეს ქალადღში აღარც ჩაუხედავს, ისე გამოაცხადა მისი გვარი.

— საკუთარ სიგლაზე ღიპარაკი ვის ეხალისება, — დაიწყო თენგიზმა, — ჰოდა, არც მე მინდოდა, მაგრამ აქ ისეთი რაშე თქვეს... მე თუ ახლა ადამიანი ვარ, თუ კაცი მქვიან, ეს ძია სულხანის კეთილი გულის გამო არის. მე ფეხი აქ ავიდგი და აქ გავიზარდე, ჩემი ოჯახიც აქ არის, ნულარ გამახსენებთ, ცუდი რაშე ჩავიგებდი, არ ვიყავ საპატიებელი, მაგრამ მამატია, ხელი შემეშველა... ტიროდაო, იძახი... მე მაშინ პირველად გავიგე, მადლი და სიკეთე რომ ყოფილა ქვეყანაზე... მე, მე, რა ვიცი, ეგ სიკეთე რით გადავუხადო...

— კარგი ბიჭი ჰყოფილხარ, შვილო! — წამოიძახა ისევ იმ ხანში შესულმა ქალმა, — ყოჩაღ, ბიჭო!

თენგიზმა შუაზე გაწყვიტა სიტყვა, ისე დატოვა ტრიბუნა. ბურანში იყო, აღარა ესმოდა-რა.

აბა, მაშინ დაიწყო ნამდვილი ლაპარაკი, უფროსები—ძმებრივით და უმცროსები შვილებრივით დაუდგნენ მხარში თავიანთ მოთავეს.



სიზმრებში პაპა ისევ ჯეელი ხდებოდა, ისევ მხნე და ღონიერი იყო და ახსოვდა, რომ დილით ადრე უნდა წასულიყო, ათასი საქმე ელოდა. ამ ვეება წარმოებაში ხან სად გამოჩნდებოდა მარცხი და ხან სად, ყველგან მისი თვალი იყო საჭირო. მაგრამ გაეღვიძებოდა და მაშინ გაახსენდებოდა, რომ აღარსად არ იყო წასასვლელი და დღე თავისუფალი ჰქონდა.

არ უხაროდა ამნაირი თავისუფლება.

და ახლა-ღა ხედებოდა, რომ ისევ ისა სჯობნებია — ის ტანჯვა, წვალება, ჩხუბი, გაუთავებელი მღელვარება; ისევ ისა სჯობნებია, როცა ქანცგაწყვეტილი, დაღლილი და თავშებურებული ინატრებდა ხოლმე — ნეტავ ერთი მომასვენა, ნეტავ სამუდამოდ მომაშორა აქაურობასო!

მარტო ერთმა ბიჭმა, თენგიზმა რამდენი საწყენი მიაყენა. არ იქნა და მის მოჰკვიანებას არაფერი ეშველა. რამდენ შარს გადაჰკიდა სულხანი ამ ბიჭმა, რამდენ უსიამოვნებას!

არც ტკბილი სიტყვა სჭრიდა, არც საყვედური და გაიციხება... გაგდებითაც ვეღარ გააგდო, ვერ გაიმეტა, ვერ შეეღლია.

მართლაც საკვირველი ყოფილა ეს ცხოვრება!

ყველაზე საკვირველი კი ის არის, რომ ამდენი ჩხუბი და დავიდარაბა ახლა ასე ტკბილად მოსაგონარია.

რამდენი საჩხუბარი და სადარდელი გადაჰკიდა თენგიზმა... სადაც ეს ბიჭი ჩაერევა, იქ ყველაფერს უნდა მოელოდე.

მოწაფეების ამბავი ახსენდება მოხუცს.

ერთხელ მეზობელი სკოლიდან სტამბაში საწარმოო პრაქტიკაზე მცხბრეკლასელები გამოგზავნეს. მიიხედ-მოიხედეს ბავშვებმა და ყველამ თენგიზთან ყოფნა მოინდომა. მაგრამ მთელ კლასს ხომ ვერ დაიტევდა საამკინძაო საამქრო, ზოგი საამწყობოში გაგზავნეს, ზოგი სამბეჭდაოში, თუმცა ბავშვებს

სკოლიდან მასწავლებელი წამოჰყვებოდა რამ წარმოების თეორიას მათ უფროსტატი ასწავლიდა, და უცებ შეიფერა თენგიზმა ეს როლიც. თეორიის საათებიც მის ხელთ იყო და პრაქტიკისაც. მასწავლებელს თავიდანვე არ მოეწონა ის ამბავი, რომ ამ ბიჭმა ლამის ხელიდან გამოსტაცა ბავშვები. ის ხედავდა, რომ პრაქტიკის საათებში მოსწავლეებს მოუხაროდათ თენგიზისაკენ, მოენატრებოდათ ხოლმე მისი ნახვა და რაღაც ეჭვის მსგავსი, მღრღნელი და შემაწუხებელი ფიქრი აწუხებდა: ეს ის ფიქრია, როცა ხედავ, რომ შენს დაზრდილებს, შვილებივით ნალოლიავენ ბავშვებს ვიღაც სხვა, შენზე მეტად შეუყვარდათ და შენთან კი არა, მასთან ყოფნა ურჩევნიათ. მაგრამ მასწავლებელს საბაზი არაფერი ჰქონდა, საყვედური ეთქვა თენგიზისათვის და შეტაკებას უფრო იმიტომ ერიდებოდა, რომ მისი აღზრდილები უფრო მეტად არ დაშორებოდნენ მას.

მაისის იმ ღრუბლიან დღეს, პრაქტიკის საათები რომ დამთავრდა და თენგიზმაც შაბაში გამოაცხადა, ის იყო ყველანი შინ უნდა წამოსულიყვნენ, როცა წვიმა დაიწყო. ჭიშკართან იცდიდნენ, ევონათ ჩქარა გადაიღებო, მაგრამ ცა თითქოს ჩამოქცევას აპირებდა. სტამბის წინ, ქუჩაზე თქეში და ნიაღვარი მოდიოდა. ერთმა ბიჭმა მაინც სცადა გაქცევა, მაგრამ უმაღლესი მობრუნდა, თანაც ამბავი მოიტანა — მეზობელ ქუჩაზე ისეთი ღვარცოფი მოდის, ქვეყანა თან მოაქვს, დგას ხალხი და შინ ვეღარ წასულანო.

თენგიზმა მოსწავლეებს ისეთი თვალით გადახედა, სიტყვა აღარც იყო საჭირო. განსაცდელი, თუმცა პატარა, მაგრამ მაინც განსაცდელი — კარზე იყო მომდგარი და მათი ვაჟკაცობაც ახლა უნდა გამოჩენილიყო.

— აბა, პაიდა! — დაიძახა მან და ბი-

გიორგი ნატროშვილი  
თეთრი ხნული

ქებიც მიჰყვნენ. წუთი და მეზობელ ქუჩაზე იყვნენ. იქ, მართლაც, ცოდვის კითხვა ტრიალებდა.

ვიღაც ქალიშვილი მთებიდან წამოსულ ღვართქაფს კედელთან მიემწყვდია, გზა შეიკრა და ნელ-ნელა მიიწვიდა მისკენ. ქალიშვილი წვილით იკლებდა იქაურობას. სტაცეს ბიჭებმა ხელი, სამშვიდობოს გაიყვანეს და სტამბაში თავი შეაფარებინეს. მერე ეზოდან გამათრიეს მორი, ხიდივით გასდეს და ხალხის გადაყვანა დაიწყეს.

მეცხრეკლასელებმა უცებ გუმანით იგრძნეს, რომ ისინი დიდები იყვნენ, და ეს გაუთავებელი წვიმაც ამიტომ აღარ იყო საშიში, ახლა ადვილად დასაძლევნი ჩანდა ამაზე უარესი ხიფათიც და განსაცდელიც. ეს იყო კარგი წუთები, ვინაიდან ბიჭები ხვდებოდნენ — ისინი საჭირონი და აუცილებელნი იყვნენ ამ დიდ და თვალგაუწვდენელ ქვეყანაზე, სადაც ხან წვიმს, ხან თოვს, ხან საშინელი ქარიშხალი ქრის და ადამიანებს ის უდროო დროს მოუსწრებს ხოლმე.

ახლა მათი გული სიამაყის გრძობით იყო სავსე და ამ წუთებში ხდებოდნენ ისინი ვაჟკაცებად; არიან ისეთებიც, ამას ვერ გამოსცდიან, გამორჩებათ ხოლმე ეს წუთები და მერე დადიან ქვეყნად გულგრილნი, სიყვარულსა და თანაგრძობას მიუჩვეველნი.

ფეხშიშველნი, მალლა აკეცილი შარვლებით იდგნენ ისინი თითქმის წელამდე წყალში და გრძობდნენ, უკვე ბავშვები აღარ იყვნენ.

თენგიზსაც ეს უნდოდა. თითქოს ბედზე მოუსწრო ამ წვიმამ.

მიტო თავით ფეხებამდე ამოლუმბული დაბრუნდა შინ. დედამ არაფერი უთხრა, მაგრამ ქეთინომ დაინახა თუ არა, მაშინვე შეიკხადა — დედა ხვალ ადრიანად უნდა წავიდეს სამსახურში, ვეება დაწესებულების მემანქანეა და საქმეს დღის ბოლომდე ვერ აუთავდება ხოლმე. ქეთინოც უთენია უნდა ადგეს, ყველაფერი მოასწროს, ჩაიც აადულოს, საუბზე გაამზადოს და ახლა ეს-და აკლ-

და... რას დამსგავსებია ეს ბიჭი: ღიჯები აწყვეტილი აქვს, ხალათიც და შარვალიც ისეა დაღეჭილი, ერთი-მეორეჯერ ველარ გაარჩევ, ამასაც დაუთოება უნდა; და ყველაფერი ეს ქეთინოს ზურგზე გადაივლის. ეგეც არაფერი, ჯანდაბას, გოგოს არ ეზარება, მაგრამ ამხელა ვაჟკაცია და არაფრის ფიქრი არა აქვს. რამდენს მუშაობს დედა, რომ ობლებს არაფერი მოაკლოს, ეს კი, აგერ, როგორ იქცევა...

— უი, ღმერთო მომკალი! ბიჭო, ვერსად შეაფარე თავი...

— ვერა.

— რატომ? ტყეში ხომ არ იყავი. ამხელა ქალაქში სულაც აივნების ქვეშევეშ ვივლიდი.

მოდო და ელაპარაკე. ვითომ გაბმით ჩამწყრივებული იყოს ეს აივნები მთელ თბილისში.

— დამანებე თავი... — უხეშად გააწყვეტინა ძმამ, — შენი უფროსობა მაკლია სწორედ, მეტი აღარაფერი.

— დედა, შეხედე ერთი, დედა, — ლამის ტიროდა ქეთინო, — რას დამსგავსებია.

— სად იყავი, ბიჭო? — ახლა დედამ ჰკითხა.

— არსად. მოვდიოდი გზაზე და წვიმამ მომისწრო.

ახლა დედამაც თუ აივნები უხსენა, დედამაც თუ არ იცის, გადაბმულია თუ არა თბილისში აივნები, მაშინ... ერთ წამს მოიცდის ბიჭი, მარტო ერთ წამს...

— რაღა არაფერი, შვილო! ერთი შეგახედა შენს თავზე!

მიტო წამოხტა, გაბრაზებული გავარდა სამზარეულოში, ერთ ხანს უაზროდ იფათურა იქ, მერე ჩუმად შემოვიდა და გახდა დაიწყო.

— არ ივასშმებ? — ჰკითხა ქეთინომ.

ბიჭმა ხმა არ გასცა, ნელ-ნელა იხლიდა ტანსაცმელს.

— შენ გეკითხებიან, ვაჟბატონო!

მიტო ისევ ჩუმად იყო. დისკენ არც გაუხედავს, ისე ჩაწვა ლოგინში, თვალები დახუჭა და გაინაბა.



თეფშე საჭმელი ცივდებოდა.

უცებ ჩაედინა დედას და ისევ უცებ ვაახილა თვალები, მოეჩვენა, რომ ოთახში ვიღაც ტიროდა.

გაბდღვიალებულმა სინათლემ თვალი მოსჭრა, ქეთინოს თეფში განზე გაეწია და მაგვიდაზე მიტოს შარვალს აუთოებდა. როგორც კი დედამ წამოიხედა, ის ზურგით შებრუნდა და უფრო გამალეზით დაიწყო უთოს გასმა გაშლილ ხალათზე.

„ცრემლი არ უნდა რომ დამანახვოს, რა ატირებს ამ გოგოს?“ — გაიფიქრა დედამ.

— გაგაბრაზა, შვილო, მაგ ბიჭმა!

— არა, დედა!

— მაშ, რა გატირებს, გოგო?

— რას ამბობ, დედა, სიზმარში ხომ არა ხარ? როდისა ვტიროდი?

ქეთინომ ჩუმად მოიწმინდა ცრემლები და ნაძალადევად გაიცინა.

დედას რას მოატყუებ! თვალთ გასდევს შვილის მარჯვე ხელების მოძრაობას და სწყინს, გოგო ასე გულჩახვეული რომ არის და თავის სადარდელს არ ამხელს.

მისანია დედის გული, უცებ ჩასწყდება ხოლმე საიდუმლოს, უცებ მიგინვდება ყველაფერი.

— ქეთინო, გამოსაშვები სალამო როდის გაქვთ...

ქეთინოს უცებ ხელიც კი გაუჩერდა — ეს რაღათა მკითხაო.

— ოცდაათ ივინის. რათ მკითხები?

— როგორ თუ რათა, გოგო? ზეიმი იქნება, შვილო, ატესტატებს დაგირიგებენ, გზას დაგილოცავენ.

— ხომ წამოხვალ, დედა!

— მაშ, შინ რა გამაჩერებს!

ორივენი გაჩუმდნენ, თითქოს იგრძნეს, რომ რაღაც მიჯნას მიადგნენ და ვერც ერთმა ვერ გაბედა, თუმცა ორივე ერთსა და იმავეს ფიქრობდა, და ისიც იცოდა ორივემ, რომ ერთი ჰქონდათ საფიქრალი. მაინც ორივე ჩუმად იყო. ბოლოს ისევ დედამ დაიწყო, და იმანაც შორიდან მოუარა:

— რამდენი ხანია ნანა აღარ მოსულა შენთან? ხომ არ დაემდურეთ ერთ-

მანეთს? გუშინ დედამისი შემხვდა — ჩემი გოგო ახალ კაბასა და მაღალქუსლიან ტუფლებს იკერავს იმ სალამოსთვისო. შენ რატომ ხმა არ ამოიღე, შვილო! რატომ არაფერი მითხარი?

— რა უნდა მეთქვა?

— როგორ თუ რა? ზეიმი იქნება. ყველანი ახლებში იქნებიან! შენ კი არ გინდა სალამოს კაბა?

— ახლებშიო! ჩემი კაბა ახალი არ არი?

— მოიცა, გოგო, მოიცა. ეგ ერთი დღე გაქვს, შვილო! თუ ყველანი ახლებში იქნებიან, შენ რათ უნდა გამოერჩიო სხვებში... ფული დღეს მივიღე სწორედ, ჩანთაში აწყვიტა, ხვალ გაკვეთილების მერე ჩამოუარე მაღაზიებს და აარჩიე, რაც მოგეწონოს...

— არა დედა, კაბაცა მაქვს და ტუფლებიც. არაფერიც არ მინდა.

— ქეთინო! დამიჯერე, გოგო!

— არა, დედა...

და გოგო ახლა კი ნამდვილად ატირდა, ახლა აღარ შეეძლო დაემალა ცრემლი, რათ უნდა დაემალა, რომ შემყოთებული იყო, მალე დილით სკოლაში აღარ წავიდოდა და ეს ვერ წარმოედგინა. გათენდება, დადგება დილა და შენ კი სკოლაში აღარ მიდიხარ.

— არა, დედა, დაიძინე, მე არაფერი არ მინდა.

მიტოს არ ეძინა, ყველაფერი ესმოდა და იმასაც ისე უცემდა გული, ისე თრთოდა, თითქოს პირველად ხედავდა დედასაც და თავის დასაც. დახვთ, როგორი ყოფილა ქეთინო და შენ კი როგორ ექცევი, — უწყრებოდა ის ვიღაც სხვას, მეორე მიტოს, ცუდ ბიჭს, — არა გრცხვენიან, მაგისი ტოლი გოგოები იმას იფიქრებენ, დედას უჭირს ამხელა ოჯახის შენახვაო.

და ისევ იმ გრძნობამ აიტანა, წელან წვიმაში რომ განიცადა. ახლა უფრო ნათლად იგრძნო, რომ თვითონაც ვაქ-

გოორგი ნატროშვილი

თეთრი ხსული

კაცი იყო, რომ ისიც საჭირო და აუცი-  
ლებელი იყო ამ დიდ ქვეყანაზე, საჭი-  
რო და აუცილებელი იმიტომ, რომ ადა-  
მიანებს, შენს ახლობლებს თუ შორეუ-  
ლებს — წვიმაში მოყოლილებს — არ  
გაუჭირდეთ.

დილით მიტომ ჩაიცვა, ისაუზმა და  
ჩანთა აღარ წაუღია, ისე წავიდა სად-  
ღაც.

იმ დღიდან მიტოს თავს რაღაც უც-  
ნაური ამბავი ხდებოდა. მანამდე პირ-  
ველი მოწაფე ახლა ხან სკოლას აცდენ-  
და, გაკვეთილებს ვეღარ პასუხობდა,  
ერთხელ მერხზე ჩაეძინა კიდეც.

მერე ის იყო, დედა გამოიძახეს სკო-  
ლაში. სკოლის დირექტორი ჭკვიანი და  
კეთილი ქალი იყო, ამიტომ შორიდან  
მოუარა, ჯერ ქეთინოზე ჩამოუგდო  
სიტყვა დედას, შეაქო გოგო და მერე  
ჰკითხა:

— ნინო, სად დადის შენი ბიჭი?

— არ ვიცი, ქალბატონო თამარ, არა-  
ფერს არ მეუბნება.

— საშიშია, ძალიან საშიში. ხომ  
იცით, რა ამბები ხდება. ცუდ წრეში  
არ იყოს მოქცეული, ზარს არ თამაშობ-  
დეს? ვისთან დადის, არ უნდა გაიგოთ?  
დედა ატირებული დაბრუნდა შინ.

მიტომ ჩუმად შეაღო ოთახის კარი.  
ოთახში ქეთინო იჯდა და რაღაც წიგნს  
კითხულობდა. მიტომ ახლა სამზარეუ-  
ლოში შეიხედა და დარწმუნდა, რომ  
დაძმანი მარტონი იყვნენ.

ბიჭი მაგიდას მიუახლოვდა, გაშლი-  
ლი წიგნის გვერდს, ქეთინო რომ კით-  
ხულობდა, დააფარა ხელი, გოგომ გაო-  
ცებით შეხედა:

— გადაირიე?

ბიჭმა პასუხის ნაცვლად წიგნს ხელი  
დასტაცა, დაკეცა და განზე გადაადგო,  
და თავისი დის გაოცებულ და გამსინჯ-  
ველ თვალებს — ბიჭი მთვრალი ხომ  
არ არისო, — ეს უპასუხა:

— მერე წაიკითხე, ახლა კი მე დამი-  
გდე ყური.

და თავისდაუნებურად, დედის სიტყ-  
ვებით დაიწყო:

— ხომ იცი, ეგ რა დღეა, ქეთინო!  
შენ ვისზე რა ნაკლები ხარ? იქნებ  
გგონია, რომ ფული არა გვაქვს, <sup>გვეყვარები</sup>  
თავი და ბოლო ვეღარ მოაბა <sup>გვეყვარები</sup> სათქ-  
მელს, ჯიბიდან ფული ამოიღო და წინ  
დაუწყო, — წადი, შენც იყიდე.

ახლა უარი აღარ შეიძლებოდა, ახლა  
უარი უგულობა იქნებოდა და ქეთი-  
ნომ უტებ იგრძნო ეს... ახლა შეიძლე-  
ბოდა მხოლოდ ჩხუბი იმის გამო, რომ  
საერთოდ ოთახში წესრიგი არ არის,  
ახლა საჭირო იყო სიწყნარე, რადგან ამ  
ოთახში ბავშვები კი არა, მოზრდილი  
ადამიანები იყვნენ და იმათ ამ ქვეყნისა  
უკვე ყველაფერი იცოდნენ.

ახლა იმათ აღარაფერი აღარ გაუჭირ-  
დებოდათ ამ ვრცელ ქვეყანაზე.

— თენგიზ, ამ წარმოების უფროსი  
მე ვარ თუ შენ?

— ეგ საკითხავია, ძია სულხან?

— საკითხავია, მაშ, რა არი! ბიჭო,  
ეს მერამდენედ მჭირი თავს — მე თვი-  
თონ არ ვიცი, რა ხდება სტამბაში! რათ-  
მიეცი იმ მოწაფეს ღამის სამუშაო? ისე  
პატარა აღარა ხარ, არ იცოდე, რომ ეს  
არ შეიძლება!

— რა არ შეიძლება?

— როგორ თუ რა? წადი და ახლა  
შენ გაეცი პასუხი — ერთი ამბავია  
სკოლაში, ჯერ არა სცოდნიათ, რომ  
ბიჭი შენთან დადიოდა, ცუდი რაღაც  
უფიქრიათ, ბიჭიც გაჯიუტებულა და  
არაფერი უთქვამს. კინალამ გაურიც-  
ხავთ სკოლიდან, კომკავშირის კრებაზე  
ხომ ერთი ამბავი ატეხილა.

— არ უთქვამს, არა? ყოჩაღ, ბიჭო,  
მაგაშიც მე მგავს.

— თენგიზ, ტყუილად გიხარიათ, ამას  
აღარ გაპატიებ. მითხარი, რათ ჩაიღინე  
ეს?

— ძია სულხან, ბიჭი შენ ვერ გეტ-  
ყოდა, ამაყია, მე კი გული გადამიშალა,  
მიშველე, ფული მჭირდებაო. ღამეებს  
ვათენებდიო. ერთ თვეში ასი მანეთი  
გავაკეთებინე.

— ჰოდა, კინალამ დალუპე ბიჭი!

— რა დავლუპე, კაცო! ხელობა ვასწავლე, იცი, რა ბიჭია? იცი, რა ხელი აქვს... მომგარაყებელი კი არა, რესპუბლიკის სახალხო არტისტი დადგება, ჩემსავით...

— იმისი ხელობა ჯერ გაკვეთილი და სკოლაა. ახლა ეს მითხარი, აგრე საჩქაროდ რაში უნდოდა ეს ფული?

— აი, ეგ უნდა გეკითხა თავიდან, ძია სულხანი! მომენდო ბიჭი და ისეთი რამ მითხრა, გული დამეწვა. ჩემი ფული შეეძლია, მაგრამ იუკადრისა. მაშინ ყველაფერს ფასი დაეკარგებაო. ისეთი ამაყია, ჩემსავით... ეგრეც უნდა. მეც ასე მოვიქცეოდი. რაო, კრებაზე გაულანძლავთ? გასალანძლი კი არა, ნეტავი ყველანი მაგისტანები იყვნენ!

გაკვეთილები რომ დამთავრდა და მორიგე მითოს გამოუცხადა, დირექტორი გიბარებსო, ბიჭს სახე მოეღრუბლა. კარგი, ეყოფა, აკმარეთ, მოასვენეთ, დედამ ცალკე დატუქა, კრებაზე ცალკე გაუწყრნენ, ახლა დირექტორი დაუწყებს დარიგებას. იცის, მიხვდა, გაიგო. მოასვენეთ კაცი, დაანებეთ ყველამ თავი!

ბიჭებმა თანაგრძნობით გადახედეს, იცოდნენ — დირექტორი ტყუილად არ გამოიძახებდა. ბიჭი მოღრუბლული შევიდა კაბინეტში, ერთი კი შეხედა დირექტორს და ჩაღუნა თავი.

— სეხნიაშვილო, მოდი ახლოს, დაჯექი! — რაღაც ალერსიანი იყო ხმა და

ბიჭს გაუკვირდა, გაწყრომასა და დარბევას ელოდა.

„ეს დასაწყისია, ახლა გადავბრუნდებოვარ“, — გაიფიქრა მიტომ. ველარ გაინძრა. იდგა და შეწუხებული სახით დაპყურებდა იატაკს.

— დღეს არ გამოგიძახა მასწავლებელმა?

მიტოს ხმა არ ამოუღია, რას აწვალე, რა შორიდან უვლის, უთხრას, რაც სათქმელი აქვს!

დირექტორი კი ისე შეპყურებს ამ უცებ დამუნჯებულ ბიჭს, თითქოს პირველად დაინახაო.

ძლივს ამოიღო ხმა:

— პატივცემულო მასწავლებელო! სიტყვას გაძლეეთ... — და ხმა ისევ ჩაუწყდა. — მაპატიეთ!

— საპატიებელი შენ რა გჭირს, სეხნიაშვილო! შენ კარგი ბიჭი ჰყოფილხარ! ეცადე მუდამ ასეთი იყო. მე ძალიან მიხარიან, რომ ასეთი გაგვიზრდინხარ, — დირექტორს ხმა აუთრთოლდა. — ჩვენ კი რა არ ვიფიქრეთ, მაგრამ რად დაგვიმალე. ასეთი უნდობლობა რად გამოგვიცხადე! ეს რად იფიქრე, რომ მართო ვარო, რატომ არ იცოდი, რომ შენთანებში ხარ!

„ყველაფერი იცის! საიდან?“ — გაუელვრა ბიჭს.

დირექტორი კი განანგრძობდა:

— ახლა, წადი, სეხნიაშვილო, შინ...

მიტო ფრთაშესხმული მოდიოდა შინსაკენ.

## როცა აზინი ჩამოივლის

ჯუნი უკვე მეთოთხმეტეში გადადგა. იზრდებოდა ბიჭი და ქვეყანაც თითქოს უფრო დიდი, უფრო საინტერესო ხდებოდა. დრო სულ უფრო და უფრო აღარ ჰყოფნიდა, მოხსუცი მას ძველებურად უყვარდა, მაგრამ იმასაც შეამჩნევდით, რომ ახლა მასთან ყოფნის წუთებში თითქოს საითღაც მიიჩქაროდა; საით მიუწევდა გული, პაპამ არ იცოდა, მაგრამ იღუმალად გრძნობდა, რომ

უჩინარი და თვალით უხილავი ნაპარალი მასა და შვილიშვილს შორის ნელნელა ღრმავდებოდა.

უხაროდა პაპას, რომ ბიჭი იზრდებოდა და სიჭაბუკეში შედიოდა, ყველაფერზე უკვე თავისი აზრი ჰქონდა. მაგრამ გულის ერთ კუნჭულში რაღაც ჭიკა-

გოორგი ნატროშვილი  
თეთრი ხნული



საც ჩაებუნდა, ერთი მტანჯველი აზრი გასჩენოდა — ამ ასაკში მისი შვილები — ზაქროცა და გურამიც უფრო სხვანაირები იყვნენ. როგორებიო, რომ გეკითხათ, ვერც აგიხსნიდათ მოხუცი, მაგრამ ჯუნის რომ არა ჰგავდნენ, ეს ცხადი იყო. პატარაობიდან სული წინ უსწრებდათ, სანამ სტამბაში გაჰყვებოდნენ მამას, სწორედ ისე, სოფელში პატარებმა უფროსზე ადევნება და ყანაში წაყოლა რომ იციან — ხან სამხარს ჩაუტანენ მამას, ხან ცივ წყალს და მაშინ მათ ოღონდ ერთი წუთით ნამგალზე წაავლებინე ხელი, რომ თავი დიდებად იგრძნონ და მაშინ იმათზე ბედნიერი და ამაყი კაცისშვილი არ იქნება ქვეყანაზე.

ამას კი გუმანით ატყობს ბერიკაცი — იმ ნამგლისაკენ არც თვალი მიუბრუნებს და არც ხელი.

ერთხელ სულხანმა სთხოვა ჯუნის — სტამბაში წამომყეო. ბიჭმა უცებ ვერაფერი უთხრა, მაგრამ ისეთი მავედრებელი თვალით შეხედა, აშკარად შეატყუო მოხუცმა, რომ შვილიშვილს სადღაც, უფრო სანატრელ ადგილას მიუხაროდა.

მერე წავიდეთო, — ძლივს ამოიღო ხმა ჯუნიმ.

ბევრმა მერე მ გაიარა, მაგრამ ბიჭს ისევ და ისევ უძნელდებოდა დროს გამოძებნა.

მეორედ კი პაპამ უცნაური რამ უთხრა:

— ამ ბოლო ხანებში რაღაც ძალიან ცუდადა ვარ, შვილო! შინიდან რომ გავდივარ, აღარ ვიცი მოვბრუნდები თუ არა. ვატყობ, ჩქარა წავალ ამ ქვეყნიდან.

— ნუ ამბობ, პაპავ, ნუ! — უმაღლ შეაწყვეტინა ჯუნიმ, — სად წახვალ, ვინ გაგიშვებს?

— მოიცა, ბიჭო! ამის თქმას ჯერ არაფერს მოუკლავს, მე სხვა რამ მინდა გითხრა.

მაგრამ ჯუნი მიხვედრილი იყო.

— დღეს არ წამომყვები?

ჯუნიმ უცებ ჩააღუნა თავი, მერე ახედა პაპას და მოხუცმა შეატყუო, რომ

ახლა მათ შორის ძალიან გულახდილი ლაპარაკი იწყებოდა.

— პაპავ, მოდი არწყენაზე გიყვითნა

— აგრე იყოს! — უპასუხა დაეშვიანებულმა მოხუცმა.

— შენ თუ გგონია, პაპავ, რომ მეც შენსავით თავიდან დავიწყებ... პირველყოფილი თემური წყობილებიდან, მერე ყველა საფეხურს მოყვები... თუ ასე გგონია!

— რას მიეღ-მოედები, ბიჭო? რომელ საფეხურებზე მელაპარაკები?

— შენ რომ გამოიარე, იმაზე, იმ საფეხურებზე. მინცადამინც გინდა სწორედ იმ დაზვასთან დავდგი, საიდანაც შენ დაიწყე?

სწორედ ამისი ეშინოდა მოხუცს, ამ სიტყვებისა. მაშ, რას აპირებს ეს ბიჭი, რა უძევს გულში?

მაგრამ შენ უკვე მოხუცი ხარ, პაპა სულხან და ვერ მიხვდები რაზე ოცნებობს შენი შვილიშვილი!

ის ოცნებობს ყოველივე წარმოუდგენელზე, იმაზე, რაც ჯერ თვითონაც არ იცის.

ხომ შეგიმჩნევია — ხანდახან გარინდებდა ხოლმე ბიჭი, თითქოს აქ აღარ არისო. იცი კი, სად არის ის მაშინ? იქნებ შორეულ გზაზე მისდევს ხომალდებს, რომ დაბურულ ჯუნგლებთან მიადგეს ნაპირს, ლურჯი ტბები ნახოს იქ და ბაობაბის ხეები, იქნებ ფიქრით ბისკაის უბეშია, როცა იქ ქარიშხალი ბრუნავს და გემი ძლივს მიიკვლევს გზას აჯანყებული ხალხების საშველად. მშვილდ-ისრებით რომ ებრძვიან გაწვრთნილ უცხოურ ლეგიონებს.

მოიცა, ნუ იჩქარებ, ბიჭი ჯერ ცაშია. შენი დაზვით გააკვირვებ, როცა ატომური გემის აწყობა აღარ უკვირს. აღარაფერი უკვირს, აღარაფერი...

მისდებს ბიჭი ბალიშზე თავს და ფრთას გამოისხამს, გაეშურება ცისკენ, და იხეტილებს იქ ფიქრით, ვიდრე ჩაეძინება, რომ მერე სიზმარში გააგრძელოს ის გზათა უკან წანწალი, შენ კი გინდა ერთ წუთში მიწაზე ჩამოიყვანო!

— კარგი, მაგრამ იმ დაზვასთან ვინ დადგება?

— მაგის მოხალისეც მოინახება!

— რას ამბობ, ბიჭო, რას? ყველამ რომ ავრე თქვას? აი, თურმე რატომ არ მომყვებოდნი?

— ექსკურსიაზე რაღა იქ წამოვიდვი, პაპიკო?

ექსკურსია სულ არ მოეწონა მოხუცს. უნდოდა ეთქვა, რომ ცხოვრება არც ექსკურსიაა, არც თეატრი და კინოა. ეს მიძიმე შრომა და ოფლია, ნურავინ მოიტყუებს თავს, რომ ეს გართობა იყოს, უნდოდა ეთქვა ეს ყველაფერი, მაგრამ საჭირო სიტყვა ვერ მოძებნა. ფიქრი მუდამ მარჯვდა, ფრთიანი, ცოცხალი, სიტყვა კი — მჭლე და ღარიბი.

ჯუნი მერვე კლასში გადადიოდა.

სასწავლო წელი ის-ის იყო მთავრდებოდა.

იმ დღეს სკოლადამთავრებულთათვის ატესტატები უნდა დაერიგებინათ, დელადენენ მოსწავლეები და მათი გულისთართოლვა თუ სიხარული პატარებსაც, მომდევნო კლასელებსაც გადასდებოდათ.

სკოლადამთავრებულნი კი ეთხოვებოდნენ იმ დღეს ბავშვობის წლებს; ამიტომ აღვზნებულნი იყვნენ, ერთ ადგილზე ვეღარ ისვენებდნენ, არბოდ-ჩარბოდნენ კიბეებზე, უმიზეზოდ იცინოდნენ, ეხვიოდნენ გოგოები ერთიმეორეს და უმიზეზოდ ტიროდნენ. აღვზნებულნი იყვნენ და როცა ყველას სკოლის დარბაზში დაუძახეს, ჭრიამული ჩვეულებრივზე უფრო გვიან ჩაწყნარდა.

დარბაზში უფროსებს უმცროსკლასელებიც შეჰყვნენ, უკან დასხდნენ და საზეიმო წუთების მოლოდინში გაინაზნენ, ჯუნიც იქ იყო. მათ ეგონათ, რომ ახლა უცნაური რამ მოხდებოდა, მით უფრო რომ ყველამ იცოდა, სკოლაში უცხო სტუმრები იყვნენ მოსულნი. ისინი ჯერ დირექტორის კაბინეტში ისხდნენ — ერთი გაზეთის მუშაკი იყო, ერთი მწერალი, ერთიც მქსოველი ქალი

და ერთიც რომელიღაც საამქროს უფროსი, რომელიღაც სტამბიდან.

სკოლის დირექტორმა, შუახნიანმა, უცხო სტუმრებს რომ შემოუძღვა, ალერსით გადაავლო თვალი შვილებით შეჩვეულ ბავშვებს, მის ხელში რომ დაიზარდნენ, ფრთები აისხეს და ახლა გასაფრენად ემზადებოდნენ. სულ პატარები იყვნენ აქ რომ მოვიდნენ, დედებმა ხელჩაკიდებულები მოიყვანეს და აჰა, უკვე ჭაბუკები და ქალიშვილები გამხდარან, მოსულა მათთან განშორების წუთები.

— ბავშვებო! — ძლივს დაიწყო დირექტორმა, — დღეს ჩვენ სტუმრები გვეწვივნენ, უნდათ გზა დაგილოცონ...

სტუმრებს გადახედა და დაუმატა:

— თქვენთან საუბარი სურს ამხანაგ თენგიზ ლაფანიძეს, საამკინძაო საამქროს უფროს ოსტატს.

საამქროს უფროსსო, გაიგონეს თუ არა, ყველა თენგიზს მიაჩერდა. ჭაბუკი ამრეზილი იყო, და სულ არ ჰგავდა დამრიგებელსა და ცხოვრებაში გზის მაჩვენებელს. მთელი კლასის ხუმარამ, წინა რიგში რომ იჯდა, განცვიფრება ვერაფრით გამოხატა და უცებ ისე გრძლად, ნაძალადეგად და სასაცილოდ ამოიგმინა, რომ ჩაწყნარებულ დარბაზში სიცილი ატყდა. კლასის მხატვარმა, მეტსახელად პიკასოს რომ ეძახდნენ, უმალ ფანქარი მოიმარჯვა და უცხო სტუმრის ხატვა დაიწყო. ახალგაზრდა მქსოველი ქალიც შეკრთა. დირექტორს სახე შეეჭმუხნა, ეწყინა, და ის იყო ბავშვებისათვის საყვედურით უნდოდა მიემართა, რომ თენგიზმა ხელით შორიდან ანიშნა შეჩერებულიყო და მერე დაუმატა:

— დაცადეთ, ქალბატონო, იცინონ!

მკაცრი სახე ჰქონდა, ისე მოღუშული იყო, რომ უცებ სიცილი ჩაწყდა. თენგიზი ყველას ისე ათვალეირებდა, თითქოს მათ გულში იხედებო; იმისმა თვალებმა ყველა ერთბაშად დაიმორჩილა, გააჩუმა და, საკვირველია, უცებ

გიორგი ნატროშვილი

თეთრი ხნული

იგრძნეს, რომ აქ არაფერი სასაცილო არ იყო.

— იცინეთ, — გაიმეორა თენგიზმა, — როცა ჩაიჭრებით და ატირებულენი მომადლებით, მე გეტყვით — სათქვენი ადგილი არა მაქვს-მეთქი. ვნახავ, მაშინ როგორ გაიცინებთ.

ღირექტორს ახლა კი მართლა შეილენივით შეეცოდა ეს ბავშვები. არ ელოდა ასეთ დასაწყისს. მას ხომ სიკეთე უნდოდა, ყველაფერი გაზომა და მითვალისწინა, მქსოველიც მოიყვანა და მესტამბეცე — მართლა ყველას ხომ არ მიიღებენ უმადლესშიო, იფიქრა და აქეთაც ვნა უნდოდა გაეკვლია ბავშვებისათვის. სტაჟს მაინც შეიძინდნენ და მერე გაუადვილდებოდათ სწავლის გაგრძელება, და თუ აღარ გაჰყვებოდნენ სწავლას, მაშინაც არ წააგებდნენ — ხელობა ექნებოდათ.

ამიტომ მოაწყო ყველაფერი ეს და დახეთ რა გამოდის!

დარბაზში სიჩუმე ჩამოვარდა.

თენგიზმა ისევ გადახედა ბავშვებს და ახლა ღიმილი ჩაუდგა თვალეში. იმ ღიმილმა ერთბაშად გამოცვალა მისი სახე, ეშმაკურად აუციმციმდა თვალეები და ხელახლა დაიმორჩილა ბავშვები, ისინი მხრებში გასწორდნენ და უკვე ინტერესით მიაკვირდნენ. უეცრად მიხვდნენ, რომ ეს კაცი მათი სიკეთის სურვილმა მოიყვანა აქ, თორემ თავსატეხი ალბათ იქაცა ჰყოფნის, თავის საამქროში, მით უმეტეს, ვილაცის და რაღაცის უფროსი ყოფილა!

თენგიზმა კი განაგრძო:

— რომ ჩაგძახიანთ, ნურაფერზე იფიქრებთო, ეგ ნუ დაგამშვიდებთ, საფიქრალი ახლა გაქვთ, პატარები აღარა ხართ. თქვენ არ იფიქროთ, რომ მართლა არ მიგიღებთ... მეც და ნათელაც, — მქსოველს გახედა, — ამაზე ვართ მოსული... სადაც გაგიჭირდეთ, ჩვენი სახელი იქ ახსენეთ!

და სიტყვა ახლა ნათელას დაუთმო.

ნათელამ აბრეშუმის ფაბრიკაზე ილაპარაკა. ქალიშვილმა დაიმორცხვა, მსმენელები თითქმის მისი ტოლები იყვნენ. უკვე დადინჯებულნი უსმენდნენ. თენ-

გიზმა უცებ პიკასოს გადახედა და ხელით ანიშნა — ნახატი მომწოდოლო და დახედა:

— უჭრის თვალი, ხედავს, — საათს დააკვირდა, — ჩვიდმეტი წუთი იმუშავა ნატურაზე, — და ბიჭს მიუბრუნდა, — შენ, ვიცი, სამხატვრო აკადემიაში წახვალ, მაგრამ ბოლოს, მაინც ჩემს ხელში უნდა მოხვდე! ეს იცოდე!

ისე ლაპარაკობდა თენგიზი, თითქოს საამქროს უფროსი კი არა, მთელი ქვეყნის პატონ-პატრონი ყოფილიყო.

ბავშვებს აღარ ეთმობოდათ, უნდოდათ კიდევ დიდხანს, დიდხანს ელაპარაკა მას.

ღირექტორმა ჭიშკრამდე მიაცილასტუმრები. თენგიზს მადლობას რომ უხდიდა, უთხრა:

— ვიცოდი, რომ კარგი ოსტატი იყავით, მაგრამ თქვენ ნამდვილი პედაგოგიც ჰყოფილხართ!

თამამმა ბიჭმა უცებ შეიფერა ქება.

ჯუნი დაფიქრებული დაბრუნდა შინ. იმ უსიამოვნო ლაპარაკის მერე ის და პაპა ერთმანეთს არ დამდურებიან, მაგრამ ვეღარც ლაპარაკი აეწყოთ.

ნაპარალი გაღრმავებულიყო — პაპა სადღაც გაღმა დარჩენილივით იყო, შეილიშვილი კი გამოღმა. თავის ოთახში ჩაკეტილი მოხუცი ერთთავად ფიქრობდა წასული.

გაუხარდა, როცა ჯუნიმ ჩუმად შეაღო კარი.

მიხედა, რომ ბიჭი უამბოთ არ იყო მოსული, მაგრამ არაფერი უკითხავს.

უცდიდა, თვითონ დაიწყოსო.

— პაპავ, თენგიზ ლაფანიძეს იცნობ? ყველაფერს ელოდა მოხუცი და ამ კითხვას არა.

— შენ საიდან იცნობ?

— დღეს ჩვენთან იყო, სკოლაში.

— სკოლაში? რა მინდაო?

— მგონი, რაიკომმა გამოგზავნა.

— იმ დალოცვილებმა იმაზე ჭკვიანი ვერაგინ მონახეს?

— არა, პაპავ, ძალიან ჭკვიანი კაცი ყოფილა!



— ისმეც რა ვუთხრა იმას... ბიჭო, ჩემს გაჭედილ ხატს ჩემზე კარგად იცნობ?

— უცებ მიტო გაახსენდა მოხუცს.

— რა თქვა მაინც ასეთი, რატომ ჩამოგისტა იმასთან გული? — ჰკითხა სულხანმა.

— ხომ სულ მეუბნებოდი, სტამბაში წავიდეთო, წამიყვანე ხვალ...

ბერიკაცმა გაოცებით შეხედა შვილიშვილს და კიდევ ერთხელ გაიფიქრა: რა ჯადო აქვს იმ ბიჭს და ამ ბაღღების გულს რით იპყრობს!

პაპამ სასწრაფოდ ჩაიცვა და სტამბისაკენ გაეშურა. ჭიშკართან ხალხი ირეოდა, სულხანმა დამლაგებელი ქალი დაინახა და მაშინვე ჰკითხა:

— მაგდანო, ხვალ შენა ხარ მორიგე?

— მე ვარ. რათ მეკითხები?

— შენი ჭირიმი, მაგდანო! ქალადის ნაგლეჯი არ ეგდოს ხვალ იატაკზე. დაიხმარე გოგოები, ჩემი სახელითა სთხოვე ყველას, ისე დააკრიალეთ აქაურობა, ყველაფერი ბზინავდეს და ბრწყინავდეს.

— რა ამბავია, სულხან? უცხოელების დელეგაცია მოდის?

უცხოელების... თქვა ამანაც, შვილიშვილი უნდა მოიყვანოს... დამლაგებელი კი ისევ შესცქერის და პასუხს ელოდება.

— ჰო, უცხოელები იქნებიან... ეს დამავალე, მაგდანო, შენი ჭირიმი!

ვეება ეზო ჭიშკრით ქუჩაზე გამოდიოდა, უკანა მხრიდან კი კლდით იყო ჩაკეტილი. კლდის თავზე ბოსტანი იყო გაშენებული და იქიდან მზესუმზირას ბღღვიალა ყვავილები გადმოსცქეროდნენ ქაღალდის ნაფლეთებით მოშანშლულ ეზოს და ახმაურებულ სამაჭროებს. წამდაუწუმ ჭიშკარში გუგუნით შემოდინდნენ მანქანები. ეზოს მყუდრო კუთხეში, ჩრდილში ეგდო რაღაც დაჟანგებული მანქანა, ზედ გამურული ბიჭები ჩამომსხდარიყვნენ და გუშინ-

დელ მატჩზე ლაპარაკობდნენ. თამაქოს მოსაწვევად გამოსულიყვნენ საამქროებიდან, მაგრამ გასტკობობდნენ რეთ ყოფნა და ეძნელებოდათ შესვლა შიგნით, საიდანაც ისეთი გუგუნე ისმოდა, თითქოს ხეობაში ქარიშხალი ბრუნავსო.

მაგდანა ძაღომ უკვე მესამედ დაუტატანა ბიჭებს, მოშორდით აქაურობასო, მაგრამ იმათ შიგნით შესვლა თითქოს ეძნელებოდათ.

— ბიჭო, ახლა არ დაგვავე, შვილო, აქაურობა, რას დაგიმსგავსებიათ!

— რა იყო, მაგდანა-ძაღო, შენ რომ ასეთი შარიანი არ იყავი?

— ბიჭო, გაიგონეთ, შვილო! ვილაც უცხოები უნდა მოვიდნენო.

— ვინ უცხოები? — იკითხა ქოჩორამ. მეორემ უპასუხა:

— ისინი ფუნიკულიორზე ავლენ და იქიდან გადმოსხდებენ ქალაქს. ჩვენ ეზო არც გამოჩნდება.

— ერთხელ აკი მოვიდნენ ჩვენთან, არ გახსოვს?

— ჰო, შვედები იყვნენ... რედაქტორები, ექვსი კაცი... თან რედაქტორები იყვნენ, თან კაპიტალისტები, დაჭმუჭნული კოსტუმები კი ეცვათ!

— ეგ განზრახ, ბიჭო! იქ ეგერა...

— ძალიან ბევრი გესმის შენ!

— იქნებ ისევ ისინი ჩამოდიან, ძია სულხანი ტყუილად არ იტყოდა.

— აი, ახლა რომ გაიღოს ჭიშკარი და უცხოელი შემოვიდეს. დაგინახავს თუ არა, წამოვა შენკენ და გეტყვის — აი ემ ედღაი სტივენსონ! შენ უნდა გაულიმო და უთხრა — ქამ ინ, მისტერ, მოზრძანდით, ბატონოო!

— შტერი ნუ ხარ, ბიჭო! ქვეყნის ამბებს წინა დღით შენ გაიგებ ხოლმე, და ეგ ვეღარ წაიკითხე გუშინ — სტივენსონი შუა ქუჩაში წაიქცა და მოკვდა...

— რა ფულს გააკეთებდნენ ის რედაქტორები, იქ რომ ყოფილიყვნენ?

და ის იყო, ჭიშკარში პაპა და შვილი-

გიორგი ნატროშვილი  
თეთრი ხნული

შვილი გამოჩნდნენ, ბიჭები სულხანს ზანტად მიესალმნენ და ჯუნიის დაუწყეს ცქერა.

— ფიი-იუ-უ! — დაუსტვინა ერთმა, — ეგ არი შენი დელეგაცია?

— დელეგაცია კი არა, ცვლა მოჰყავს პაპას.

პაპამ წყრომით გადახედა ლაზღანდარა ბიჭებს, ჯუნიის ხელი ჩაჰკიდა და ხელმარცხნივ, ნიშვიით პატარა ოთახში შეიყვანა.

იმ ოთახში ჯუნიმ უცებ მამას მოჰკრა თვალი. გურამი სავარძელში იჯდა სარკის წინ. თეთრხალათიანი პარიკმახერი ფუნჯით ლოყებზე საპნის ქაფს უსვამდა. გურამმა შემოსულეები სარკეში დაინახა და არც მოუხედავს მათკენ — იქიდან გაუღიმა ორივეს და მოხუცს თვალი ჩაუტყრა.

— გასაკრეჭია ბიჭი, ძლივს წამოვიყვანე, — თითქოს თავს იმართლებსო, ისე უპასუხა ბერიკაცმა.

გურამმა ეშმაკურად გაიცინა და არაფერი თქვა.

ოთახში კიდევ ორი კაცი იჯდა. ერთს, შუახნისას, მეხანძრის ფორმა ეცვა, მეორეს კი, მოხუცს, ხელში გასაღებების ვეება შეკვრა ეჭირა და მივივბივითა სთვლიდა.

ორივენი ჩუმად ისხდნენ და ენათგაკრეფილ პარიკმახერს უსმენდნენ. ის კი ვის არ ახსენებდა, ხან სად გადახტებოდა იმ საუბარში, ხან სად. მერე პარსვას თავი მიაწება, სამართებელი თანმაზე ალესა და გურამს მიუბრუნდა.

— გურამ, ხომ იცი, მეც ჩემი გეგმა მაქვს. ამდენ ხანს რათ მალოდინე. მეც ზარალში მაგდებ და შენც აგრე ბანჯგვლიანი დადიხარ.

— რა ვქნა ლეო-ჯან! ვედარ მოვიცალე. — უპასუხა გურამმა.

— ვაჰ, ეს რანაირად იციან, კაცო! ეგ არი თქვენი გეგმიანობა, თქვე დალოცვილებო! — გაიოცა ლეომ და დანაყელთან ჩამოუსვა.

სულხანი მეხანძრესა და გუშავს მიუჯდა. ჯუნი კი გაოცებული უსმენდა პარიკმახერს:

— არა, ძალიან უწესოდ მუშაობთ. —

ამბობდა ის და უფროსივით უწვევებოდა სალინოტიპო საამქროს უფროსოტატს. გურამმა წვერი რომ გასწავსა, ლეოს მანეთიანი მიაწოდა და საჩქაროდ გარეთ გავარდა. ახლა ჯუნი ჩაჯდა იმ სავარძელში, ლეომ დიდხანს უტრიალა, თმა კობტად შეუსწორა, ბიჭს კი ერთი სული ჰქონდა, ვიდრე პარიკმახერი საქმეს მორჩებოდა.

როგორც კი ბიჭი სავარძლიდან ადგა, მოხუცი გუშავი გამოფხიზლდა თვლემისხაგან და პაპას უთხრა:

— სულხან, შენი ჭირიმი, ნუ გეწყინება... ძალიან პატივსა გცემ, მაგრამ კერძო პირს სტამბაში ვერ შევეშვებ.

პაპას უცებ ცუდმა ფერმა გადაჰკრა: — ჩემზე ამბობ, კაცო!

გუშავმა გაიცინა:

— რას ამბობ, კაცო! ეგ რამ გაფიქრებინა? მე და შენ აქ უფროსები ვართ. ემაგ ბიჭზე გეუბნები. ვისია?

პაპას გულზე მოეშვა, მაგრამ გუშავს მაინც წარბი არ გაუხსნა.

— ჩემია, კაცო! შვილიშვილია. ეს რა კერძო პირია, შაქრო! — და წეღან, ეზოში რომ ბიჭები იდგნენ, იმათი სიტყვა გაახსენდა — ეს ახალგაზრდა გვარდიაა.

— ჰოო, ნათქვამია კვიცი გვარზე ხტისო. წაიყვა, სულხან, მაგრამ ფრთხილად. ათასი საწამლაგია, ათასი საფრთხე...

— მე მეუბნები? — გაეცინა მოხუცს, — ეგეც თუ აღარ ვიცი...

საპარიკმახეროდან რომ გამოვიდნენ, პაპა და შვილიშვილი ისევ ეზოში მოხედნენ. მერე ერთი მაღალი კარი შეაღეს. იქ აუარებელი ქალღლი ეწყო, იქიდან ქვევით, მიწის სიღრმეში კიბე ჩადიოდა; ძნელი იყო გავლა, ისე იყო გაჭედილი იქაურობა. ძლივს გაძვრნენ და შეჰყვნენ კიბეს მეორე სართულისაკენ, იქ, დერეფანში ერთ ხანს სული მოითქვეს და ვეება დარბაზში შევიდნენ.

უზარმაზარი იყო ის დარბაზი, ხალხით, ხმაურით, ზუზუნითა და ზრიალით სავსე. მთელ სივრცეზე, ერთი-მეორის

მიყოლებით ჩამწკრივებულ იყვნენ მანქანები და სწორედ ისინი ზრიალებდნენ, თითქოს რაღაცას ბუტბუტებენო. დაბლა, იატაკს ქვეშ რაღაც მანქანა ბორგავდა და კედლები ზანზარებდნენ, მაგიდაზე ოდნავ წკრიალებდა ქიქა, და ეჩვენებოდა ჯუნის, რომ მატარებლის დერეფანში დგას და ფანჯარას ვასცქერის. მიქრიან სადგურები, ალვისხეები, მწვანე გორაკები და სახლები, შემდგარა ეს ბუმბერაზი ბორბლებზე და გუგუნით მიარღვევს სივრცეს.

უცებ იმ დარბაზის თავში ბიჭმა თავის მამას მოჰკრა თვალი, მანქანის წინ იჯდა და ქალაქში იცქირებოდა, თანაც სწრაფად ათამაშებდა თითებს კლავიშებზე.

— აქედან იწყება ყველაფერი, — უთხრა პაპამ და მანქანასთან მიიყვანა. დაჰკრავდა ასოთამწყობი ხელს ერთხელ, ორჯერ, მანამდე, სანამ საბჭოკარე აივსებოდა და ბოლოს მანქანიდან ტყვიისაგან ჩამოსხმული რაღაც ფირფიტას მსგავსი გადმოვარდებოდა.

ამას ერქვა ბჭკარი, ტყვიისა იყო, ათასი, ათი ათასი ასეთი სტრიქონი უნდა ჩამოესხათ, რომ მათ ქალაქზე კვალნი აღებეჭდათ და მერე წიგნიც მზად იქნებოდა.

ბიჭმა შეამჩნია, რომ სტრიქონები თავისთავად ეწყობოდნენ ერთიმეორეს, მხარში უდგებოდნენ ისე, როგორც წიგნში არიან. პაპამ ერთი სტრიქონი, ის იყო მანქანიდან ცინცხლად რომ გადმოსტა, ხელში აიღო, რამდენჯერმე შეათამაშა, ხელიდან ხელში გადაიგდო, მერე სულიც შეუბერა და ჯუნის მიაწოდა. ტყვიის ფირფიტა ცხელი იყო, ბიჭს ხელისგული ეწვოდა, მაგრამ არ იმჩნევდა — აქ შემოსულმა კაცმა ყველაფერს უნდა გაუძლოს, — თორემ ვინ იცის, ეგებ დავცინონ და გავაგდონ კიდეც აქედან.

— აბა, წაიკითხე! — შეაქება პაპამ. რატომაც არ წაიკითხავს, დახედა ჯუნიმ და ხმამაღლა ჩაიკითხა, რაღაც უაზრობა იყო.

პაპას გაეცინა:

— უკულმა წაიკითხე, ბიჭო! მარჯვნიდან მარცხნივ!

ჯუნიც ასე მოიქცა და ხმალიდან ტყვიამ:

თბილისი სპარსთა დაიპყრეს,

წაიკითხა და აიხედა. ის იყო პაპამ სამი მომდევნო სტრიქონი ერთად მიაწოდა:

მიდ-მოდის სისხლის ღვარები  
ტრიალ კრწანისმა მოგვემრიტა,  
ღროშებს დაგვიწყდა ზარები...

ლექსი მოდიოდა ტყვიასავით, მდინარესავით და ერთმანეთს ეწყობოდნენ სტრიქონები:

წადი, ტიალო, ვის უცდი,  
მუხლში ჩაუშვი ქარიო,  
დარეკონ, უთხარ, ქალაქში,  
სამგლოვიარო ზარიო,  
ნულარ ელიან, სულ გაწყდა  
ერთგული ქართელის ჯარიო!

ლექსი კი არა, მოთქმა იყო — მოსულიყო ვაჟა-ფშაველა და ტიროდა... და მოთქმა წიგნის ერთი ფურცელი უნდა გამხდარიყო. ვაჟას წიგნი უნდა ამოსულიყო იქ ხესავით და ერთი ფოთოლი ეს იყო, იმ ხეზე უნდა ეშრილინა. მერე ის ბიჭი დაინახა ჯუნიმ, წიგნს ებოზოდა რომ იდგა. ბიჭმა ბაწრით შეკრა ის სტრიქონები, არ დამებნესო, მანქანაზე დადო, ზედ ქალაქი გადააფარა, გაიარა მანქანამ და შავი კვალნი გაატარა თეთრ მინდორზე.

კითხულობდა ჯუნი და ხედავდა, რომ წიგნის დაბადება დაწყებული იყო. რა კარვად სცოდნია მოსვლა წიგნს ამ ქვეყანაზე, გაზაფხულივითა სცოდნია, ხმაურითა და შრიალით.

ნელ-ნელა ჩაჰყვნენ იმ აზრალეებულ მანქანებს მოსული და შევილიშვილი, პირველთან ვაჟას ლექსს რომ აწყობდნენ, მეორესთან აკაკი ელოთ წინ, მესამესთან — ლერმონტოვი, მეოთხესთან — ანდერსენი. ბოლოს იმ დაზგას-

გიორგი ნატროშვილი  
თეთრი ხნული



თან გავიდნენ, სადაც გამურული ბიჭი ანაბეჭდებს იღებდა და ჰკეცავდა.

ბიჭმა ჯუნიის ეშმაკურად ჩაუკრა თვალი, ანაბეჭდების მთელ ხროვას ხელი დახვია და საითღაც გაიქცა.

— აი, ხელავ ჯუნი აქაურობას. — უთხრა პაპამ და ვეება საამქრო მიმოათვალიერა, — ხელნაწერი პირველად აქ მოდის. ხომ დაინახე, როგორ აწყობდნენ. აქედან მიდის სად, იცი? იმ ბიჭს უყურებდი, საით წავიდა?

— აი, იქით! — უჩვენა ჯუნიმ სალინოტიპო საამქროს დასაწყისში, მარჯვენა მხარეს, სადაც პატარა ოთახები მერცხლის ბუდეებით იყო მიდგმული ერთი-მეორეზე.

— აბა, წამო, ბარემ კვალდაკვალ გავყვით...

პაპამ და შვილიშვილმა პაწია ოთახების კარი შეაღეს, ყველგან წყვილ-წყვილად ისხდნენ ქალიშვილები. ერთი პატარა სარკეში იცქირებოდა, მეორე ქსოვდა, მესამეს ისეთი დაფურცლილი წიგნი ეჭირა, გეგონებოდა კი არ უკითხავთ, ქურჩა-ქურჩა უთრევიათო, მეოთხე და მეხუთე ახალ ყელსახვევსა სინჯავდნენ, დანარჩენები ბავშვურად, ჩათვლით კითხულობდნენ... ის ბიჭი კი დარბოდა მათ შორის და ახალ-ახალ ფურცლებს ურიგებდა.

— ვინ არიან? — ჩუმათ ჰკითხა ჯუნიმ პაპას.

იმ ბიჭმა გაიგონა და პაპას პასუხი დაასწრო:

— ჰოოო, ამათზე ჰკითხულობ? ეს ქალიშვილები არიან, შეცდომებს რომ ეძებენ. ხელობა აქვთ ასეთი!

იმ ქალიშვილმა, ჩათვლით რომ კითხულობდა, წყრომით აიხედა და ბიჭს უთხრა:

— წადი ახლა, ხომ ხელავ, გვიშლი! ბიჭმა ხმას დაუწია, მაგრამ მაინც გასაგონად (ის აქ შინაურულად გრძნობდა თავს) განაგრძო:

— აი, ჯუნი, ეს დეიდები, ღმერთმა დაიფაროს, ერთ დღეს წვიმაში რომ მოჰყვნენ და გაცივდნენ, მორჩა, სულ-მთლად უკუღმა წავა წიგნის საქმი. იმდენი შეცდომა იქნება შიგ, იმდენი...

ჰოდა, ამათ ხელშია ყველაფერი... შეხედე ამ დეიდას, ლილი ჰქვიან სახელად. შეხედე, რა ყელსახვევი უმოვიდა... არა...

— კარგი, ნუ გააწყალე გული, — კვლავ გაუწყრა ლილი და თავისი ლამაზი წარბები წყრომით შეჰყარა, — არაფერი არ დაუჯერო ბიჭუნი მაგ სალახანას!

— შენი ახალი მოსწავლეა, ასე ვთქვათ, ახალი ცვლა? — დაცინვით ჰკითხა ლამარამ.

ბიჭმა სიტყვა ბანზე აავლო და ლამარას ჰკითხა:

— ის ბიჭი ვინ იყო, გუშინ, კიროვის ბაღში... მერე კინოში რომ შეხვედით?

— რაში გეკითხება? გირჩევნია საქმეს მიხედო! — წამოწითლდა ლამარა და თავიდან ბოლომდე აჭრელებული, ლურჯი ფანქრით ათასნაირად გადახაზული ქალადის გრძელი ნაჭერი მიუგლო — წაიღე, ხელახლად ასაწყობია.

ჯუნი იმ დღეს კიდევ ერთი საკვირველი ამბის მოწმე გახდა: ის იყო პაპა და შვილიშვილი საამქროდან გამოდიოდნენ, როცა კარში ერთი ტანმორჩილი ყმაწვილი გამოჩნდა და შემფოთებით იკითხა:

— ჩემი წიგნის კორექტურა გამასინჯეთ?

— ნუ დეღავთ, ბატონო! — შეეგება გურამი ახლადმოსულს და მერე ქალიშვილს მიუბრუნდა, — მგონი შენ აწყობდი, მერი! უჯრაში გექნება!

ყმაწვილს ფურცლები რომ მიაწოდეს და ჩაიკითხა, მაშინ კი შეიჭმუნხა წარბი და თქვა:

— კარგი აწყობილია! — მერე მთლად შეეცვალა სახე, დაუდნა ღიმოლში, „თქვენნი აწყობილია, მერი?“ — მიუახლოვდა ქალიშვილს და ხელზე ხელი დაადო, თან ფურცელს ჩასცქეროდა, უცებ ისევ შეიკრა წარბი და იყვირა:

— ლექსს ბოლოში წერტილი აკლია! მკითხველი ხომ უნდა გაჩერდეს. რომ დაიწყებს, ხომ უნდა გაჩერდეს!

— კარგი, ბატონო, დავსვამთ წერტილსაც.

მერიმ ფურცელი წინ დაიდო, ააწყო სტრიქონი, დააცქერდა, ჩაიკითხა, ახლა წერტილის გამოძახება-ლა იყო საჭირო, დაადო თითი კლავისშს და ისიც გამოიძახა, მერე ჩასვეს სტრიქონი ანაწყოში და ანაბეჭდი ხელახლა ამოიღეს. ბოლო წერტილი ისევ არ იყო.

— ისევ არ არის! — იყვირა ყმაწვილმა, — მკითხველი ლექსს რომ დაიწყებს, როგორც არაგვი, ისე წავა, სულ უფრო და უფრო სწრაფად, გრილით, მაჯისცემასავით იმატებს რიტმში. პოდა, სად უნდა გაჩერდეს?!

კუთხეში ისევ ის გამურული ბიჭი იდგა, წიდან ანაბეჭდებს რომ იღებდა. თავიდანვე თვალს ადევნებდა ყველაფერს და ახლა ვეღარ მოითმინა:

— ის დალოცვილის შვილი, რომ დაინახავს, აღარაფერიო, მაინც არ გაჩერდება? რას იზამს, მაშ რას? ფანჯრიდან ხომ არ გადახტება?

საამქროში ყველას გაეცინა.

მერიმ ისევ დაიდო ფურცელი წინ, ისევ ჩამოსახა სტრიქონი, ამოიღეს ანაბეჭდი და წერტილი ისევ არ იყო.

ისევ ატყდა სიცილი და აურზაური. მერი შემკრთალი წამოდგა და ლინოტიპის ბუდე გასინჯა, მერე მობრუნდა და გაბრაზებულმა თქვა:

— ჩემი წერტილები სულ წაუღიათ! — და თვალებით დაუწყყო ვილაცას ძებნა. — ეს სულ ზაზას ბრალია. ასეთი სიხარბეც არ გამიგონია.

ზაზამ მწყურალად გადმოხედა:

— რათ მინდოდა, გოგო, მე შენი წერტილები? ჩემი არ მაქვს თუ?

— ასე გძარცავს. აბა, უნახეთ, პაპიროსის კოლოფში ექნება.

მართლაც, მერის წერტილები ზაზას პაპიროსის კოლოფში იპოვნეს, ჩააწყეს ბუდეში და წერტილი ახლა კი დაჯდა თავის ადგილას.

— გადარჩება ის მკითხველი, არაგვივით რომ წაიღებს თქვენი ლექსი! — ღიმლით უთხრა მერიმ პოეტს და ბიჭს დაუძახა, ანაბეჭდი ამოეღო.

ჯუნი დადიოდა დარბაზიდან დარბაზში და შესცქეროდა საამქროში მდებარე ფანჯრებს, მთელი კედლის ლეზე — ან სად იყო აქ კედელი, ფანჯარა იყო მარტო, და ვეება მინა — მზისოდენა, რომ მზეს კარგად შემოეხედნა. სხვა არაფერი იყო აქ საოცარი და საკვირველი, მუშაობდა ყველა, როგორც იმუშავებდა ასფალტის დამგები, რომ ადამიანებს და მანქანებს უფრო თავისუფლად შესძლებოდათ სიარული. დროდადრო, გამოზომილად ქშინავდა საბეჭდი დაზგა. ჯუნიზე სულ ცოტათი უფროსი, თხუთმეტიოდე წლის ბიჭი თავითი ედგა და ეს ბიჭი და ის მანქანა თითქოს ერთმანებოდნენ ერთი-მეორეს — გაუწყვდიდა მანქანა ბიჭს წიკბლის მსგავს თავის თითებს და ბიჭიც უმაღლესი მიაშველებდა ქალაქს, ჩაიტაცებდა და მანქანა იმ ქალაქს ჩაიხვევდა და ერთი წუთის წინ სუფთა ფურცელი უკვე აქრელებული და ბჭკარებით გადახნული იყო.

ბიჭი აქაურ მუშებს არა ჰგავდა, პრაქტიკაზე მოსული მოსწავლე იყო. ჯუნიმ თვალი ვეღარ მოაშორა. მეორე კუთხეში ახალ საბეჭდ დაზგასთან იმავე ხნის გოგონა იდგა, იმ ბიჭის თანაკლასელი. გოგოს ღურჯი კოვბოურა ეცვა და წამდაუწუმ ისწორებდა, ეტყობოდა ახალი ნაყიდი ჰქონდა და ჯერ ისევ შეჰხაროდა, თანაც გადარეულივით იქნედა თავს, რომ შუბლზე ჩამოშლილი თმა უკან გადაეყარა.

— ფეხგომელა რათ მუშაობ? — ჰკითხა გოგოს პაპა სულხანმა.

გოგონამ წამით გადმოჰხედა ბერიკაცს და გადაიკისკისა:

— მოიშალა!

— ჩამოდი ცოტახანს, ვნახოთ ერთი რა მოიშალა! — თქვა ბერიკაცმა და კირკიტი დაუწყყო მანქანას, ჯუნი თითებში უცქეროდა.

სამბეჭდაოში ისმოდა გაუთავებელი ყრიაშული, სწორედ ისეთი, როგორიც გარეთ, ვეება ჭადრების ტოტებში, სა-

---

გიორგი ნატროშვილი  
თეთრი ხნული

დაც აუარებელი ჩიტები მოგროვილიყვნენ. აქაც, იმ ჩიტებივით ირგოდნენ ბავშვები და პაპა მიხვდა, ესენიც მოსწავლეები იყვნენ, პრაქტიკაზე მოსულები. უფროსებიდან აღარავინ ახლდათ თან, მასწავლებელს ამოეკითხა სია და წასულიყო, აღარც თენგიზი ჩანდა — ამათი უფროსი და დამრიგებელი; უფროს ოსტატს კი ყველასთვის საქმე მიეცა, მაგრამ თვითონ თავის დაზვას დასტრიალებდა, დროდადრო აიხედავდა, ბავშვებს გაუწყრებოდა და მერე ისევ თავის საქმეს დაუბრუნდებოდა.

მოხუცმა შეფერხების მიზეზი იპოვნა, გამართა მანქანა, ჯერ თვითონ დაიწყო ბეჭდვა და მერე ადგილი ისევ იმ გოგონას დაუთმო. დაბლა რომ ჩამოვიდა, აკრიამულეზულ დარბაზს გახედა და არ მოეწონა ის, რაც აქ ხდებოდა. ახლად შეამჩნია, რომ მოსწავლეებს სპეცტანსაცმელი არ ეცვათ და შეფიქრიანდა, შეერთა, არაფერი შეემთხვეთ, თავს არაფერი აუტეხოთ. რა პლაკატს იტყოდით, კედელზე არ ეკიდა. წარწერები, წარწერები. უსაფრთხოების წესები, ხანძარსაწინააღმდეგო მოწოდებანი, ცეცხლში მოყოლილი შენობა, კვამლის სვეტები, სისხლი. გატეხილი შუბლი, მაგრამ ყველაფერი ეს დახატული იყო და არც იმ კვამლისაგან ეწვოდა ვისმეს რამე, არც იმ ჭრილობებისაგან სტიკოდა.

მაგრამ ახლა ბავშვებზე კი არ ბრაზობდა მოხუცი, უფროსების ასეთი უდარდელობა არ მოსწონდა. ესენი კი იცელქებენ, მაშ, რა იქნება! არ უნდა მისცე ნება ასე თავისუფლად ირბინონ ამ მოზრიალე და მოზუზუნე მანქანებს შორის. და უცებ რაღაც გაახსენდა და გაეღიმა. პო, მაშინ თვითონ იყო აქ უფროსი, მაშინ ომი იყო ქვეყანაზე. მაგრამ მოწაფეები მაშინაც აქ მოჰყავდათ. საამწყობო საამქროში შევიდა და უჩვეულო სურათს შეესწრო. ბავშვები თამაშობდნენ, შრიფტს ესროდნენ ერთი-მეორეს, თითქოს რიყზე არიან და კენჭებით თამაშობენო. თან იმ შრიფტის სახელებს ხმამაღლა გაიძახოდნენ

და ეცინებოდათ, რომ ამ კენჭებს ერთი უცნაური სახელები ერქვა.

დირექტორის დანახვაზე ბავშვები ყურდნენ. სულხანი იმ ბიჭს მიუახლოვდა და ჰკითხა:

— რას სჩადიხართ, ბიჭო?

— გაკვეთილს ვიმეორებთ, პატივცემულო დირექტორო, აგრე უფრო ადვილად ვისომებთ სახელებს — და ბიჭმა გაზეპირებულებით დაიწყო: შუქურა, კეგელი, ერთნახევარი კვადრატი, დახრილი ნუსხური, კეგელი ოცდაათნი, გორდეზიანი დახრილი, ციცერო კირილე.

— მეორეჯერ ამას ნულარ ჩაიდენთ! მაგ შრიფტით თქვენ რომ ჰუნტავთ, თქვენივე წიგნები უნდა დაიბეჭდოს.

ეს როდი იკმარა მაშინ სულხანმა, მასწავლებლები მოიწვია, სამაქროს უფროსები ცალკე გააფრთხილა და ბავშვები მიახვედრა, რომ აქ სათამაშოდ კი არა, სწავლისათვის იყვნენ მოსულნი.

ახლაც ისეთსავე სურათს გადააწყდა. და თითქოს მიხვდა, თითქოს იპოვნა ის სიტყვები, რომლებიც შვილიშვილისათვის უნდოდა ეთქვა.

— მე აქ დავბერდი. აქ ისე დავდიოდით, როგორც ყანაში. ყანაში კი გასართობად არ დადიან, გასამარგლად დადიან, ცხელა, არა? ამაზე მეტი ბული რომ იდგეს, წამოუჩოქე და გამომარგლე... რამდენ ხალხს გაუვლია აქ და კიდევ რამდენი გაივლის, მოსულან და აქ უსწავლიათ ცხოვრება, სიკეთის მადლი აქ დასთებიათ მალამოსავით. ერთი დედ-მამის შვილები არ ყოფილან და და-ძმასავით შეჰყვარებიათ ერთმანეთი. იმიტომ, რომ უგრძენიათ, უამისოდ უამსიყვარულოდ ლუკმას გემო არა აქვს, მწარეა! ცხოვრება კი მაშინ არის კარგი, მაშინ არის სასიხარულო, როცა ყველანი ერთად ვართ, ერთი-მეორეც მაშინ გვიყვარს, როცა ერთადა ვშრომობთ. სიტყვით ამას ძნელად გააგებინებს კაცი კაცს, აქ კი ისე ისწავლი ამ სიყვარულსა და სიბრძნეს, ვერც მიხვდები, როდის ვისწავლეო!

საიდანღაც თენგიზმა გამოჰყო თავი.



მობსუცმა გაუცინა, ჯუნიმაც შეპხედა და იცნო.

— შენი ჭირიმე, ბერიკაცო! იმიტომ მიყვარხარ, რომ ვერ მოგისვენია... სხვა უშენო, გავიდოდა თუ არა პენსიაზე, დაჯდებოდა კირ ზვის პარკში, მოისვენებდა თითონაც და მოასვენებდა ამ ქვეყანასაც. არა, არ მოასვენო, შენ აქ უნდა მოპკვდე...

— მოიცა, ბიჭო! ამინმა არ ჩამოიაროს.

— არა, შენგან გამიგონია, თქმით არავინა კვდებოა. ამინი კი, ერთხელაც იქნება, ჩამოივლის. ჯერ კი არა, მერე...

მანამდე კი ვატრიალოთ და ვაზანაზროთ ეს ქვეყანა... იმიტომ, რომ ყველანი მიყვარხართ, ბიჭებო და გოგონებო!

— მაშინ რომ ძალიან წყრებოდით? — პკითხა ჯუნიმ.

— როდის, ბიჭო? ნურათრისა ნუ გეშინიანთ, სანამ ჩემთან ხართ, ნურათრისა ნუ გეშინიანთ, სანამ ერთადა ვართ...

შინ დაბრუნებისას, მთელი გზა ისე გამოიარეს, პაპასა და შვილიშვილს ხმა აღარ ამოუღიათ. ორივენი თავიანთ ფიქრებში იყვნენ წასულნი.



# საბჭოთა მხრისად

საშუ

## თოჯინა—კოსმონავტი

ამერიკელმა კონსტრუქტორებმა შექმნეს სამაღვლიანი კოსმოსური ზომადლი, რომლის ბორტზეც მოათავსებენ... თოჯინა-კოსმონავტებს. თვითთული მათგანი შეიარაღებული იქნება სიჩქარის სპეციალური მშოპით. ამერიკელ კონსტრუქტორებს სწორედ ამ ხელნაწყოს გამოცდა სურთ.

## დისნეის ახალი ფილმის წარება

ამერიკული პრესა ქება-დღეობით იხსენიებს ახალ მხატვრულ ფილმს „მერი პოპინსი“. რომლის დადგმასაც ხელმძღვანელობდა უოლტ დისნეი. „მე-

რი პოპინსი“ მუსიკალური ფილმია. მასში უზვად არის ნაჩვენები ორიგინალური ხადვიკავო ნომრები. მსიარული გუფერნანტი ქალის, მერი პოპინსის როლს ასრულებს ცნობილი მსახიობი ჯული ენდრიუსი. „მერი პოპინსი“ მიმდინარე სეზონის საუკეთესო ფილმია. მან ერთდროულად „სოკარის“ ხუთი პრემია დაისაკუთრა: ქალის როლის საუკეთესო შესრულებისათვის (ჯული ენდრიუსი), საუკეთესო მონტაჟისათვის, სცენური ეფექტისათვის, მუსიკალური გაფორმებისა და საუკეთესო სიმღერისათვის.

## ჩამოსაპიდი მავნიშარი

ამერიკელმა კონსტრუქტორებმა ქიმიურ ქარხნებში მო-

მუშავეთათვის შექმნეს მინიატურული მაცივარი, რომელიც 170 გრამს იწონის. მისი ჩამოკიდება შეიძლება ქამარზე. მაცივარს აქვს სპეციალური, პლასტიკური მილენი, რომელთა საშუალებითაც ტანსაცმელში შედის ცივი ჰაერი და აღამიანს სიცხისგან იცავს.

## ბელგია

### ფრანს მავმარლის გრამიშრამი

ჩვენი დროის გამოჩენილმა გრაფიკოსმა ფრანს მავერელიმ შექმნა გრაფიურათა სერია ხეზე, რომლის რეპროდუქციები ცალკე აღმომად გამოვიდა. ამ

გაგრძელება იხ. გვ. 61.

## ვაკუ მუხიბიძე

### გაცნაობა და გიხარია

სალამი მინდვრებს,  
ქედებს სალამი! —  
აქ არ ყოფილხარ დიდი ხანია.  
მოხვედი,  
სოფლის, სუნი საამო  
გეცნაურება და გიხარია.  
აქ მაშინ დიდი იმედით ენთო  
ყოველი წამი,  
ყოველი წუთი.  
ისეთი ბავშვი იყავი ერთ დროს,  
იქ რომ თამაშობს წითელი ბურთით.  
შავგვრემან ჭაბუკს გოგონა მიჰყავს,  
გოგონას შეენის მამის იერი;  
ერთ დროს ასეთი მამა იყავი,  
გალიმებული და ბედნიერი.  
ისევ ისეა, ბაბუა თედოს  
კვლავ შერჩენია მხნეობა ძველი.  
სწორედ ასეთი იქნები ერთ დროს  
გრძელი ყავარჯნით და თეთრი წვერით.  
სალამი მინდვრებს!  
ქედებს სალამი!  
სალამი დღეებს!  
დღეებს დარიანს!..  
მოხვედი,  
სოფლის სუნი საამო  
გეცნაურება და გიხარია.



### საირმე

შენ აირჩიე ეს აგარაკი,  
ეს სიჩუმე და ფოთლების ცვენა,  
რომ დაასვენო დიდი ქალაქის,  
დიდი ხმაურით დაღლილი სმენა.

რომ წამალივით გამოიზოგო  
სიმშვიდე სივრცის, — ლურჯი უდაბნოს.  
რომ სილამაზის მარადისობა  
იწამო ერთხელ და სამუდამოდ.  
ტყის სიმწვანეში თვალი ეფლობა  
და სურვილები სულში ლაღობენ;  
შენ გიხარია მზის მეზობლობა,  
შენ გიხარია მზის სიახლოვე.  
ისევ დილაა, ისევ ადრეა,  
არ შემრობია ცვარი გვირილებს...  
და მალალ წიფელს, როგორც შადრევანს  
უნეტარესი ახლავს სიგრილე.  
არბიხარ მთაზე, როგორც დევნილი,  
გიკვირს მუხლები რომ არ გელღება...  
და მონატრებულ დედის ხელივით  
გრძნობ იმერული ქარის შეხებას.  
თეთრი და მჩატე, როგორც რძის ქაფი,  
მსუბუქი ნისლი ხევ-ხევ მიღელავს,  
და გაბრწყინებულ ცისკენ ისწრაფვის  
განედლებული სულის სიმღერა.  
აქ ყვაგილების ფერადი ცეცხლის  
მიმატებია სივრცეს ნათელი,  
უძვირფასესი, როგორც სიცოცხლე  
შენში ზეიმობს დღე დღევანდელი.  
ათასი ფერი ერთად შეერთდა,  
ათასი ფერი სუნთქვას აწყდება.  
ამ ბალახებთან და ამ ხეებთან  
შენ ლაპარაკობ, როგორც კაცებთან.  
შენ აირჩიე ეს აგარაკი,  
ეს სიჩუმე და ფოთლების ცვენა,  
რომ დაასვენო დიდი ქალაქის,  
დიდი ხმაურით დაღლილი სმენა.



## კარგი დღე

დარი!  
გელირსა დარი,  
შრება ცისფერი გუბე,  
არავითარი ქარი,  
ირგვლივ სიჩუმე სუფევს.  
ვაშლის თეთრ კვირტებს ჰკოცნი,  
როგორც მეხილე, მეზვრე...  
და არა მარტო ხორცი,  
სულიც გითბება მზეზე.



# სასწავლო

## მოთხრობა

ლთახში ორნი იყვნენ: გია ბარბაქაძე, ცამეტი წლის ბიჭი, და მისი დაუძინებელი მტერი რაჭდენ კაბანაძე. ბიჭი მაგიდის ერთ მხარეს იდგა, მხრებში აწურულიყო, ცდილობდა მშვიდი და გულგრილი გამომეტყველება მიეღო და მოსალოდნელ განსაცდელს მხნედ შეხვედროდა. მოსალოდნელი განსაცდელის სათავე კი, დაჰმუჭუნულ შარვალხალათში გამოწყობილი ბერიკაცი, სკამზე ნებივრად გადაწოლილიყო, ფეხი ფეხზე შემოედო და ფეხსაცმლის წვერს ნერვებისმომშლელად აქნევდა; იდაყვში მოხრილი მარცხენა ხელი სკამის საზურგისათვის ჩამოეყრდნო, ხოლო მარჯვენაში თავისი სახელგანთქმული უბის წიგნაკი ეჭირა და მაგიდაზე აკაკუნებდა.

მამ ასე, მოწინააღმდეგეთა სახეები თვალნათლივ მოწმობდა, რომ ბრძოლა უთანასწორო იყო. ამ უთანასწორობას ყველაზე უკეთ თვითონ გია ბარბაქაძე გრძნობდა და დიდრონ. თავლისფერ თვალეზში შესაფერისი შიშიც ეხატებოდა, მაგრამ მისი ასაკისათვის დამახასიათებელი სიჯიუტის გამო საკუთარ თავსაც არ უმხელდა სიმართლეს. იგი ცამეტი წლის ბიჭი იყო და ცამეტი წლის განმავლობაში უქმად როდი დაეხეტებოდა ამ ცოდვილ მიწაზე! ცხოვ-

რებამ ბევრი რამ ასწავლა და დიხაც მტკიცედ ჰქონდა შეთვისებული ფასდაუდებელი მცნება, რომ როდესაც ყველა გზა მოჭრილია, როდესაც უბედურების აცილება სრულიად უიმედო საქმეა, უნდა შეინარჩუნო სიმშვიდე და გულგრილობა და ამ გზით მორალურად მაინც გაიმარჯვო მოწინააღმდეგეზე, რომელიც ფიზიკურად გჩაგრავს.

ასეთ ფიქრებს მისცემოდა უსამართლობის საბრალო მსხვერპლი; და ეს ფიქრი, უნდა ითქვას, მთლად თავისუფალი არ ყოფილა მოჭარბებული პათეტიკისაგან.

ორთაბრძოლა მიმდინარეობდა რაჭდენ კაბანაძის ბინაზე, პატარა ოთახში. მხარმარცხნივ რკინის საწოლი იდგა. პირდაპირ — პატარა კარადა, კარადის მახლობლად — ტელეფონი, მხარმარჯვნივ კი, კედელზე, შავი ქაღალდი იყო გაკრული, რომელიც მარტო თავისი ფერით კი არ ამძიმებდა ატმოსფეროს, არამედ იმითაც, რომ დაფის მოვალეობას ასრულებდა და ამ იმპროვიზებულ დაფაზე მალე სამკედრო-სასიცოცხლო ბრძოლა უნდა გამართულიყო გია ბარბაქაძესა და გეომეტრიულ ამოცანებს შორის. გარდა ამ ნაკლებ საინტერესო საგნებისა, საწოლის თავზე იყო კიდევ ერთი, შედარებით მნიშვნელოვანი რამ,

კერძოდ, ფანჯარა, საიდანაც დაკარგული თავისუფლება მოჩანდა.

ფანჯრის იქით ათი იმათგანი, ვინც თავის ტანჯულ და უსახელო სიცოცხლეს მესამე სკოლის მერხებზე ალაგმებდა, მალე ჩაიცვამდა ცისფერ მაისურებს (ზედ რომ ოქროს მარჯვენაინი, მაგრამ მაინც მეტიჩარა გოგოს, ნათია გოგიაშვილის ხელით ლამაზად იყო ამოქარგული ნომრები), ხოლო მეტერთმეტე, ცენტრალური თავდასხმელი, მთავარი ბომბარდირი და გუნდის კაპიტანი ამ მძიმე ჟამს, როდესაც პირველობის საკითხი უნდა გადაწყვეტილიყო, უსახელოდ იღუბებოდა გეომეტრიის ბასრ მარწუხებში. გუშინ, გაკვეთილების დამთავრებისას, მან შეიტყო თავისი მძიმე ხვედრი, შეიტყო, რომ დღევანდელი დღე, ერთადერთი თავისუფალი დღე კვირაში, დაკარგული ჰქონდა და, როგორც სასიკვდილოდ დაჭრილ მთავარსარდალს შეეფერება, თანამებრძოლებს უკანასკნელი დარიგება მისცა: მოულოდნელად დაშვებულ კაპიტანის მაგივრად ენუქიძე გამოვიდოდა მოედანზე და მარჯვენა ფრთაზე ითამაშებდა, ხოლო მამალაძე ცენტრში გადაინაცვლებდა; ამასობაში იქნებ თვითონაც მიესწრო. ასეთი იყო საბოლოო დარიგება, თუმცა ეს უკანასკნელი ფრაზა, ცოტა არ იყოს, ცალკვად მიაყოლა მიმავალ მეგობრებს, რადგან კარგად იცოდა, რომ მას განხორციელება არ ეწერა. როგორც ზემოთაც ვთქვი, მისთვის უქმად არ ჩაუვლია ცამეტ წელს: ცხოვრებამ დიდი გამოცდილება შესძინა და საბოლოოდ დარწმუნდა, რომ სასწაულები არც ისე ხშირად ხდება, როგორც ზღაპრებში წერია. უფრო მეტიც, შეიძლება ითქვას, სულაც არ ხდება. პატარაობისას ასე არ ფიქრობდა, პატარაობისას ყოველდღე სასწაულს ელოდა და ეჭვიც კი არ ეპარებოდა, რომ დღეს-ხვალ ყველაფერი შეიცვლებოდა: ან გადაბრუნდებოდა ქვეყანა, ან გადამბრუნდებოდა, ან სწავლა გაუქმდებოდა, ან სხვა რამე მოხდებოდა არანაკლებ მნიშვნელოვანი. სინამდვილეში კი ყოველი პირველი დღე

გაჭრილი ვაშლივით ჰგავდა მეორეს. რაჟღერ კაპანაძე არ იქნებოდა, პარმენ კინიკაძე იყო, პარმენ კინიკაძე იქნებოდა, გაბრიელ ბესტიაშვილი იყო. შუა გაკვეთილამდე ყველა ძველ მასალას კითხულობდა, შუა გაკვეთილის შემდეგ ყველა ახალ მასალას სხნიდა. ყველას ეჭირა უბის წიგნაკი ხელში და და ყველამ იცოდა ორიანების წერა. მართალია, რაჟღერ კაპანაძის უბის წიგნაკი გაცილებით უფრო სქელი იყო, ვიდრე ყველა დანარჩენისა ერთად, მაგრამ, სამაგიეროდ, რაჟღერ კაპანაძეს ამ ერთ უბის წიგნაკში ჰქონდა მოქცეული ყველა ორიანი, რაც კი თავის სიცოცხლეში დაეწერა. ასე მილოდავდა დღეები. არავითარი ცვლილება, არავითარი მრავალფეროვნება. დირექტორი რა არის, დირექტორიც კი არ შეცვლილა, რაც გია ბარბაქაძე მესამე სკოლაში სწავლობდა. ცხადია, ყოველივე ამან მალე დაარწმუნა ჩვენი გმირი, რომ, თუ ცხოვრებაში საერთოდ ხდება სასწაული, ხდება ძალიან იშვიათად, საუკუნეში ერთხელ.

ახლა წინ მხოლოდ გეომეტრია იყო, მრავალკუთხედები, პარალელოპიპედები, სამკუთხედები თავისი ბისექტრისებით, მახვილი და ბლაგვი კუთხეებით და ღმერთმა იცის, კიდევ რით, — ამდენი რომ სცოდნოდა, ახლა აქ კი არ იქნებოდა გია ბარბაქაძე, ცისფერი მაისურა ეცმებოდა, ზედ რომ იმ მეტიჩარა ნათიამ ლამაზად ამოქარგა ცხრიანი, და რა ღმერთი გაუწყობოდა, მეშვიდეკლასელების კარში ერთი ბურთი არ გაეტანა.

გია ბარბაქაძე ერთბაშად გამოერკვა ფიქრებისაგან და მთელი ყურადღება მასწავლებლის მარჯვენა ხელზე გადაიტანა. საქმე ისაა, რომ რაჟღერ კაპანაძემ თავისი უბის წიგნაკი უფრო მაღლა ასწია მაგიდიდან, ვიდრე დაკაკუნებისთვის იყო საჭირო. მაგრამ შიში ნაადრევი გამოდგა: მასწავლებელმა უბის წიგნაკი მარცხენა ხელში გადაინაცვლა.

ჯემალ ქარჩხაძე  
სასწაული

მარჯვენათი ცხვირსახოცი ამოიღო და მოტვლებილ თავზე ოფლი მოიწმინდა. მერე ცხვირსახოცი თავის ადგილას ჩადო, უბის წიგნაკი კვლავ მარჯვენა ხელში ჩაბლუჯა და განაგრძო ნერვეზისმომშლელი კაჟუნა.

ამ გადანაცვლება-გადმონაცვლებაში გია ბარბაქაძემ იდროვა და საათს შეხედა. ორი საათი იყო, მაშასადამე, პირველი სკოლის მოედანზე მალე გაჩაღდებოდა ცხარე ბრძოლა. გია ბარბაქაძე კი...

ამ დროს მასწავლებელმა კვლავ აღმართა მსახვრელი მარჯვენა, ფეხის ქნევა შეწყვიტა და ცოდვებით დამძიმებული უბის წიგნაკი იმ ადგილას გადაშალა, სადაც უკანასკნელი ორიანი ეწერა. მერე თეთრი, დაფანჩული წარბები ასწია, თვალეში მოჭუტა და გია ბარბაქაძეს ქვემოდან ახედა.

— მდაა... აბა, გიორგი ნიკიფოროვიჩ!

გია ბარბაქაძეს იმის გამო კი არ სძულდა ასე ეს კაცი, რომ უზომოდ სქელი უბის წიგნაკი ჰქონდა და ორიანების წერისადმი განსაკუთრებულ მიდრეკილებას ამჟღავნებდა. არა, ღმერთმანი. ორიანების წერა ვის ეზარება! ასეთი მასწავლებელი, ალბათ, არც არსებობს და თუ არსებობს, საუკუნეში ერთხელ იზადება. ორიანის წერისათვის როგორ შეიძლება კაცის შეძულება! რაჟღერ კაპანაძე სწორედ ამ „გიორგი ნიკიფოროვიჩით“ იმსახურებდა სიძულვილს. როდესაც მეექვსეკლასიელმა გაიგეს, გეომეტრიის მასწავლებლად რაჟღერ კაპანაძეს გვინიშნავენო, აუწყრელი ჟრამული შეექნათ: ყველას აინტერესებდა ახალი მასწავლებლის ნახვა. და აი, დირექტორმა შემოიყვანა იგი, დაჭმუჭვნილ შარვალ-ხალათში გამოწყობილი ჩია მოხუცი, გამოაცხადა, დღეის ამას იქით გეომეტრიას პატივცემული რაჟღერი გასწავლითო და შეატოვა ხელში ცნობისმოყვარეობით ანთებულ ზავშვებს. ახალმა მასწავლებელმა ჯიბიდან ცხვირსახოცი ამოიღო, ოფლი მოიწმინდა და ხელახლა წარუდგა თავის მომავალ სამწყსოს, რადგან,

როგორც ეტყობა, დირექტორის წარდგენა საკმარისად არ ჩათვალა. მე ვახსენებთ რაჟღერ კაპანაძეო, ხმით გამოაცხადა, თითქოს ეს „რაჟღერ კაპანაძე“ სულ ცოტა, ნაპოლეონ ბონაპარტეს მაინც ნიშნავდა. მაშინ მესამე მწკრივის ბოლოსწინა მერხიდან წამოდგა გია ბარბაქაძე, მძიმედ დაუკრა თავი მასწავლებელს და მშვიდად და მკაფიოდ ჩაუმარცვლა: „გიორგი ნიკიფოროვიჩი, პატ. მას.“ — მერე დიღისებით დაჯდა თავის ადგილას.

— გიორგი ნიკიფოროვიჩ, — აუღელვებლად უთხრა მასწავლებელმა, — თუ საწინააღმდეგო არაფერი გექნებათ, გთხოვთ, კუთხეში დადგეთ და ფეხი არ მოიცვალოთ იქედან გაკვეთილის დამთავრებამდე.

ახალ მასწავლებელს ლაპარაკის დროს ტუჩის კუთხეები ქვემოთ ეწეოდა, სიტყვებს რაღაც უცნაურად, ჭადივით აბრტყვლებდა და პირიდან ნაწილ-ნაწილ ამოჰქონდა, როგორც ილუზიონისტს ამოაქვს ხოლმე ფერადი ლენტე. „გიორგი ნიკიფოროვიჩ, ლოგინი ხომ არ გაგიშალოთ?“ — ჰკითხა მასწავლებელმა ცოტა ხნის შემდეგ, როდესაც კუთხეში ატუზულ ბიჭს საბოლოოდ მობეზრდა მარტო ყოფნა და ერთი ლაზათიანად დაამთქნარა. მაშინ ეს „გიორგი ნიკიფოროვიჩი“ მოსწავლეებმა ოხუნჯობად მიიღეს, მაგრამ რვა თვე რომ გავიდა და რაჟღერ კაპანაძე კი დაუღალავად იმეორებდა — „გიორგი ნიკიფოროვიჩ“ და „გიორგი ნიკიფოროვიჩი“ და „გიორგი ნიკიფოროვიჩის მასწავლებელი არავითარ ზომასა და საზღვარს არ ცნობდა. თან მხედველობაში იქონიეთ — თვითონ მუდამ ნებივრადაა გადაწოლილი სკამზე, ფეხი ფეხზე შემოუდგია, ნერვებისმომშლეად აქნევს ფეხსაცმელის წვერს, ხელში თავისი ურჩხული — უბის წიგნაკი უჭირავს და, ძებნა რომ არ დასჭირდეს, საჩვენებელი თითი იმ ადგილას აქვს ჩადებული, სადაც უკანასკნელი ორიანი წერია.

თუ ბიჭი ხარ, შეიყვარე ასეთი მასწავლებელი!



გია ბარბაქაძემ ერთი პირობა გადაწყვიტა, გენერალური ბრძოლა გაემართა ბოროტ ძალასთან და პრინციპულად არ ესწავლა გეომეტრია, მაგრამ აქედან არაფერი გამოვიდა ვარდა იმისა, რომ უბის წიგნაკში კატასტროფულად მომრავლდა ორიანები. რას იზამ, ბრძოლა თავიდანვე უთანასწორო იყო. მაშინ პატარა ოპოზიციონერი წვრილ-წვრილ კენწლათობაზე და პარტინანულ ბრძოლაზე გადავიდა. მან წინასწარვე იცოდა, რომ დამარცხება არ ასცდებოდა და ცდილობდა, ამ დამარცხების საფასურად, რაც შეიძლება მეტი უსიამოვნება მიეყენებია უფლებამოსილი მოწინააღმდეგისათვის, ენამახვილობაზე ერთობ თავისებური წარმოდგენა რომ ჰქონდა. მაგალითად, ერთ დღეს (მაშინ მასწავლებელი ახალი დანიშნული იყო და თავის სამწყსოს ჯერ კიდევ კარგად ვერ იცნობდა) ასეთი ამბავი მოხდა: რაქდენ კაპანაძე სიას კითხულობდა. როდესაც მისი გვარი დაასახელა, გია წამოდგა, მასწავლებელს უწყინარი თვალებით შეხედა და სრულიად მშვიდად, ისე რომ სახეზე ერთი ძარღვიც არ შეტოკებია, უთხრა: „არ არის, მასწ“. მასწავლებელი შეცბა, ფერმაც გადაკრა, ეტყობა, რაღაცას მიხვდა, მაგრამ ხმა არ ამოუღია. მეორე დღეს კი, როდესაც თავისი ემგების სიმართლეში დარწმუნდა, გიას კლასში შემოსვლისთანავე დაეტაკა და ყოველგვარი მიკიბემოკიბვის გარეშე, ავის მომასწავებლად გაბრტყელებული ხმით ჰკითხა: „გია ბარბაქაძე, რა გვარი ხარ?“ როგორც ჩანს, მასწავლებელი ძალიან გაბრაზებული იყო, რაკი ჩვეულ აბლანდულ-ჩაბლანდულ სტილს უღალატა, „ბარბაქაძე ვარ, მასწ“ — მშვიდად უპასუხა გიამ. „გუშინ რა გვარი იყავი?“, „გუშინაც ბარბაქაძე ვიყავი“, — მოწაფემ ხმაში ოდნავ გამოწვევი კილო შეაპარა. „აბა, თუ გუშინაც ბარბაქაძე იყავი, ხვალ მშობელი მოიყვანე და ისე მოდი. უტყუარი საბუთებით მინდა დავრწმუნდე, მართლა ბარბაქაძე ხარ თუ არა“. მაშინ გია ბარბაქაძემ თავი ნადგლიანად ჩაქინდრა და ხმადაბლა,

დანაშაულში დაჭერილი კაცით <sup>წაი</sup> ბუტბუტა: „მშობლები არა მყავს, მასწ“ მასწავლებელს ღიმილი სახეზე <sup>წაი</sup> სხმა. ერთ ხანს არ განძრეულა და არც ხმა არ ამოუღია, ოღონდ ეს იყო, რომ ოდნავ შესამჩნევად თვითონაც ჩაქინდრა თავი. მერე რამდენჯერმე უხერხულად ჩაახველა, ნელა მიადგა ფანჯარას და კლასის სრულ დუმილში ხუთიოდე წუთი დაპყო იქ. ბოლოს გია ბარბაქაძეს ხელით ანიშნა დაჯექიო, ისე რომ მისკენ არ მოუხედავს და ძლივძლიობით განაგრძო გაკვეთილი. ცოტა ხნის შემდეგ გიას გვერდით მჯდომი ბიჭი გამოიძახა დაფასთან, თვითონ კი მის ადგილას ჩამოჯდა და აკანკალებული ხელი კარგა ხანს ედო ობოლი ბიჭის თავზე. თქმით არაფერი უთქვამს. იმ გაკვეთილზე, საერთოდ, ძალიან ცოტა ილაპარაკა და არც ერთი ორიანი არ დაუწერია.

სამაგიეროდ, მისი ცოფების ყრას საზღვარი არა ჰქონდა, როდესაც შეიტყო, რომ „ამ თითის სიგრძე ღლაპმა“ ასეთი ოინი უყო. ღმერთმა იცის, რა უფრო აწიწმატებდა — რომ გააცურეს, თუ ამდენი სენტიმენტალობა რომ წყალში ჩაეყარა. ასე იყო თუ ისე, ამ კომედიას უმუშალოდ მოჰყვა ორიანი პირველ მეოთხედში და ძალიან ადლეგებული საუბარი გია ბარბაქაძის მამასთან (ამ საუბარს გია თვითონაც ესწრებოდა და, უნდა ითქვას, არც ერთი სულიერი მის ადგილას ყოფნას არ ინატრებდა მაშინ).

სამწუხაროდ, ასეთი ოინები ერთობ ძვირი ჯდებოდა. გიას მამას რომ არაჩვეულებრივად მწარე ხელი ჰქონდა, ვინ არ იცის, მაგრამ ამას როგორმე აიტანდა კაცი. ბოლოს და ბოლოს, ერთს მიტყუავდა და ამით ყოველგვარ ანგარიშს გაასწორებდა, ისე რომ გულში არავითარი ხინჯი აღარ რჩებოდა. მეორე წუთს უკვე დამშვიდებული სინდისით შეგეძლო მისულიყავი და კინოს ფული გეთხოვა. სულ სხვა იყო დედის ლექ-

ჯემალ ქარჩხაძე  
სასწაულო

ციები მორალის საკითხებზე. ნერვების მოშლის თვალსაზრისით ეს არაფრით არ ჩამოუვარდებოდა რაჟდენ კაპანაძის ოხუნჯობას. მერე განა დამშვიდდებოდა, ერთხელ რომ იყრიდა ჯავრს და გულს მოიხებდა? თქვენც არ მომიკვდეთ! პაწაწკინტელა ცოდვას მთელი თვისათვის ანაწილებდა და წამალივით აძლევდა საწყალ ზიქს დღეში თითო ლექციას. ხანდახან საქმე იქამდე მიდიოდა, რომ, სინდისს გეფიცებით, გია ბარბაქაძე თავს მოიკლავდა, ცხოვრება მხოლოდ გეომეტრიის გაკვეთილისა და მორალისაგან რომ ყოფილიყო შედგენილი. კიდევ კარგი, გამოჩნდნენ ღვთისნიერი ინგლისელები და ფეხბურთი მოიგონეს. უბედურება ისაა, ხანდახან ფეხბურთის თამაშსაც არ გაცლიან. მაგალითად, სადმე პირველი სკოლის მოედანზე ჩემპიონობის საკითხი წყდება, ამ დროს კი ერთ-ერთი გუნდის ცენტრალური თავდამსხმელი, რომელსაც ისე რა ღმერთი გაუწყრებოდა, ერთი-ორი ბურთი არ გაეტანა მოწინააღმდეგის კარში, დგას აბუზული ვიღაც გადაყრუებული ბერიკაცის წინ და არ იცის, გადარჩება თუ არა საშემოდგომო გამოცდას. ვინც ეს ცხოვრება ასე მოაწყო, გემოვნების ნასახი არ ჰქონია, ფეხბურთის ცოდნაზე ხომ ზედმეტია ლაპარაკი.

ჩვენ შევეცადეთ შეძლებისდაგვარად დაგველაგებინა გია ბარბაქაძის აბურდული ფიქრები. ამასობაში კი რაჟდენ კაპანაძემ ჯიბიდან კალმისტარი ამოიღო, ისე მოიმარჯვა, თითქოს წინასწარ აპირებს ორიანის დაწერას, და წართქვა:

— მაშ ასე, იმედია თავს არ ვიტყუებ, როდესაც მჯერა, რომ გიორგი ნიკიფოროვიჩს, სხვა უამრავ ღირსებასთან ერთად, სახაზავისა და ცარცის ხმარებაც ეხერხება.

გია ბარბაქაძეს ხელის გულები საშინლად გაუოფლიანდა; ეჭვიც კი არ ეპარებოდა, რომ მასწავლებელი გუნებაში უკვე ხატავდა ლამაზ ორიანს და იმაზელა ფიქრობდა — სადა კუდი გაეკეთებინა თუ მოკვარახვინებულნი.

— რაღას უდგებარ, აიღე სახაზავი, დაიჭირე თოფივით, ცარცი ხელსუფლებასავით მოიმარჯვე და მტკიცე ნაწილობა გასწი დაფისაკენ. აბა, ერთ, ორ, სამ!

საკუთარი ენამახვილობით მოხიზლულ მასწავლებელს სახეზე ბედნიერების ღიმილი ევინა. მოსწონდა თუ არა სხვასაც მისი ოხუნჯობა, ეს ნაკლებად აწუხებდა.

გიამ აიღო ცარცი და სახაზავი და ფეხაკრეფით მიუახლოვდა დაფას.

— რაკი ეს ოპერაცია ასე თუ ისე წარმატებით დამთავრდა, ახლა შემდეგი ნაბიჯი გადავდგათ: გაავლოთ ორი ერთმანეთის პარალელური ხაზი.

გიამ სახაზავი დაფას მიადო და აკანკალებული ხელით ჯერ ერთი ხაზი გაავლო, მერე მეორე. ხაზები მაინცაღამაინც ვერ დაიტრაბახებდნენ პარალელობას, მაგრამ შეშინებული ბიჭი ველარც იმას ბედავდა, რომ ერთი მათგანი წაეშალა და ახალი გაეგლო.

— მოვიშველიოთ ფანტაზია, რომელიც, შენდა საბედნიეროდ, უხვად უზოდებია ღმერთს ჩვენთვის, და წარმოვიდგინოთ, ვითომ ეს ხაზები პარალელურია. ახლა გაავლე მეორე ხაზის პარალელური.

გიამ მორჩილად გაავლო ქვემოთ კიდევ ერთი ხაზი, ამჯერად ცოტა უკეთესი.

— დიდებულია! პირველი ორი ხაზის ფონზე პირდაპირ ფანტასტიკურია! მოდი ახლა, რაკი საქმე მაინც არაფერი გეპქვს, ასეთი თეორემა დავამტკიცოთ: თუ ორი სხვადასხვა ხაზი მესამის პარალელურია, მაშინ ისინი ერთმანეთის პარალელურიც იქნებიან. მე მგონია, არ გავვიჭირდება. აი, შენი სამი ხაზი. პირველი და მეორე ურთიერთპარალელურია. ურთიერთპარალელურია მეორე და მესამეც. დავამტკიცოთ, რომ პირველი და მესამეც ურთიერთპარალელური იქნებიან. აბა, დაიწყე, საკანკალო აქ არაფერია. კალმისტარი მზადა მაქვს ხუთიანის დასაწერად.

გიამ კარგად იცოდა, რის დასაწერად ჰქონდა მზად კალმისტარი რაჟდენ კაპანაძეს, მაგრამ რა ექნა. ცხადია, დღევან-

დელი ფეხბურთი უიმისოდ უნდა ჩატარებულყო (მერედა, ვინ იცის, როგორ სჭირდებოდათ ბიჭებს ერთი გოლი). სამაგიეროდ, ჯერ კიდევ ჰქონდა პატარა შანსი, რომ საშემოდგომო გამოცდას გადაურჩებოდა და ამიტომ მთელი თავისი ვაჟკაცობა და მოხერხებულობა ახლა უნდა გამოეჩინა. თუმცა ვაჟკაცობა და მოხერხებულობა ფრიად საეჭვო მშველელია თეორემების მტიკცების დროს. მხოლოდ უნარი და ცოდნა! მაგრამ, ღმერთო, სად იყო ან ერთი, ან მეორე?.. სამი ხაზი გვაქვს. პირველი მეორის პარალელურია, მეორე მესამის, მაშინ...

უეცრად გაა ბარბაქაძეს საშინელმა ეჭვმა გაჰკრა გულში. ვაითუ მასხარად იგდებს... აბა, ეს რა თეორემაა და რა დამტიკცება უნდა! თუ ერთი მეორის პარალელურია, და მეორე კიდევ მესამის, მაგას რაღა ლაპარაკი უნდა, რომ პირველი და მესამეც ერთმანეთის პარალელური იქნებიან. კაი კვანტის გამოდება კი იქნება... ამტრევიენებს თავს, ამტრევიენებს, მერე ეტყვის, უბრალო აქსიომა არ გცოდნიაო და მიაკრავს შუბლში „ჯვრის ორიანს“, როგორც თვითონ იტყვის ხოლმე.

გაა ბარბაქაძე გამოუვალ მდგომარეობაში ჩავარდა. არადა, არც ბევრი დაყოვნება ვარგოდა, რადგან, თუ ამოცანა მართლა ძალიან მარტივი იყო, ბევრი ფიქრი უკვე თავის გაცემას ნიშნავდა.

არა, ამას დამტიკცება მართლა არ უნდა სჭირდებოდეს. კაი, დავანებოთ თავი ხაზებს, სხვა რამე ავიღოთ მეექვსეკლასელების გუნდში იმდენი სათადარიგო მოთამაშეა, რამდენიც მე-7<sup>1</sup> კლასელების გუნდში, ხოლო მე-7<sup>1</sup> კლასელების გუნდში იმდენი, რამდენიც მე-7<sup>2</sup> კლასის გუნდში. რა დიდი ფილოსოფია უნდა იმას, რომ მეექვსეკლასელებსა და მე-7<sup>2</sup> კლასელებს თანაბარი რაოდენობით ეყოლებათ სათადარიგო მოთამაშეები.

ასე ღრმავაროვნად მსჯელობდა გაა. მაგრამ, სამწუხაროდ, მეტიხმეტად შეზღუდული რეგლამენტი ჰქონდა: დროზე

უნდა ეთქვა რაღაცა ან აქეთ, ან იქით, თორემ მერე შეიძლება გვიანლა უთფილიყო. თანაც რამხელა გაუმართაობა გინდოდა. ერთიც ვნახოთ და სრულიად ჩვეულებრივი თეორემა გამომდგარიყო, დამტიკცება რომ ესაჭიროება და ამ თვისების გამო, ვინ იცის, არა ერთი და ორი გიასთანა ბიქისათვის გაუმწარებია სიცოცხლე!

საბოლოოდ გაამ მაინც გადაწყვიტა ეცადა ბედი!

— თუ ორი ხაზი ცალ-ცალკე მესამის პარალელურია, მაშინ, ცხადია, ერთმანეთის პარალელურიც იქნებიან.

— სრული ჭეშმარიტებაა, — უთხრა მასწავლებელმა, — მაგრამ დაგუშვათ, ჩემი გონება ვერ წვდება მაგ ჭეშმარიტებას და საჭირო ხდება დასაბუთება. მაშინ რაღა ვქნათ?

ამგვარად, აქსიომის ჰიპოთეზა ერთი დაკვრით გაცამტივრდა. გაა ბარბაქაძემ საშემოდგომო გამოცდის სუნი იკრა და გადაწყვიტა ხავსს მოჭიდებოდა:

— თუკი ეს ხაზი ამის პარალელურია და ეს ხაზი კიდევ ამის, მაშინ ესენიც პარალელური იქნებიან. აბა რა იქნებიან!

— არ გედავები, წელანაც მოგახსენე, არ გედავები. და საერთოდ, ძალიან ვწუხვარ, რომ მიუხედავად ასეთი თვალნათლივობისა, თეორემას მაინც დამტიკცება უნდა.

— აი, მასწ, მაგალითად, თუ ორი უბის წიგნაკი ცალ-ცალკე იმავე გვერდზეა გადაშლილი, რომელზედაც მესამე, ცხადია, ისინი ერთსა და იმავე გვერდზე იქნებიან გადაშლილი.

— ეს იმას მოწმობს, რომ ფიქრი გეხერხება და, თუ პატარას მოინდომებ, შეიძლება არც ისე წყალწადებული ბიჭი იყო, როგორც ერთი შეხედვით ჩანხარ. — მასწავლებელმა კალმისტარი მაგიდაზე დადო, ჯიბიდან ცხვირსახოცი ამოიღო და მელოტ თავზე ოფლი მოიწმინდა (ბიჭიც გაოფლიანებული იყო, მაგრამ ცხვირსახოცის ამოღებას ვერ

ჯემალ ქარჩხაძე  
სასწაული



ბედავდა), მერე კალმისტარი მოიმარჯვა და განაგრძო: — თუმცა შენი უბის წიგნაკის მაგივრად, მოდი, სხვა მაგალითი ავიღოთ: აბა, გაავლე ორი ხაზი, რომლებიც ცალ-ცალკე მესამის პერპენდიკულარული არიან, და ნახე ერთმანეთის პერპენდიკულარული აღმოჩნდებიან თუ არა.

გია უძრავად იდგა, რადგან არ იცოდა, ეს ისე, სიტყვას მოყვა, თუ მართლა უნდა გაველო ასეთი ხაზები.

— გაავლე, გაავლე! — წააქეზა მასწავლებელმა.

გიამ გაავლო. გაავლო ერთი და იმავე ხაზის ორი პერპენდიკულარული ხაზი და თავისდა გასაოცრად და სამარცხვინოდ დაინახა, რომ ეს ორი ხაზი ერთმანეთის პარალელური აღმოჩნდა.

რაღა თქმა უნდა, ახლა უკვე ყველაფერი გათავებული იყო: ჩემპიონობაც იკარგებოდა და საშემოდგომო გამოცდაც თითქმის ჯიბეში ედო. ან კი რამ აფიქრებინა, გადავრჩები და იმ ენაჭარტალა ნათიას ყბაში არ ჩავევარდებიო.

გატრიალდეს მაინც და წავიდეს, სანამ გვიან არ არის! პირველი სკოლა ხომ აქვება, ორ ნაბიჯზე. მაგრამ ვაი, რომ არც ამდენი გამბედაობა ჰქონდა. ასეა: კაცი ან მართლა ზოგიერთებივით უნდა სწავლობდეს, თითები რომ მუდამ ანტენებივითა აქვთ აშვერილი და ყოველი გაკვეთილი ზეპირად იციან, ან არადა, ცოტა მეტი ვაჭკაცობა უნდა ებოძებინა ღმერთს. აბა, ეს რას ჰგავს: არც აქეთა ხარ და არც იქით, ნახევარი სწავლა და ნახევარი გამბედაობა, თანაც ისე, რომ სამიანი არც ერთში გეკუთვნის და არც მეორეში.


მაგრამ საკუთარი ბუნების გარდაქმნა და ისიც ასე ერთბაშად, არავის ძალუძს. ამიტომ გია ბარბაქაძე დაფასთან უძრავად აღტუზულიყო და შუბლი დილის ბალახივით ჰქონდა დაცვარული.

მასწავლებელი შეინძრა. გიამ შიშით გამოხედა. არა, არაფერი, რაქდენ კაპანაძემ მხოლოდ ფეხები შეცვალა. ახლა მარცხენა გადაადო მარჯვენას და აუღელვებლად გააქან-გამოაქანა.

— მაშინ ასე ვქნათ, თუ ნებას მომ-

ცემთ, — თქვა მან, — გაავლე ხაზი, ახლა ეს ხაზი ირიბი ხაზით გადავყვებით ჩინებულია. ზედა მარცხენა კუთხეში უნდა რის 120 გრადუსს, გამოვიანგარიშოთ დანარჩენი კუთხეები.

გია ბარბაქაძე კარგახანს ხვნეშოდა დაფასთან და საბოლოოდ მისმა ნახაზმა ასეთი სახე მიიღო:



როდესაც 120° დაწერა, უეცრად (ალბათ, ციფრების ასოციაციით) საათი გაახსენდა და ცალი თვალით მალულად გახედა მასწავლებლის მარცხენა მაჯას, მაგრამ იქ მხოლოდ ვეებერთელა უბის წიგნაკი დაინახა. გიამ ამ შემზარავ სანახაობას სწრაფად აარიდა თვალი და ისევ ნახაზს მიუბრუნდა.

მაშადამე,  $\angle AOC = 120^\circ$  და ღმერთმა იცის, რას უდრის დანარჩენი კუთხეები.

გიამ გადაწყვიტა, ფეხბურთი თავიდან ამოეგდო და ღრმად დაფიქრებულიყო. აკი ერთი წუთის წინ მასწავლებელმა უთხრა, ფიქრი გეხერხებაო.

„გაქეც  $\angle DOC$ , რომელიც 120 გრადუსს უდრის. მის გაყოლებაზე არის მეორე კუთხე  $\angle COB$ , ეს კუთხე უნდა უდრიდეს...  $\angle AOB$  რომ კუთხე იყოს, მაშინ  $\angle COB$  იქნებოდა  $\angle AOB - \angle AOC$  ბიჭო! დაიცა, დაიცა, რა ჯანდაბა ჰქვია?... ჰო, გაშლილი კუთხე, გაშლილი კუთხე. ვაშაა! გაუმარჯოს გაშლილ კუთხეს!“

გიამ სიხარულისაგან კინაღამ კუნტრუში დაიწყო.  $\angle AOB$ -ს რომ გაშლილი კუთხე ერქვა, ეს იყო უდიდესი აღმოჩენა. ასეთი აღმოჩენა კოლუმბსაც კი დაამშვენებდა. მართალია, ბიჭის სიხა-

რულში პატარა შხამიც ერია, რადგან ეს ცნობა მეტიჩარა ნათიასაგან ჰქონდა გაგონილი, მაგრამ ახლა ისეთ დღეში იყო, როდესაც გავირგება კაცს თავმოყვარეობის გრძნობას უჩაღუნებებს. მაშინ ნათიამ გაშლილი კუთხის სახელთან ერთად მისი მნიშვნელობაც უთხრა. ეს იყო ერთადერთი შემთხვევა, ვიამ რომ ვაჟკაცისათვის შეუფერებელი სისუსტე გამოიჩინა, მასწავლებელს დაუჯერა და ნათიასთან იმეცადინა. ეს ამბავი შავ ლაქად დარჩა მის ცხოვრებაში. მაგრამ ახლა ყველაფერზე თანახმა იყო, ოღონდ კი გაეხსენებინა ეს გაშლილი კუთხე. არადა, მის აღმოჩენას ისეთივე ფასი ექნებოდა, როგორც კოლუმბის აღმოჩენას, ამერიკა რომ ისევ დაკარგულიყო.

აბურღულ ფიქრებში შორეული ნათურებივით ციმციმებდა ორი ციფრი: 180 და 360. ეს იყო ორი ცნობილი ციფრი, რომლებსაც მჭიდრო ურთიერთობა უნდა ჰქონოდათ გეომეტრიასთან. ცოტა ხნის ფიქრის შემდეგ ვიამ საბოლოოდ დარწმუნდა, რომ ერთ-ერთი მათგანი სწორედ გაშლილი კუთხის სიდიდეს აღნიშნავდა. მაგრამ რომელი? თავისი სულელური მარჩიელობით ერთი ნაბიჯი უკვე გადადგა საშემოდგომო გამოცდისაკენ. მეორე ნაბიჯი საბოლოოდ ნაბიჯიც იქნებოდა: მერე კი... მერე ყველაფერი ნათელი იყო: მამის დაკოჭრილი ხელი, დედის ლექციები, მოშხამული არადადეგები...

მაშ, რა ვქნათ?..  
გაშლილი კუთხე ან 180°-ს უდრიდა, ან 360°-ს.

„მაგრამ რომელს? — ფიქრობდა ვიამ. რომელი ვთქვა? რომელიც პირველად მომადგება ენაზე? ორივე რომ ერთად მადგას! გამოვიტვლო?! მოდი, მართლა გამოვიტვლო, რომელიც მეათე იქნება, ის იყოს გაშლილი კუთხე. სულ ერთია, თუ არაფერი ვთქვი, საშემოდგომოს მაინც ვერ გადავურჩები. რაც არი, არი. 360 ერთი, 180 ორი, 360 სამი, 180 ოთხი, 360 ხუთი, 180 ექვსი, 360 შვიდი, 180 რვა, 360 ცხრა, 180 ათი“.

$\langle COB = 180^\circ - 120^\circ = 60^\circ$   
ვიამ ერთბაშად სისხლი სახეზე მოა-

წვა და ისე გაწითლდა, თითქოს ამაზე უფრო სამარცხვინო თავის დღეში ვერაფერი ეთქვას. მისი ბედი ბევრზე უკეთესად რაჟღერ კაპანაძემ კვლავ შეცვალა ფეხები, კალმისტარი მაგიდაზე დადო, ცხვირსახოცი ამოიღო და მელოტი თავი მოიწმინდა. მერე ცხვირსახოცი ისევ ჯიბეში ჩაიღო, კალმისტარი მოიმარჯვა და ღიმილით უთხრა წმინდა მოწამეს:

— მე ყოველთვის ვამბობდი, ერთხელაც იქნება, გიორგი ნიკოფოროვიჩი ქვეყანას განაცვიფრებს-მეთქი. და აი, ეს დღეც დადგა. სწორია. ყოჩაღ, ვაშა! ვიამ გულზე მოეშვა. ახლავ იგრძნო მთელი სისრულით, რომ ეს 180° ას ოთხმოცი ფუთივით აწვა გამხდარ მხრებზე.

— ყოჩაღ, ყოჩაღ და კიდევ ერთხელ ყოჩაღ! — თქვა მასწავლებელმა, — მაშ, გადავიდეთ შემდეგ კუთხეზე.

დიახ, სამწუხაროდ, საჭირო იყო შემდეგ კუთხეზე გადასვლა. პირველი მარჩიელობით მოახლოებული უფსკრული მეორე მარჩიელობამ ისევ უკან დახია. მაგრამ რამდენ ხანს გაუძლებდა ბევრის ხიდი?!

ვიამ დიდი მოაზროვნის სახე მიიღო და ნახაზს დააკვირდა. აქ უკვე თავდებოდა ნათიას მოწოდებული ინფორმაცია, საკუთარ თავზე დაყრდნობა კი, რასაკვირველია, წყლის ნაყვა იყო.

„მაშ, 360°-ს თურმე ორი გაშლილი კუთხე უდრის. გამოსარკვევი დაგვრჩა AOD და BOD კუთხეები. აქედან AOD უდრის 180°. BOD მაგრამ BOD რას უდრის? ორივე ერთად 180°-ია. ერთი უნდა იყოს 180-ის რაღაც ნაწილი, მეორე 180-ის... არა, ასე არაფერი გამოვა“.

ამოდ ხენეშოდა ვიამ, ამოდ წვალობდა: AOD და BOD კუთხეები საიდუმლოებით იყო მოცული.

მაშინ იფიქრა, ბოლოს და ბოლოს ერთი საშემოდგომო გამოცდა ამდენ წვალებად არც ღირს და მთავარია არა ეს, არამედ ჩემპიონობაო, და გადაწყვიტა სულიერი სიმშვიდის მოსაპოვებ-

---

ჯემალ ქარჩხაძე  
სასწაული

ლად თავი ამ ჭეშმარიტებისთვის შეეფარებინა.

მაგრამ, როგორც მოსალოდნელი იყო, ცდამ უნაყოფოდ ჩაიარა. აშკარად ჩანდა, ვინ არ იყო იმდენად ვაჟკაცი, რომ გეომეტრიაზე გადაჭრით ჩაექნია ხელი. აშკარად ჩანდა, არ შეეძლო ანგარიში არ გაეწია მამის დაკოჟრილი ხელისათვის, დედის ლექციებისათვის და მოხამული არდადეგებისათვის, რომლის განმავლობაში გინდა თუ არა, თავში მაინც საშემოდგომო გამოცდა უნდა გიტრიალებდეს.

ჩიხში მიმწყვდეული ბიჭი АОД და ВОД კუთხეებზე უპეკადარ ფიქრობდა, რადგან დარწმუნდა, რომ ეს სრულიად უნაყოფო შრომა იყო. მაგრამ, მიუხედავად ამისა, ნახაზის წინ მაინც ღრმავროვანი სახით იდგა და დროს შეუგნებლად აჭიანურებდა, რაც იმის მომასწავებელი იყო, რომ სულ მალე მეხი გავარდებოდა.

მეხი მართლაც გავარდა, ოღონდ ცოტა მოგვიანებით.

ხოლო მანამ, სანამ მეხი გავარდებოდა, რაჟღერ კაპანაძე მძიმედ წამოდგა და თავისი მსხვერპლისაკენ ნელი ნაბიჯით გაემართა. დაფასთან შეჩერდა, უბის წიგნაკი კალმისტართან ერთად მარჯვენა ხელში გადაინაცვლა, მარცხენა ხელის საჩვენებელი თითი და ცერი რკალად მოხარა და ნახაზს დაადო ისე, რომ საჩვენებელი თითი АОС კუთხეში აღმოჩნდა, იქ, სადაც 120° ეწერა; ცერი კი — ВОД კუთხეში.

— თუ გქონია როდისმე რაიმე ურთიერთობა ჯვარედინ კუთხეებთან?

ვინაა ბარბაქაძე თავჩაქინდრული იდგა და დუმდა. არა, ჯვარედინ კუთხეებთან მას არავითარი ურთიერთობა არა ჰქონია. ამიტომ ყველაფერი გათავებული იყო: ჯვარედინ კუთხეებსაც, მთელ გეომეტრიასაც და მთელ არდადეგებსაც ჯვარი ჰქონდა დასმული.

— სამწუხაროდ, არავითარი. — დაასკვნა მასწავლებელმა და უცებ გაშმაგებით დაიწყო ბოლთის ცემა. მართალია, ხმა არ აუმაღლებია, მართალია, ბრტყელ-ბრტყელ სიტყვებს ძველებუ-

რად ნაწილ-ნაწილ ისროდა, მაგრამ კალამოტიდან მაინც ამოვარდნილი იყო, რასაც თუნდაც ის ფაქტიც მოწმობდა, რომ სრულიად დაავიწყდა, უბის წიგნაკი ისევ მარცხენა ხელში დაეჭირა.

— ჯვარედინი კუთხეები, ჩემო კარგო, — თქვა მან, როცა სირბილით გაუღი იჯერა, — ტოლია. შენთვის ახლა ჯვრის ორიანი სრულიად დამსახურებული ჯილდო იქნება, მაგრამ კიდევ ერთხელ მოგცემ გადარჩენის საშუალებას.

ვიამ კარგად იცოდა, რა „გადარჩენის საშუალებაც“ აუტყდა რაჟღერ კაპანაძეს. მას ვიას წამება უნდოდა და არა გადარჩენა. გადარჩენის საშუალებას მისცემს! გადარჩენა თუ უნდოდა, მისი ნება არ იყო? დაეწერა სამიანი, არც თვითონ გაიღვრებოდა ოფლად და არც საწყალ ბიჭს ამოხდიდა სულს. რა ბიჭია, გადარჩენის საშუალება მისცეს!

ვინაა ბარბაქაძე მეტისმეტად აღელვებული იყო და საკუთარი უბედურების მეტს ვერაფერს ამჩნევდა. ამ დროს კი მასწავლებლის დაჭმუჭენილ სახეზე ფრიად უცნაური და ამიტომ ფრიად საინტერესო ცვლილებები მიმდინარეობდა. ჯერ იყო და ეს სახე ოდნავ გაფითრდა, მერე სიყვითლე შეეპარა, ბოლოს კი აშკარად გამწვანდა.

მასწავლებელმა მხოლოდ მაშინ მიიქცია გაწამებული შევირდის ყურადღება, როცა უცერად, მკვეთრი მოძრაობით, უბის წიგნაკი და კალმისტარი გულში ჩაიხუტა და სკამზე მოწყვეტით დაეშვა. ვინაა ბარბაქაძე შეკრთა, შეშინებულმა მოიხედა და თვალწინ ისეთი შემზარავი სანახაობა წარმოუდგა, რომ ადგილზე გაშეშდა. მასწავლებელი შეკუმშულიყო, თითქოს ნახტომისთვის ემზადებო, ბეჭებში ოდნავ მოხრილიყო, უბის წიგნაკი და კალმისტარი გულში მავრა ჩაეკრა და მძიმედ სუნთქავდა. სახე ისეთი ჰქონდა, როგორც ხასხასა მოლი აპრილის თვეში.

ასე გავარდა მეხი.

და ვინაა ბარბაქაძე იდგა კიდევ მეხდაცემულივით. სახეზე უანგარიშო შიშის და უკიდურესი გაკვირება აღბეჭდოდა, მასწავლებელს თვალბეჭდითი-

ლი მისჩერებოდა. მან პირველად ახლა იგრძნო თვალნათლივ, რომ მასწავლებელი არაფერი ყოვლისშემძლე არსება არ ყოფილა და რომ მასაც ჰყოლია მისი სულთამხუთავი.

ეს აღმოჩენა იყო. გიას შეგნებული ჰქონდა, რომ ხდებოდა რაღაც ფრიად უჩვეულო, რაც არაფერს არ უწევს ანგარიშს — არც გეომეტრიას, არც საშემოდგომო გამოცდას, არც ფეხბურთს. სრულიად არაფერს.

გია მასწავლებელს მისჩერებოდა და ვერ მიმხვდარიყო, რას მოითხოვდა მისგან შექმნილი ვითარება: განეგრძო თავის მოკატუნება და თეორემაში ჩაფლული მოსწავლის როლი, თუ გაშლილი კუთხის პრობლემა მოხსნილი იყო დღის წესრიგიდან და აღარ ღირდა მისთვის ყურადღების მიქცევა? იქნებ რამე უნდა ეთქვა? მაგრამ მან არ იცოდა, ამბობენ თუ არა რამეს ასეთ დროს.

ერთ ხანს გრძელდებოდა უცნაური მდგომარეობა. მოსწავლეს ზურგი შეექცია გაშლილი კუთხისათვის და მასწავლებელს გაფართოებული თვალებით შესცქეროდა. რაჟღენ კაპანაძე ქმნივდა და საშიში ღიმილით იღიმებოდა.

ბოლოს ისევ მასწავლებელმა ამოიღო ხმა, თუმცა ეს ერთი შეხედვით არც ისე ადვილი ჩანდა:

— ეს არის გენერალური შეტევა, თუ ნებას მომცემთ ავიხსნათ, ახლა დაიწყება ცრემლის ღვრა. — თქვა მან და ისეთი უცნაური ქმენა დაიწყო, რომ მის გვერდით გაჩერება უკვე გარკვეულ სიძნელეებთან იყო დაკავშირებული.

გიამ ვერ გაიგო მასწავლებლის ნათქვამი.

სამაგიეროდ უეცრად სულ სხვა რამ გაიგო. უცერად გაერკვა შექმნილ სიტუაციაში და დაინახა, რომ, რაც მის ირგვლივ ხდებოდა, იყო სასწაული. მართალია, ქვეყანა არ გადაბრუნებულა, არც გადმობრუნებულა, არც სწავლის გაუქმება იყო მოსალოდნელი, მაგრამ ეს მაინც სასწაული იყო და ეს სასწაული თავისი მასშტაბით დირექტორის გამოცდას არ ჩამოუვარდებოდა.

სამწუხაროდ, ამ აღმოჩენას იქვე

მოჰყვა მეორე, არასასიამოვნო აღმოჩენა: სასწაულთან პირისპირ შეხვედრის არც ისე სასიამოვნო ყოფილა, რამდენიმე ადრე ეგონა გიას. გაგონილი სასწაული, თურმე, ათასწილად ჯობია საკუთარი თვლით ნანახ სასწაულს. ყოველ შემთხვევაში, ერთი რამ აშკარაა: გია თანახმა იყო შემოდგომაზე ჩაებარებინა გეომეტრია, ოღონდ ახლა ამ სანახაობას გარიდებოდა.

ამასობაში მასწავლებელმა კვლავ დაილაპარაკა:

— რამდენი წლისა ხარ?

— ცამეტის, მასწ. — ჩაილაპარაკა გიამ.

— ცამეტის, არა? — აუჩქარებლად იღებდა ფერადფერად ლენტებს მასწავლებელი. — მთელი სიკოცხლით უფროსი ვარ შენზე. აბა, ახლო მოდი!

რაჟღენ კაპანაძემ პირი გააღო, რამდენჯერმე მძიმედ ამოისუნთქა და სახეზე შეეტყო, რომ ცოტა შვება იგრძნო: ერთი-ორი ნაოჭი გაშალა და კბილებში მოქცეული ქვედა ტუჩი გაითავისუფლა.

გიამ წინ ორი ნაბიჯი გადადგა და შეჩერდა. უფრო ახლო მისვლა ვერ გაბედა. ეგონა, მასწავლებელი კვდებოდა. ასეთი ჰიპოთეზის საბუთს, მისი აზრით, იძლეოდა არა ნაოჭები და მწვანე ფერი, არამედ საქციელი.

— კარგი, კარგი, ნუ მოხვალ. — ხმადაბლა თქვა მასწავლებელმა და მცირე დუმილის შემდეგ რაღაცნაირი ნაღვლიანი კილოთი, გია ბარბაქაძისათვის სრულიად გაუგებარი კილოთი დაუმატა:

— მინდოდა, თავზე დამედო ხელი.

არ ვიცით, რა მოხდა, მაგრამ გიას სრულიად მოულოდნელად გულში სიამაყემ გაჰკრა: რაჟღენ კაპანაძე თავზე ხელის დადებას უპირებდა. ღმერთმა იცის, რამდენად საამაყო ამბავია. თუმცა, ამასთან ერთად, ცოტა არ იყოს, სინდისმაც შეაწუხა. გაახსენდა, ერთხელ რომ მასწავლებელმა რეზო დავასთან გამოიძახა, თვითონ მის ადგილას დაჯდა, გიას გვერდით და საბრალო

ჯემალ ქარჩხაძე  
სასწაული



„ობოლს“ უხერხულად დაადო თავზე ხელი. იმ ვაკეთილის შემდეგ ვია ყოველ შემხვედურს აჩერებდა და ეუბნებოდა, პირდაპირ ვიკუდებოდიო, სიცილს ძლივს ვიკავებდიო. სინამდვილეში კი მთლად ასე არ ყოფილა საქმე. იმ მომენტამდე, სანამ მასწავლებელი ხელს დაადებდა, ვია თავისი ოინით აღფრთოვანებული იყო. მაგრამ, როდესაც რაჟდენ კაპანაძეს გული აუჩუყდა, პატარა მატყუარამ ძალიან უცნაური და ძალიან უსიამოვნო რაღაცა იგრძნო.

და ახლა, როდესაც მასწავლებელს კვლავ მოუწდა მისთვის თავზე ხელი დაედო, ვია ბარბაქაძეს სინდისმა ქენჯნა დაუწყო. მერე გაბედულად გადადგა კიდევ ორი ნაბიჯი და ქერა თმა მორჩილად მიუშვირა რაჟდენ კაპანაძეს.

მასწავლებელმა უბის წიგნაკი და კალმისტარი მარცხენა ხელში გადაინაცვლა, მარჯვენა კი ვიას დაადო თავზე. ბიჭი დამნაშავესავით იდგა გაბუსუნებული და გრძნობდა, მასწავლებელს ხელი როგორ უკანკალებდა.

გამოცდამ ერთობ უცნაური სახე მიიღო.

— გეჯავრება? — ჰკითხა მასწავლებელმა და თვალით უბის წიგნაკისაკენ უჩვენა.

ვიამ ახლად იგრძნო, რომ მთელი ამ ხნის განმავლობაში უბის წიგნაკს მისჩერებოდა. ასე ახლოს არასოდეს ენახა ეს შემადრწუნებელი ნივთი. მაგრამ უცნაურია, ძველებურად აღარ ეშინოდა მისი. იქნებ იმიტომ, რომ გამოცდამ უცნაური სახე მიიღო? ძლივს ეტეოდა მასწავლებლის ხელში სქელი, ორიანეზით სავსე უბის წიგნაკი. ვერ ვიტყვით, რომ რაჟდენ კაპანაძე კარგ ნიშნებს (და მათ შორის ხუთიანეზსაც კი) არ წერდა. წერდა, როგორ არა, მაგრამ უბის წიგნაკში იშვიათად შეჰქონდა; სამაგიეროდ, ორიანს არასოდეს გამოტოვებდა: აღნიშნავდა საკლასო ჟურნალში და იმწამსვე უბის წიგნაკში ფაქიზად ჩაწერდა ხოლმე. ამიტომ სძულდათ, ალბათ, ასე მოსწავლეებს იგი, თუმცა ისიც უნდა შევნიშნოთ, რომ ოთხოსნები და ხუთოსნები ამ სიძულელილს „ჩამორჩენილე-

ბის“ ხათრით იზიარებდნენ, თორემ თვითონ არავითარი საბაზი არა ჰქონდათ. მათი ნიშნები მხოლოდ ჟურნალში იწერებოდა (ამაზე ბიჭები ხუმრობდნენ, რაჟდენ კაპანაძე უბის წიგნაკის წაბილწვას ერიდება და იმიტომ არ შეაქვს შიგ კარგი ნიშნებიო.)

ვია ვერ მიხვდა, მასწავლებელს რაში დასჭირდა უბის წიგნაკის ხსენება და ისიც ასე აუბად. იდგა თავჩაქინდრული და გრძნობდა, როგორ უკანკალებდა ხელი რაჟდენ კაპანაძეს.

— ძალიან გეჯავრება? — გაუმეორა, მასწავლებელმა და თავს ძალა დაატანა, რომ გაღიმებოდა.

— არა, მასწ... — უპასუხა ვიამ და კიდევ რაღაც წაილულულა, მაგრამ ამას მასწავლებელი, ალბათ, ვერ ვაიგებდა. ვიას უნდოდა ეთქვა, არ მეჯავრება თქვენი უბის წიგნაკიო, მაგრამ, ბოლოს და ბოლოს, არც ისე უსინდისო ბიჭი იყო, რომ ასეთ დროს ენა არ დაბმოდა.

— ნუ ცრუობ, ახლა არაა ევ საჭიროო.

ადვილი სათქმელია, „ნუ ცრუობ!“ აბა, ერთი თვითონ ყოფილიყო ვიას ადვილას, მაგასაც ვნახავდით, როგორ ეტყოდა პირში მრისხანე მასწავლებელს: დიახ, მასწ., ყველაზე უფრო თქვენი უბის წიგნაკი მეჯავრებაო.

— თუ საწინააღმდეგო არაფერი გაქვს, წამოვწვები, — უთხრა რაჟდენ კაპანაძემ, — ისე გამიცვითა წლებმა ორგანიზმი, რომ აღარაფრის აღარ რცხვენია, სტუმრის თანდასწრებითაც კი უტიფრად მოითხოვს დასვენებას.

ეს „სტუმარი“ პირდაპირ მალამოდ მოეცხო ვიას გაწამებულ გულს და რაკი იგი, საწყალი „ჩამორჩენილი“, ერთბაშად სტუმარი გახდა, ვათამამებულმა ესეც კი გაიფიქრა: „რას ავბუზულვარ გაწუმებულ წიწილასავით, ბობოლოს და ბოლოს, მეც ადამიანი ვარ“.

— გიორგი ნიკიფოროვიჩ, — უთხრა მასწავლებელმა ისე, რომ თვალის არ გაუხელია, — როგორც ჩანს, მასწავლებელი ძალა დამჭირდება. აბა ერთი, ტელეფონის ყურმილი აიღე!

გვიამ აიღო ყურმილი და ახალი და-  
ვლების მოლოდინში მასწავლებელს  
შეხედა.

— აკრიფე, 1—53-69, — სვენებ-სვე-  
ნებით განაგრძო მასწავლებელმა, —  
იკითხე არჩილ ფერაძე და, თუ სახლ-  
შია, უთხარი, რაჟდენ კაპანაძესთან  
მოდი ცოტა ხნითოქო. უქეიფოდაა-  
თქო, უთხარი.

გვიამ ნომერი აკრიფა. ტელეფონში  
მამაკაცის ბოხი ხმა გაისმა:

— გისმენო!

— არჩილ ფერაძეს სთხოვეთ, თუ  
შეიძლება.

— მე ვარ!

გია შებორძიკდა. აქამდე არასოდეს  
დასჭირვებია მასწავლებლის თანდასწ-  
რებით მისივე სახელი და გვარი ეხსე-  
ნებია. ახლა დაინახა, რომ ეს არც ისე  
ადვილი ყოფილა.

— ისა... მასწ... რაჟდენ მასწავლე-  
ბელთან მობრძანდით, თუ შეიძლება;  
ცოტა უქეიფოდა.

— ახლავე მოვალ! — თქვა მამაკაც-  
მა ბოხი ხმით და დაკიდა ყურმილი.

— ახლავე მოვალ, მასწ.

მასწავლებელმა გაიღიმა

— უღრმესი მადლობა, მაგრამ ეგ  
რომ არჩილ ფერაძე არ ყოფილიყო, ძა-  
ლიან კი მიხვდებოდა, ვინ არის შენი  
რაჟდენ მასწავლებელი!

მასწავლებელი გაჩუმდა და გია ბარ-  
ბაქაძის ცხოვრებაში ისეთი ყაში დადგა,  
რომ უარესი თუ იყო, თორემ არაფრით  
ჩამოუფარდებოდა გეომეტრიის გამოც-  
დას: დუმილი და ლოდინი. თანაც გაურ-  
კმვეელი მდგომარეობა. ის მაინც რომ  
სცოდნოდა დანამდვილებით, დამთავრ-  
და თუ არა პარალელური სახეებისა და  
გაშლილი კუთხეების ეპოქა, შედარე-  
ბით დამშვიდდებოდა. მაგრამ, სამწუხა-  
როდ, ეს არ იცოდა და ერთ ხანს ვერც  
გაიგებდა. მასწავლებელი თვალდახუ-  
ჭული იწვა და მალე, ალბათ, ხვრინვა-  
საც ამოუშვებდა. ერთი საუკუნის შემ-  
დეგ გამოჩნდებოდა ვიღაც არანაკლებ  
ბებერი კაცი და თან მოიტანდა ფონოს-  
კოპს. ერთ საათს გასინჯვას მოუწდე-  
ბოდა, მერე იმუსაიფებდნენ, ცხადია,

ძველ დროს მოიგონებდნენ. წარსულს  
ხებდნენ თავიანთი წარსულით და ამა-  
სობაში გიას შემოაღამდებოდა. ფეხბურთი  
ც გვერდზე დარჩებოდა და ყველაფერი.  
იმისათვისაც მადლობა უნ-  
და ეთქვა, თუ ყოველივე ამის შემდეგ  
კიდევ გამოცდა არ გაგრძელდებოდა.

ერთი ბირობა გადაწყვიტა გაპარუ-  
ლიყო: ამ ოხერ ლოდინსაც გადარჩე-  
ბოდა, გამოცდის გაგრძელებასაც და  
ერთი-ორ გოლსაც შეაწვედა თავის  
გუნდს. მაგრამ შეშინდა, წინასწარ რას  
მიხვდები, რაოდენ სასტიკი იქნება რაჟ-  
დენ კაპანაძის შურისძიება.

გარდა ამისა, ცოტა ლაჩრობაც იყო  
ავადმყოფი კაცის მიტოვება. ღმერთმა  
ნუ ქნას და, ვინიცობაა, რამე დამართ-  
ნოდა, რას იტყოდა ქვეყანა! ხომ იტყო-  
დნენ, განზრახ გააკეთა, სამაგიერო უნ-  
დოდა გადაეხადათ. კაცმა რომ თქვას,  
მართალიც იქნებოდნენ. აბა, რაჟდენ  
კაპანაძის ადგილას ვინმე ამხანაგი ყო-  
ფილიყო! — წასვლას გულშიაც არ  
გაივლებდა.

ასეთ მსჯელობას თავისი ბუნებრივი  
შედეგი მოჰყვა: გია ბარბაქაძე იღვა  
(დაჯდომასაც კი ვერ ახერხებდა) და  
თავით ფეხებამდე ოფლში იწურებოდა  
(რადგან ლოდინმა ოფლიც იცის). მარ-  
თალია, ცდილობდა დროის მოსაკლავად  
რამე დაეთვალეებოდა, თავი რამეთი  
შეექცია, მაგრამ ამ ოთახში დასათვა-  
ლიერებელი და, მით უმეტეს, თავშესაქ-  
ცივე არაფერი იყო.

ბოლოს, როგორც იქნა, დაადგა საშ-  
ველი და მოვიდა ის კაცი, რომელსაც ამ  
ერთი საუკუნის წინ ტელეფონით ელა-  
პარაკა გია ბარბაქაძე.

ოღონდ მოხუცი არ იყო. ორმოციოდე  
წლის იქნებოდა. მაღალი, წარმოსადეგი,  
ოდნავ ჭიკარაშერთული. მკვირცხლი  
მოძრაობა და ცოცხალი, მხიარული თვა-  
ლები ჰქონდა. მოგრძო სახეზე გულკე-  
თილი ღიმილი დასთამაშებდა.

— გამარჯობათ. გამარჯობათ! —  
მიესალმა იგი დამხვდურთ ისე, რომ

ჯემალ ქარჩხაძე  
სასწავლი

ერთი გამარჯობა მასწავლებელს არგუნა, მეორე მოსწავლეს, რითაც ვია ბარბაქაძე დიდად ასიამოვნა. მართალია, ცოტა ხნის წინ იგი „სტუმარი“ ვახდა, მაგრამ ეს მაინც მოჩვენებითი წარმატება იყო და ამ წარმატებას განმტკიცება ესაჭიროებოდა.

— აბა, რაშია საქმე, ბატონო რაყედენ? ისევ გული, არა? ახლავე შევილოცავთ და გავუფრთხობ ანგელოზებს ყოველგვარ ავადმყოფობას. მართლსა ამ გამბობ? — მიუბრუნდა იგი ვიას.

ვიამ გაიღიმა და გაწითლდა. ახლა თავისუფლად გაძლებდა აქ კიდევ ცოტა ხანს. ასეთი კაცის თანდასწრებით გეომეტრიაც კი არაა საშიში.

— მედიცინა ფრიად ოპტიმისტური მეცნიერებაა, — მხიარულად თქვა ექიმმა, — და, ვფიქრობ, არც მათემატიკოსებს გადაუწურავთ იმედი, რომ ერთ მშვენიერ დღეს ზუსტად განსაზღვრავენ წრეხაზის სიგრძეს.

ვიას არ ესიამოვნა მათემატიკისა და წრეხაზის ხსენება. უფრო კი ის მოხვდა გულში, რომ მხიარულმა ექიმმა გეომეტრიის ცოდნა გამოამჟღავნა.

ვიას გასაოცრად, ექიმს არც ფონოსკოპი მოუტანია. რაღაც ძალიან ზერეულედ გასინჯა ავადმყოფი. ხან აქ კრა წკიპურტი, ხან იქ, გადააბრუნ-გადამოაბრუნა, ერთი ორჯერ ყური დაადო მკერდსა და ბეჭებზე, მაჯისცემა გაუზომა და ამით დამთავრდა.

— კიდევ გგონია, მიაგნებენ მათემატიკოსები წრეხაზის სიგრძეს? — სუსტი ღიმილით ჰკითხა რაყედენ კაპანაძემ, როცა ექიმი კაკუნსა და გადაბრუნებ-გადმობრუნებებს მორჩა.

— წრეხაზი რა არის! დადგება დრო, ოთხგანზომილებიან სამყაროს დახაზვენ. შენ რას იტყვი? — ვიას მიუბრუნდა ექიმი.

ვიამ კვლავ მორცხვად გაიღიმა და გაწითლდა. ოღონდ ამჯერად ამ ღიმილში, ცოტა არ იყოს, შიშაც ერია, რადგან საქმე, თუ გუმანი არ ატყუებდა, ისევ გეომეტრიას ეხებოდა. შემკრთალმა ბიჭმა მასწავლებლისაკენ გააპარა თვალი, შეეშინდა, არ გამთქვასო. ამა-

ტომ გასაგებია მისი სიხარული, როცა ექიმმა ლაპარაკი განაგრძო:

— მთავარია სიმშვიდე.

— მართლა? — იკითხა მასწავლებელმა, — მე კი შემეშინდა. ხომ იცი, ბებრებს როგორ გვიყვარს სიცოცხლე. ვიფიქრე, ეს უკანასკნელი შეტევა ციხესიმაგრის ალებით დაგვირგვინდება-მეთქი და, ცოტა არ იყოს, ავლელდი. თუმცა ეს ჩემი ალელგება ვიორგი ნიკიფოროვიჩს, ალბათ, სიცილადაც არ იყო. არა, ვიორგი ნიკიფოროვიჩ?

ვიორგი ნიკიფოროვიჩს კვლავ სიწითლემ გადაჰკრა სახეზე, მაგრამ მასწავლებელი, როგორც ჩანს, პასუხს არ მოითხოვდა. იგი ექიმს მიუბრუნდა:

— მაშ, ჯერჯერობით საშიში არ არის?

— არა, საშიში არ არის. მაგრამ სიმშვიდე გესაჭიროებათ, სრული სიმშვიდე.

— ამის ხელში? — ჰკითხა რაყედენ კაპანაძემ და რაღაც ეშმაკურ-დამკინაფო თვალთ გამოხვდა ვიას.

ექიმმაც მოიხედა.

— არა, უამისოდ.

ვია პირდაღებული იდგა და არ იცოდა, შიშის მიზეზს უფრო იძლეოდა ეს საუბარი თუ სირცხვილის მიზეზს.

— როგორ! — ხმას აუმაღლა რაყედენ კაპანაძემ.

ექიმმა გაიღიმა.

— სწორედ ასე, — უთხრა მან, — დღეიდანვე.

— იქნებ მოწყალემა მოიღოთ და ნება დამრთოთ გკითხოთ, — ისეთი კილოთი დაიწყო რაყედენ კაპანაძემ, როგორითაც ოროსნებთან იყოდა ხოლმე ლაპარაკი, — ამას თქვენ დამშვიდებებს ეძახით? ექიმმა კიდევ უფრო გულკეთილად გაიღიმა.

— თქვენი უკმაყოფილო კილო და მიმართვის ფორმა იოტისოდენადაც კი არ შეცვლილა ამ ოცდაათ წელიწადში.

ვიამ ვერაფერი გაიგო, მაგრამ მიხვდა, რომ ეს რაღაც მოფერების მაგპარი იყო. და რაც ყველაზე უფრო საო-



ცარია, მოეჩვენა, თითქოს მასწავლებელი მართლა იმსახურებდა მოფერებას.

— მე მაინც მირჩევნია, პატივი მცეთ და შეკითხვაზე მიპასუხოთ.

— რასაკვირველია, სიმშვიდეს ვეძახი. მხოლოდ პირველ ორ დღეს გავიჭირდებათ, მერე მიეჩვევით, ცხადია, მთლად ვერა, ჩუმი სევდა არა მარტო დიდხანს, არამედ, შესაძლებელია, სამუდამოდაც დაგრჩეთ, მაგრამ ეს სიმშვიდეს არ დაგირღვევთ. მთავარი კი სიმშვიდეა.

ექიმი გაჩუმდა. არც მასწავლებელი იღებდა ხმას, მაგრამ მისი დუმილის უკან რაღაც ხიფათი იმალებოდა. მან თვალი გაახილა და ექიმს მკაცრად შეხედა. მერე დახუჭა. ცოტა ხნის შემდეგ ისევ გაახილა და ისევ შეხედა, თუმცა ახლა მის სახეზე სიმკაცრე რაღაც უმწეო და შესაბრალოსი გამომეტყველებით შეცვლილიყო. ექიმმა მშვიდი, გულკეთილი ღიმილით გაუსწორა თვალი. ერთ ხანს ასე იყვნენ. მერე, უეცრად, მასწავლებელმა მზერა გიაზე გადაიტანა და ოროსანი მოსწავლე კინალამ შეხტა შიშისა და გაკვირვებისაგან: მეექვსეკლასელების რისხვა, ორიანებით გატენილი ვიება უბის წიგნაკი რომ ჰქონდა, საცოდავად ატუზულ შევირდს გამოსარჩლებას სთხოვდა.

ეს უკვე საკმაოდ დიდი მასშტაბის სასწაული იყო. ამხანაგები, ალბათ, არც დაიჯერებდნენ. არც გია დაიჯერებდა, ვინმეს რომ ეთქვა, რაჟღერ კაპანაძემ შესაბრალოსი თვალებით გადმომხედა, მაგრამ რა მექნა, მე რა შემეძლო.

გიას რა შეეძლო! რაც შეეძლო, კიდევ გააკეთა: სასწრაფოდ აარიდა თვალი მასწავლებელს და მის მაგივრად თვითონ გაწითლდა.

მასწავლებელი, რაკი დახმარების ხელი არავინ გამოუწოდა, გულაღმა გადაბრუნდა და ჭერს მიაჩერდა. კარგა ხანს იყო ასე გარინდებული. ბოლოს ექიმისაკენ მკვეთრი მოძრაობით გადმობრუნდა და თითქმის ყვირილით უთხრა (თუმცა ამ ყვირილს აშკარად აკლდა უფლებამოსილება):

— ასი მაინც არ შევასრულო?  
— ეს მერამდენია? — ღიმილით ჰკითხა ექიმმა და ბეჭე მოუთათხაველი გიას.

გია ვერ მიხვდა, რაზე იყო ლაპარაკი. მართალია, გულმა რაღაც ცუდი უგრძნო, მაგრამ ექიმის მეგობრულმა ჟესტმა დაამშვიდა.

— ეგაა მეასე! — ისეთი კილოთი ჩაილაპარაკა მასწავლებელმა, რომელიც ამ „მეასის“ ღირსებას ბევრს ვერაფერს მატებდა.

— მართლა? — თითქოს გაეხარდა ექიმს და მთელი ტანით შემობრუნდა გიასაკენ. გიას კვლავ ოფლმა დაასხა, რაკი რაღაც მნიშვნელოვანი საუბრის თემად იქცა. თუმცა შიშით მაინცადამაინც აღარ ეშინოდა, სანამ ექიმი აქ ეგულებოდა. კაცი თუ ჩაუკვირდები, ექიმი არაფერ შუაში არ უნდა ყოფილიყო, მაგრამ გია სხვანაირად ფიქრობდა. კი არ ფიქრობდა, გრძნობდა. რაღაც უცნაურ სიახლოვესა და სიმპათიას გრძნობდა. ამ რამდენიმე წუთის განმავლობაში ეს მხიარული, წარმოსადეგი ექიმი ცხოვრების იდეალად ექცა. გია ბარბაქაძე ალბათ იმან მოხიბლა, რომ ექიმს რაჟღერ კაპანაძესთან ისე ეჭირა თავი, როგორც ტოლს ტოლთან. შეშინებული ოროსანი ადვილად გააღმერთებდა კაცს მარტო ამ ღირსებისათვის. ასეა თუ ისე, ამჟამად გიას ექიმზე უფრო დიდი კაცი დედამიწის ზურგზე არ ეგულებოდა. მას უცივ საშინლად მოუნდა ასეთი წარმოსადეგი, მხიარული, ოდნავ ჭალარაშერთული ექიმი გამოსულიყო და რაჟღერ კაპანაძის სამკურნალოდ მიეწვიათ. ჰო, რას იყრიდა ძველ ჯავრს!.. თუმცა არა, ჯავრს არ იყრიდა, ხომ იცი... პირიქით, ღამეებს გაუთევედა, რამე ახალ წამალსაც გამოიგონებდა საგანგებოდ მისთვის და სიკვდილს ხელიდან გამოგლეჯდა. ყოფილ მასწავლებელს არ ეცოდინებოდა მისი ვინაობა და ბოლოს, როცა გონს მოვიდოდა და იკითხავდა, მაჩვენებდა

ჯემალ ქარჩხაძე  
სასწაული



ნეთ ერთი, ვინ არის ჩემი მხსნელიო, გია მშვიდად მიუახლოვდებოდა და უბრალოდ ეტყოდა: მე გია ბარბაქაძე ვარო. აი, მაშინ გაახსენდებოდა, რამდენჯერ გაუწამებია გია, გაახსენდებოდა საშემოდგომო გამოცდის ამბავი და შერცხვებოდა. მაგრამ გია დიდსულოვნად აპატიებდა.

— მაშ, ეს არის მესე და ბოლო? — ღიმილით იკითხა ექიმმა და გია მკრეხელური ოცნებისაგან გამოაფხიზლა. — ძალიან ჯიუტობს?

— უსაშველოდ. — მიუგო მასწავლებელმა, — საქმე ისაა, რომ პრინციპულად არ ცნობს გეომეტრიას შესწავლის ღირსად. თანაც ჩემი პირადი მტერია, ეგრე კი ნუ გგონია საქმე.

გია ოფლში ცურავდა. ასეთ დღეში ჩაეპარდნას ათასწილად ერჩივნა სულაც არ გაჩენილიყო ამ ცოდვილ ქვეყანაზე. ამ კაცთან შერცხვენას სიკვდილი ჯობდა. პირადი მტერიო, მაინც რამ ათქმევინა! ღმერთმანი, თავის დღეში არ უფიქრია გია ბარბაქაძეს მისი მტრობა. პირიქით, ოღონდ კი ამ ავადმყოფობას გადარჩენოდა და საშემოდგომო გამოცდასაც ჩააბარებდა, არც ჩემპიონობის დაკარგვას ინაღვლებდა მაინცადამაინც. და ასეთ გულკეთილ კაცს პირად მტერს ეძახის!

— საერთოდ კარგი ბიჭია... — განაგრძო მასწავლებელმა.

— ეგ ხომ თქვენი ურყევი რწმენაა, ბატონო რაჟდენ, — სიტყვა ჩამოართვა ექიმმა, — საერთოდ ყველა ბიჭი და ყველა გოგო კარგია. ყველა კეთილი და საყვარელია. მთავარია, ეს სიკეთე განუვითაროთ, რომ ცხოვრების მთელ გზაზე გაყვეთ. სწორად მახსოვს?

— სწორად გახსოვს. თუმცა ამჯერად ეგ არ მქონდა მხედველობაში. იმის თქმა მინდოდა, ნიჭიერი ბიჭიამეთქი. მაგრამ პო-პო-პო!.. ერთხელ ისეთი საქმე მიყო, პირდაპირ აღარ ვიცოდი, რა მექნა. ეშმაკის ფეხია და მშობელი მოიყვანე-მეთქი ვუთხარი, მინდოდა მოვლაპარაკებოდი. უცებ ჩაქინდრა თავი და გულსაკლავად მითხრა — „მშობლები არა მყავს. მასწ.“ —

ისეთი ხმა პქონდა, გეგონებოდა, ცრემლები ახრჩობს ბავშვს და თავს ძლიერს იკავებსო. წარმოვიდგენია, ალბათ რამდამემართებოდა, ადგილზე გავშეშდი. რაღა არ გავაკეთე მერე, იქნება როგორმე აწლილი დარდი შეევსსუბუქო-მეთქი ბავშვს. აი, შე არამზადა შენა! — მიუბრუნდა უცებ მასწავლებელი გიას და ღიმილიც ერთბაშად რისხვით შეცვალა.

ექიმი ახარხარდა. გია მოიკუნტა და აღარ იცოდა, სად გაპარულიყო.

— იმედი თუ გაქვთ? — ხარხარსა და ხარხარს შუა იკითხა ექიმმა. თან ცრემლს იწმენდა.

— იმედი როგორ არა მაქვს! ოთხმოცდაცხრამეტმა გამოიარა ჩემს ხელში და წყალგადაწურული არც ერთი არ ყოფილა. ოთხმოცდაცხრამეტივე ამოძვრა. ეგ რა, ციდან კი არ ჩამოფრენილა.

— უთქვენოდ?

— უჩემოდ რა ვიცი. გააჩნია, ვინ შემეცვლის.

— გინდ ასე თქვი, გინდ ისე, საკითხი გადაწყვეტილია. თქვენი პედაგოგიური მოღვაწეობა დამთავრდა. მესეს ვინმე მოუვლის. ბოლოს და ბოლოს, ყველა მოსწავლემ თქვენს ხელში ხომ არ უნდა გამოიაროს.

— ჩემი დაწყებული მევე დამემთავრებია! — თქვა მასწავლებელმა და ისე გაიბუტა, როგორც ნათია გოგიაშვილმა იცოდა ხოლმე.

„მესე“ თავჩაქინდრული იდგა და ოფლში იწურებოდა. საუბრის დინების და მიხედვით, ხან იმედი მიეცემოდა, რომ ამ კაცივით მხიარული და წარმოსადეგი, საუკეთესო ექიმი გამოვიდოდა, ხანაც ყოველგვარი იმედი გადაუწყდებოდა და თავისი ოცნება უდიდეს თავხედობად მიაჩნდა.

— ისე, პატარას თუ მოინდომებს, მეტი კი არაფერი უნდა, — განაგრძო მასწავლებელმა, — ვინმესთან რომ იმეცადინოს... აი, მაგალითად, ერთი მეგობარი ჰყავს, ნათია გოგიაშვილი, იმასთან...

გია ჭარბალივით გაწითლდა. ეს მარ-

თლაც მეტისმეტი იყო! ნეტა მიწა გახეთქოდა და თან ჩაეტანა! მეტიჩარა ნათიას მეგობრადაც კი მონათლეს და ისიც ასეთი კაცის თანდასწრებით. სადამდე შეიძლება ადამიანის დამცირება! ნათიას მეგობარი! მეტი კი არ უნდათ ბიჭებს. მართალია, ნათია არავის ხელწამოსაკრავი არაა, ეგ კი არადა, ბევრ ბიჭსაც ჯობია, მაგრამ რა გინდა ქნა, — მიინც გოგოა და მისი მეგობრობა თავმოყვარე კაცისათვის შეურაცხყოფაა. გია ბარბაქაძის სირცხვილად ისიც ეყოფა, რომ ხანდახან ყოყმანობს, ფეხბურთის სათამაშოდ წავიდეს თუ ნათიასთან გაატაროს კვირადღე. ანდა ექსკურსიის დროს, როცა ბიჭები, ჩვეულებრივ, ცალკე გუნდად მიდიან და მეტიჩარებს ახლო არ იკარებენ, რაღაც სულელური აზრი შეუჩნდება და ძლივს იკავებს თავს, რომ ციცაბო აღმართზე ასვლაში არ მიეხმაროს. მაგრამ ასეთ ცოდვას თავის გულში, თავის ფიქრებში ჩადის და თავის გულშივე ინანიებს. ეს კი საქვეყნოდ გაიძახის, — მეგობარიო.

— რა საეჭვოდ გაწითლდი! — გაუღიმა ექიმმა და კვლავ მოუთათუნა მხარზე ხელი.

ამ სიტყვებმა საბოლოოდ დაასამარა გია ბარბაქაძის სიამაყე და თავმოყვარეობა.

— მაშ, მოდი ასე ვქნათ, — თქვა მასწავლებელმა, — რახან პედაგოგიური მოღვაწეობა დავასრულე, ამით დასრულდა ჩემი სახელგანთქმული უბის წიგნაკის მისიაც. მე მინდა ეს უბის წიგნაკი აქვე, შენი თანდასწრებით, ჩემო არჩილ, გადავცე გამოუსწორებელ მესესს. თუმცა შეიძლება უარი თქვას, ისე სძულს. გინდა გაჩუქო ჩემი უბის წიგნაკი, გიორგი ნიკიფოროვიჩი? იმიტომ კი არა, თითქოს ვინმეს სჯობიხარ, არა. მხოლოდ იმიტომ, რომ ჩემი უკანასკნელი მოსწავლე ხარ და კიდევ იმიტომ, რომ გამოუსწორებელს გტოვებ. რას იტყვი, არჩილ?

— კარგი იქნება, დავ, გადაშალოს და, რასაც იქ ნახავს, სახელმძღვანელოდ გამოიყენოს.

გიას ჯერ ეგონა, დამცინიანო, მაგრამ

მხიარული ექიმი ამჯერად ისეთი სურითოული კილოთი ლაპარაკობდა, რომ ამ მოსაზრებაზე მაშინვე აიღო სიტყვები არადა, რაშია საქმე? რა გამოადგება სახელმძღვანელოდ, რას ნახავს ასეთს ამ უბის წიგნაკში? ორიანები გამოადგება სახელმძღვანელოდ?

ამასობაში მასწავლებელმა უბის წიგნაკი აიღო და წამოწვივაც კი დააპირა, მაგრამ ექიმმა არ დაანება. სამაგიეროდ, გია მოიხმო:

— მოდი ახლოს!

გია საწოლს გაუბედავი ნაზიჯით მიუახლოვდა.

— გია ბარბაქაძე, — საზეიმო კილოთი დაიწყო მასწავლებელმა, — აი, ეს უბის წიგნაკი. იცოდე: ამაშია მთელი ჩემი სინდისი (გიას გააყრჭოლა) და ორმოცი წლის ნამოღვაწარი. ვინძლო, გაუფრთხილდე. როცა გაიზრდები და დაკვირვებული თვალით ჩაიხედავ ამაში, დაინახავ, რომ რაქდენ კაპანაძეს, სპეციალურად, მოსწავლეების გასაწამებლად არ შეუძენია ესოდენ სქელი უბის წიგნაკი. აბა, აწი შენ იცი და შენმა ვაჟკაცობამ!

ამ სიტყვებით მან ბიჭს უბის წიგნაკი გაუწოდა. გია ბარბაქაძე აკანკალებული ხელით შეეხო ნივთს, ამდენი ხნის განმავლობაში რომ შიშის ზარს სცემდა შეიძვესკლასელებს.

— ახლა კი გაიქეცი, — უთხრა მასწავლებელმა, — სამი საათი ხდება. სადაცაა დაიწყება შენი ფეხბურთი. — მერე ექიმს მიუბრუნდა, — დღეს გამოცდის გარდა ფეხბურთიც ჰქონდა და სულ იმის ფიქრში იყო, მიუსწრებდა თუ არა. გაიქეცი, რაღას უდგებხარ. საშემოდგომო გამოცდა, როგორც ერთადერთი გამოწკლისი, რომელიც ალბათ ჩემი სიბერით უნდა ავხსნათ, მიბატინებია.

გია იღვა და ყოყმანობდა. თან იმაზე ფიქრობდა, საიდან იცის გეომეტრიის მასწავლებელმა, დღეს რომ ფეხბურთი მატესო. ბოლოს ნელა დაიძრა კარისკენ.

ჯემალ ქარჩხაძე  
სასწავლო

მაგრამ შუა გზაზე შემობრუნდა და აღელვებული ხმით წაიბუტბუტა:

— მასწ., კარგად ბრძანდებოდეთ!

მასწავლებელს და ექიმს გაცინათ.

— რა ამბით მემშვიდობები, ბიჭო, კი არ გკვდები! თუ, რახან მასწავლებლობას თავს ვანებებ, შენ და შენი ამხანაგები მოვალედ აღარ თვლით თავს, შემოიაროთ და მინახულოთ? ჰა, რას გაჩუმებულხარ?!

— შემოვივლით, მასწ... — წაიბუტბუტა გიამ და გამოსცდა კარს.

გამოვიდა თუ არა, მაშინვე უბის წიგნაკს დახედა, მთელი ამ ხნის განმავლობაში გახურებული შანთივით რომ წვავდა ხელს. ახლოდან არც ისე საშინაო ჩანდა. კანი, განსაკუთრებით ნაპირებთან, სულ ერთიანად გაცრეცოდა. გიას მოეჩვენა, რომ ეს ბებერი წიგნაკი რაღაცით ძალიან ჰგავდა თავის ბებერ პატრონს; თუმცა იგი აღარ იყო პატრონი.

გიამ ქურდით მიიხედ-მოიხედა და მაგრად ჩაბლუჯა იშვიათი ნადავლი. ამ ნივთის ხელში ჩაგდება მიექსეკლასელთა აუხდენელი ოცნება იყო.

ბიჭმა აკანკალებული ხელით გადასწია გარეკანი. პირველი ფურცელი ქუჭყიანი და ყვითელი იყო. გიას ძველი გაზეთები უნახავს ასეთი ყვითელი და ქუჭყიანი, პირველ გვერდზე, შუა ადგილას, უცნაურად დაგრეხილი ასოებით ეწერა: „რაყდენ იასონის ძე კაპანაძე“, ხოლო ქვემოთ, იმ ადგილას, სადაც წიგნებს „თბილისი, 19... რაღაც წელი“ აწერია ხოლმე, იმავე ხელით ეწერა: „თბილისი, 1922 წელი“.

გია პირდაღებული დასცქეროდა ამ „1922 წელს“. ეს მის წარმოდგენაში უხსოვარ დროდ ითვლებოდა და უეცრად პატივისცემა მოემატა იმ კაცისა, რომელმაც, ეჭვი, როდის — 1822 წელს უბის წიგნაკში საკუთარი ხელით ჩაწერა: „1922 წელი“.

მერე სატიტულო ფურცელიც გადაშალა. გია მოელოდა, რომ ცალ მხარეს გვარები იქნებოდა ჩამოწერილი და მეორე მხარეს ორიანები, მაგრამ შეცდა. ბლოკნოტში თითო გვერდზე ორ-ორი

გვარი ეწერა, თავში და შუაში, გვარების შემდეგ მოდიოდა ორიანები და, საერთოდ ნიშნები, რომლებზეც მესამე და ხშირად მეოთხე ხაზზეც გადადიოდა.

მაგრამ თუ გგონიათ, ამის გამო იღვავია ასე თვალეზაქცეტილი, გაფითრებული და პირდაღებული, სასტიკად ცდებით. არა, აქ მთავარი სხვა რამე იყო, და აი, რა: პირველ გვერდზე პირველი სახელი და გვარი ეწერა — „არჩილ ფერაძე“. ამიტომ იღვავა გია ასე თვალეზაქცეტილი, გაფითრებული და პირდაღებული.

„არჩილ ფერაძის“ გასწვრივ პირველ ხაზზე სულ ორიანები ეწერა, ორიანები ეწერა აგრეთვე მეორე ხაზზე და მესამე ხაზის შუამდე. მესამე ხაზის შუიდან მეოთხე ხაზის შუამდე სამიანები ეწერა, ხოლო აქედან უკვე ოთხიანები და მეოთხე ხაზის დასასრულს — ერთი, ერთადერთი, ობოლი ხუთიანი. ქვემოთ უკვე ახალი გვარი იყო.

და რა თავისუფლად ლაპარაკობდა მასწავლებელთან! თითქოს ტოლი ყოფილიყოს!

გიას არ გახარებია ეს ამბავი. არც თავისუფლად ამოუსუნთქავს იმის გამო, რომ სახელგანთქმული კაცი ამხანაგად ერგებოდა, პირიქით, ისეთი გრძნობა გაუჩნდა, თითქოს ეს უცხო ორიანები მის საკუთარ ცოდვასთან ერთად დაწვა და ორმაგად დაამძიმა. საოცარი კია! მართლაცდა, რა მხიარული და წარმოსადეგი ექიმიც არ უნდა ყოფილიყო არჩილ ფერაძე, რა ესაქმებოდა მის ორიანებს გიასთან, — საწყალი ბიჭი საკუთარსაც ვერ გაწვდენოდა!

ისე, გია, მასწავლებლისა არ იყოს, პატარას თუ მოინდომებდა... კაცმა რომ თქვას, ნათია გოგიაშვილი გოგო თუა, იმიტომ ვერ ჯობია ბარე ორ ბიჭს! ბოლოს და ბოლოს, ის ერთადერთი სწორი პასუხი, გიაცა და გეომეტრიის მასწავლებელიც ასე რომ გაახარა, ნათიას წყალობა არ იყო? დაიქცა ქვეყანა თუ ღამით ტყვეში წასვლის ეშინია. ადრე

არც ცურვა იცოდა, მაგრამ ბოლოს ის-  
წავლა და ახლა ბიჭებსაც კი არ ჩა-  
მორჩება...

ნუგზარ მამალაძეც, ჩვენში დარჩე-  
და, მშვენიერი ცენტრალური თავდასხ-  
მელია, ისე რა ღმერთი გაუწყრება,  
ერთი-ორი ბურთი არ გაიტანოს მეშვი-  
დეკლასელების კარში.

ასე ფიქრობდა გია ბარბაქაძე, პატარა  
ბიჭი, ცამეტი წელი სასწაულს რომ  
ელოდა და ბოლოს მართლა გადაურჩა  
საშემოდგომო გამოცდას. ასე ფიქრობ-  
და...

ან კი რა ექნა: ცამეტი წლის ბიჭი  
იქით უნდა წავიდეს, საითაც გული  
მიუწევს. გული კი ნათია გოგიაშვილი-

საკენ მიუწევდა, მეტიჩარა გოგიაშვილი,  
რომელსაც თვალები გაუბრწყინდებოდა  
ხოლომე, გია რომ მასთან მივიდოდა.

გია ამ დღეს მრავალი რამ გამოსცა-  
და: სიმწარეც და სიტკბოც. და ყოვე-  
ლივე ამას მხოლოდ ნათიას თუ ეტყო-  
და, რადგან სხვები ვერც ამ ამბის სიმ-  
წარეს დაინახავდნენ და ვერც ამ ამბის  
სიტკბოს.

ასე იყო საქმე.  
და გია ბარბაქაძე, თავის გუნებაში  
რომ ცამდე მართალ ბიჭებს ედავებოდა,  
საკუთარი ბიჭობისდა სამარცხვინოდ,  
პირდაპირ მეტიჩარა ნათიას სახლისაკენ  
მიაბიჯებდა, თუმცა პირველი სკოლის  
ეზო გაცილებით უფრო ახლოს იყო.



სერიას „ადამიანთა გზა“ ეწო-  
და.

„მაწერელის შემოქმედება  
თითქმის ნაბეჯარ საუკუნეს  
ითვის, — წერს ხელოვნე-  
ბათმცოდნე პინუსი ურნალ  
„ბილდენდე კუნსტში“,—გრა-  
ვიურათა ახალი ციკლი შე-  
სანიშნავი ხელოვანის ნამუშე-  
ვართა ჯგამს წარმოადგენს. აქ  
ფართოდ არის ნაჩვენები რო-  
გორც მაწერელი-მხატვრის,  
ასევე მაწერელი-გრაფიკოსის  
ბრწყინვალე ოსტატობა. ორი  
ომის მონაწილე ფრანს მაწე-  
რელი ამჟამად 75 წლისაა,  
ცხოვრობს ნიცაში და კვლავ  
ნაყოფიერ შრომას ეწევა. შე-  
სანიშნავი ხელოვანი ფრანს  
მაწერელი თავისი განუყოფელი  
საპრეტლით ხელში იბრძვის  
პუმანიშისა და პროგრესისა-  
თვის, მშვიდობისათვის მთელს  
მსოფლიოში.

**გ ღ რ**

**შენრიხ მანის თხზულებათა  
სრული ტომი**

მიმდინარე წელს აღინიშნე-  
ბა ცნობილი გერმანელი მწერ-

ლის შენრიხ მანის გარდაცვა-  
ლების 15 წლისთავი. ამ თა-  
რიღთან დაკავშირებით გერ-  
მანიის ხელოვნების აკადემიამ,  
რომლის პირველი პრეზიდენ-  
ტიც განსვენებული მწერალი  
იყო, დაიწყო შენრიხ მანის  
თხზულებათა 25 ტომეულის  
გამოშვება. პირველ თხზულებ-  
ტომში შევა მწერლის 17 რო-  
მანი, შემდეგი სამი ტომი მო-  
იცავს 30-მდე ნოველას, ერთი  
ტომი — ათ-დრამატულ ნაწარ-  
მოებს, ოთხი ტომი—30მ-მდე  
ნარკვევს და ეხებებს. ორ უკა-  
ნასკენელ ტომში შევა მწერ-  
ლის ლიტერატურული წერი-  
ლები და ლექციები.

მანის თხზულებათა 25 ტო-  
მეულში შევა აგრეთვე ის რო-  
მანები, რომლებიც დიდი ხა-  
ნია არ დაბეჭდილა („საბრა-  
ლონი“ და „თავი“), აგრეთვე  
ჯერ გამოუქვეყნებელი რომა-  
ნი „სუნთქვა“. ეს რომანი ეხე-  
ბა მეორე მსოფლიო ომის  
პირველ დღეებს.

**ბ ზ რ**

**მისამართი უცნობია**

იტალიელი გრაფი ენრიკო  
ლი პომპეო გერმანიის ფედე-  
რაციულ რესპუბლიკაში ცხოვ-  
რობს. ამას წინათ მან გადა-  
წყვიტა შეემოქმებინა დასავ-  
ლეთ გერმანიის ფოსტის მო-  
ხელეთა საქმიანობა. გრაფმა  
30-მდე წერილი გაგზავნა გერ-  
მანიის იმ ცნობილი ადამიანე-  
ბის სახელზე, რომლებიც დი-  
დი ხანია ისტორიის საკუთრე-  
ბად ითვლებიან.

და აი შედეგიც: ასტრონომ  
კეპლერის სახელზე გაგზავნი-  
ლი წერილი გეგზახბურგიდან  
შემდეგი ტემაპით დაბრუნდა:  
„მიუთითეთ ქურჩა და სახლის  
ნომერი“. იოჰან ვოლფგანგ გო-  
ეთეს სახელზე გაგზავნილ კონ-  
ვერტს მაინის-ფრანკფურტის  
ფოსტის მოხელემ წააწერა:  
„აღრესატი გარდაიცვალა“. ფრიდრიხ შილერისადმი გა-  
გზავნილ ბარათზე კი ეწერა:

გაგრძელება იხ. გვ. 69.





ყველა ბალახს და ყველა ფათალოს  
თანაბრად მიწის სითბო არა ზრდის,  
მე მინდა ჩვენში ყველა ქალი და  
ყველა ფოთოლი იყოს ლამაზი!  
კურთხეულ იყოს მგზავრი პირველი,  
სიკეთის გზაზე ვინც გამასწავლა,  
ზაფხულის მაცნე, ყველა ფრინველი,  
ყველა მერცხალი წინამასწარა!  
კურთხეულ იყოს სინათლე დიდა,  
კურთხეულ იყვენენ. ჩემი ტოლები,  
მათ, ვისაც ჩემი ჭირით და ლხინით,  
სიბერის დღემდე შევიყოლებდი!  
კურთხეულ იყოს მესხის მარჯვენა,  
ალაზნის წყალი დარბაისელი,  
მე თუნდ ათასი მქონდეს დაღბენა,  
სხვათა შემყურე დარდად ვიქცევი!  
სადმე პატარა, ობლად რომ არი,  
ვინმე იმის წილ დარდს თუ არ იღევს,  
ვისაც მეგობრის მოსაგონარი  
არ ავიწყდება ნაპურმარიღევს.  
ყველა ბალახს და ყველა ფათალოს,  
თანაბრად მიწის სითბო არა ზრდის  
მე მინდა ჩვენში ყველა ქალი და  
ყველა ჭადარი იყოს ლამაზი!




თუკი სათავე არა გაქვს უხვი,  
ვერასდიდებით ვერ ადიდდები,  
თუ სიყვარული არა გაქვს გულში,  
ვერ შეიყვარებ ვერასდიდებით.  
თუკი ამდენი რამის მხილველმა,  
ვერ შეიძინე გამოცდილება,  
გზად შეეყრები ხიფათს პირველი,  
ჩუმი ნალველი არ მოგცილდება.

მე ვნახე ბევრი დღეთა ჭიდილი  
ქარში ფოთოლთა ვნახე ტრიალი,  
ყველა ფოთლისთვის არის სიკვდილი,  
ცაში გაფრენა და ხეტიალი.  
ჰქონდეთ მარადის ნანატრი დარი,  
დასაბამიდან ხენი ნატრობენ,  
თურმე დაჩაგვრა ლამაზი ქალის  
ისევ ლამაზ ქალს ძალუძს მარტოდენ!  
ყველას მაგივრად ტირილს თუ შეძლებ-  
ბოდმა წაგიღებს, როგორც ენგური.  
თუმც თეთრი კაბა აცვიათ გედებს,  
გლოვა იციან სხვებზე ერთგული!  
ყველა ფათალო სახე მტირალი  
მზეს ემაღება მიკვირს რისათვის,  
ხავსი. რომ ხავსი არის ტიალი,  
ისიც ცოდვაა სიკვდილისათვის!  
თუკი სათავე არა გაქვს უხვი,  
ვერასდიდებით ვერ ადიდდები,  
თუკი ნათელი არ გიდგას გულში,  
ვერ შეიყვარებ ვერას — დიდებით!



მუხა მოკვდება ზეზედა,  
არწივებს ისხამს მხრებზედა,  
შენ, ტბაო, სულ ერთ ადგილზე  
ყოფნა რად არა გბეზრდება.  
ყველასა გყოფნის დიდი მზე,  
ყველას ცდუნების ხვითო გვძლევს,  
თუკი ვიფიქრებთ სიკვდილზე,  
ძნელად ავიტანთ სიცოცხლეს.  
მე მტკივა გადაჩეხილი  
ვაზი და ნასახლარები,  
რქა-რქაზე გადაგრეხილი  
უგუთნო ლაბა ხარები.  
თურმე შენ რასაც იგლოვებ,  
სხვების გულამდი არ დავა,  
თურმე წაქცევა დიდ გორზე  
შრიალით იცის ჭადარმა.  
ზოგს სულ არა აქვს ხალისი,  
ზოგს აქვს ათასის სამყოფი,  
შენ რასაც გულით განიცდი,  
სხვას სასაცილოდ არ ყოფნის.  
არაგვს შიში აქვს არაფრის,  
არ ეშინია ალაგმვის,  
ცოდვაა გასათიშავად  
შავი და თეთრი არაგვი.



მოთხრობა

მ საღამოს საავადმყოფოდან შინ დაღლილი დაებრუნდი. ვახშმობის თავიც აღარ მქონდა, ღივანზე გაუხდელად წამოვწევი და ჩამთვლიმა. უეცრად ტელეფონის ზარმა გამომადვიდა. სწრაფად წამოვხტი, ყურმილი ავიღე.

— გისმენთ.

— ჩარეკიშვილის ბინაა? — გაისმა ყურმილში ქალის ხმა.

— დიახ, ვინ გნებავთ?

— პატივცემულო ოთარ, მორიგე გაწუხებთ საავადმყოფოდან. ეს-ეს არის, ახალგაზრდა ქალი მოიყვანეს, მეტად მძიმე მშობიარობა აქვს, თქვენი მოსვლა აუცილებელია...

— კარგი, ახლავე მოვდივარ!

ყურმილი დავედე. სწრაფად ჩავიცვი და კარი გამოვიხურე. მორიგე ექიმი, ქეთევან ჟვანია საავადმყოფოს შესასვლელთან დამხვდა.

ხალათი გადავიცი და კიბეს ჩქარი ნაბიჯით ავუყვი. დერეფანში უცნობი მამაკაცი იდგა. დამინახა თუ არა, მომჩერდა. უცნობს მივესალმე და გზა განვაგრძე.

— ვინ არის ეს კაცი? — ვკითხე მო-

რიგეს, როდესაც კარგა მანძილით დავცილდით მას.

— იმ ქალის მეუღლე გახლავთ, მთხოვა, აქ დაცდის ნება მიმეცა და უარი ვეღარ ვუთხარი.

ავადმყოფი გულდასმით გავსინჯე. ოპერაცია აუცილებელი იყო.

თორმეტი საათი იქნებოდა, ოპერაცია რომ დავამთავრე. ოფლად ვადგრილმა ხელ-პირი დავიბანე, პაპიროსს მოვუკიდე და აივანზე გავედი. ხუთიოდე წუთის შემდეგ ჩემი ოთახისაკენ გავეშურე.

— ექიმო, ავადმყოფი როგორ არის? — მომესმა ვიღაცის გაუბედავი ხმა. შემოვბრუნდი. ჩემს წინ იმ ქალის მეუღლე იდგა.

— მოსალაცი ამბავია, ძმაო, ბიჭის მამა ხართ, მეუღლეს კარგად არის. — ღიმილით ვუთხარი და ხელი გავუწოდე. კაცს სახე გაუნათდა, სიხარულიაგან არ იცოდა, რა ექნა, მერე ორივე ხელი ჩამჭიდა ხელში.

— გამადლობთ, ექიმო, ამ სიკეთეს არასოდეს არ დავივიწყებ!

მე მალე დავცილდი მას. ჩემი ოთახის

კარი შევადე. ოთახში ცხელოდა, სინათ-  
ლე აუანთე და სარკმელი გამოვადე.  
ისევ ფიქრებში ვავეხვიე. რას წარმო-  
ვიდგენდი, რომ ამდენი ხნის უნახავ,  
თითქმის მივიწყებულ ნანას, აქ, საავად-  
მყოფოში ვნახავდი. როგორ გამოცვლი-  
ლა, დაქალებულა, რამდენმა წელმა  
გაიარა მას მერე. მაშინ სრულიად  
ახალგაზრდა ექიმი ვიყავი. რა დამავიწყ-  
ყბს იმ დღეს. გაზაფხულს მიწურუ-  
ლი იყო. ჩემი ოჯახი იმ ხანად წადგერ-  
ში ისვენებდა. შინ არავინ მეგულეზო-  
და და სამსახურიდან გვიან ვბრუნდე-  
ბოდი ხოლმე.

ერთ საღამოს, ჩვეულებისამებრ, გვიან  
გამოვიქდი საავადმყოფოდან და ტრამ-  
ვანს გაჩერებისაკენ გავეჩიე. გაჩერებაზე  
ხალხს ბლომად მოიყარა თავი. ტრამვაი  
ავგვიანებდა. ბოლოს როგორც იქნა, გა-  
მოჩნდა. ლოდინით შეწუხებული ხალხი  
ვაკონებს მიაწყდა. მეც მათ მივყვი-  
ე, კარი დიდი გაჭირვებით დაიხურა.

კონდუქტორი სკამზე შემდგარიყო,  
მგზავრებს ზემოდან ვადმოყურებდა და  
ხმაბლლა გაპყვიროდა, ბილეთები შეი-  
ძინებო.

ყოველ გაჩერებაზე მგზავრები გემო-  
ტებოდა. ჩასვლით თითქმის არავინ  
ჩამოდიოდა, რომ ცოტათი ამოგესუნ-  
თქა. ვადაგწყვიტე, როგორმე ძირს ჩავ-  
სულიყავი და გზას ფეხით ვაველოდი.  
მაგრამ ჩასვლა ვერ მოვახერხე და ბედს  
შეველოდი. ტრამვაი აზანოს გაჩერებას  
უახლოვდებოდა.

— ქალიშვილო, ხმა გამეცი. მუნჯი  
ხომ არა ხარ, — ამბობდა ვიღაცა ჩემს  
ზურგსუკან.

— რა გინდათ ჩემგან. დამეხსენით, —  
გაისმა გოგონას შეწუხებული ხმა.

მე მხრები ვავითავისუფლე და თა-  
ვი გვერდზე მივაბრუნე. ქალიშვილის  
აჭარხლებული სახე დავინახე. ვიღაც  
ახალგაზრდას ქუდი თავალებზე ჩამო-  
ეფხადა და შეშინებულ გოგონას ქორი-  
ვით დაჰყურებდა. ვეღარ მოვითმინე და  
იმ ვაყს მივუბრუნდი:

— მეგობარო, ცოტა წესიერად მოი-  
ქეციო.

ვაჭი არ მოელოდა, თუ ქალიშვილს

ვინმე გამოექომაგებოდა და გავეჩიე-  
ბით შემომხედა, თავით ფეხამდე ამოშრ-  
დამზომა და უტიფრად მომასახლა.

— შენ გზას ეჭვი.

მხარში ხელი მოვკიდე და შემოვა-  
ბრუნე.

— თავს არ დამანებებ... — დაიღ-  
რიალა მან და მუცელში მუშტი ამო-  
მარტყა.

ამას კი არ მოველოდი, სიმწრისაგან  
ერთ ხანს სუნთქვა შემეკრა.

როგორც იქნა სული მოვითქვი და  
წელში გავიმართე. უცნობი ვაჭი ჩემს  
წინ აღარ იყო, იგი კარისაკენ მიიკვ-  
ლედა გზას. კისერში ვწვდი. მოვატ-  
რიალე და გავარტყი. ვაკონში ჩოჩქოლი  
ატყდა. ყველას ყურადღება ჩვენკენ  
იყო მოპყრობილი. ტრამვაი შეჩერდა.

კარგა შებინდებული იყო, მე და ნანა  
მილიციის განყოფილებიდან რომ გა-  
მოვედით და ხმაურიან ქუჩას დავადე-  
ქით. ნელა მივდიოდით, გზაში არც  
ერთს ხმა არ ამოგვიღია. იმ შემთხვევაში  
გუნება წამიხდინა. მთავარი ქუჩა ჩავი-  
არეთ. ქალიშვილმა მარჯვნივ აღმართის-  
კენ აღხვია, იქვე გაზუთების ფარდულ-  
თან შეჩერდა და მე მომიბრუნდა.

— აქედან ახლოა ჩემი სახლი, მეტს  
აღარ შეგაწუხებთ, ბოდიშს ვიხდი, რომ  
ჩემი გულსათვის ასეთი უსიამოვნება  
შეგემთხვათ.

— ეგ არაფერი. ისე კი ამ შუა გზაზე  
ვერ მიგატოვებთ.

— ოთარ, თქვენ ალბათ ფიქრობთ,  
რომ ახალ ხიფათს ვადავეყრები. კეთი-  
ლი, წავიდეთ.

გზა განვაგრძეთ. აღმართს კვლავ  
უხმოდ მივეყვებოდით. წინ ნანა მიდიო-  
და. ხელში ყვითელი ტყავის ჩანთა  
ეჭირა და აქეთ-იქით აქანაგებდა. მოუ-  
ლოდნელად შეჩერდა, ჩემკენ შემობ-  
რუნდა და გაიციინა.

— რომ იცოდეთ რაზე მეციინება?

ნოდარ კეკელიძე  
სინანული



— რაზე? — ვკითხე და თვალეზში შევაცქერდი.

— ახლა რომ ჩვენმა გოგოებმა თქვენთან ერთად დამინახონ, თვალს არ დაუჯერებენ!

— რა არის დაუჯერებელი, პირველად ხომ არ ხართ ვაჟის გვერდით?

— პირველად ვარ.

— ნანა, თქვენ სწავლობთ, არა?

— დიას, კონსერვატორიაში. მესამე კურსზე გადავედი.

— სასიამოვნოა...

— თქვენც სწავლობთ, ოთარ?

— არა, ახალბედა ექიმი გახლავართ.

— კარგი პროფესია ავირჩევიათ.

— მე კმაყოფილი ვარ.

ნანა მაღალი, თეთრი სახლის სადარბაზოსთან შეჩერდა.

— აი, ჩემი სახლიც, ნახვამდის, ოთარ! — მითხრა ნანამ და ხელი ჩამოსართმევად გამომიწოდა.

მისი პაწია, თბილი ხელი მე მაშინვე ხელში მოვიმწყვდეი.

— რა გეჩქარებათ, ცოტაც გაგველო. გოგონამ საათს დახედა.

— მაპატიეთ, ისედაც დამაგვიანდა.

კიდევ კარგი, რომ მამაჩემი ახლა მივლინებაშია, თორემ...

— თორემ რა, გაგიწყობოდათ?

— ძალიან.

— დედის არ გეშინიათ?

— დედის არა, თუ გამიჯავრდება, მალე შევირიგებ!..

— რა გაეწყობა, — მხრები ავიჩიჩე, — მეტს აღარ შეგაყოფნებთ!

— ასე აჯობებს, ალბათ თქვენც გელიან ოჯახში მშობლები, მეუღლე...

— ოჯახს ჯერ არ მოვკიდებივარ, — ვიცრუე და უტიფრად გავიღვიძე.

— მაგას არა აქვს მნიშვნელობა, — ჩაილაპარაკა და ხელი გაითავისუფლა.

— ხვალ ხუთშაბათია, რაიმე ახალი სურათი ვნახოთ.

— სამწუხაროდ არ შემიძლია, კალათბურთს უნდა დავესწრო.

ვიცოდი, რომ მეორე დღეს იაპონიის ქალთა ნაკრები ხვდებოდა ჩვენს გუნდს, მაგრამ ბილეთზე რატომღაც არ ვიზრუნე.

— კალათბურთზე მეც სიამოვნებით წამოვიდოდი, მაგრამ ბილეთს ვეღარ ვიშოვი.

ნანას ღიმილი მოეფინა სახეზე, ტყავის ჩანთა გახსნა და იქიდან ოთხად გაკეცილი ქაღალდი ამოიღო.

— მაგაზე არ დაგწყვდეთ გული. მე შემიძლია მოგცეთ ერთი ბილეთი, — თქვა და ბილეთი გამომიწოდა.

მადლობა გადავუხადე და გამოვართვი.

— მაშ, ხვალ სპორტის სასახლეში მოხვალთ? — ვკითხე დარცხვენილმა.

— უსათუოდ, არა მგონია რამემ შემიშალოს ხელი.

ნანას დავემშვიდობე და დაღმართს ნელა დავუყვი. ჩემს თავზე გული მომდიოდა, გოგონას ტყუილი რომ კუთხარი, უცოლშვილო ვარ-მეთქი.

მეორე დღეს საავადმყოფოში უგუნებოდ მივედი. მთელი დღე უპაროდ დავბორიალებდი. საღამოხანს კაბინეტში შევედი, მაგიდას მივუჯექი და ჯიბიდან ბილეთი ამოვიღე; ვერ გადამეწყვიტა, როგორ მოვქცეულიყავი. ამ დროს კარი გაიღო და ჩემმა კოლეგამ მერაბ შავიშვილმა შემოპყო თავი.

— შემოდი, მერაბ, — გავძახე მას.

მერაბი ტახტზე ჩამოჯდა და ოფლიანი შუბლი ცხვირსახოცით მოიწმინდა.

— რას გვიბრძანებთ?

— რალაც უნდა მეთხოვა შენთვის... — დაიწყო მერაბმა.

— კალათბურთის ბილეთი ხომ არ გინდოდა? — უცებ გამოვცოცხლდი მე.

— არა, პირიქით, ბილეთს მე მოგცემ, მიუქმდება.

— რა მოხდა ასეთი?

— დღეს ადრე უნდა გამიშვა, დედა გახდა ავად და ჩემს მეტი არაფერს ჰყავს მომვლელი.

— წადი, შე კაცო, — შევწუხდი მე, — ნეტავ ადრე გეთქვა.

მერაბმა ნახვამდისო მითხრა და კარი გაიხურა.

სპორტის სასახლის წინ აუარებელი ხალხი ირეოდა. შეკასვლელამდე ძლივს მივადწიე. დარბაზი გაშედილი იყო. თამაში დაწყებული იყო. როგორც იქნა

ჩემი სკამი მოგნახე და დავჯექი. გამიკვირდა, რომ ნანა იქ არ დამხვდა, ნუთუ არ მოსულა, — ვფიქრობდი მე. თამაშს თვალს ვადევნებდი, მაგრამ ჩემი გულსისყური სხვაგან იყო. პირველი ტაიმი ისე დამთავრდა, არც ვამიგია. ფოიეში გავედი და ბაპიროსს გავუკიდე.

სანამ თამაში განახლდებოდა — ხალხი მოვათვლიერე, იქნებ ნაცნობს წავაწყდებოდა. წარმოიდგინეთ ჩემი ვაოცება, როცა ჩემგან ხუთიოდე რიგის დაშორებით ნანას მოვკარი თვალი. გვერდით მას ამხანაგი ვოგონა ეჯდა და ისინი რალაცაზე ვაცხარებით კამათობდნენ. იმდენი მოვახერხე, რომ აღვილი გადავცვალე და მეორე ტაიმის დაწყებამდე ნანას გვერდით დავჯექი. მას არც კი გამოუხედავს ჩემკენ, ისე იყო ვართული.

— გამარჯობათ, ნანა, — ხმადაბლა მივესალმე მე...

— მოხვედით? მე კი მეგონა, აღარ მოხვიდოდით.

„თურმე მელოდებოდა“, გამიელვა თავში.

— საქმემ გადამიყოლა, ვერაფრით ვერ მოვახერხე დროზე მოსვლა! — ვიცრუე, ჩემი დაბნეულობა რომ დამეფარა.

— პირველი ტაიმი არ გინახავთ?

— ცოტას მოვუსწარი.

— მოგეწონათ?

— რაც ვნახე, ძალიან კარგი იყო.

— მართლა, რა უხერხულად გამომდის. გაიცანით, ჩემი სკოლის მეგობარია — ნელი მიქაძე. ესეც ექიმი ოთარ ჩარექიშვილი.

ის იყო მე და ნელიმ ერთმანეთს ხელი ჩამოვართვი, რომ მსაჯის სასტენის ხმა გაისმა და მეორე ტაიმიც დაიწყო.

ნანამ მაშინვე შეწყვიტა ლაპარაკი, თამაშს გაფაცვიცებით ადევნებდა თვალს. ყოველ მოხერხებულ ილეთზე და შეტევაზე ტაშს უკრავდა. თამაში ჩვენების გამარჯვებით დამთავრდა. ნასიამოვნები ხალხი ნელ-ნელა წამოიშალა.

გარეთ გამოვედი. ქუჩაში უკვე გრილოდა, სასიამოვნო ნიაგი ჰქროდა. მოედნის შუაგულში უზრმაზარი ყვავილებით საგსე კალათა იდგა და დიდ-პატარა ამ

კალათს შემოხვეოდა. ყვავილების დღე იყო. საერთო ხმაურში ბავშვები მუღიც ისმოდა. ერთი სამიოცეული ბიჭუნა დედის კალთას მოშორებოდა და თაიგულისკენ მიბაჯბაჯებდა. დედა შორიხლო იდგა და თვალს ადევნებდა შვილს. ჩემი ნუკრია გამახსენდა და გული შემეკუმშა.

— თქვენ რალაც ძალიან მოიწყინეთ, — მითხრა ნანამ.

— არა, უცხრად ფიქრებმა წამილო, — მოვიბოდიშე მე, — ნაყინზე რას იტყვიო? — იქვე პატარა ბაღთან, ნაყინის ჯიხურს მოვკარი თვალი.

— სიამოვნებით. შენ რას იტყვი, ნელი? — მიუბრუნდა ამხანავს ნანა.

— როგორც თქვენ გინდათ, — მხრები აიჩეჩა ნელიმ.

საკმაო ლოდინი დავგვირდა, ვიდრე თავისუფალ ადგილს ვიშოვიდით და მომტანი ქალი ჩვენს მაგიდას მოხედავდა.

— ჩემი დაბადების დღე ხომ არ დავიწყებია? — მოულოდნელად ჰკითხა ნანამ მეგობარს.

— რა დამავიწყებს, მომავალ შაბათს, არა?

— ყოჩაღ, — გაეხარდა ნანას.

მე თავი დავხარე, ვითომ ყურადღებას არ ვაქცევდი მათ ლაპარაკს.

— ოთარ, თქვენ არ მოხვალთ ჩემთან?

— დიდი სიამოვნებით, თუ მიკადრებთ, — არ დავაყოვნე მე.

— პირიქით, ძალიან გამიხარდება თქვენი მოსვლა.

გვიანი საღამო იყო, შინ რომ დავბრუნდი, ტანთ გავიხადე და არც მივახსენია, საწოლში ისე შეგწეტი. ძილი არა და არ მეკარებოდა, მერე როგორც იქნა ჩამთვლიმა. მთელი ღამე უაზრო, შფოთიან სიზმრებში ვავატარე. გადავწყვიტე, ნანასთან ერთხელ კიდევ მივსულიყავი მისი დაბადების დღეზე და ამით ყველაფერი დამემთავრებინა.

ნოდარ კეკელიძე  
სინანული

იმ დღეს დილიდან გადაუდებლად წვიმდა. საღამოსანს გამოიდარა, სუსტ-მა მზემაც გამოანათა, ქუჩებში სასიამოვნოდ გრილოდა. სანამ ნანასთან მივიდოდი, სამხატვრო სალონში შევიარე და საჩუქარი ავარჩიე. მერე ნაცნობი ქუჩისკენ ავუხვიე და მალე მესამე სართულზე ვიდექი. გაკვირვებისაგან თვალები დავაჭყიტე, როცა კარი ჩემი განყოფილების ექიმმა, მერაბ შავიშვილმა გამოიღო.

— შენ აქ რანაირად... წამოვიძახე მე.

— შენ თვითონ რანაირად. ჩემს დეიდაშვილთან ვარ,— გაუკვირდა მერაბსაც.

— ვისთან, ნანასთან? — ვკითხე და ჩემი საჩუქარი იქვე სარკესთან დადედე.

— ჰო, ნანასთან, შენ საიდან იცნობ ნანას?

— სუ, თუ ძმა ხარ, ახლა მაგის დრო არ არის. მერე გეტყვი ყველაფერს. — გაგაფრთხილე მერაბი.

ამსობაში ოთახის კარი გაიღო და თეთრ კაბაში გამოწყობილმა ნანამ გამოანათა.

— ო, რა კარგი სტუმარი მოსულა, — წამოიძახა და სახეგაბრწყინებული ჩემკენ წამოვიდა.

— ოთარ, იცნობდეთ, ჩემი დეიდაშვილია, სხვათა შორის თქვენი კოლეგაა. გაოცებულმა მერაბმა ჯერ ნანას შეხედა, მერე მე და ხელი გამომიწოდა.

— მერაბ შავიშვილი...

— ოთარ ჩარექიშვილი... თქვენ საიდანღაც მეცნობით.

— შგონი, მეც მინახიხართ სადღაც. — არ ჩამორჩა მერაბიც.

— შესაძლოა.

ნანა ოთახში შეგვიძღვა. ოთახის კუთხეში დივანზე ნელის მოკვარი თვალი და მივესალმე. ნელიმ პასუხად გამოიღმა და მიგვიპატიჟა — მას ვიღაც ვაჭი კარტს ეთამაშებოდა. ჩვენს ოთახში სანდომიანი სახის წინსაფრინი ქალი შემოვიდა.

— დედა, ეს ჩემი ახალშეძენილი ამხანაგია — ოთარ ჩარექიშვილი, — მიუბრუნდა შემოსულს ნანა.

— დედად სასიამოვნოა, რომ გაგიცანიო, — ნანას დედამ ხელი წინსაფარ-

ზე შეიწმინდა და ისე გამომიწოდა. მე გავწითლდი. „ნეტა რა გეწოდება ჩემზე?“

ზარის რეკა გახშირდა. ნანა წამდაუწუმ კარისკენ გარბოდა და ახალ-ახალ სტუმრებს მოუძღვებოდა.

ათ საათზე სუფრას შემოგუსხედით. თამაღისთვის განკუთვნილი სკამი მერაბმა დაიკავა. იგი ენამზეობდა, ოხუნჯობდა, ცდილობდა სტუმრებს არ მოეწყინა, ჩვენი შეკრების მიზეზის — ნანას სადღეგრძელო განსაკუთრებული ჭიქით დალია და ჩვენც დაგვალეგინა. სუფრა მხიარულად მიდიოდა, მხოლოდ მე არ ვიყავი გუნებაზე, თითქოს ეკლებზე ვიჯექი. ნანა თავს მეგვლებოდა; ხან რას მაძალებდა, გადაიდგო, ხან კიდევ რას. ერთი საათის შემდეგ თამადამ პირველი შესვენება გამოაცხადა. ნელიმ მაშინვე ჩართო მაგნიტოფონი და ოთახს საცეკვაო მუსიკის პანკები მოეფინა.

ნანა ჩემთან მოვიდა და ხელი მომკიდა. ჩვენ მუსიკის ტაქტს ავყევით და მოცეკვავეებს შევუერთდით. მე თვალებში ვუყურებდი მას და ვერაფერს ვეუბნებოდი.

— ნანა, ბოდიში უნდა მოვიხადო, წასასვლელი ვარ, — ვუთხარი. ცეკვა რომ დავამთავრეთ.

— რა გეჩქარებათ, ოთარ, ჯერ ხომ ადრეა?

— არა, ნანა, წავალ, ერთი ავადმყოფი მყავს სანახავი. თქვენ უნდა გამაპაროთ, რომ მერაბმა და სტუმრებმა არ შეამჩნიონ.

— რა გაეწყობა, — მხრები აიჩეჩა ნანამ, — რადგან არ იცდით...

— დედათქვენთან ბოდიში მომხადეთ.

— არა უშავს.

ხუთი წუთის შემდეგ სადარბაზოსთან ვიდექი. მე ნანას ხელი ხელში მეჭირა და გაშვება მეძინებოდა, რაღაცის თქმა მინდოდა და ვერ ვეუბნებოდი.

— ოთარ, უხერხულია, ხალხი მოგვიკითხავს, რას იტყვიან, — ნანამ ხელის გათავისუფლება სცადა, — ხვალ შევხვდეთ სადმე...



უცხრად ჩემკენ მოვიზიდე და ვაკოცე-  
დიდხანს მყავდა ჩაკრული გულში. თან-  
დათან გონს მოვედი. ნანას ხელი გავუ-  
შვი, მისთვის სიტყვაც არ მითქვამს და  
თავდაღმართზე სირბილით დავეშვი.

კარგად არც იყო გათენებული, თვა-  
ლებდასივებული და ღამენათევი მერაბი  
შინ რომ მომადგა.

— რა დაგეშართა წუხელ, რატომ  
გამოიპარე? — ოთახში შემოსვლისთანა-  
ნავე მკითხა მერაბმა.

მერაბს ვუამბე, როგორ გავიცანით  
მე და ნანამ ერთმანეთი, როგორ ვუთ-  
ხარი ნანას ტყუილი, უცოლშვილო ვარ-  
მეთქი. წუხანდელი კოცნა არ მიხსენე-  
ბია. მრცხვენოდა.

— მეც შეგატყვე ნანას, რალაც სხვა-  
ნაირი რომ იყო გუშინ, სულ შენ გი-  
ყურებდა, ნამდვილად შეყვარებულია.

— დამეხმარე, მერაბ, რამე უნდა  
ვიღონოთ.

— რა ვიღონოთ, ასე არ უნდა შეგე-  
ტობა.

— არ მინდა ნანას თვალში უსინდი-  
სო კაცად დავჩნე, უნდა დამეხმარო.

— კი მაგარამ, როგორ?

— წერილს გაატან ნანასთან,  
უცხრად გამიელვა თავში, — წერილი  
უნდა წაიღო ნანასთან, მე მაგარადა  
შეგვხვდები.

— სიამოვნებით, წერილი თუ უშვე-  
ლის საქმეს.

მე მაგიდასთან დავჯექი და წერა  
დავიწყე.

ნანა!

გთხოვთ მამაკითოთ ჩემი დაუფიქრე-  
ბელი საქციელი. ყველაფერი უნდა მოგ-  
წეროთ. მე თქვენთან ვთვალთმაქცობდი,  
უსინიდიოდ გატყუებდით, გითხარით,  
თითქოს უცოლშვილო ვიყავი და თან  
თქვენი გულის მონადირებას ვცდილობ-  
დი. მენდეთ, ნანა, თქვენს მიმართ  
მუდამ წმინდა გულით ვიყავი. თქვენ  
ახალგაზრდა და ლამაზი ხართ, მთელი  
ცხოვრება წინა გაქვთ. ვისურვებთ ბედ-  
ნიერებას.

მშვიდობით.

— ექიმო, — შემომესმა ფიქრებში  
წასულს ვიღაცის ხმა, — მანქანა გელით.

— ახლავე, — წამოვიძახე მე, —  
პაპიროსი ჩავაქრე და გარეთ გამოვედი.



„ქ. მარბახის № 7142 საფოს-  
ტო განყოფილება ასეთ აღრე-  
ნატს არ იცნობს“. რაც შეეხე-  
ბა გოტხოლდ ეფრემ ლესინგს,  
როგორც ქ. ვოლფენბიუტელის  
№ 3240-ე საფოსტო განყოფი-  
ლების მოხელე იუწყება, „ად-  
რესატი ბევრი ძეგნის შემ-  
დეგ... ვერ იპოვნეს“. ასეთივე  
პასუხით დაბრუნდა მამბურ-  
გიდან კომპოზიტორ ბრამსის  
სახელზე გაგზავნილი წერილი.  
მოკლედ, გრაფის აზრით,  
დასავლეთ გერმანიის ფოსტა  
უნაკლოდ მუშაობს.

უნდგენება თანამედროვე საზო-  
გადოების პრობლემებს, მხატ-  
ვარმა ბევრ ქვეყანაში იმოგზა-  
ურა. შეღმანა დასავლეთ  
გერმანიაში მოაწყო გამოფენა  
ლოზუნგით: „მხატვარი ატო-  
მური ომის წინააღმდეგ“.

ამჟამად შეღმანი ახალ სა-  
ტირულ ციკლზე მუშაობს.  
ციკლი შეიქმნა ბერთოლდ  
ბრეტის ნაწარმოებთა მიხედ-  
ვით და სახელად „თავისუფლე-  
ბა და დემოკრატია“ უწოდა.

ზეთ „ტიმის ოფ ინდიას“ კო-  
რესპონდენტი. დროებით იგი  
დელის უნივერსიტეტის ფი-  
ლიალი იქნება, შემდეგ კი შე-  
უერთდება ახლადდარსებულ  
უნივერსიტეტს, რომელიც ჯა-  
ვასარლალ ნერუს სახელს ატა-  
რებს. ინსტიტუტი მოამზადებს  
რუსული ენისა და ლიტერა-  
ტურის მასწავლებლებს, მეც-  
ნიერ თანამშრომლებს და გან-  
საკუთრებით, მთარგმნელთა  
კადრებს.

### ინფორმაცია

რუსული ენის შესწავლა  
საბრძოლო

დედში იხსნება რუსული  
ინსტიტუტი, — იუწყება გა-

### იტალია

ალამინიზმი და მხმამბი  
ანჯელო ლომბარდი ცხო-  
ველთა გამოცდილი მწვრთნე-

გაგრძელება იხ. გვ. 91.

### მხატვარი და თანამედროვეობა

დასავლეთ გერმანელი მხატ-  
ვრის კარლო შეღმანის შე-  
მოქმედება მრავალმხრივია, იგი



# გახვეწეა შინაკეპი

მოთხრობა

ზიდრე ამ უცნაურ ამბავს მოგიყვე-  
ბოდეთ, რომელიც ჩემი საგამომძი-  
ებლო მუშაობის დაწყებისთანავე შემემ-  
თხვა, მინდა გავისხენო ერთი ქუჩის  
მძარცველი, რომლისგანაც პირველად  
გავიგე, თუ ზოგჯერ დამნაშავის სულში  
რა მოულოდნელ გამოძახილს პოულობს  
მისდამი გამოჩენილი ნღობა. ამ მაღალ,  
ათლეტური აღნაგობის მქონე მძარც-  
ველს, ოდნავ ნამძინარევი შესახედაობა  
და მისი პროფესიის კაცისათვის საოც-  
რად კეთილი სახე ჰქონდა. იგი თავისი  
დიდრონი, მრგვალი, თქქოს ერთხელ და  
სამუდამოდ გაკვირვებული ლამაზი თვა-  
ლებით შესცქეროდა ქვეყნიერებას. მი-  
თაც, უკვე რამდენჯერმე იყო ნასამარ-  
თლევი და ბოროტმოქმედთა წრეში,  
თუ მოსკოვის სისხლის სამართლის  
სამძებროში, სელაპის სახელით იცნობ-  
დნენ.

იმ დღეს, როდესაც მორიგი დაკითხვა  
დავამთავრე, სელაპმა პაპიროსი მოხოვა,  
მოუკიდა და მითხრა:

— თამბაქოსა და ადამიანური საუბ-

რისათვის მაღლობას მოგახსენებთ, რაკი  
ასეა, არც მე მინდა ვალში დაგრჩეთ...  
ნება მომცით, ჩემი ცხოვრებიდან ერთი,  
შეიძლება ითქვას, სავსებით უჩვეულო  
შემთხვევა მოგიყვეთ...

— კეთილი, მოჰყევით, — ვუთხარი  
მე და თან ინტერესით ვაკვირდებოდი  
მის რატომღაც შემცბარ სახეს.

— როგორც მოგეხსენებათ, კარგა  
ხანია, რაც „საქმეს“ ვეწევი, — განაგ-  
რძო სელაპმა და თან უფრო დაირცხვი-  
ნა. — მაგრამ სველ საქმეზე არასოდეს  
წავსულვარ და არც წავალ. ყოველთვის  
ლამით ვმუშაობდი: რომელიმე მიყრუე-  
ბულ შესახვევში დაგვიანებულ მგზავრს  
დაველოდები, თუ ქალი იქნება, მით  
უკეთესი ჩემთვის. ჰოდა, მივალ, მივე-  
სალმები და ქურქს გავხედი, საათს, ჩან-  
თას ან რაც მომხედება, იმას გამოვარ-  
თმევ. მაგრამ ყველაფერს ამას ძალიან  
ინტელიგენტურად ვაკეთებ, რადგან  
კულტურული კაცი ვარ, მიყვარს კინო  
და ვერ ვიტან თავხედობას, რაც ძველი  
გაზრწნილი სამყაროს გადმონაშთად მი-

მანჩია... ამიტომ, შეგიძლიათ ამაში მერწმუნოთ, თითიც კი არაგისთვის დამიკარგებია. მით უმეტეს, რომ ისეთი თითები მაქვს, აი ნახეთ, უმჯობესია არ ვიხმარო...

ამ სიტყვებზე სელაპპა ღიმილით გამომიშვირა თავისი უზარმაზარი ხელი. შემდეგ ამოიხსრა და განაგრძო:

— ტყუილების რომას არ დავიწყებ, სინდისი არა მქეჯნიდა, ვცხოვრობდი მშვიდად და წყნარად, როგორც იტყვიან, სურდოც კი არ მქონია, ვიდრე ერთ მდღერობითი სქესის წარმომადგენელს არ გადავეყარე...

— რაო, ხომ არ შეგიყვარდათ? — ვკითხე მე და ასე შეგონა, ახლა ერთი უიღბლო სიყვარულის ისტორიას მოვისმენ-მეთქი. ასეთი რამ არაერთხელ გამიგონია მათგან, ვის საქმეებსაც ვიძიებდი.

— არა, სინდისმა შემაწუხა, — მიპასუხა სელაპპა. — ეს ამბავი ღამით მოხდა, „დევიჩიე პოლიეს“ ერთ-ერთ შესახვევში, ვიდექი ატუზული და ჩემს კარჩხანას ველოდებოდი ბაღში გასახვევად. ყინვიანი ღამეა, უკუნე სიბნელე, ირგვლივ კაციშვილის ჭაჭანება არ არის. უეცრად სადარბაზოს კარის ხმა მომესმა და გხედავ, ქალიშვილი მოდის სწრაფი ნაბიჯით. ეტყობა სულ ახალგაზრდაა, გამხდარ-გამხდარი, ბეწვის ქურქი აცვია. საყელო აუწვია, ეტყობა დაცარიელებულმა ქუჩამ და ღამის წყვილადმა შეაშინა. მირბის და მიაბაკუნებს ქუსლებით, თან სულ უკან იხედება, ხომ არაგინ მომდევსო... აბა, ვიფიქრე, ბედმა გამიღიმა, ახლა კი ეს ქურქი ნაციონალიზებული იქნება. ჭიშკრიდან გამოვედი და პირდაპირ მისკენ გავემართე. იმანაც დამინახა, ჩემკენ გამოიქცა, მომვარდა, წარმოიდგინეთ, ხელში ჩამაფრინდა და საბრალოდ აღუღღღღღდა: „მოქალაქე, ღვთის გულისათვის, მბაპტიეთ, მაგრამ ძალიან მეშინია, ირგვლივ კაციშვილის ჭაჭანება არ არის, როგორმე მიეტყველდე მიმიყვანეთ...“ ამას, დანა რომ დაერტყა ჩემთვის, ის მერჩივნა, მე თვითონაც ვერ გამიგია, როგორ მოხდა, მაგრამ ეს კია, ხელი

კრენდელივით მოვლუნე, გაუშვირე/და ჩავიბურტყუნე: „კეთილი, ნუ დღეაგე, გაგაცილებთ, ნურაფრისა გემოწმებთ...“ „აჰ, — თქვა მან, — რომ იცოდეთ, როგორი მადლობელი ვარ თქვენი! მაშინვე მიხვდი, რომ თქვენ წესიერი კაცი ხართ“. ჰოდა, წავედი... გულს ბაგაბუგი გააქვს, ოფლმა დამასხა, ვერ მივმხდარვარ, ეს რა მემართება. საქმეს რომ შევუდგე, ამის თავი სულ აღარა მაქვს, — არ შემიძლია და რა ვქნა. ეშმაკმა იცის, რა ხდება! ერთი სიტყვით, მივაცილე „დევიჩამდე“, ჩავსვი მარხილში, ბეწვის ფეხსაბურში კარგად შევფუთე და მშვიდობით მგზავრობა ვუსურვე. აი, მოქალაქე გამომძიებელო, რა შეიძლება ჩაადენინოს კაცს ნდობამ...

— მაგრამ, ამის შემდეგ თქვენ მაინც განაგრძეთ „საქმიანობა“, ხომ? — ვკითხე მე.

— ერთ სამ დღეს ვერ გავედი სამუშაოდ, შემდეგ ისევ დავიწყე. მაგრამ, უნდა მოგახსენოთ, ისეთი გრძნობა მქონდა, თითქოს შიგნით რაღაც გამებზარა... ქალების ძარცვას თავი დავანებე და, საერთოდ, რაღაც გული ამიცრუვდა... ერთი სიტყვით, წონასწორობაც დამეკარგა და საკუთარი თავისადმი რწმენაც. აი, ახლა „სროკს“ მივიღებ და ბანაკის შემდეგ „კვანძს შევკრავ“... მეყოფა, ძალა აღარ მაქვს! ამიტომაცაა, ამ ამბის შემდეგ თითქოს კონტუზებულ ვარ...

სელაპის დიდრონ, მრგვალ თვალებში ისეთი გულისდამწველი სევდა იგრძნობოდა, რომ მაშინვე დავიჯერე, სელაპი მართლაც უსათუოდ „შეკრავდა კვანძს“...

იმ წლებში მოსკოვის კრასნაია პრესნიას რაიონის სახალხო გამომძიებლად ვმუშაობდი. ჩემს უბანში შემოდოდა გორკის ქუჩა მთლიანად, — ოხოტნი რიადიდან ლენინგრადის გზატკეცილამდე. კრასნაია პრესნია და მისი ახლომახლო

ლევ შეინინი  
გახვრეტილი დინარები

ქუჩები და შესახვევები. მოსკოვის სისხლის სამართლის სამძებრო მაშინ დიდი გნებდოკოვის შესახვევში იმყოფებოდა და, მაშასადამე, ასევე ჩემს საგამომძიებლო უბანში შემოდოდა. ამასთან დაკავშირებით, მოსკოვის სისხლის სამართლის სამძებროს ბევრ თანამშრომელთან ახლო ამხანაგურ დამოკიდებულებაში ვიყავი. განსაკუთრებით კარგი მეგობრობა მქონდა პირველი ბრიგადის უფროსთან ნიკოლოზ ფილიპეს ძე ოსიპოვთან და მის მოადგილესთან გიორგი თევდორეს ძე ტილნერთან. ოსიპოვი მაშინ ოცდაათ წელს იყო გადაცილებული, ტილნერი კი ამ ასაკს უახლოვდებოდა.

პირველ ბრიგადას ევალებოდა მკვლევლობის, შეიარაღებული ძარცვებისა და თავდასხმების გამოძიება, ასე რომ იგი სისხლის სამართლის სამძებროს გული იყო. თუ გავითვალისწინებთ, რომ იმ წლებში ჯერ კიდევ ხშირი იყო პროფესიული ბანდიტიზმის შემთხვევები, გასაგები ვახდება, რომ ჩემი მეგობრები ყელამდე იყვნენ ჩაფლული საქმეში.

ოსიპოვი და ტილნერი მეტად ნიჭიერი კრიმინალისტები იყვნენ, უყვარდათ თავისი მძიმე პროფესია და კარგადაც მუშაობდნენ. ნიკოლოზ ფილიპეს ძე, — ხმელ-ხმელი, წელში გამართული ქერა კაცი, მკვირცხლი, ყურადღებიანი გამოხედვითა და ნაცრისფერი, ოდნავ მოჭუტული ჭკვიანი თვალებით, — მშვენივრად ერკვეოდა ადამიანებში, კარგად იცოდა ფსიქოლოგია და ქურდების ქარგონი, გარდა თავისი მუშაობისა, გატაცებული იყო მოტოსპორტით.

ჩემთვის, ჯერ სულ ახალგაზრდა, დამწყები გამოძიებლისათვის, ამ ადამიანებთან მეგობრობა არა მარტო სასიამოვნო, არამედ სასარგებლოც იყო. მე ბევრი რამ ვისწავლე მათგან და ხარბად ვუსმენდი, როდესაც ისინი ათასგვარ ჩახლართულ საქმეებზე, შემთხვევებზე და მათ გახსნაზე ჰყვებოდნენ.

არაერთხელ დავსწრებივარ, როდესაც ოსიპოვი ან ტილნერი დამნაშავეებს დაკითხავდნენ და პირველ ხანებში მათი საუბრიდან საერთოდ არაფერი მესმოდა,

რადგან შეკითხვებშიც და პასუხებშიც ქურდული ქარგონი და პროფესიული ტერმინები სჭარბობდა. კაცმა <sup>გადაცილებული</sup> ~~დაცინებული~~ შთაბეჭდილება რჩებოდა, რომ ეს ადამიანები რომელიღაც გაურკვეველ უცხო ენაზე ლაპარაკობდნენ.

უნდა ითქვას, რომ ოსიპოვსაც და ტილნერსაც კარგად იცნობდა მოსკოვის ბოროტმოქმედთა სამყარო. და თუ სისხლის სამართლის დამნაშავეებს, როგორც წესი, არ უყვარდათ სამძებროს თანამშრომლები, სამაგიეროდ ოსიპოვსა და ტილნერს აშკარა პატივისცემით ეტყვიოდნენ და, რამდენადაც უცნაური არ უნდა იყოს ეს, ერთგვარი სიმათიებიც ჰქონდათ მათ მიმართ. ეს იმიო აიხსნებოდა, რომ ბოროტმოქმედთა აზრით, ოსიპოვსა და ტილნერს „ესმოდათ საქმე“, და აგრეთვე იმიოთაც, რომ კარგად იყო ცნობილი მათი სამართლიანობა და გულადობა.

ამას გარდა, ოსიპოვი, რომელიც კარგად იცნობდა ამ თავისებურ სამყაროს, არასოდეს აბუჩად არ ივდებდა გამოძიებაში მყოფთ, არა თელავდა მათ ადამიანურ ღირსებას და, თუმცა მტკიცედ იცავდა კანონიერებას და არავითარ შელავათებს არა სწევდა, პატიმრებთან ადამიანური ლაპარაკი იცოდა და მათდამი ყოველთვის გულისხმიერ დამოკიდებულებას იჩენდა.

ტილნერი, მეტად ზრდილი, ლამაზი შესახედაობის, ყოველთვის თავაზიანი კაცი, თავისი ფენომენალური მეხსიერებით იყო განთქმული. როგორც მოსკოვის სამძებროში ამბობდნენ, მას ქალაქის მთელი ბოროტმოქმედთა სამყარო „თავში ჰქონდა“. ზეპირად იცოდა თითქმის ყველას გვარი, ზედმეტი სახელი, ახსოვდა ყველა მოსკოველი რეციდივისტის დამახასიათებელი ნიშანი და მისი ნასამართლობის ამბები. რეციდივისტებმა ეს კარგად იცოდნენ და იტყოდნენ ხოლმე, სჯობია „ბარონ ტილნერს“ თვალში არ შეეჩხირო: მასთან აღარც კუზიანად გადაქცევა გიშველოს და ვერც სხვა სიფათის მიღებით გახვალ ფონს, — ანუ ვერ მოახერხებ სხვა ადამიანად მოაჩვენო თავი.



ჩემს უბანში შემოდიოდა, კერძოდ, ბლაგოვერშინსკის შესახვევი, რომელიც გორკის ქუჩას ერთვის. ამ შესახვევში იდგა, და ახლაც დგას, ლამაზი, კაფელის ფილებით მოპირკეთებული სახლი, რომელშიც მეტწილად პასუხისმგებელი მუშაკები ცხოვრობდნენ. ამ სახლში ცხოვრობდა აგრეთვე სახალხო კომისარი ს-ი.

და აი, ერთხელ, ივლისის დამით, ს-ის ბინაში ქურდები შეიპარნენ. ს-ი ამ დროს ავარაკზე ცხოვრობდა. ქურდებმა სხვა წერილმან საოჯახო ნივთებთან ერთად „თან გაიყოლეს“ ს-ის მიერ წლების მანძილზე შეგროვილი უძველესი მონეტების კოლექციით სავსე ტყავის მოზრდილი ჩანთა.

ამან დიდი აღურზაური გამოიწვია. მოსკოვის სისხლის სამძებროს მეორე ბრიგადაში, რომელიც ბინების გაქურდვის საქმეებს იძიებდა, ხელათ მოისაზრეს, რომ ქურდების პოვნა გაძნელებულია და ეს საქმე, უსამოვნების გარდა, მათ სხვას არაფერს უჭადა. მეორე ბრიგადის უფროსმა სტეპანოვმა, მაღალმა, უკიდურესად თავაზიანმა და რესპექტაბელურმა კაცმა, დიდმა დიპლომატმა, გაიგო თუ არა ამ საქმის შესახებ, ისე გაუფუჭდა გუნება, რომ განრიგს ზევით ერთი პაპიროსიკი კი მოსწია (სტეპანოვი ყველაფერს ერთხელ და სამუდამოდ შედგენილი განრიგით აკეთებდა. არასოდეს არ აჩქარებოდა და მიაჩნდა, რომ აჩქარება ჯანმრთელობისათვის დამღუპველი რამ არის, ჯანმრთელობას კი იგი მეტად უფროსილდებოდა. ამასთან დაკავშირებით ბოროტმოქმედები მას მეტსახელად „ნელ ვასიას“ ეძახდნენ). იგი დიდხანს ათვალერებდა თავის გაპრიალებულ ფრჩხილებს, შემდეგ კი დაბალი ხმით მიმართა თავის თანაშემწე კროტოვს:

— მიშა, ხომ არა გგონიათ თქვენ, რომ ეს უბრალო კი არა, კვალიფიციური ქურდობაა, ჰა?

კროტოვმა პირველად გაკვირვებით შეხედა თავის უფროსს; მაგრამ იგი ეშმაკი კაცი იყო და ელვისებურად გაი-  
აზრა ეს ფანდი (უბრალო გაქურდვის

საქმეები, სისხლის სამართლის საბო-  
ცესო კოდექსის 108-ე მუხლის საფუ-  
ძველზე სისხლის სამართლის კანონის  
ორგანოებს უნდა დაემთავრებინათ, ხო-  
ლო კვალიფიციური გაქურდვის საქმე-  
ები სახალხო გამოძიებლებს უნდა გა-  
დასცემოდათ). იგი მთელი ძალით იფი-  
ცებოდა, რომ თავისი ცხოვრების მან-  
ძილზე ამაზე უფრო კვალიფიციური  
ქურდობა ჯერ არ შეხვედროდა.

მაგრამ საქმე იმაშია, რომ კანონის თანახმად, კვალიფიციურად ითვლებოდა ქურდობა გატყვევით ან ტექნიკური სა-  
შუალებების გამოყენებით. აქ არც ერთი და არც მეორე ხერხი არ ყოფილა გამოყენებული, რადგან ქურდები ბინაში ფანჯრიდან შეიპარნენ. ასე რომ ეს უშეძველად იმ კატეგორიის ქურდების საქმე იყო, რომლებსაც „ფორტოჩნი-  
კებს“ ეძახდნენ. ამიტომ სტეპანოვმა ირონიულად გადახედა ფიცით გართულ კროტოვს, რომელიც მსურვალედ ისწრაფვოდა როგორმე თავიდან მოეშორებინა ეს სახათაბალო საქმე, და კბილებში ცივად გამოსცრა:

— მიშა, სისხლის სამართლის კო-  
დექსის ას სამოცდამეორე მუხლში, სა-  
დაც ჩამოთვლილია კვალიფიციური ქურ-  
დობის ნიშნები, რატომღაც არ არის კროტოვის ფიცი და რწმუნებები. ქურ-  
დობა, ჩემო კარგო. ხომ ფანჯრიდან მოხდა, ჰა?..

კროტოვს ერთის წუთით ენა დაემა,  
თვალეები ძირს დახარა, მაგრამ ფარ-  
ხმალი არ დაუყრია...

— კი მაგრამ, ფანჯარა ხომ ტექნი-  
კური საშუალებების გამოყენებით გაა-  
ღეს, — შთამაგონებლად თქვა მან და უფროსს თავისი უჩვეულოდ ნათელი თვალებით შეაცქერდა.

— ვითომ? რაღაც არ მახსოვს, —  
უპასუხა სტეპანოვმა. — თუ თქვენ, ჩემო კარგო, დაამტკიცებთ, რომ თითე-  
ბი ტექნიკური საშუალებაა, მაშინ, რა თქმა უნდა...

— ვასილ იაკობის ძეგ, რა შუაშია

ლევ შეინინი  
გასვრეტილი დინარები



თითები? — გაცხარდა კროტოვი. — საქმის ყველა ვითარება ამტკიცებს, რომ ფანჯარა ხვეწით გააღეს. ხოლო ურდულები გატეხეს... ასე რომ, სახეზეა ტექნიკური საშუალებების გამოყენება-ცა და გატეხვაც...

— ჰო-ო?.. სამწუხაროა, სამწუხარო... რა თქმა უნდა, საწყენია ასეთი საინტერესო საქმის ხელიდან გაშვება, მაგრამ კანონი კანონია... — აქ სტეპანოვმა კვლავ დაარღვია განრიგი და ამჯერად უკვე სიამოვნებით მოუკიდა პაპიროსს. — რას იზამ, ჩემო კარგო... ას მერვე მუხლის თანახმად, საქმე სახალხო გამოძიებულს გადაუგზავნეთ. გაამზადეთ მიწერილობა.

მეორე დღეს მე მივიღე საქმე, რომელსაც მეტად მაღალფარდოვანი მიწერილობა მოჰყვა. მასში კროტოვი დიდი ტემპერამენტითა და გრძნობით აღწერდა როგორც „ტექნიკური საშუალებების გამოყენებას სპეციალური ხვეწის სახით, რაც ფანჯრის დათვალიერების დროს შედგენილი ოქმით მტკიცდებოდა“, ასევე „გატეხვის ტიპიურ ნიშნებსაც, რასაც ადასტურებდა ფანჯრის გამრუდებული ურდული, რომელიც ნივთიერ საბუთად საქმეს თან ერთვისოდა“.

ამ საქმის მიღებიდან ერთი საათის შემდეგ სტეპანოვმა დამირეკა და მეტისმეტი თავაზიანობით მომესალმა, ჯერ ჩემი ჯანმრთელობითა და გონება-განწყობით დაინტერესდა, საქმეებზეც მკითხა, შემდეგ დიდხანს ატეზდა ამინდსა და ტატიანა ბახს „სიღვაში“, დაბეჯითებით მირჩევდა აუცილებლად მენახა იგი, და ბოლოს, ამ გრძელი საუბრის დასასრულს, გულგრილი და დაუდევარი კილოთი მითხრა:

— ჰო, მართლა, ლევ რომანის ძე, ჩვენ ერთი საქმე გადმოგიგზავნეთ, ამისათვის ნუ დაგვემღურებით. რას იზამ, კანონი კანონია. მაგრამ თქვენ, თუ ღმერთი გწამთ, ერთი წუთით არ შეგეპაროთ ეჭვი იმაში, რომ დაგეხმარებით... ყველაფრით დაგეხმარებით... მხოლოდ, ჩემო ძვირფასო, თუ შეიძლება, პატარა ცნობა გამოგიგზავნეთ,

რომ თქვენ ეს საქმე გამოსაძიებლად მიიღეთ, ანგარიშისათვის შეირდება. ცნობის წამოსაღებად კროტოვი შემოვივალის.

ამ საუბრის შემდეგ ტელეფონის ყურმილი რომ დავკიდე, ჯერ კიდევ ვერ მივმხვდარიყავი, თუ რა უბედურება დამატება თავს ცბიერმა „ნელმა ვასიამ“. ავდექი და მივეცი ცნობა კროტოვს, რომელიც საეჭვოდ სწრაფად მოვარდა მის წასაღებად.

ეს ყველაფერი მეორე დღეს დილითვე გავიგე, როდესაც გუბერნიის პროკურორმა, უაღრესად კეთილმა და ჭკვიანმა კაცმა, წარსულში დეგტიარევივით ყოფილმა პოლიტკატორელმა სერგეი ნიკოლოზის ძე შევერდინმა დამირეკა და მითხრა, დაუყოვნებლივ გამოცხადებულიყავი მასთან და თან მქონოდა ბლაგოვეშჩენსკის შესახვევში მომხდარი გაქურდვის საქმე.

ვიდრე შევერდინთან გავემგზავრებოდი, გულმოდგინედ გავეცანი საქმეს და და მაშინლა დავრწმუნდი, როგორ ყუხრით იყო მოთრეული „კვალიფიციურობის ნიშნები“, მაგრამ უკვე ხელ-ფეხი მქონდა შეკრული ჩემ მიერვე გამოტანილი დადგენილებით ამ საქმის გამოსაძიებლად მიღების შესახებ და იმ ცნობით, რომელიც კროტოვმა, მგელი რომ ბატკანს გაიტაცებს ხოლმე, ისე გაიტაცა.

როდესაც ჩემი მოხსენება მოისმინა და საქმესაც გაეცნო, რომელიც ძირითადად იმ დოკუმენტებისაგან შესდგებოდა, რომლებიც ნათელყოფდნენ, თუ როგორ შემომაჩეჩა ეს საქმე მოსკოვის სისხლის სამართლის სამძებრომ, სერგეი ნიკოლოზის ძემ გაიღიმა და მითხრა:

— მაშ ასე, ძალზე საინტერესოა... სტეპანოვი, სულელი რომ არ არის, იქიდანაც ჩანს, რომ ეს საქმე თავიდან მოიშორა, თქვენ კი, ჩემო გულუბრყვილო შვილო, დაფაცურდით და ხელაღვე მიიღეთ იგი გამოსაძიებლად.. თქვენ იმ ბედნიერ, მაგრამ საშიშ ასაკში ხართ, როდესაც უკვე იცით, თუ რა უნდა აკეთოთ, მაგრამ როდესაც ჯერ კიდევ არ

ოცი, თუ რა არ უნდა აკეთოთ. აი, სტეპანოვი კი უფრო მეორეშია განსწავლული, ვიდრე პირველში. ახლა როგორ მოვიქცეთ ჩვენ, პა? ფანჯრიდან გაქურდება გამოსაძიებლად თითქმის უიმედო საქმეა. ხოლო ს-ი უკვე ბღღენის იქაურობას, ვითარცა ღომი ღმუის და შფოთაფს, მოითხოვს, რომ საქმის ვითარება მოვახსენოთ... წავიდეთ, შვილო ჩემო, მშვენივრად ვგრძნობ, რა უსიამოვნებაც მოგვლით, რადგან კარგად ვიცი დაზარალებულის ხასიათი.

როდესაც ს-ის კაბინეტში შევედი, შვედრინმა გააცნო ჩემი თავი და უთხრა, რომ გაქურდვის საქმის გამოძიება მე მქონდა დავალებული. ს-მა, დაბალი ტანის, ჩასუქებული კაცმა, რომლის შავგვრემან თმასაც ქალარა შეპარვოდა, და რომელიც მეტად გაღიზიანებული ჩანდა, ერთი შემომხედა და უკმაყოფილოდ ჩაიბურტყუნა:

— აჰა, მაშ, ეს არის გამოძიებელი! ახლა კი გასაგებია ჩემთვის, თუ რატომ არის, რომ თაღლითები ასე დაუსჯელად ქურდავენ სახალხო კომისრების ბინებს. ამხანაგო შვედრინ, თქვენ საბავშვო ბავი გაქვთ თუ პროკურატურა?

შვედრინი მეტად ზრდილობიანად, მაგრამ ისე რომ თავისი ღირსება არ დაუკარგავს, შეეპასუხა და უთხრა ჩემზე, რომ თუმცა ახალგაზრდა გამოძიებელია, მაგრამ დიდ იმედებს იძლევა, კარგად მუშაობსო, ხოლო რაც შეეხება თქვენს კითხვას, მე ხომ არ გეკითხებით, ამხანაგო სახალხო კომისარო, რა ასაკისანი არიან თქვენი ინსპექტორები.

ს-ი ამაზე კიდევ უფრო გაბრაზდა და დაიწყო ყვირილი, რომ სამ დღეში თუ ქურდები არ გიპოვიათ, მთავრობაში გიჩივლებთო. ყვიროდა, რომ მას მიუფურთხებია საოჯახო ნივთებისათვის, მაგრამ იგი ნუმისმატიკოსია, მთელი თავისი სიცოცხლე უძველესი მონეტების კოლექცია აგროვს, რომ მისი კოლექცია პირდაპირ განსაცვიფრებელია, მასში ალექსანდრე მაკედონელის დროინდელი გახვრეტილი დინარებიც კი

არის, რომ ეს ხუმრობა საქმე არ არის და მას არ ესმის გუბერნიის პროკურორის სიმშვიდე, რომ მას აზრს სწავლის გამოძიებებისა, რომლებსაც ვერ პირზე რძეც არ შეშრობიათ, და საერთოდ, სამი დღე-ღამის მეტს, დაწყებული ამ წუთიდან, არავითარ შემთხვევაში არ დაიცდის...

შვედრინიც ზორბად გაჯავრდა, მაგრამ, როგორც ჩანს, ახალგაზრდა გამოძიებლის დასწრებით ამ საუბრის გაგრძელება შეუძლებლად მიიჩნია და ამიტომ მთხოვა მისთვის მისაღებში დამეცადა. ნახევარი საათის შემდეგ იგი სიზრახვისგან აჭარბებული გამოვიდა ს-ის კაბინეტიდან და თავისთან წამიყვანა.

მთელი გზა და შემდეგ თავის კაბინეტშიც მოხუცს ბუზღუნის არ შეუწყვეტია, ს-ს კილადა მისი „ბატონკაცური ჩივიებისა“ და „ჩვენთვის უცხო მედიდურობისათვის“. მართლაც, რამდენიმე წლის შემდეგ ს-ი, იმის გამო, რომ ნდობა ვერ გაამართლა, მოხსნეს სახალხო კომისრის პოსტიდან.

ისე ვლელავდი, რომ ლაპარაკის დროს ენაც კი მებმოდა. გუნებაში ვწყველიდი ცბიერ სტეპანოვს და ჩემს წინდაუხედაობას. მე ვუთხარი შვედრინს, რომ, როგორც მან სწორად შენიშნა, სახლის გაქურდვის საქმეების გამოძიება განსაკუთრებით ძნელია და მათი გახსნის პროცენტი მეტად მკირე. ისიც ვუთხარი, რომ მე, ახალგაზრდა გამოძიებელს, არავითარი ოპერატიული და აგენტურული საშუალებები არ გამაჩნია, ხოლო წმინდა საგამომძიებლო გზით ამ საქმის გახსნას ვერ ვიკისრებ-მეთქი...

გადაწყვიტეთ, რომ მე წავიდოდი მოსკოვის სისხლის სამართლის სამძებროში და მოველარაკებოდი სტეპანოვს, რათა ისინი, რითაც კი შესძლებდნენ, დამხმარებოდნენ ამ დაწყველილი საქმის გახსნაში.

საუბედუროდ, როდესაც სტეპანოვს თხოვნით მივმართე, მან პირდაპირ მითლევ შეინინი გახვრეტილი დინარები

ხრა, რომ ამ საქმეს მეტად პენიისტურად უყურებს.

— გამიგონეთ, ძვირფასო ლევ რომანის ძეგ. — მითხრა მან, — გაქურდვა ხომ ფანჯრიდან მოხდა, ასე რომ ქურდს წარმოდგენაც არა ჰქონდა, თუ ვის ბინაში შედიოდა. გონიერი, პროფესიული ქურდი საერთოდ არ მიეკარებოდა ასეთ სახლს, ეს უნდა გაიგოთ! ასე რომ, ამ შემთხვევაში მოქმედებდა ვიღაცა მეტიჩარა ახალბედა, ერთი სიტყვით, არა ნამდვილი რეციდისტი. მოდექი და ეძებე, რას იპოვი, მოგჭამა ჭირი! მე და კროტოვმა, ვიდრე თქვენ შემოგაჩეჩებდით, ჩემო კარგო, წინასწარ მოვსინჯეთ ეს საქმე, მაგრამ არაფერი გამოვიდა...

და სტეპანოვმა უშუალოდ და სანდომიანად გამოიღმა.

საშინელ გუნებაზე დაგდექი. ჩემს მეგობრებთან გავგეშურე პირველ ბრიგადაში. ოსიპოვმა ყველაფერი დაწვრილებით გამომიტხრა, თავი გააქნია და მოჰყვა „ამ დაწყველილი ნელი ვასიას ლანძღვას, რომელიც სხვის ხარჯზე ყოველთვის მშრალად ახერხებს თავის დაძვრებას“.

პირველი ბრიგადის ბიჭებს არ უყვარდათ სტეპანოვი მისი „დიპლომატიური მეთოდების“ გამო. ოსიპოვს მშვენივრად ესმოდა, რა მძიმე მდგომარეობაშიც ვიყავი ჩავარდნილი და გულით უნდოდა, როგორმე დამხმარებოდა. მაგრამ, როგორც გამოცდილი მუშაკი, იმასაც კარგად გრძნობდა, რომ ეს თითქმის უიმედო საქმე იყო. მანაც დაადასტურა სტეპანოვის სიტყვები, რომ „ნამდვილი, საქმიანი ქურდი“ არავითარ შემთხვევაში არ შეძლებოდა სახალხო კომისრის ბინაში.

— არ ვიცი პირდაპირ, რითი დაგეხმარო, — მითხრა ოსიპოვმა. — როგორც ჩანს, ეს ნუმისმატიკოსი არავითარ შემთხვევაში არ მოგეშვება. არაფერი არ არის იმაზე უარესი, ვიდრე კოლექციონერთან საქმის დაჭერა. ისინი თითქმის ყველანი მანაკები არიან... აქ კიდევ, ეს რაღაც გახვრტილი დინარები გაეჩხირა საქმეში... ნახვრტებში რომ

არ ჰქონდეს, კიდევ პო, მაგრამ ნახვრტიანები — ეს უკვე მთელი უბედურებაა.

ამ დროს ოსიპოვთან მდივანობაში მივიდა და ოდესიდან მიღებული დამიფრული დეპეშა გაუწოდა. ოსიპოვმა დეპეშა წაიკითხა, რაღაცაზე ჩაფიქრდა, შემდეგ უეცრად სახე იმ ადამიანისგან გაუნათლდა, რომელსაც გამოუვალ მდგომარეობაში მოულოდნელად რაღაც იმედი გამოუჩნდებოდა, და დეპეშა გამოიწოდა.

— წაიკითხე, ბერიკაცო, — მითხრა მან, — ამას, ჩვენ რომ საქმე გვაინტერესებს, იმასთან პირდაპირი კავშირი აქვს. ილზიანი კაცი ყოფილხარ, ბედის პერანგით დაზადებული...

მე დეპეშას ვტაცე ხელი, ორჯერ წავიკითხე, მაგრამ მითაც ვერ მივხვდი, რაში ჩანდა, რომ ბედის პერანგით დავიზადე.

ტელეგრაფში სიტყვა-სიტყვით ასე ეწერა:

„მოსკოვის სისხლის სამართლის სამძებროს უფროსს ემელიანოვს. ოპერატიული ინფორმაციის წესით გაცნობებთ, რომ დღეს ჩქარი მატარებლით მოსკოვში საერთაშორისო ვაგონით გამოემგზავრა ცნობილი „მედვეჟატნიკი“ „ადმირალი ნელსონი“. არ გამოვრიცხავ სერიოზული გასტროლების შესაძლებლობას. „ადმირალი ნელსონი“ ერთი წლის წინ ვადაზე ადრე გაათავისუფლეს ამნისტიით. საფუძველი მის დასაპატიმრებლად არა გვაქვს. „ადმირალი ნელსონი“ რევოლუციამდე ცნობილი იყო იასტრჟემსკის გვარით, რომანესკუც და შულციც სწორედ ეგ არის.

ოდესის საგუბერნიო სამძებროს უფროსი ნიკოლაევი“.

— კოლია, რა საერთო აქვს ამას გახვრტილ დინარებთან? — მორიდებით შევეკითხე ოსიპოვს.

— აქვს, — მხიარულად მიპასუხა მან, — აქვს, ჩემო მეგობარო, და აი რატომ. მე „ადმირალ ნელსონს“ კარ-



გად ვიცნობ. იგი ფოლადის სეიფების გახსნის უდიდესი სპეციალისტია, ჯერ კიდევ მეფის დროს მუშაობდა, მთელ ევროპაში აქვს სახელი გავარდნილი, — ერთი სიტყვით, უკანასკნელი მოპიკანია. იგი ბოროტმოქმედთა სამყაროს ნამდვილი მეფეა და მისი სიტყვა კანონია. ერთი სიტყვით... იგი ჩვენ დაგვეხმარება... ხვალ დილით მოდი ჩემთან, ერთად დავხვდეთ სადგურზე...

მეორე დღეს კიევის ვოვზალზე ოდესის ჩქარ მატარებელს დავხვდით. როდესაც მატარებელი ჩამოდგა, ჩვენ საერთაშორისო ვაგონთან მივედით და „ადმირალ ნელსონს“ დაუწყვეთ ლოდინი. მას თავზე ჩაღის კანოტიც ესურა. მდიდრული კოვერკოტის მოსასხამი ერთ ხელზე გადაეკიდა, მეორეში კი ჯოხი ეჭირა, რომელსაც სპილოს ძვლისაგან გამოკვეთილი ლომის თავი ამშვენებდა. „ადმირალი“ უკვე მხანშიშესული, ხმელხმელი, ქერა კაცი იყო, ცალი თვალი შავი აბრეშუმის სახვევით ჰქონდა აკრული, მეორე, ჯანსაღი თვალით კი მხიარულად და თავის თავში დარწმუნებული კაცივით იყურებოდა. იგი თავისუფლად შეიძლებოდა ჰკონებოდა კაცს წარმატების მქონე ნეგოციანტიც, ძველი „ზღვის მეგლიც“, უცხოელი კონცესიონერიც, საერთაშორისო ბოროტმოქმედიც კინოსტუდია „რუსის“ ფილმებიდან.

— გამარჯობა, „ადმირალ“! — მიუახლოვდა მას ოსიპოვი. — კეთილი იყოს თქვენი დედაქალაქში ჩამობრძანება.

— ნიკოლოზ ფილიპეს ძე, რა ბედმა შეგვეყარა! — მხიარულად წამოიძახა „ადმირალი“ და ისე მსურვალედ და მაგრად ჩამოართვა ოსიპოვს ხელი, თან ისეთი გამოშეტყველება ჰქონდა, ასე გეგონებოდათ წინა დამე ამ შეხვედრის მოლოდინში თეთრად გაათენაო. — დიდი ხანია აღარ გვინახავს ერთმანეთი. როგორც ვხედავ, ჩვენმა „ფრაერებმა“ საგუბერნიო სამძებროდან უკვე ჩავიკაკლეს ჩემი ჩამოსვლის ამბავი. მეტი რა საქმე აქვთ, გარდა იმისა, რომ დაკავებული და საქმიანი ხალხი შეაწუხოთ, აი-აი-აი... მე ხომ შიშველ-ტიტველი

ჩამოვედი, როგორც პატარა ბავშვი არც ბავაჟი მაქვს, არც ინსტრუმენტი, მაშ, რაღად ტყეხენ ხმაურს? რაღა? მე თქვენ გვეკითხებით, ჰა? მე ჩამოვედი იმისათვის, რომ ცოტა გამოვცოცხლდე. მივიხედ-მოვიხედო, სული მოვითქვა ციხის მერე, ეს სულელები კი თქვენ გაწუხებენ! მეორე მხრივ კი, მაღლობა უნდა გადავუხადო მათ, რომ თქვენი თავი მანახვეს...

— „ადმირალ“, ერთი სერიოზული საქმე მაქვს, — შეაწყვეტინა სიტყვა ოსიპოვმა. — წავიდეთ, რესტორანში დავსხდეთ.

— როდესაც ბოქაული გეუბნება დაბრძანდიო, როგორღაც უხერხულია ფეხზე დგომა, — ასე ამტკიცებდნენ ოდესღაც ოდესაში, — გაიღიმა „ადმირალი“. — წავიდეთ, თითო ჭიქა გადავკრათ და თან ცხოვრებაზეც წავისაუბროთ... ეს სანდომიანი ახალგაზრდა ვინღაა? — ჩემზე აჩვენა.

— ეს ჩემი მეგობარი კაცია, — უბასუხა ოსიპოვმა. — ჩვენ საერთო საქმე გვაქვს...

რესტორანში, როდესაც ოსიპოვისაგან გახვერტილი დინარების ისტორია მოისმინა, „ადმირალი“ აღშფოთებისაგან აბოზოქრდა.

— ეს რა ხდება თქვენთან, დედაქალაქში? — ყვიროდა ბრაზისაგან პირზე დორბლმორეული. — მე თქვენ გეკითხებით, რატომ გათავებდნენ ასე მოსკოველი ქურდები? რა თავხედი უნდა იყო კაცი, რომ სახალხო კომისრის ბინაში შეძერე! რა, ნებჰანები, კერძო კანტორები, უცხოური კონცესიონარი აღარა ყოფნით, არა? ისინი პირდაპირ საბჭოთა ხელისუფლებაზე მიძვრებიან! ეს ხომ კონტრარეგულაციაა, მე ამას ვამტკიცებ, როგორც საბჭოთა მოქალაქე! ნიკოლოზ ფილიპეს ძე, თქვენ იცით ჩემი კურირულუმი ვიტე, თუ როგორ ამბობენ ამას, მე არც ისე კარგად ვიცი ლათინური, თქვენ ყველაფერი კარგად იცით და ამიტომაც გეკითხე-

ლევ შეინინი  
გახვერტილი დინარები



ბით: დიადი ოქტომბრის რევოლუციის შემდეგ „ადმირალმა ნელსონმა“ აიღო აბორდაჟით თუნდაც ერთი სახელმწიფო, ან გინდ კოოპერაციული სეიფი? პო, თუ არა?

— არც ერთი, „ადმირალ“, — დაეთანხმა ოსიპოვი. — ეს ფაქტია.

— რაო, ფაქტით? ეს ფაქტი კი არ არის, არამედ მსოფლმხედველობის საკითხია, ჩემი პროფესიონ დე ფუა, როგორც ფრანგები იტყვიან. გესმით თუ არა თქვენ, ახალგაზრდავ? თქვენთვის სასარგებლოა ამის ცოდნა, თქვენ მხოლოდ ახლა იწყებთ ცხოვრებას. მსოფლმხედველობა! ჩემი ხელებით, რომლებზეც ათას ცხრაას ცამეტ წელს ბერლინის პოლიციე-პრეზიდენტი კრიმინალისტების მსოფლიო კონგრესზე ვენაში ლაპარაკობდა, როგორც შესანიშნავ მოვლენაზე, თქვენ გესმით თუ არა — მან ზუსტად ასე თქვა: „მან ლიბე პერრ, დას ისტ ვუნდერლიჰ უნდ არტისტიკ“, — ჩემი ხელებით მე ავწიე თუნდაც ერთი შემნახველი სალარო ან სახელმწიფო ბანკის თუნდაც ერთი რომელიმე სამაზრო კანტორა? დმერთმა დამიფაროს! მე ასე ვუთხარი ჩემს თავს: „სემიონ, უმჯობესია ხელები მოიკვეთო, ვიდრე თუნდაც ერთი სახალხო კაპიკი აიღო!“ აი რატომ აღმაშფოთა სულის სიღრმემდე თქვენმა მონაყოლმა.

— რაზე შევთანხმდეთ, „ადმირალ? — შეაწყვეტინა ოსიპოვმა აღშფოთების ეს გაუთავებელი ნაკადი.

„ადმირალმა ნელსონმა“ მეტად გამომეტყველად შეხედა ოსიპოვს, მერე კი დაბალი ხმით თქვა:

— თქვენ იცით თუ არა ჩემი პრინციპები, ნიკოლოზ ფილიპეს ძეგ? მოკლედ — მონეტები იქნება, კაცი კი არ იქნება. ვასაგებია?

— საესებით, — უპასუხა ოსიპოვმა და მაგიდლიდან წამოღვა. ამით აგრძნობინა, რომ მოლაპარაკების მონაწილე უმაღლესი მხარეები შეთანხმებამდე მივიდნენ.

გამოვეთხოვეთ „ადმირალს“. მან დამშვიდობების წინ ოსიპოვის ტელეფონის ნომერი ჩაიწერა და დაპირდა, რომ

დაუყოვნებლივ შეხვდება ვისაც საინტერესოა, იმისათვის, რომ „მოაწყოს“ ფაქტები მარში და წაუყენოს ულტრა-სუპერ-ამით დავცილდით ერთმანეთს. მე და ოსიპოვი მანქანაში ჩავსხედით და მოსკოვის სამძებროში წავედით.

— შენ გჯერა, რომ ეს ოდესელი თაღლითი რამეს გააკეთებს? — დაღრემილი სახით შევეკითხე ოსიპოვს.

— თუ კი ეს მონეტები ძეხორციელმა მოიპარა და არა აჩრდილმა, — მშვიდად მიპასუხა მან, — მაშინ მაქსიმუმ ორ დღეში ისინი ჩვენ ხელთ იქნება. შენ არ იცნობ ამ კაცს. მარტო მაგის მოსკოვში ჩამოსვლა — უკვე მთელი მოვლენაა ბოროტმოქმედებისათვის. ეგ კი, ხომ ნახე, როგორ გაჯავრდა? წარმომიდგენია, რა „შუხურს“ ატეხს „მალინაზე“. „ადმირალი ნელსონი“ არასოდეს ყოფილა და არც არასოდეს ვახდება სამძებროსათვის ცნობების მიმწოდებელი და დამბეზღებელი, — ამის პირობას მე ვიძლევი, მაგრამ, თუ როგორც აღამიანს ისე მიმართავ, უმალ მოკვდება, ვიდრე დაპირებას არ შეგიხრულეებს...

— მე კი მკვებარა და უბედ კაცად მომეჩვენა, — ვთქვი მე. — ეს ლეგენდაც იმის შესახებ, თუ როგორი აღფრთოვანებით ლაპარაკობდა ბერლინის პოლიციე-პრეზიდენტი...

— ლეგენდა? — გაბრაზდა ოსიპოვი. — აბა, მაშ წავიდეთ და მე შენ გაჩვენებ, როგორი ლეგენდაცაა... ამ კაცს მართლაც ოქროს ხელები აქვს...

ნახევარი საათის შემდეგ მე უკვე ვფურცლავდი მოსკოვის სამძებრო პოლიციის ფორმულიარის გაყვითლებულ ფურცლებს, რომლის გარეკანზეც ეწერა:

„ინსტრუქციის კაზიშირ სტანისლავის ძე, იგივე რომანესკუ ჟანი, იგივე შულც ვილჰელმი, — საერთაშორისო კლასის უსაშიშრესი „მედვეტატნიკი“, გასტროლებს მართავს როგორც იმპერიის ფარგლებში, ასევე საზღვარგარეთაც. მოხსენებულია ს. — პეტერბურგის, ოდესის, მოსკოვის დონის როსტოვისა და ნახიჩევანის, აგრეთვე პო-

ლონეთის სამეფოს სამძებრო პოლიციის პატაკებში“.

ფორმულიარი შედგებოდა ყველა ამ სამძებრო პოლიციების უამრავი პატაკისაგან, შეკითხვისა და პასუხისაგან, რომლებშიც ამ მიუკვლეველი „ადმირალი ნელსონის“ თავგადასავალი და საქმიანობა იყო აღწერილი.

მათ შორის ყველაზე დაწვრილებითი იყო შინაგან საქმეთა სამინისტროს პოლიციის დეპარტამენტის დირექტორის ბელეცკის „მემორანდუმი“, რომელიც „მისი მაღალკეთილშობილების ბატონ შინაგან საქმეთა მინისტრის ნ. ა. მაკულაევის“ სახელზე იყო გაგზავნილი და დათარიღებული იყო 1913 წლის 12 მარტით. ხოლო შემდეგ, მინისტრის რეზოლუციის თანახმად, მისი ასლები დაეგზავნათ რუსეთის იმპერიის მთელი რიგი დიდი ქალაქების პოლიციის სამძებრო განყოფილებების უფროსებს „გასაცნობად და სახელმძღვანელოდ“.

აი რა ეწერა ამ „მემორანდუმში“:

„თქვენი მაღალკეთილშობილების ბრძანების თანახმად, ამით მოგახსენებთ ფოლადის სეიფების გატეხვისა და ვადნობის ცნობილი სპეციალისტის ოდესელი მდაბიოს ბოროტგანზრახულ მოქმედებებზე, რომელიც საქმეებში ვადის იასტრჟემბსკის, რომანესკუს, შულცის გვარებით და არაერთხელ იყო ნასამართლევი ზემოხსენებული სახიათის სისხლის სამართლის დანაშაულებრივი მოქმედებების გამო.

მიმდინარე წელს, ისევე როგორც გასულ წლებში, პოლიციის დეპარტამენტის მონაცემებით, ბანკების სეიფების თავხედურ გაძარცვებსა და გატეხვას ადგილი ჰქონდა იმპერიის სხვადასხვა ქალაქებში. მაგრამ განსაკუთრებულ ყურადღებას იმსახურებს ის შემთხვევები, რომლებიც რევისტრირებულია ნიჟნი-ნოვგოროდში და სამარაში.

ნიჟნი-ნოვგოროდში გასული წლის 12 აგვისტოს, ღამით, უცნობი ბოროტმოქმედი შეიპარა ვოლგა-კამის ბანკის ადგილობრივ განყოფილებაში, სადაც გახსნა განსაკუთრებული კონსტრუქციის ორი სეიფი, რომლებიც ზემოხსენებულ-

მა ბანკმა გამოიწერა ლეიპციგის ბანკის სეიფების დამამზადებელი ცნობილი ფირმიდან „ოტო გრილი და კომპანიის“ როგორც პოლიციის გამოკვლევამ დაადგინა, რაც ამ საქმესთან დაკავშირებით ნიჟეგოროდის პოლიციის მოხელეებმა ჩაატარეს, ნიჟეგოროდის გუბერნატორის საგანგებო დავალბათა მოხელესთან ერთად, ბოროტმოქმედმა ბანკის შენობაში დაჰყო არა უმეტეს ოცდაათი წუთისა, რა დროითაც თვითნებურად მიატოვა საგუშაგო ღამის დარჯება იგან პროხორის ძე კოზოლუპმა, რომელიც ბანკში მისი დიდი ხნის უზადო მუშაობის, აგრეთვე ადგილობრივი პოლიციის, რუსი ხალხის კავშირის ნიჟეგოროდის განყოფილების და ღვთისმოსავი მამის ვარსონოფის კარგი დახასიათების გამო ეჭვის ქვეშ არის აყვანილი და სავსებით გათავისუფლებულია.

კოზოლუპის ჩვენებით, მან ღამის მერე საათის დასაწყისში, როდესაც მოძრაობა შეწყდა, აღარც ფეხით მოსიარულეები ჩანდნენ და სასტუმრო „როსსიას“ რესტორანშიც კი ჩაქრა შუქი, გადაწყვიტა დროებით მიეტოვებინა საგუშაგო, რათა სახლში ჩაი დაეღლია, რასაც იგი, ძილი რომ არ მორეოდა, ხშირად აკეთებდა ღამით მორიგობის დროს. ვინაიდან კოზოლუპის ბინა ახლო მდებარეობს, მან დაკეტა სადარბაზოს კარი და შინ წავიდა. ამასთან, იგი გზაში შეხვდა უცნობ ახალგაზრდა კაცს, რომელსაც ქვაბურა ქუდი ეხურა და რომელსაც, მისი თხოვნით, პაპიროსი მოუკიდა.

როდესაც ოცდაათი წუთის გავლის შემდეგ კოზოლუპი საგუშაგოზე დაბრუნდა, აღმოაჩინა, რომ სადარბაზო კარი ღია იყო, ღია იყო აგრეთვე ფოლადის კარი, რომელიც სარდაფში ჩასასვლელს კეტავდა, სადაც ბანკის სეიფები ინახება. კოზოლუპმა დაუყოვნებლივ გამოიძახა პოლიცია, აგრეთვე დაუწყო ძებნა ბანკის დირექტორს, ქალაქის

ლევ შეინინი  
გასვრეტილი დინარები

სათათბიროს წევრს, საპატიო მოქალაქეს ვალენტინ პავლეს ძე გოლოშჩიკინს, რომელსაც დილის ხუთი საათისათვის, ისიც ადგილობრივი ბოქსულის დახმარებით, ძლივს მიაგნეს თხრილების უბანში მდებარე საროსკიპოში, რომლის პატრონი ქალია, მე-2 გილდიის ვაჭარი — სკოროხოლოვა.

როგორც შემდგომ გამოირკვა, ბოროტმოქმედმა არაჩვეულებრივი მოხერხებულობითა და საქმის ჩინებული ცოდნით გახსნა ორი სეიფი, მიუხედავად იმისა, რომ მათ საიდუმლო და სავსებით ორიგინალური კონსტრუქციის საკეტები აქვთ. ბოროტმოქმედმა ხსენებული სეიფებიდან გაიტაცა ასი ათასამდე მანეთი სახელმწიფო ასიგნაციებით და მიიშალა გაურკვეველი მიმართულებით.

ვინაიდან ლეიპციგის ფირმა „ოტო გრილი და K<sup>o</sup>“ ვოლგაკამის ბანკის დირექციას გარანტია მისცა, რომ მის სეიფებს, განსაკუთრებული საიდუმლო საკეტების გამო, უცხო პირები ვერ გააღებენ, ბატონმა გოლოშჩიკინმა დეპეშით დაუყოვნებლივ შეატყობინა ყოველივე მომხდარის შესახებ ფირმის უფროსს, გერმანელ ვაჭარს გრილს, რომელმაც იმავე დღეს უპასუხა დეპეშით, რომ ნიჟნი-ნოვგოროდში აგზავნის ფირმის უფროს ნიჟინერს ჰანს შმელცს და მისი მგზავრობის ხარჯებს ფირმა თავის თავზე იღებს. რამდენიმე დღის შემდეგ დასახელებული შმელცი მართლაც ჩამოვიდა ნიჟნი-ნოვგოროდში, ბანკის დირექტორის და პოლიციის მოხელეების თანდასწრებით დეტალურად დაათვალიერა ორივე სეიფი და საჯაროდ განაცხადა, რომ თვითონ ისიც კი, ამ კონსტრუქციის ავტორი და სეიფების სპეციალისტი, ვერ გახსნიდა ამ სეიფებს ოცდაათი წუთის განმავლობაში და ამ საქმისათვის დასჭირდებოდა არა ნაკლებ ხუთი საათისა, ისიც თუკი სპეციალური ხელსაწყოები ექნებოდა.

შემდეგ ნიჟეგოროდის პოლიციმეტრთან კერძო საუბრის დროს შმელცმა განაცხადა, რომ იმ შემთხვევაში, თუ ბოროტმოქმედს პოლიცია გამოააშკარა-

ვებს და როცა იგი დამსახურებულ სასჯელს მიიღებს, მისი მოხდის შემდეგ ფირმა „ოტო გრილი და K<sup>o</sup>“ მადამონებთ შესთავაზებს აღნიშნულ ბოროტმოქმედს ხელსაყრელ პირობებში სამუშაოს თავის საწარმოებში. ფირმის ეს წინადადება რომ სერიოზული იყო, იქიდანაც ჩანს, რომ ნიჟინერმა შმელცმა თავს ნება მისცა პოლიციმეტრისათვის საკმაოდ ძვირფასი საჩუქარი შეეთავაზებინა, თუკი იგი ბოროტმოქმედთან მოლაპარაკებაში შეამავლის როლს იკისრებდა, ამ საჩუქარზე პოლიციმეტრმა, რა თქმა უნდა, უარი განაცხადა. რაც ყოველ შემთხვევაში მის მიერ ნიჟეგოროდის გუბერნატორის სახელზე გაგზავნილი პატაკიდან უნდა დავასკვნათ.

ამასთან, ადგილობრივი პოლიციის მიერ მიღებული ღონისძიებებით შესაძლო გახდა იმის დადგენა, რომ 13 აგვისტოს ვოლგის სანაოსნო საზოგადოების „კავკაზ ი მერკურის“ გემზე „მელიკაია კნაიენა ტატინა“, რომელიც ქვევით მიემართებოდა, პირველი კლასის ბილეთით ავიდა ჩინებულად ჩაცმული ქერა, უცნობი ახალგაზრდა კაცი, ქვაბურა ქუდი. მან იმავე საღამოს პირველი კლასის სალონში კარტის აზარტულ თამაშში სხვა მგზავრებთან ერთად მიიღო მონაწილეობა. როგორც შემდგომ გამოირკვა, მოთამაშეთა შორის იყო გემებზე ცნობილი შუღერი ზიგმუნდ პშედეცკი, რომელიც ნიჟეგოროდის ბაზრობიდან ბრუნდებოდა, სადაც თავს პოლონელ გრაფად ლანკევიჩად ასაღებდა და სადაც მსხვილი თანხებით თამაშობდა ბანკოს სათამაშო მთელ რიგ სახლებში. გემზე პშედეცკიმ დაინახა რამდენიმე რუსი და სპარსელი ვაჭარი, რომლებიც ბაზრობიდან ბრუნდებოდნენ და ისევ წამოიწყო მსხვილთანხიანი თამაში, რომელშიც მონაწილეობა მიიღო ზემოსხენებულმა ქვაბურა ქუდიანმა კაცმა.

გემის სამზარეულოს ლაქიის, თათარ მურზავეის ჩვენებით, რომელიც მოთამაშეებს ემსახურებოდა, როგორც გამაგრილებელი, ასევე მავარი სასმელებით.



მეტად მსხვილი თამაში მიდიოდა ათი ათასებზე და პშედეცკიმ მოუგო პირველი გილდიის სამარცლ ვაჭარ პროხოროვს, აგრეთვე სპარსელ ვაჭარებს ჰუსეინ ხაჯარას და სულეიმან აირომას, ამას გარდა, ხვალისინს მარის თავადაზნაურთა წინამძღოლს გრაფ კულეშოვს და საერთო ჯამში მოიგო არა ნაკლებ ასი ათასი მანეთისა. რაც შეეხება ქვაბურაქუდიან ახალგაზრდა კაცს, მანაც, მურზაევის ჩვენებით, მაგრად წააგო და ფულს გადასახდელად დიდი ტყავის პორტუგალიდან იღებდა, რომელსაც არასოდეს იცილებდა. ამასთან, მურზაევემ დაინახა, რომ პორტუგელი სავსე იყო ასივნაციებით.

თამაშის დამთავრების შემდეგ, როდესაც მგზავრები კაიუტებში წაგიდწამოვიდნენ, მურზაევის, რომელიც სალონს ალაგებდა, მესამე კაიუტიდან რაღაც ხმაური შემოესმა. როდესაც კართან მივიდა და გასაღების ხერცელში შეიხედა, დაინახა პშედეცკი — ლანკევიჩი და ქვაბურაქუდიანი ახალგაზრდა კაცი, ამასთან უკანასკნელს პშედეცკისათვის საყულოში ჩაეფლო ხელი და მაგრად ანჯღრეფდა, თან უყვიროდა: „მომეცი, თაღლითო, ნახევარი მრგება, თორემ სულს ამოგართმევ!“ — რაზედაც პშედეცკი ყვიროდა, რომ თანახმაა ახალგაზრდა კაცს მისი წანაგები ფული დაუბრუნოს. ბოლოს მათ შორის ჩხუბი ატყდა და ახალგაზრდა კაცმა დაუწყაო პშედეცკის საშველი რგოლით თავში ცემა, რის შემდეგაც პშედეცკიმ ახალგაზრდა კაცს მოგებული ფულის ნახევარი მისცა, დაავლო ხელი თავის პატარა სამგზავრო ჩანთას და მიუხედავად გვიანი ღამისა, პირველსავე მიყრუებულ ნავმისადგომზე გადავიდა. ქერა კაცი გემბანიდან მისძახოდა: „ახლა კი დაიხსომებ, შე ფრაერო, დედა-ოდესას! შუღერი კი არა, ბიჭონი ხარ!“ — და საერთოდ ძალიან მხიარულად იყო.

რამდენიმე დღის შემდეგ და ზემოხსენებულ გემის „ველიკაია კნიაჟნა ტატიანას“ სამარაში ჩასვლის მეორე დღისვე, სადაც ქვაბურაქუდიანი ახალგაზრდა კაცი ჩამოვიდა, იქვე, ღამით,

უცნობმა ბოროტმოქმედმა თავხედურად გაძარცვა სამარის სავაჭრო ბანკი, დაც ისევე იქნა გაღებული ორმოცდაათი და გატაცებული ორმოცდაათი მეტი ათასი მანეთი. ამასთან, ისევე, როგორც ნიჟნი-ნოვგოროდში, ბოროტმოქმედმა სეიფები განსაცვიფრებლად მოკლე დროში გააღო.

ამ საქმის პოლიციის მოკვლევის დასაწყისშივე დადგენილი იქნა, რომ გემ „ველიკაია კნიაჟნა ტატიანას“ სამარაში ჩამოსვლის დღეს, საღამო ხანს სასტუმრო „ვოლგაში“ გამოცხადდა ქვაბურაქუდიანი ქერა ახალგაზრდა, წარადგინა პასპორტი კაზიმირ იასტრეშესკის სახელზე და დაიკავა ნომერი. მეორე დღეს იგი სასტუმროში ღამის სამსახურზე დაბრუნდა ქალაქიდან სამგზავრო ჩანთით ხელში და სართულის მორიგე ქალს აგრაფინა გორინას, რომელმაც კარი გაუღო, ხუთი მანეთი აჩუქა. ამასთან, როგორც მოკვლევაზე გორინამ აჩვენა, იგი სრულიად ფხიზელი, მაგრამ აშკარად დაღლილი იყო.

სწორედ ამ მონაცემებმა მოჰფინეს შუქი ამ საქმეს, ვინაიდან ხარკოვის სამძებრო პოლიციის მონაცემებით ცნობილი „მედვეჟატნიკი“ შულც-რომანესკუ მათთან გადიოდა იასტრეშესკის გვარით.

მაგრამ ამ მონაცემების მიღებისა და შემოწმებისთანავე შულც-იასტრეშესკი სამარადან გაურკვეველი მიმართულებით მიიშალა.

და მხოლოდ რვა თვის შემდეგ გამოჩნდა შულც-იასტრეშესკის კვალი ბერლინში, საიდანაც მოვიდა ბერლინის პოლიციე-პრეზიდენტის შეტყობინება ქვემოთ მოხსენებული შემთხვევის შესახებ, რამაც გერმანიის პოლიციის ყურადღება მიიქცია.

მიმდინარე, 1913 წლის თებერვალში ბერლინში გაიხსნა ტექნიკური გამოფენა, რომელზედაც როგორც გერმანული, ასევე სხვა ევროპული ფირმები თავის საქონელს აჩვენებდნენ. პავლი-

ლევ შეინინი  
გაზრეტილი დინარები



ონში „საბანკო და სავაჭრო მოწყობილობანი“ მთელ რიგ ფირმებს გამოტანილი ჰქონდათ ახალი ფოლადის სეიფები საიდუმლო საკეტებით. კერძოდ, აჩვენებდნენ ფირმის „ოტო გრილი და K<sup>o</sup>“ სეიფებსაც. ამ ფირმამ, ისევე როგორც გერმანულმა ელექტროტექნიკურმა ფირმამ „სიმენს-შუკერტმა“, რომლის სეიფებსაც საიდუმლო ელექტროსიგნალიზაცია ჰქონდათ, რეკლამის მიზნით გამოაცხადა დიდი ფულადი ჯილდო, თუკი დამსწრეთაგან ვინმე პირველ შემთხვევაში საერთოდ მოახერხებდა სეიფის გახსნას, მეორეში კი — ისე გააღებდა, რომ ავტომატური ელექტრული სირენა არ ჩართულიყო.

7 თებერვალს მრავალრიცხოვანი საზოგადოების თვალწინ ვილაც ქერა ახალგაზრდა კაცი, ქვაბურა ქუდით, მივიდა პავლიონის ადმინისტრატორთან და განაცხადა, რომ იგი შეეცდებოდა გახსნას როგორც ლეიპციგის ფირმის „ოტო გრილი და K<sup>o</sup>“ სეიფი, ასევე „სიმენს-შუკერტის“ სეიფიც. მისი წინადადება მიიღეს, და მან უაღრესად გააოცა ფირმების წარმომადგენლები, ხოლო საზოგადოებაში კი აღფრთოვანება გამოიწვია იმით, რომ ოცი წუთის განმავლობაში ორივე სეიფი გახსნა, თან ისე, რომ მეორე შემთხვევაში შეძლო წინასწარ გამოეთიშა საიდუმლო სიგნალიზაცია.

მას იქვე გადასცეს ფულადი ჯილდოები. ახალგაზრდა ქერა კაცმა დამტკრებული გერმანულით ყველა იქ მყოფი ლუდხანა „ვაგნერში“ მიიპატიჟა, სადაც თავისი ხარჯით გაუმასპინძლდა, თვითონ კი საკმაოდ ბევრი დალია, ჩიჩოტკას ცეკვაგადა და ქალაქ ოდესის სადღეგრძელოს სჯამდა, რომელსაც „ოდესსა დი მუტერს“ უწოდებდა.

ამ დროს ფირმის „ოტო გრილი და K<sup>o</sup>“ ინჟინერმა პანს შემელცმა, რომელიც ზემოთ იყო მოხსენიებული, დარეკა ბერლინის პოლიციაში და შეატყობინა, რომ ის ხერხი, რომლითაც უცნობმა სეიფი გააღო, ძალიან აგონებს შემთხვევას, რომელსაც ვოლგა-კამის ბანკის

ნიეგოროდის განყოფილებაში ჰქონდა ადგილი.

მაშინ ბერლინის პოლიციე-პრეზიდენტის წარმომადგენლები სასწრაფოდ გამოცხადდნენ ლუდხანა „ვაგნერში“ და უცნობ ახალგაზრდას საბუთები მოსთხოვეს. მან აჩვენა რუსული პასპორტი იასტრეშკისკის გვარზე, საზღვარგარეთ გასვლის ვიზით, რომელიც გაცეა კონოტოპის სამაზრო პოლიციის უფროსს. მიუხედავად ამისა, ბერლინის პოლიციის მოხელეებმა წინადადება მისცეს, გაჰყოლოდა მათ, რათა შემდგომ გაერკვიათ მისი ვინაობა, მაგრამ იასტრეშკისკიმ ამაზე კატეგორიული უარი განაცხადა და საზოგადოებას სთხოვა დახმარება, რომელიც მის ხარჯზე უკვე შექეიფიანებული იყო. საზოგადოება ერთხმად ადგა მის დასაცავად და პოლიციის მოხელეები უკან დასწია, ხოლო თვითონ იასტრეშკისკი ამ დროს მიიშალა.

მოგახსენებ რა თქვენს მაღალაღმატებულებას ზემოაღნიშნულს, ჩემი მხრივ ვფიქრობ, რომ აუცილებელი იქნება ბატონ საგარეო საქმეთა მინისტრთან, მის მაღალაღმატებულებასთან ბნ საზონოვთან დაკავშირება, რათა დადგენილი წესით მივმართოთ გერმანიის პოლიციას თხოვნით დასახელებული იასტრეშკისკი-შულცის, როგორც სერიოზული სისხლის სამართლის დამნაშავეს, დაქვების, დაკავების და ჩვენთვის გამოცემის თაობაზე.

შინაგან საქმეთა სამინისტროს პოლიციის დეპარტამენტის დირექტორი, სახელმწიფო მრჩეველი ს. პ. ბელეცკი“.

ამ საარქივო საქმეში შემონახული მიმოწერიდან ჩანდა, რომ თითქმის ერთი წლის მანძილზე მეფის რუსეთის შინაგან საქმეთა სამინისტროს, საგარეო საქმეთა სამინისტროს მეშვეობით, კავშირი ჰქონდა გერმანიის პოლიციასთან, რომელიც ეძებდა ან ყოველ შემთხვევაში ისე იქცეოდა, თითქოს მართლაც ეძებდა „ადამირალ ნელსონს“. შემდგომი დაიწყო და ეს თავაზიანი მიმოწერაც შეწყდა.

სალამო ხანი იყო, როდესაც ამ ვაყ-

ვითლებული დოკუმენტების კითხვა და-  
ვამთავრე და ზოგიერთი საინტერესო  
დეტალიც ჩემს მესხიერებაში ჩავიბუტდე.  
მერე მე და ოსიპოვი კინოთეატრ „არს-  
ში“ წავედით, სადაც ახლა სტანისლავს-  
კის სახელობის დრამატული თეატრია.

ზილეთები ავიღეთ და რაკილა სენსის  
დაწყებაში მთელი ერთი საათი იყო  
კიდევ დარჩენილი, გადავწყვიტეთ ცოტა  
გავვესიერინა.

— ნიკოლაი, როგორ ფიქრობ, რით  
დამთავრებს ცხოვრებას „ადმირალი  
ნელსონი“? — ვკითხე ოსიპოვს.

— მე სწირად მიფიქრია მასზეც და  
მისთანებზეც, — მიპასუხა მან. — აბა  
რა გითხრა, ჩემო კარგო, ეს მეტად  
რთული და ძნელი კითხვაა. ჩვენ წარ-  
სულიდან შემკვიდრობად ბოროტმოქმე-  
დების საკმაოდ დიდი სამყარო დავგერჩა  
მთელი თავისი ჩვევებით, ტრადიციებით,  
„სკოლებითა“ და სპეციალობებით. ახ-  
ლა, ნების წლებში, ამ სამყარომ ერთ-  
გვარი ნოყიერი, მასაზრდოებელი გარე-  
მო ჰპოვა. რესტორნები, დოლი, კერძო  
მალაზიები, ვაჭრობა, კაბარეები, თვი-  
თონ ნებანები, — ყველაფერი ეს, რა  
თქმა უნდა, გარკვეულად ხელს უწყობს  
და თვითონაც წარმოშობს სისხლის სა-  
მართლის დამნაშავეებს. ჯერ კიდევ  
საკმაოდ არიან ძველი „სპეციალისტე-  
ბი“ — მძარცველები, ქურდები, სხვა-  
დასხვა გარყვნილების ბუდეთა პატრო-  
ნები თუ სხვები. ვფიქრობ, ადრე თუ  
გვიან, მათ უმეტესობას დავიჭერთ და  
სადაც ჯერ არს იქ ვუკრავთ თავს.  
ნაწილი ალბათ გარდაიქმნება და შრო-  
მით ცხოვრებას ეწევა. საით წავა „ად-  
მირალი ნელსონი“, ძნელი სათქმელია...  
მაგრამ ეს კი ფაქტია, რომ იგი საბელ-  
მწიფო და კოოპერაციული სეიფებიდან  
არასოდეს იტაცებს ფულს. ეს ყოველ  
შემთხვევაში, საინტერესო ნიუანსია...  
ისე კი. ცხოვრება დაგვანახებს...

მეორე დღეს ჩემი მუშაობა იმით  
დაიწყო, რომ ს-ის მდივანმა დამირეკა.  
მან გადმომცა, რომ სახალხო კომისარი  
კვლავინდებურად ძალიან ღელავს და

დაავალა მას ჩემთვის გაეხსენებინა, რომ  
მოცემული ვადიდან ორი დღეა და რ-  
ჩა. არ შეიძლება ითქვას, რომ მამცნო-  
ბამ კარგ გუნებაზე დამაყენა. ორ საა-  
თზე ოსიპოვი დამიკავშირდა და მითხ-  
რა, რომ ახლასან ტელეფონით დაურე-  
კა „ადმირალმა ნელსონმა“ და აცნობა,  
მუშაობა დულს და გადადულს, მაგრამ  
მონეტები ჯერ არა ჩანსო.

დღის ბოლოს შევერდინმა დამირეკა  
და ისეთი შეშფოთებით გამომკითხა  
საქმის მსვლელობა, რომ მივხვდი, რა-  
რიგ გულწრფელად იყო შეწუხებული  
ეს კეთილი მოხუცი. მან მშვენიერად  
იციოდა, რომ მონეტებს თუ არ ვიპოვი-  
დით, კარგი დღე არ მელოდა. მე ზო-  
გადად მოვახსენე შევერდინს, რომ მოს-  
კოვის სისხლის სამართლის სამძებრო-  
დან ასეთი და ასეთი ზომები მიიღეს,  
მაგრამ შედეგები არ ჩანს-მეთქი.

— სამწუხაროა, სამწუხარო, — ამო-  
იოხრა შევერდინმა. — მეტისმეტად ბო-  
ზოქრობს ჩვენი დაზარალებული... ეცა-  
დეთ, ჩემო შვილო, ეცადეთ, თორემ  
ცუდ ისტორიაში გავებმევიტო...

ძნელი არ არის ჩემი მდგომარეობის  
წარმოდგენა, როდესაც იმავე დღეს,  
საღამო ხანს ჩემი ოთახის ფანჯრებთან  
ოსიპოვის „ბეჟოს“ საყვირის ნაცნობი  
ხმა გაისმა. ტყვიასავით გავვარდი ქუ-  
ჩაში და შორიდანვე შევნიშნე ჩემი  
მეგობრის გაღიმებული სახე. გვერდით  
ეჯდა მისი ერთ-ერთი ყველაზე ნიჭი-  
ერი თანაშემწე ნიკოლოზ ლეონტის ძე  
ნოჩენიციკი.

— დაჯე! წავიდეთ! — შორიდანვე  
მომძახა ოსიპოვმა. — „ადმირალმა“  
დარეკა და გვთხოვა სასწრაფოდ მივი-  
დეთ მასთან „კულტურულ კუთხეში“...

მანქანაში ჩავჯექით და გორკის ქუ-  
ჩისაკენ გავბანდით, სადაც მცირე გნე-  
ზდიკოვსკის კუთხეში, ერთ მომცრო  
სახლში, რომელიც უკვე დიდი ხანია  
რაც აიღეს და ახლა იმ ადგილზე მა-  
ღალი შენობაა წამოჭიმული, ლუდანა  
იყო მოთავსებული. ამ ლუდანას „კულ-

ლევ შეინინი

გაზვრეტილი დინარები

ტურულ კუთხეს“ ეძახდნენ. თუმცა იგი იმდენად კულტურით არ იყო განთქმული, რამდენადაც თავისი ჩინებული მოხარშული კიბოთი და მართლაც არაჩვეულებრივი ხმელი ნაფოტათი, რომელიც დამბალ სერცველასთან ერთად მოჰქონდათ ლუდზე დასაყოლებლად.

„ადმირალი ნელსონი“ იქ დაგვხვდა, კუთხეში იჯდა მაგიდასთან და გველოდებოდა. თავის ახალთახალ, კოხტად და მოდაზე შეკერილ კოსტუმში გამოწყობილიყო და საზეიმო გამომეტყველება ჰქონდა.

— საღამო მშვიდობისა, საღამო მშვიდობისა, — მოგვესალმა იგი, თან თავი ღირსეულად ეჭირა. — ეს რა ხათაბალა საქმეში გამხვიეთ, ეშმაკმა დალახვროს! ამას ჰქვია, რომ დასასვენებლად და გულის გადასაყოლებლად ჩამოვედი! ასეთი დასვენებისაგან ფიცრის ყუთამდე ერთი ნაბიჯია — როგორც იტყოდა ხომე განსვენებული მამაჩემი, იმაზე ჭკვიანი კაცი კი ოდესაში არ იყო და ახლა ხომ აღარ იქნება და აღარ... სხვათა შორის, იგი ამ უდიდეს ქალაქში პირველი ზეინკალ-მექანიკოსი იყო და მე დაერწმუნდი, რომ მეგვიდრეობის კანონი შარლატანების მოგონილი არ არის... ერთხელ, აქვე მიწა გამისკდეს და თან ჩამიტანოს, თუ ვტყუოდე...

— არ შეიძლება, საქმეზე რომ გადავიდეთ? — გააწყვეტინა სიტყვა ოსიპოვმა. — განსვენებული მამათქვენის ისტორია ჯერ კიდევ ათას ცხრაას ოცდაერთ წელს მაქვს თქვენგან მოსმენილი...

— პარდონ, დამავიწყდა, ღმერთმანი, დამავიწყდა, — თქვა „ადმირალმა“. — რატომაც არა, შეიძლება პირდაპირ საქმეზე გადავიდეთ... გუშინ სადგურიდან პირდაპირ ერთ ადგილას გავეშურე, ვინც საჭირო იყო, ყველას თავი მოვუსარე და პლენარული სხდომა ჩავატარე. ისეთი სიტყვა წარმოვთქვი, რომ ბიჭები სულ ქვითინებდნენ... „კონტრარეგოლუციის თქვე წყეულო ჰიდრებო, — ეუთხარი მათ, — თქვენ გეყოთ იმის სინდისი, რომ სახალხო კომისარს მივარდნოდით და აგეწიათ

მისთვის რაღაც უსარგებლო და ამორებული მონეტების კოლექცია, რითაც მის საჭირო სიცოცხლეს დღემდე შეუმოქმედეთ! თქვე მართლა დენიკინელებო! რაღაცა ქეციანი გახვრეტილი დინარების გამო მთავრობის წევრი სახელმწიფო საქმეებს მოწყვიტეთ! მე ყველა ჩემი საქმე მივატოვე ოდესაში და სასწრაფოდ ჩამოვედი იმისათვის, რომ გითხრათ თქვენ ჩემი „ფე“ — თქვე მახსოვლებო! მოლდავენაკაზე თქვენი ბილწი, ავაზაკური საქციელი რომ გაიგეს, სამ დღეს სულ იფურთხებოდნენ!“... არანაკლებ ნახევარ საათს ვლაპარაკობდი და ისე ვღელავდი, რომ სამჯერ წყალი მომაწოდეს... მაშინ ადგა მოსკოვის „დომუშნიკების“ მეფე — ნიკოლოზ ფილიპეს ძვე, თქვენ იმას იცნობთ...

— სენკა ჯიტი, ვიცნობ, როგორ არა, — დაეთანხმა ოსიპოვი.

— პო, სწორედ ის. სულ მდულარე ტრემლები ჩამოსდიოდა და ისე იფიცებოდა, რომ ეს მისი ბიჭების საქმე არ იყო. რაღა ბევრი გაავარძელო? მოსკოვის მთელი ნაღები იქ იყო და ყველამ დაიფიცა, ვიდრე იმ ჩვენ შემარცხვენელ, დაწყვედილ მონეტებს არ ვიპოვიოთ, საქმეს ხელს არ მოვკიდებთო. თქვენზე უკეთ აბა ვის ეცოდინება, რომ მათ მართლაც შეასრულეს თავისი სიტყვა...

— ეს მართალია, — დაუმოწმა ოსიპოვმა. — ამ უკანასკნელი დღე-ღამის მანძილზე ქურდობის მართლაც არც ერთი შემთხვევა არ ყოფილა. ამ ბოლო წლებში ეს პირველად მოხდა.

— რას მიქვია ქურდობა? — იწყინა „ადმირალმა“. — ქურდობა კი არა, მთელი დღე და ღამეა საერთოდ არავინ აღარ მუშაობს... ჩვენ ხომ ყველა „ფარმაზონის“, ქუჩის მძარცველის, „კუ-კოლნიკის“, საერთოდ ყველა ღირსეული ადამიანის მობიღონება მოგვიხდა... ერთ ნებმანს თუ მაინც გახადეს, ან თუნდაც ერთი ჩანთა თუ გამოსტაცეს რომელიმე „შმარას“, ან ერთი საფულე თუ ამოაკალეს ვინმეს? ამას რაღა ლაპარაკი უნდა, როდესაც მთელ ქალაქში საალყო წესებია გამოცხადებული... ძვირად დაგვიჯდა ეს გახვრეტი-



ლი დინარები! იქნება გგონიათ, რომ თუნდაც ერთ კაცს ათი წუთით მაინც ეძინა? თუ მართლა ფიქრობთ ამას, თქვენზე შთაბეჭდილება წამისდება...

— არა, სულაც არ ფიქრობთ ამას, — უმალ დაარწმუნა ოსიპოვმა.

— იმიტომ, რომ ჭკვიანი კაცი ზრძანდებით!.. მეტსაც გეტყვით, — მე თვითონ მთელი ღამე მთავარ მაღინაზე გავატარე.

— ზოოლოგიურ შესახვევში? — გაედინა ოსიპოვს.

— ნიკოლოზ ფილიპეს ძეგ, მაგას თქვენგან არ ველოდი, — შეკრა წარბები „ადმირალმა“, — ადმირალ ნელსონს მთელი თავისი სიცოცხლის მანძილზე ერთი „მაღინაც“ კი არ ჩაუგდია. ასეთი შემთხვევები ჩვენი კონვენციით არ არის გათვალისწინებული... ერთი სიტყვით... მე არაფერს ვიტყვი...

— კარგი, ამას მოვეშვით, — ჩაიციხა ოსიპოვმა. — განვაგრძოთ სხდომა...

— მაშ ვაგრძელებთ. დილაძე „მაღინაზე“ დაგყავი, ყოველ ნახევარ საათში ქალაქის ყველა უბნიდან მორბოდა ხალხი და თვითული მათგანი მხოლოდ ერთს ამბობდა: „არ არის!..“ დილის შვიდი საათისათვის უკვე ისეთი ცახცახი დამაწყებინა ღელვისაგან, რომ არც ერთი პროფესორი შაურადაც არ შეაფასებდა ჩემს სიცოცხლეს... რვა საათზე ცალი ფეხი სამარეში მჭონდა და მიცვალებული სუნი ამივიდა — გული თითქმის აღარ მიცემდა, მაჯა დამეკარგა. მანკა რწყილი, „მაღინას“ დიასახლისი, ჩემი შემხედვარე, მწარედ მოთქვამდა: „ადმირალ“ ჩემო ძვირფასო, ნუთუ რაღაც გახვრეტილ დინარებს უნდა შეეწირო? ოი, ზერე ოდესას რაღა გუთხრათ? რითი გიმართლოთ თავი, რატომ ვერ მოუარეთო? მთელ „მაღინას“ დამიწვავენ, „ადმირალ“... როგორ გგონიათ, ვინ მიხსნა? სენკა ჯიქმა. მან ცხრა საათსა და ოცდაათ წუთზე მოიბრინა და როდესაც ნახა, რომ თითქმის აღარა ვსუნტქავდი, ერთბაშად მოისაზრა, რაც უნდა გაეკეთებინა... საქმე იმაშია, რომ ჯიქი საოცრად განსწავლული კაცია, მან თითქმის დაამ-

თავრა ჟმერინკის საფერშლო სკოლა და უწყის უფალმა, ქურდობისათვის რომ არ მოეკიდნა ხელი, უკვე დიდძალი მგელიცინის პროფესორი იქნებოდა...

ერთი სიტყვით, იგი მაშინვე გავარდა ახლო მდებარე საავადმყოფოში. იქ დღისით-მზისით, რომელიღაც ავადმყოფს ყანგზადით სავსე ბალიში ააცალა და სასწრაფოდ მომირბენინა... ღმერთმა უშველოს — ეს ერთადერთი ქურდობა იყო, რომელიც იმ საშინელ დღეს მოხდა... კარგად დავისვენე მოსკოვში არა, ნიკოლოზ ფილიპეს ძეგ!

— „ადმირალ“, საქმეზე ვილაპარაკოთ, — მკაცრად თქვა ოსიპოვმა.

— ჩვენ სწორედ მას ვუახლოვდებით და ახლავე დუხას ჩავუშვებ, — უპასუხა „ადმირალმა“. — როდესაც ცოტა სული მოვითქვი, კოლკა ბოცვერი შემოვარდა მარინა რომშიდან. მას ისეთი გამომეტყველება ჰქონდა, გეგონებოდათ ეს-ეს არის თურქეთის სულთანის ძეგლიდან მოსწყდაო, ან „ბ“ ხაზის ტრამვაიში ბრიტანეთის სამეფო გვირგვინი მოიპარაო. ჰოდა, შემოვარდა და მთელი ხმით მორთო ყვირილი. „რას ღრიალებ, შე იდიოტო?“ — ვკითხე მე, მაგრამ იგი მაინც განაგრძობდა ყვირილს, ვიდრე სენკა ჯიქმა საქმის ვითარება ძალით არ გამოშერტყა. გამოირკვა, რომ „ურკებმა“ მაინც მიაგნეს იმ წყეულ ბაცაცას. აღმოჩნდა, რომ იგი ჯერ ერთი, მოსკოველი არ არის, მეორეც ისა, ეს კიდეც უფრო მნიშვნელოვანია, რომ არც ოდესელია, მესამეც კიდეც, ნამდვილი ქურდი კი არა, ვიღაც ჩამოსული სულელი ბაცაცა ყოფილა... ყოველივე ამის შემდეგ მე თქვენ გეკითხებით, განა შეიძლება ცხოვრება ამ უცნაურ ქვეყანაზე?

— კი მაგრამ, მონეტები სად არის? — მშვიდად ჰკითხა ოსიპოვმა „ადმირალს“ და თან თვალში თვალი გაუყარა.

— თუმცა ორიგინალობაზე თავს არ გდებ, მეც სწორედ ეს გკითხე კოლკა ბოცვერს. — მწარედ უპასუხა „ადმი-

ლევ შეინინი

გახვრეტილი დინარები



რალმა“. მონეტები ტულაშია, ამ ბაცა-  
ცას უკვე მოუსწრია წაღება. მათ ჩამო-  
სატანად ისეთი დელეგაცია გაემგზავ-  
რა, რომ თუ ამ ქალაქში ცნობილი  
თოფხანა მაინც ვადაჩრა, ქალაქის აღ-  
მასკომს საზეიმო სხდომის ჩატარება  
მართებს... მონეტებს სულ მალე ჩამო-  
იტანენ...

აქ ოსიპოვმაც ველარ შეიკავა თავი  
და შვებით ამოისუნთქა. მე სიხარულის-  
გან თავბრუ მეხვეოდა. ნოქნიცკი ისე  
კულიანად იცინოდა, რომ ცრემლები  
სულ დაბადუბით ჩამოსდიოდა ლოყებ-  
ზე.

ამ დროს იმ ფანჯარას, სადაც ჩვენ  
ვისხედით, ვიღაცამ კენჭი ესროლა.  
„ადმირალი ნელსონი“ მაშინვე ფეხზე  
წამოვარდა, ერთი შესძახა: „ელჩები  
დაბრუნდნენ! აბა, მუსიკა, ტუში დაუ-  
კართო“ — და ლუდხანიდან გარეთ  
გავარდა.

რამდენიმე წუთის შემდეგ გაბრწყინ-  
ებული სახით დაბრუნდა. მას ხელში  
საკმაოდ მოზრდილი სპილენძის შესაკ-  
რავებიანი ტყავის ჩანთა ეჭირა.

— აი ისინიც, — თქვა „ადმირალმა“  
და ერთადერთი თვალი სატანისებური  
სიამაყით გაუბრწყინდა. — თავსა ვდებ  
სანადკლოზე, რომ ამ მონეტების მოსა-  
ძებნად მთელი მსოფლიოს პოლიციელები  
რომ ჩამოსულიყვნენ, კრიმინალისტების  
ვენის იმ მსოფლიო კონგრესის მონა-  
წილეებთან ერთად, რომელზედაც ბერ-  
ლინის პოლიციე-პრეზიდენტმა ასე დამ-  
სახურებულად თბილად მოიხსენია ჩემი  
ხელები, მათ, გაუგონარი სირცხვილის  
გამო, მდინარე მოსკოვში ორგანიზებუ-  
ლად თავის დახარჩობა მოუწყვედათ...  
ახალგაზრდაც, — მომმართა „ადმირალ-  
მა“. — თქვენ მხოლოდ ახლა იწყებთ  
ცხოვრებას და ძალიან მესიამაობათურ-  
ებით, შეხედეთ, დატკბით, დაიხსომეთ:  
აი, რისი გაკეთება შეუძლიათ ქურდებს,  
როდესაც მათი სახელი და პატიოსნებაა  
შებღალული... აი ვინ არის „ადმირალი  
ნელსონი“ და რას ნიშნავს მისი უდი-  
დესი ავტორიტეტი!

მან შესაკრავები გახსნა, ჩანთა გა-  
დახსნა, რომლის სპეციალურ დანაყო-

ფებშიც, როგორც მტრედები <sup>სულგვერ-</sup>  
ში, ისე ისხდნენ მონეტები, ჩვენთვის  
ლიერება დავსწყეთ. ასე ორასამდე მონ-  
ეტა იქნებოდა. ყველა სპილენძისა იყო,  
ზოგი მწვანე და ზოგიც ჩაყანგებული  
სიძველისაგან. მონეტები მოზრდილე-  
ბიც იყო და მომცროებიც, ზედ ხარები,  
გველები, არწივები, სფინქსები, წერო-  
ები იყო ამოკვეთილი.

— გთხოვთ ამ ათასეული წლების  
წინაშე ფეხზე წამოდგეთ! — საზეიმო  
კილოთი გამოაცხადა „ადმირალმა“ და  
თვითონ პირველი წამოდგა. — აი, ხე-  
დავთ, ეს ის გახვერტილი დინარებია,  
რომელთა გამოც ასეთი საშინელი „შუ-  
ხური“ ატყდა... ღმერთო დიდებულო,  
როგორი დაციანვა ბედის, ასე უყვარდა  
თქმა ოდესელ ნაფიც ვექილს ნიკოლოზ  
ნიკოლოზის ძე შნეერზონს. ეს ის ვექი-  
ლი გახლავთ, რომელიც ათას ცხრაას  
თხუთმეტ წელს მიცავდა მე, როდესაც  
პოლიციის სამძებრომ ბოლოს და ბო-  
ლოს, როგორც იქნა დამიჭირა... მართ-  
ლაც რომ დაციანვა — ამ მონეტების  
ხელის ხლებაც კი მეზიზღება... ამ ნავა-  
ვის გამო დედაქალაქის საუკეთესო ადა-  
მიანები ისე დარბოდნენ, როგორც კა-  
ტები ვალერიანის წვეთების დაყნოსვის  
შემდეგ... განა ღირდა, რომ სახალხო  
კომისარს ამ დაყანვული სპილენძის გა-  
მო ენერგიულა! ჭეშმარიტად, დიდი  
ადამიანებიც სულელები არიან, რო-  
გორც ამას ამბობდა ფილოსოფოსი სპი-  
ნოზა, თუმცა უფრო საფიქრებელია,  
რომ მას ეს არასოდეს უთქვამს...

„ადმირალი“ ჩაერთო. ორი თლაშო  
არაყი გადაჰკრა, ზიდ მოზრდილი ჩოლ-  
ჩით ლუდი დააყოლა და თავისი მჭვერ-  
მეტყველება შემოგვაფრქვია. რაც არ  
უნდა იყოს, მაინც ამ კაცმა გვიხსნა  
და ამიტომ სიტყვა არ გავვიწყვეტიწე-  
ბია. ოსიპოვმა აშკარად მოიწყინა: იგი  
ლაყობას ვერ იტანდა. ჩვენ კი იძუ-  
ლებული ვიყავით, გვემინა ამ ძველი  
„მოდვერატნიკის“ ფილოსოფიური სენ-  
ტენციები და მკვებარა მოგონებები,  
ღირიკული გადახვევები და ოდესის  
მოდღავანკის ქურდული ფოლკლორი.

ბოლოს, როგორც იქნა, ამოიწურა.

უფრო სწორად, დაილაღა. ჩვენ ამ პაუზით ვისარგებლეთ და ის იყო დამშვიდობებას ვაპირებდით, რომ „ადმირალმა“ მოულოდნელად გვითხრა:

— იცით, ამ უცნაურ საქმეში ყველაზე უფრო უცნაური რა არის? „ადმირალი ნელსონი“, პირველად თავის სიცოცხლეში, ქურდობის ნაცვლად ძიებით იყო გართული. თურმე ეს გაცილებით უფრო საინტერესო რამ ყოფილა. ძველი „მედვეჟატნიკის“ პატიოსან სიტყვას გაძღვეთ, ეს ყველაზე ბედნიერი დღე იყო ჩემს ცხოვრებაში...

„ადმირალი“ უცბად გამოფიზოლდა და უკვე ხანში შესული კაცის სევდიანი თვალებით შემოგვხედა. იგი უცხრად მიხვდა, რომ ტყუილ-უბრალოდ გავფლანგა თავისი სიცოცხლე.

ოსიპოვი შეკრთა და „ადმირალს“ მიაჩერდა.

— რაც თქვენ დღეს გვითხარით, სემიონ მიხეილის ძეგ, — სერიოზული სახით უთხრა მან, თან პირველად მხართა ასე „ადმირალს“, — ეს ყველაზე უფრო კარგი და ჭკვიანური იყო. და თუ თქვენ, ისევე, როგორც მონეტები იპოვეთ, შესძლებთ თქვენი ახალი ბედის პოვნასაც, — ეს კი ყოველთვის შესაძლებელია, თუკი კაცს მხრებზე გოგრა კი არა, თავი აბია და მკერდქვეშ გული უციმს და არა ლაყვ კვერცხი, — იმ შემთხვევაში თქვენს ერთგულ მოკავშირედ მიგულებთ. მოხარული ვიქნები, თუ ასე გადაგიხდით ვალს...

„ადმირალი“ ისე წამოწითლდა, რომ მივხვდი — ოსიპოვის სიტყვები, როგორც ყოველთვის, ახლაც მიზანს მოხვდა. ისეთი სიჩუმე ჩამოვარდა, რომელიც ყოველგვარ სიჩქვებზე უფრო ბევრის მთქმელია ხოლმე.

„ადმირალს“ თავი ჩაექინდრა და რაღაცაზე ღრმად ჩაფიქრებულიყო. ოსიპოვი მას მისჩერებოდა. თვალეში ისეთი თანაგრძნობა და სითბო ედგა, ურომლისოდაც, ისევე როგორც ადამიანის რწმენის გარეშე, კრიმინალისტი ყოველთვის შეზღუდული და ბრმაა. ეჰ, სამწუხაროდ, ჩემი ცხოვრების მანძილზე არა ერთი კრიმინალისტი შემხვდა,

რომლებმაც თავისი სიბეცით ბევრი სხვათი ტანჯვა-წვალება მიაცენეს სხვებს, რომელთა თავიდან აცილება შესაძლებელი იყო.

ეს უხერხული პაუზა ცოტა ხანს გაგრძელდა. მე რე „ადმირალმა“ თავი ასწია და ჩუმად, თითქმის ჩურჩულით თქვა:

— თუ არ ვცდები, არქიმედმა თქვა — მომცით საყრდენი წერტილი და ქვეყანას გადავატრიალებო... მე არქიმედი არა ვარ და ქვეყანა უჩემოდ გადატრიალდა... მაგრამ, რაკილა ვხედავ, რომ იგი სწორად გადატრიალდა, რაღაც ჩემშიც გადატრიალდა... ნიკოლოზ ფილიპეს ძეგ, მე უკვე საკმაოდ ხანში შესული კაცი ვარ და ჩემს ასაკში ძნელია ახალი ცხოვრების დაწყება. მაგრამ თქვენ მე მენდეთ და ესეც უთუოდ საყრდენი წერტილია, რომელზედაც ოცნებობდა არქიმედი... შევეცდები გადავატრიალო ჩემი ძველი, დახავსებული ცხოვრება... შევეცადები დაგადნო ის ყანგაიანი სეიფი, რომელსაც ამდენი ხანია თან ვატრეგ. ვინ იცის, ეგებ კიდევ შემოინახა მან რაიმე კარგი და სასარგებლო... ვინ იცის...

იგი ერთბაშად წამოდგა და არც კი დაგემშვიდობებია, ისე გავარდა ლუდხანიდან.

როდესაც შევერდინთან მივედი და ყველაფერი ეს მოვუყვიე, მოხუცს ისეთი ხარხარი აუტყდა, რომ ცოტა არ იყოს შემეშინდა. შემდეგ ჩემთვის სრულიად მოულოდნელად მითხრა:

— და მაინც, ჩემო კარგო, მე აქ მოვესაუბრე ამხანაგებს, დიახ, და ასე გადაწყვიტეთ ერთხმად, რომ საგუბერნიო სასამართლოს დისკიპლინარული კოლეგიის წინაშე მოგიწიეს წადგომა... დიახ, სწორედაც... დაწერეთ ახსნა-განმარტება...

შევერდინის კაბინეტიდან სავსებით დაბნეული გამოვედი და ჩემს პირველ

ლევ შეინინი  
გასვრეტილი დინარები

მასწავლებლებთან, სნიტოვსკისთან და  
ლასკინთან გავიქეცი. ორთავე საკმაოდ  
გუნებაწამხდარი დამხვდა. ლასკინმა რა-  
ღაც უკემურად მიპასუხა სალამზე, თან  
თითებს უკაკუნებდა მაგიდას. სნიტოვს-  
კი ყინულივით ცივი დამხვდა. მათ  
გარდა, კაბინეტში იყო საგუბერნიო  
პროკურორის თანაშემწე გამოძიების  
ზედამხედველობის დარგში მ. ვ. ოსტ-  
როგორსკი. იგი მაღალი, ლამაზი კაცი  
იყო, ქერა აფუტებული ქოჩორი და დი-  
დი ნაცრისფერი თვალები ჰქონდა, რომ-  
ლებიც ახლა მეტიმეტად მკაცრად მი-  
ყურებდნენ.

— პატარა ბავშვებს პატარა ხლაფო-  
რთი სდევთ თან, დიდ ბავშვებს კი —  
დიდი ხლაფორთი, — დაიწყო სნიტოვ-  
სკიმ. — ჰოდა, ლევ რომანის ძე (ადრე  
არასოდეს მოუმართნია ჩემთვის მამის  
სახელით), ვწუხვარ, სულითა და გუ-  
ლით ვწუხვარ თქვენი უცნაური საქ-  
ციელის გამო... (უხდად მოიქეციო, მოწ-  
ყალიო ხელმწიფევ, ცუდად. მეტიც,  
თავს უფლებას მივცემ და ვიტყვი, რომ  
პირდაპირ სირცხვილი გვაჭამეთ! განა  
ამას გასწავლიდით, ბატონო ჩემო,  
ამას?..

— იგან მარკის ძე, ნება მომეცით... —  
აგულღულღლი მე.

— არ მოგცემ ნებას! — დაჰკრა მაგი-  
დას მუშტი სნიტოვსკიმ. — არა! აი-აი-  
აი, სასამართლო გამოძიებელი ვიღაც  
რეკლადივისტთან ერთად ზის ლუდხანა-  
ში! საშინელებაა, საშინელება!

— თავის მოჭრა! — დაუკრა კვერი  
ლასკინმა.

— ეს პირდაპირ წარმოუდგენელი  
რამ არის, — გამოსცრა კბილებიდან  
ოსტროგორსკიმ.

— როდესაც შევერდინმა ყველაფე-  
რი გვითხრა, გადავწყვიტეთ, რომ ეს  
ასე ვერ ჩაივლის, არც შეიძლება რომ  
ჩაიაროს... დაე თქვენთვის ეს გაკვეთი-  
ლი იყოს... დიახ, გაკვეთილი იმისა,  
თუ როგორ უნდა ჩვენი კორპორაციის  
შერცხვენა...

ერთი კვირის შემდეგ გრძელ, მწვანე  
მაუდით გადაფარებულ მაგიდის წინ

ვიდექი, რომელსაც მოღუშული, ~~ლოც~~  
წვერა დეგტიარევით სათავეში <sup>სავუ-</sup>  
ბერნიო სასამართლოს დისციპლინარულ  
ლი კოლეგიის წევრები უსხდნენ.

იმ დროისათვის ჩემმა ძვირფასმა მას-  
წავლებლებმა სავსებით შთამაგონეს ის,  
რომ დიდი და მიუტყვებელი შეცდომა  
დაგუშვი. ახლა დისციპლინარულ კო-  
ლეგიას სავსებით გულწრფელად ვუყ-  
ვებოდი ყველაფერს. რაც მოხდა, რო-  
გორც მოხდა და რატომაც მოხდა, რა  
საშინელ დღეში ვიყავი!

დეგტიარევი დიდი ყურადღებით მის-  
მენდა და წაბლისფერ ნაღვლიან თვა-  
ლებში, რა საკვირველიც არ უნდა იყოს  
ეს, მათ სიღრმეში, რაღაც ალერსიანი  
და, ვგონებ, მხიარული სხივი უკრთო-  
და. შეიძლება ამიტომაც იყო, რომ გაბრა-  
ზებული იწიწკნიდა წვერებს და დრო-  
დადრო ბრაზიანად მეტყოდა ხოლმე:

— აბა, არწივო, მოჰყვიე მერე, მოჰ-  
ყვიე!.. დახეთ რა მარჯვე კაცი ყოფილა!  
ყოჩად, ყოჩად! შერლოკ ჰოლმსობა არ  
მომინდომა!

მაგრამ ყველაფერი ეს მე უკვე მერე  
გავისხენე. მაშინ კი ფიქრის თავი აბა  
სადა მქონდა და მხოლოდ იმისი მეში-  
ნოდა, მღელვარების გამო არაფერი  
დამრჩეს-მეთქი უთქმელი. მართლაც  
ყველაფერი დაწვრილებით მოგყვიე.

მსაჯულები სულ ოც წუთს თათბი-  
რობდნენ, მაგრამ მე ეს მთელ საუკუნედ  
მომჩვენა. და როდესაც დეგტიარევი  
გადაწყვეტილებას კითხულობდა, გაო-  
გნებულმა და გონებადახშულმა, ძლივს  
გავიგე, რაც ჩემთვის მთავარი იყო:  
რომ მე სამსახურიდან არ მითხოვენ და  
რომ კოლეგიამ, ჩემი გამოუცდელიობისა  
და დანაშაულის გულწრფელი აღიარე-  
ბის გამო, გადაწყვიტა სიტყვიერი, მაგ-  
რამ მკაცრი გაფრთხილებით დაკმაყო-  
ფილებულიყო.

წარსული საქმეა და არ დავიმა-  
ლავთ — აქ კი მეტი ვეღარ გავუძელი  
და ავტირდი. დეგტიარევემა ეს რომ  
დაინახა, რაღაც მეტად თბილი, ალერ-  
სიანი, მისთვის უჩვეულო კილოთი მით-  
ხრა:



— ეგ არაფერია, არაფერი. ნუ გრცხვენია, იტირე, ჩემო კარგო, იტირე, დაე ეს უკანაკნელი ტირილი იყოს შენს ცხოვრებაში...

ამ ამბიდან დიდი ხნის შემდეგ, უკვე ოცდაათიანი წლების შუახანებში, ბედმა კვლავ შემახვედრა „ადმირალ ნელსონს“. მაშინ სსრ კავშირის პროკურატურაში ვმუშაობდი, საგამომძიებლო განყოფილების უფროსად. ერთხელ, როდესაც სსრ კავშირის პროკურორთან ი. ა. აკულოვთან კაბინეტში შევედი, იგი მეტად შემოფოტებული დამხვდა.

— აი, შეხედეთ, ლევ რომანის ძე, რა ღღეში ჩავვარდი, — მომმართა აკულოვმა. — სადღაც დაგვარგე ჩემი სეიფის გასაღები. ორი საათის შემდეგ მოხსენებით უნდა წარვსდგე მთავრობაში, მთელი მასალები კი სეიფშია... ჩვენი მექანიკოსი ხელს ვერ კიდებს, რადგან რაღაც რთული, თავსამტვრევი საკეტი ჰქონია. ასე ამბობს, მაგას ერთი დღის წვალემა არც ეყოფათ.

მე ამ უზარმაზარ ფოლადის სეიფს თვალი შევავლე და უეცრად გამახსენდა, რომ ერთი-ორი წლის წინ ოსიპოვმა მითხრა, „ადმირალმა ნელსონმა“ თავის ძველ ცხოვრებას თავი ანება, მოსკოვში გადმოსახლდა და ერთ-ერთ მექანიკურ არტელში ტექნიკურ სამუშაოთა ხელმძღვანელად მუშაობსო.

— ერთი წუთით, ივანე ალექსის ძე, — ვუთხარი აკულოვს. — შევეცდები გიხსნათ ამ მდგომარეობიდან.

იქვე დავურეკე ოსიპოვს, რომელიც მაშინ უკვე შინაგან საქმეთა სამინისტროში მუშაობდა და მოვუყვი, თუ რა გასაჭირში იყო ჩავარდნილი საკავშირო პროკურორი.

— ყველაფერი ნათელია, ჩემო კარგო, — მითხრა ოსიპოვმა. — ახლავე შევეცდები სემიონ მიხეილის ძე მოვძებნო სადმე. თუ ვიპოვე, ერთად მოვალთ, თუმცა ერთი წელი იქნება აღარსად შემხვედრია. ცოცხალი თუა, ისიც არ ვიცი... ივანე ალექსის ძემ, რომელიც პირ-

ველივე სიტყვიდან იგებდა ყველაფერს, დადგე თუ არა ყურმილი, მითხრა: — მითხარით, ეს ის „ადმირალ ნელსონი“ ხომ არ არის, თქვენ რომ მიყვებოდით?

— სწორედ ის გახლავთ.

— ჰო, აბა, ეგ უმკველად გვიშველის. ძველი კადრები კაცს არ უმტყუნებენ.

აქ ივანე ალექსის ძემ გაიღიმა თავისი განუშეორებელი, მეტად რბილი და ეშმაკური ღიმილით, რაც ასე ნაცნობი იყო მისი თანამშრომლებისათვის.

ნახევარი საათი არც კი იყო გასული, რომ ნიკოლოზ ფილიპეს ძე აქლოვინებული მოვარდა. მას ჩანთით ხელში მოსდევდა სუფთად და კოპწიად გამოწყობილი ცალთვალა მოხუცი, რომელსაც მტკივანი თვალის ბუდეზე შავი ლენტი კობტად ჰქონდა აკრული. წლებს თავისი ექნათ, „ადმირალი“ ამ ხნის მანძილზე ისე მოხუცებულიყო, რომ კაცი ძლივს იცნობდა. ეს კია, რომ ჯანსაღი თვალის სიღრმეში ძველებურად უციმციმებდა ცოცხალი ნაპერწკალი, რაც ასე დამამახსოვრდა პირველივე შეხვედრიდან.

ივანე ალექსის ძე „ადმირალს“ მისთვის ჩვეული თავაზიანობით შეხვდა.

— გამარჯობათ, გთხოვთ, დაბრძანდით. მე მითხრეს, რომ თქვენ ერთ-ერთი საუკეთესო... ჰმ... მექანიკოსი ბრძანდებით... ასეა ხომ?

— ამხანაგო აკულოვ, თავის დროზე ევროპის თითქმის ყველა პოლიციას მიაჩნდა ასე, — საკუთარი ღირსების გრძობით უბასუხა „ადმირალმა“. — მაგრამ, ხომ იცით, როგორც წესი, პოლიცია ყოველთვის სხვაზე მეტად სცდება ხოლმე... თუმცა, გვონებ, ცოტაოდენი მაინც მესმოდა სეიფებისა... რა, ამ აკლდამაზეა ლაპარაკი? —

და თან იმ აბგედით სეიფზე უჩვენა.

— სწორედ ეგ გახლავთ. თუ არ ვცდები, გერმანული უნდა იყოს.

— დაახ, ლეიფციგაა, — უთხრა „ადმირალმა“, თან სეიფს ათვალეირებ-

ლევ შეინინი

განსვრეტილი დინარები



და. — თუმცა, როგორც გერმანელები იტყვიან, „პრიმა“ არ გახლავთ. ეს სეიფი „ოტო გრილისა და K<sup>o</sup>“ ფირმისაა, მე ასე თუ ისე ვიცნობ მათ პროდუქციას. ჩვენ აქ საქმე გვაქვს უყანავი ფოლადის ორმაგ რაზასთან, რომელსაც შიდა ზამბარა და, აი აქ — მარცხნივ, ავტომატური მუხრუჭი აქვს. სწორედ ეს მუხრუჭი, თუ მისი საიდუმლო არ იცი, იჭერს საკეტს... აი, ეს საკეტიც — იგი საკმაოდ მუსიკალურია... რას იზამ — გერმანელებს უყვართ მუსიკა...

ამას რომ ამბობდა, „ადმირალი ნელსონი“ თან იმ ხუთი საბლენძის ჭანჭიკიდან, რომლითაც საკეტი იყო დამოქლონილი, ერთ-ერთს მაგრად დააწვა. ჭანჭიკის თავი იოლად დაჰყვა და მელოდური წკრილით გვერდზე გადაიწია.

— საგსებით სწორია, — ღიმილით აქვს აკულოვმა. — როგორც ვხედავ, პოლიცია ყოველთვის როდი ცდებოდა თურმე, სემიონ მიხეილის ძეგ, — თუ არ ეცდები, ასე გქვიათ, ხომ? — თქვენ მართლაც დიდი სპეციალისტი ყოფილხართ...

— ჯერ ნუ შემაქვთ, თვალი არ მეცხვს, — უთხრა „ადმირალმა“. — ჩვენ ამ „გერმანელს“ ახლავი, როგორც საჭიროა, ისე დავიმეგობრებთ...

ჩანთიდან რაღაც წვრილი ფოლადის წნელი და გრძელი მოძრავი ენების მქონე გასაღები ამოიღო და სრულიად უხმაუროდ შეუდგა თავის საქმეს.

— სეიფების საკეტები უბეზობას ვერ იტანენ, — ლაპარაკობდა „ადმირალი“ და თან საქმეს განაგრძობდა. — სათუთად უნდა მოეჭრეს კაცი. ისინი, ისევე როგორც ქალები, ყურადღებას აფასებენ“ და არა ძალას... როდესაც ჩემისთანა მოხუცი ქალებზე იწყებს ლაპარაკს, კაცს ეს ცოტა სასაცილოდ შეიძლება მოეჩვენოს, მაგრამ ახალგაზრდობაში ყოფილი „ადმირალი ნელსონი“ მარტო სეიფებში როდი ერკვეოდა, მიუხედავად იმისა, რომ მხოლოდ ერთი თვალი ჰქონდა მას... ჰო, მართლა, ამხანაგო აკულოვ, სწორედ ამიტომ შემარჩევს „ადმირალი ნელსონი“, ისიც ხომ ცალთვალა იყო... ათას ცხრაას ხუთ

წელს ამსტერდამში ვიყავი საგანგებო-ლოდ. ჰოდა, რაღა დაგიმალოთ, ძველი საქმეა, იქ ერთი კარგი სეიფი დაგვამა-შავე... მეორე დღეს გაზეთებში გეითხულობ, რომ ერთი კვირის შემდეგ, მაშინ ოქტომბერი იდგა, ინგლისში ჰორაციო ნელსონის დაღუპვიდან ასი წლისთავს აღნიშნავდნენ. მოგეხსენებათ, ნელსონი დაიღუპა ოცდაერთ ოქტომბერს ტრაფალგარის ყურესთან, სადაც საფრანგეთ-ესპანეთის ფლოტი სულ ნაფოტებად აქცია... გადავწყვიტე პატივი მეცა ჩემი სენიის ნათელი ხსოვნისათვის... ამსტერდამში უამრავი განთქმული ჰოლანდიური ტიტა ვიყიდე. გემზე დატვირთე და ინგლისისაკენ გავემართე. სამი სატვირთო ფურგონით ძლივს გადავზიდე ტიტები სასაფლაოზე. მე თვითონ კი ახალთახალ ფრაკში ვიყავი გამოწყობილი და თავზეც ასევე ახალთახალი ცილინდრი მეხურა... სინდისსა და პატიოსნებას გეფიცებით, საზოგადოება, ჩემი ტიტები რომ დაინახა, მე უფრო მიცქერდა, ვიდრე ინგლისის საადმირალოს პირველ ლორდს... და მაშინ მე სიტყვა წარმოვთქვი. „ლუდი ენდ ჯენტლმენ, — მივმართე მათ, — მაქვს პატივი დღეს აქ უდიდესი სიამოვნებით წარმოვადგენდე განუმეორებელ ოდესას, რომელმაც მსოფლიოს ბევრი გამოჩენილი პოეტი, მუსიკოსი, მეზღვაური და სამართლის დამრღვევი მისცა. თქვენმა ცალთვალა ადმირალმა იცოდა თავისი საქმე, რაც, საერთოდ, ბევრი სხვა ცალთვალა კაცისთვისაც არის დამახასიათებელი“. დიდი ოვაცია გამიმართეს... ეჰ, რას იზამ, სიბერის ჟამს მხოლოდ მოგონებებიდა გვრჩება. როგორც ეს კანტმა თქვა, თუმცა ამაში დარწმუნებული არა ვარ...

— რაში არა ხართ დარწმუნებული. იმაში, მხოლოდ მოგონებებიდა რომ გვრჩება, თუ იმაში, რომ ეს კანტმა თქვა? — მაშინვე ჩაეკითხა აკულოვი.

— ნიკოლოზ ფილიპეს ძე დაგიმოწმებთ, რომ ეს მხოლოდ მეორეს შეეხებოდა. ხოლო რაც შეეხება იმას, რომ მოგონების მეტი აღარაფერი დამრჩა,

ამაში ჩემ გარდა მთელი სამძებროც არის დარწმუნებული.

— სრული სიმართლეა, — დაუმოწმა ოსიპოვმა.

სწორედ ამ დროს „ადმირალმა“ ალერსიანად თქვა: „აი ასე, გმადლობთ, ჩემო პატარა“, — და თან სეიფის კარები გამოაღო.

აკულოვმა „ადმირალს“ მადლობა გადაუხადა და თან რიდით ჰკითხა, გასამრჯელოდ რამდენი ერგებოდა, მაგრამ „ადმირალმა“ ისე გაასავსავა ხელები, რომ ეს საკითხი მაშინვე მოიხსნა.

— კიდევ ერთხელ გმადლობთ, სემიონ მიხეილის ძე, — სერიოზული გამომეტყველებით მიმართა აკულოვმა. — მე გულწრფელად მოხარული ვარ, რომ ახლა გაგიცანით, როდესაც თქვენ შეიძლება ითქვას, ძნელი იქნება ამქვეყნად ყველაზე ძნელი, გამოცდა უკვე ჩააბარეთ... მე სეიფი არა მაქვს მხედველობაში...

— მე კარგად მესმის თქვენი, ამხანაგო აკულოვ, — ჩუმად თქვა „ადმირალმა“. — თქვენ სეიფი კი არა გაქვთ

მხედველობაში, არამედ ის, ვინც სტეფი გახსნა... დიახ, მართალი რომ ვთქვა. მე ამ გამოცდის ჩაბარება დიდი წესი დაეწეე, — როდესაც ჩვენ იმ გახერხებულ დინარებს ვეძებდით. მე ახლაც ყოველ წელს დავდივარ პუშკინის სახელობის მუზეუმში, — იქ არის ძველი მონეტების განყოფილება. ვუცქერი დინარებს და მადლობას ვუთვლი იმ უცნობ, დიდი ხნის გარდაცვლილ ოსტატს, რომელმაც თავის დროზე ეს მონეტები გამოსჭედა. კიდევ უფრო დიდ მადლობას ვუთვლი იმ ცოცხალ და კარგად ცნობილ ოსტატებს, რომლებიც ჩვენს განსაცვიფრებელ დროს სჭედავენ... და ხელახლა სჭედავენ ისეთ ძველ მონეტებსაც კი, როგორც მე ვარ. ამხანაგო პროკურორო, დღეგრძელი იყოს ჩვენი დროცა და ჩვენი ხალხიც.

— ნება მომეცით, ხელი ჩამოგართვათ! — თითქოს უადგილოდ მიმართა მას აკულოვმა, მაგრამ, სინამდვილეში, ეს უშუალოდ ეხებოდა საუბრის თემას.

თარგმან ზურაბ ზვირჯინაძე



ლია. მან ერთხელ თქვა, რომ ამერიკა-იტალიის ერთობლივი ფილმის „ბიბლიის“ გადაღებისას ათი ათასზე მეტი ცხოველი დასჭირდაო. ფილმის დამდგმელები და ოპერატორი ლომბარდის აიძულდნენ ცხოველები, მიუხედავად მათი წონისა და ზომისა, აწვევით მაღლა აეყვანათ (ბემბოტის ჰაერში აყვანა კი არცთუ ისე ადვილია). როცა ლომბარდის ჰკითხეს, ყველაზე მეტად რომელი ცხოველი აწვადებდა, მან მაშინვე უპასუხა: ცალმის დირექტორი და რეჟისორის თანამშრომლებიო.

ვიმბნამის დასაცავად

იტალიის კულტურის მოღვაწეებმა დააარსეს კომიტეტი, რომელიც მიზნად ისახავს ვიეტნამელი ხალხის მხარდაჭერას. კომიტეტმა გამოაქვეყნა მოწოდება, რომელშიც ბრალს სდებს ამერიკის მთავრობას სამხრეთ ვიეტნამში მხედური მოქმედებისათვის. იტალიის სხვადასხვა ქალაქებში მოეწყო პროტესტის კვირეული. მასობრივი გამოსვლები და სხვა ამ მოძრაობის ინიციატორები არიან მწერლები: ალბერტო მორავია, კარლო ლევი, იტა-

ლო კალვინი, ელიო ვიტორინი, ჩეზარე ძავატინი, უგო პირო; მხატვრები და მოქანდაკეები: რენატო გუტუსო, ფაკომო მანცუ, უგო ატარდი, ენიო კალაბრია; ფილოსოფოსი ეუჯენიო გარინი; კინემატოგრაფისტი ფილო პონტეკორვო; ისტორიკოსი-ხელოვნებათმცოდნე რანუჩო ბიანკი-ბანდინელი და მრავალი სხვა გამოჩენილი პიროვნება.

გაგრძელება იხ. გვ. 97.

ტრაგიკულთან მიახლოება

ნიჰიერი ახალგაზრდა მწერლის დავით ჯავახიშვილის მოთხრობების კრებულის „ფიქრები ბუხრის პირას“ (გამომცემლობა „ნაკადული“, 1964 წ.) წაკითხვის შემდეგ მკითხველს სალაპარაკო და სადავო ბევრი რამ აქვს. მაგრამ ახლა ამ წერილის მსჯელობის საგანი მხოლოდ ერთი მოთხრობა „ზღვა“ იქნება და არა მთელი წიგნი. „ზღვას“ სულ სამი მთავარი პერსონაჟი ჰყავს — დათო, პავლე და პავლეს ქალიშვილი მერი. თვითეული მათგანის ცალ-ცალკე დახასიათება და წარმოდგენა დაგვეხმარება მოთხრობის პრობლემატიკის ანალიზში. რაკი ამ მოთხრობაში ბოროტების სათავე პავლეს, ანალიზიც მისი სახით დავიწყეთ.

პავლე გამცემი და ჯამუშია. იგი ყველა მეზობელსა და ნაცნობს სძულს. მართალია, მოთხრობაში პავლეს დანაშაული კონკრეტულად არსად არ არის აღწერილი, მაგრამ პავლეს გარშემო შექმნილი ატმოსფერო, მისი საქციელი (თუნდაც დათოს ტანსაცმლის ჯიბების დაჩხრეკა, გვ. 99) და წრესგადსული ცნობისმოყვარეობა ვაჯერებთ

მის გამცემლობაში. აქ, დ. ჯავახიშვილმა კარგად დასძლია ერთი ამოცანა: მკითხველმა ირწმუნა იმათი სიმართლე. ვინც პავლეს ჯამუში უწოდა და პავლეს მიმართ მკითხველსაც ის დამოკიდებულება და განწყობილება შეექმნა, რასაც ბოროტი კაცი იმსახურებს. მაგრამ ამავე სახესთან დაკავშირებული მეორე ამოცანა გადაუჭრელი დარჩა: არ არის გახსნილი გამცემლის ბუნება და ფსიქოლოგია.

ავტორის დამოკიდებულება პავლესადმი ირონიას სცილდება: „პირველი, რაც ვიგრძენი, რაღაც სიცივე და ზიზღნარევი შიში იყო ამ ადამიანის მიმართ, მაგრამ ზიზღის გარდა სხვა ყველაფერმა სწრაფად გადამიარა და დამცინავად გავიფიქრე, რომ სინიდისი ისეთივე სუფთა მქონდა, როგორც ანკეტა (განა იმას, ვინც პავლემ დალუბა, სინიდისი და ანკეტა სუფთა არ ჰქონდა? — ა. ბ.), და რომ აღარც ძველი დრო იყო ახლა. შენ უფრო მაგრა წამოცმულხარ ანკესზე, ვიდრე მეგონა, — კმაყოფილმა ჩავიცინე და ნაპირზე გამოვედი“... (გვ. 99). მიუხედავად იმისა, რომ პავლე არ არის ის პიროვნება,



რომლის მიმართ შეიძლება გქონდეს ასეთი უღრტვენიველი ზიზღი, — არც მკითხველისა და არც ავტორის სიძულვილი უფრო ძლიერი და შეუბრალებელი არ ხდება. ამისი მიზეზი ის არის, რომ პავლე ოთხმეზური კონკრეტულ პიროვნებად რჩება და მხატვრული სახისათვის აუცილებელ და დამახასიათებელ ზოგადობას ვერ იძენს. რაც შეეხება პავლეს ინდივიდუალობას, დ. ჯავახიშვილს ყველაფერი დამაჯერებლად და ნათლად აქვს დახატული: გარეგნული პორტრეტიც (დაბალი, მსუქანი, მელოტი, ნაყვავილარი, ხნიერი), ჩაცმულობაც (ტყავის ჩექმები, უქამრო და უსამხრეებო სამხედრო ტანსაცმელი), თვისებებიც (შემპარავი ხმა აქვს, მელასავით გასულია, მლიქვნელურად ძუნძულებს), მაგრამ ეს მხატვრული სახის ერთი მხარეა. მართალია, აუცილებელი, მაგრამ არასაკმარისი. პავლეს სახეს აკლია მეორე მხარე, რომელიც საშუალებას გაძლევს შეიცნო გამცემლის ბუნების ზოგადი თვისებები, მისი აზრობრივი შინაარსი და განიცადო ამ შინაარსით აღძრული ემოცია. როცა მწერალი ამ შინაარსს გაშლის და მისით გამოწვეული ემოციაც აღიძვრის, მაშინ შეუძლებელი გახდება მცირეოდენი ირონიით დაკმაყოფილება. უფრო დაწვრილებით ამის შესახებ ქვემოთ. ახლა ვიკითხოთ, რა არის პავლეს სახის ცალმხრივი დახატვის მიზეზი? ეს შედეგია იმისა, რომ ამ ბოლო დროს მწერლები ხშირად მართო ყოფის ზუსტი ასახვით კმაყოფილდებიან. ამ კონკრეტულ შემთხვევაშიც ასეა. მაგრამ მართო ყოფის ზუსტი და მართალი ასახვა არ არის ლიტერატურა. ლიტერატურა ამის შემდეგ იწყება. რამდენიც გინდათ შეიძლება ჩამოითვალოს ამა თუ იმ მწერლის მიერ ყოფითად ზუსტად აღწერილი ძუნწი მევახშის სურათი, მაგრამ ბალზაკის გობსეკი სულ სხვაა. სხვაა სწორედ იმიტომ, რომ გობსეკში თავმოყრილია ძუნწობისა და მევახშეობისათვის დამახასიათებელი ყველა თვისება, თუმცა ყოფის სიზუსტის თვალსაზრისით, იქ-

ნება არც კი დაიჯეროთ, რომ ერთ კაცში შეიძლებოდა მევახშის თვისებას ასე ნათლად მოეყვანა საქმე ის არის, რომ ბალზაკთან ლიტერატურის სიმაღლე ყოფის სიმაღლეზე დიდია, რადგან გობსეკში ინდივიდუალურ-კონკრეტული სიმაღლეც არის და ფილოსოფიური შინაარსის სიმაღლეც. მათი დამაჯერებელი გაერთიანება იძლევა მთლიან სახეს. ასეთი მთლიანობის უქმარობა კი პავლეს სახესთან დაკავშირებით გამოწვეულია, არა იმიტ, რომ ერთ შემთხვევაში საქმე გვაქვს ახალგაზრდა გამოუცდელ მწერალთან და მეორე შემთხვევაში კი ბალზაკთან, არამედ იმიტ, რომ დ. ჯავახიშვილს ყოფის სიმაღლე აკმაყოფილებს და არც ცდილობს უფრო შორს წავიდეს. ეს უკვე პრინციპად არის ქცეული და არა მართო დ. ჯავახიშვილისათვის. აქ, არა მგონია, აუცილებელი იყოს კონკრეტული მაგალითები. ეს მეტისმეტად ნათელი და იოლად დასაწახი ფაქტია.

რით არის ცუდი მართოდენ ყოფის სიმაღლე? უმთავრესად იმიტ, რომ ყოფითად მართალი ნაწარმოების კითხვის დროს მკითხველი ნეიტრალური: იგი არ არის არც ტრაგიკულით შეძრწუნებული და არც კომედიურით გამხიარულებული. ნეიტრალური დამოკიდებულება კი ყოვლად შეუძლებელია, როცა მკითხველს პავლეს ან მის მსგავს პიროვნებებთან აქვს საქმე.

როგორც ზემოთ ითქვა, პავლე არ არის ფუნქციონირებული კაცი. იგი ცოცხალია და მოქმედებს. მოთხრობაში ამას ადასტურებს ორი ფაქტი: პირველი, პავლემ უდანაშაულო ძმა გაყიდა, მაგრამ ამ ბოროტებისათვის იგი არ დასჯილა (სხვათა შორის, მკითხველისათვის აუცილებელია იმის ცოდნაც, თუ რატომ ეპატია პავლეს დანაშაული. ეს სინამდვილის მართლად ასახვას შეუწყობდა ხელს); მეორე,

აკაკი ბაქრაძე  
ტრაგიკულთან მიახლოება



პავლემ თავის ცხოვრებით მერი და-  
ლუპვამდე მიიყვანა. განვიხილოთ ორი-  
ვე ფაქტი ცალ-ცალკე.

მწერალი პავლეს ამბობს: „სხვა  
მრავალთა შორის თურმე ღვიძლი ძმაც  
სულ ტყუილ-უბრალოდ დაუბეზღე-  
ბია“ (გვ. 94) და შემდეგ ცოტა მოგვიან-  
ებით, „ასე ძალდაუტანებლად და აღ-  
ვილად იტყვდა უზომო სიძულვილსა  
და ბოროტებას სხვების მიმართ“ (გვ.  
105). პავლე არასოდეს არ დაფიქრე-  
ბულა, არ გადაუსინჯავს თავისი ცხოვ-  
რების გზა. ყოველ შემთხვევაში, ამის  
შესახებ მწერალს არაფერი უთქვამს.  
ეს კი იმას ნიშნავს, რომ პავლე ცხოვ-  
რების ფორმად ისევ ღალატს, დაბეზ-  
ღებას, გაცემას აღიარებს. რაკი იგი  
ფიზიკურად ცოცხალია და კაცის ცხოვ-  
რება კი შეუძლებელია რაღაცნაირი  
ფორმით არ გამოვლინდეს, მაშასადა-  
მე, პავლესათვის იგი ისევ ჯაშუშობის  
ფორმით ვლინდება, ე. ი. პავლე მოქ-  
მელი ძალაა. იქნებ ობიექტური სინამდ-  
ვილე პავლეს საშუალებას არ აძლევს  
თავისი არსებობა არჩეული ფორმით  
გამოავლინოს? მაშინ პავლე თავს უნდა  
იკლავდეს, რადგან არსებობის, ცხოვ-  
რების სხვა ფორმა მისთვის არ არსე-  
ბობს. მაგრამ მოთხრობაში არსად  
თქმულა პავლეს განზრახვის შესახებ—  
თავი მოიკლას. უფრო მეტიც, იგი არც  
ჩივის, ცხოვრების საშუალებას არ  
მძილვენო, ე. ი. პავლეს აქვს მოქმე-  
დების საშუალება. ამიტომ იგი აქტი-  
ური ბოროტებაა. აქტიური ბოროტე-  
ბის წინააღმდეგ კი მხოლოდ ზიზღითა  
და ირონიით ბრძოლა არ შეიძლება.  
მას (ბოროტებას) დასჯა უნდა. მკით-  
ხველში კი პავლეს სახე არ იწვევს  
დასჯის აუცილებლობის შეგნებას,  
მოთხოვნასა და პათოსს. ეს არის ამ  
სახის უმთავრესი სერიოზული ხარ-  
ვეზი.

პავლეს გამო ხალხს მერიც სძულს.  
ძუქნასა და ცუდი ყოფაქცევის ქალა  
ეძახიან („...ახალგაზრდა ქალიშვილი  
ჰყავს, რომელიც „ცუდად იქცევა“...  
გვ. 94; „მაჯასა და მაგის ძუქნა გოგოს  
ვინ არ იცნობს“ გვ. 103). მაგრამ

ნამდვილად მერი ისეთი არ იყო, როგორც  
გორი სახელიც ჰქონდა ან როგორც მს-  
მაც ჰყავდა“. დ. ჯავახიშვილი <sup>ქვემოთ</sup> <sup>წინა</sup>  
ახერხებს ბეწვის ხილზე გავლას: მკი-  
თხველს სჯერა იმისაც, რასაც ხალხს  
მერიზე ლაპარაკობს და ამავე დროს  
ნათლად გრძნობს და ხედავს პავლეს  
ქალიშვილის შინაგან სიწმინდესაც.  
ხალხისა და მერის დამოკიდებულების  
მთელი სირთულე ის არის, რომ ორი-  
ვე მართალია — ხალხიც და მერიც.  
მიუხედავად იმისა, რომ მწერალს  
უშუალოდ არსად უჩვენებია მერის-  
უზნეო საქციელი, ქალის მოქმედება  
ხშირად გარწმუნებთ, რომ იგი მართ-  
ლაც გამაღიზიანებლად იქცევა („...თა-  
ვიდან ფეხებამდე ურცხვად ჩამათვა-  
ლიერა“, გვ. 108; „მერე ძალიან უსი-  
ა-მოვნოდ, ყალბად გაიცინა და ხელი  
ლოყაზე მომიცაცუნა“, გვ. 113, და  
სხვანი). მერის ასეთი საქციელი თვით-  
გვემაა, მაგრამ შექმნილი მდგომარეო-  
ბიდან სხვა გამოსავალი არაა. მერის  
არ დაუჯერებენ, მერის კეთილშობი-  
ლებას არ იწამებენ. პავლეს დანაშა-  
ულმა მერის გზა გადაუტეგა ხალხისა-  
კენ და ამიტომ იგი, დაბნეული, პრო-  
ტესტის ყალბ ფორმას ირჩევს: ცდი-  
ლობს თავისთავი და სხვაც დააჯე-  
როს, რომ მართლაც სიძულვილის  
ღირსია (დააკვირდით, როგორ ცინიკუ-  
რად ლაპარაკობს იგი თავისთავზე:  
„ტყუილად შეწუხდებით, შენ რა, არ  
იცი, ვისთან გაქვს საქმე?“). ხალხსა  
და მერის შორის არსებული წინააღ-  
მდეგობა რაღაცნაირად უნდა გადაიჭ-  
რას, რაღაცნაირად უნდა მოექცნოს  
ლოგიკური დასასრული. ამ დროს  
მერის ცხოვრებაში ჩაერგვა დათო.  
რომელიც უნებლიეთ იქცევა წინააღ-  
მდეგობის გადაჭრის მიზეზად. საქმე ის  
არის, რომ დათომ დაინახა მერის შინა-  
განი ბუნება და არ ისურვა პავლეს  
დანაშაულით გამოწვეული სიძულვი-  
ლის მერიზე გავრცელება. უფრო მე-  
ტიც, მათ შორის სიყვარულიც დაიბადა  
(უფრო სწორად, უნდა დაბადებული-  
ყო). აქ კი მოულოდნელად გათავდა-  
ყველაფერი: მერი დაიღუპა. თუ აქა-

მდე ამბავი ბუნებრივად და ლოგიკურად ვითარდებოდა, აქ ხელოვნურობისა და ნაძალადეგობის ელემენტი გაჩნდა, რადგან მერის სიკვდილის მიზეზები მწერალმა ნათლად ვერ გვიჩვენა. მკითხველმა დანამდვილებით არ იცის — მერამ თავი დაიხრჩო თუ შემთხვევით დაიღუპა. ამ ფაქტის გარკვეულად ცოდნას კი არსებითი მნიშვნელობა აქვს, თუ მერი ავტორმა შემთხვევით დაახრჩო, მაშინ უნდა ვიფიქროთ, რომ დ. ჯავახიშვილმა კონფლიქტის გადაწყვეტა მოახერხა და იოლი გზით მიიყვანა ამბავი დასასრულამდე — ერთ-ერთი პერსონაჟი საერთოდ გამოთიშა მოქმედებიდან. ხოლო თუ მერამ თავი დაიხრჩო, მაშინ სიკვდილის ეს შეგნებული აქტი პავლეს ქალს ტრაგიკულ პერსონაჟად ხდის და მის ბუნებას სულ სხვა კუთხით გვიხსნის.

თვითმკვლელობის აქტით მერი მალდდება იმათ თვალშიაც, ვისაც კი სძულდა და იმათ თვალშიც, ვისაც უყვარდა. ამ ამბავს თავისი გამაპირობებელი მიზეზები აქვს. ჯერ ერთი, მერამ მამის დანაშაულის ჯვარი იტვირთა და სიკვდილით ჩამოირიცხა ყველა ჭეშუცი, რაც პავლეს გამცემლობით მისცხებია. იგი უდანაშაულოა, მაგრამ მამის მავიერ პასუხისმგებლობას მაინც კისრულობს. ეს მისი მორალური სიწმინდის დამადასტურებელია. მეორეც, როცა მერამ ჭეშმარიტი სიყვარულის მოახლოება იგრძნო, იგი მიხვდა, რომ ნამდვილი სიყვარულისათვის აუცილებელი სულიერი ძალები დახარჯული ჰქონდა და ცხოვრების თავიდან დაწყება არ შეეძლო. ქალი მიხვდა იმასაც, რომ დათო ის კაცი არ იყო, რომლის სიყვარულსაც მისი ხსნა შეეძლო. ამისათვის დათოს არც ნებისყოფა ყოფნიდა, არც გონებრივი და სულიერი სიღრმე, არც სიყვარულის ძალა. იგი მხოლოდ „კარგი ბიჭი“ იყო. აღამიანი რომ იხსნა, მხოლოდ „კარგი ბიჭობა“ არ კმარა. მერის კი მხსნელი უნდოდა და რაც სიყვარულში ვერ ჰპოვა, სიკვდილში მოძებნა. ყველაფერი, რაც ითქვა მხო-

ლოდ ვარაუდია, რადგან ავტორმა სიკვდილი არ გვითხრა — მერის სიკვდილი შეგნებული თვითმკვლელობის თუ შემთხვევითი აქტი. ამიტომაც მოხდა ისე, რომ დ. ჯავახიშვილი ტრაგიკული სახის ბუნებას მიუახლოვდა. მაგრამ იგი ტრაგიკულად ვერ გახსნა, ვერ გაშალა. იმის გამოცნობა კი, თუ რატომ გადააფარა ავტორმა მერის სიკვდილს ბუნდოვანების ნისლი, — ძნელია. შეიძლება ეს იყოს შედეგი იმ დაწერილი თუ დაუწერელი „თეორიისა“, რომელიც ირწმუნება, რომ მკითხველს ბოლომდე ყველაფერი არ უნდა უთხრა და საფიქრებელი დაუტოვო. ამ „თეორიის“ ავტორებს ავიწყდებათ, რომ მკითხველის ფიქრისა და განსჯის საგანი მხატვრული ნაწარმოების აზრი უნდა იყოს და არა ბნელითმოცული სიუჟეტური სკვლები.

აქ არ შეიძლება არ გაიხსენო მოთხრობა-გამოცანები, რომელთაც 40-იან წლებში ჟურნალი „ამერიკა“ ბეჭდავდა მკითხველთა ვასართობად. აი, ერთ-ერთი მათგანის შინაარსი.

ძველ რომში ერთ მონას პატრიციუსის ქალი შეუყვარდა. არც ქალი დარჩენილა გულგრილი ვაჟისადმი. როცა ქალის მამამ ეს ამბავი შეიტყო, მის მრისხანებას საზღვარი არ ჰქონდა. პატრიციუსმა გადაწყვიტა, მონა სამაგალითოდ დაესაჯა. ქალი ბევრს ეცადა შეყვარებულისათვის სასჯელი შეემსუბუქებინა, მაგრამ ბევრს ვერაფერს მიადგინა. მხოლოდ ის მოახერხა, რომ მამას ისეთი სასჯელი გამოაძებნინა, სადაც მონას გადარჩენის შანსიც ჰქონდა. ციკკის არენაზე ორ ვალიას გამოიტანდნენ, რომელთაგან ერთში მონა ქალი იჯდა, მეორეში კი ვეფხვი იყო დამწყვდეული. რა თქმა უნდა. ვალიაში არაფერი ჩანდა და არც რისიმე ჩამიჩუმე ისმოდა. მხოლოდ პატრიციუსმა და მისმა ქალმა, მონის შეყვარებულმა, იცოდა — რომელ ვალიაში იჯდა ქალი და რომელში — ვეფხვი.

აკაკი ბაქრაძე

ტრაგიკულთან მიახლოება

მონა დამსწრე საზოგადოების თვალწინ უნდა შესულიყო გალიაში. თუ იგი შემთხვევით შევიდოდა გალიაში, რომელშიც მონა ქალი იჯდა, მაშინ უფლება ეძლეოდა ამ ქალთან ერთად რომიდან სამულდამოდ გადაკარგულიყო, ხოლო თუ ბედი არ გაუღიმებდა და იმ გალიის კარს შეაღებდა, რომელშიაც ვეფხვი იყო, მაშინ იგი, ცხადია, მზეცის მსხვერპლი გახდებოდა და ყველაფერი ამით დამთავრდებოდა. დასჯის დღეც დადგა. არენაზე ორი გალია დგას. სულგანაბული ხალხი მისჩერებია მონას, რომელსაც ვერ გადაუწყვეტია რომელ გალიაში შევიდეს. იგი თვალებით ეხვეწება ხალხს, დამეხმარეთო, მაგრამ არავინ არაფერი იცის და შევლაც არ შეუძლიათ. მაშინ მონამ თავის საყვარელს — პატრიციუსის ქალს მიაპყრო მზერა და... ქალმაც თვალების მოძრაობით ანიშნა მარცხენა გალიაში შედიო. მონა მიტრიალდა და მარცხენა გალიის კარი შეაღო. აქ თავდება მოთხრობა. ამის შემდეგ ავტორი იქედნურად კითხულობს: სად შეუშვა ქალმა ვაჟი — იმ გალიაში, რომელშიც მონა ქალი იჯდა, თუ იმ გალიაში, რომელშიც ვეფხვი იყო დამწყვდეული? აი, სიუჟეტური რებუსის იდეალური მაგალითი. ეს მოთხრობა გამოცანა გაუთავებელ კამათს იწვევდა. ყველას აინტერესებდა — ვეფხვს შეაჭმევდა პატრიციუსის ასული თავის საყვარელს თუ მეორე ქალისათვის გაიმეტებდა? მიუხედავად ამ მოთხრობით გამოწვეული ფიქრისა და ათასგვარი ვარაუდისა, ცხადია, რომ მას არაფერი აქვს საერთო ხელოვნებასთან და არც გამომქვეყნებელი ჟურნალი თვლიდა მას ლიტერატურად. ასე რომ, სიუჟეტური სვლების ბუნდოვანება და გაუგებრობა არასდროს ყოფილა და არც იქნება კემშიარტი ლიტერატურის ნიშანი.

საუბრის ძირითად გეზს გადავუხვიე და შეიძლება დ. ჯავახიშვილს უსამართლოდ ის მივაწერე, რაც მას არც უფიქრია და რასაც არც იზიარებს.

იოლად ცდილობს დ. ჯავახიშვილის

პერსონაჟი დათო თავიდან მოიცილოს მორალური პასუხისმგებლობა, რომელიც მას მერის სიკვდილით ვინაობა ეკისრება იმიტომ, რომ მერის ნამდვილი სიყვარულის წყურვილი აღუძრა, სუფთა და პატიოსანი ცხოვრების ქვეყანა დაანახა, მაგრამ არაფერი კი არ გააკეთა იმისათვის, რომ ქალი ამ წმინდა ქვეყანაში დარჩენილიყო. იგი მერის დაღუპვით იმდენად შეშინდა, რომ აღარც ქალის უბედობას ჩიოდა და აღარც საკუთარ სიყვარულზე დარდობდა. მართო ერთი სურვილია ამოქმედებდა: როგორმე თავი ემართლებინა. ამიტომაც ებლაუჭებოდა დათო გ. რჩეულიშვილის სტრიქონებს (გვ. 128):

— „ჰო, — თქვა გურამმა, — ჯერ რომ შატლით წავსულიყავით, ეგ ამბავი არ მოხდებოდა.

— მაგ „რომ“-ზე ბევრი რამ არის დამოკიდებული, მაგ „რომ“-ების უზარმაზარი ჯაჭვი შეიძლება გაკეთდეს, ასე რომ ჩავყვეთ, მივალთ იქამდე, რომ საერთოდ არ დაბადებულყო. არც მოკვდებოდა“ („სიკვდილი მთებში“).

ამ სიტყვებს დაუმშვიდებია დათო და მიმხვდარა, რომ ტყუილად იწუხებდა თავს (გვ. 128). მაგრამ იგი მწარედ ცდება. ჯერ ერთი იმიტომ, რომ გ. რჩეულიშვილის მიერ აღწერილი სიკვდილი სხვა სიკვდილია. იქ ნამდვილი შემთხვევითობაა. „ზღვაში“ კი, როგორც უკვე ითქვა, გარკვეული არ არის, მერის სიკვდილი შემთხვევითია თუ წინასწარმოფიქრებული აქტია. მეორეც, დათოს არა აქვს უფლება „რომ“-ებით იმართლოს თავი. მისი დაპირებანი — „მე კიდევ ჩამოვალ, მერი... არ არსებობს გამოუვალი მდგომარეობა... მე აუცილებლად დავბრუნდები“... — განა დათოს მორალურად ვალდებულს არ ხდიდა? მერის ცხოვრებაში იგი უკვე აღარ იყო შემთხვევითი კაცი და ამიტომაც დათოს ცდა — ციტატებით დაიმშვიდოს თავი, მორალურ უპასუხისმგებლობას ნიშნავს. პერსონაჟს შეუძლია როგორც სურს ისე მოიქცეს, ეს ნისი საქმეა.



სადავო ავტორის პოზიცია, რომელიც არ განსხვავდება პერსონაჟის პოზიციისაგან. საქმე ის არის, რომ დათოს საქციელი და დაპირება უპასუხისმგებლოდ დახარჯული სიტყვის პრობლემას აყენებს. იგი არ უფიქრდება, რა შეიძლება მოჰყვეს მის საქციელს და როგორ შეიძლება უპასუხისმგებლოდ ნათქვამი სიტყვა იქცეს ტყუილად. დათოს ზომ დანაპირების შესრულება არ შეუძლია!.. ე. ი. ნებით თუ უნებლიეთ იგი ატყუებს მერის, რითაც დანაშაულს სჩადის. რა ვუყოთ მერე, რომ იგი ამას ბოროტი განზრახვით არ აკეთებს („გულწრფელად ვპირდებოდიო“, — ამბობს დათო. გვ. 119—120). მაგრამ განა მანვე არა თქვა — „იმ წუთში ნამდვილად არ ვტყუოდიო?“ (გვ. 116). წუთიერად დონ-ჟუანიც გულწრფელია. სწორედ ეს წუთიერი გულწრფელობა, რომელიც მან მუდმივ გულწრფელობად ვერ აქცია, არის დათოს დანაშაულის საფუძველი. ამიტომაც გამოდის, რომ დათო ბევრით არ განსხვავდება იმათგან, ვინც მერის „კაი ლუკმას“ ეძახის. ასე გამოვლინდა ანალიზის შედეგად დათოს ბუნება, მაგრამ დაგვაკლდა მწერლის დამოკიდებულება ვაჟის მორალური დანაშაუ-

ლისადმი. ავტორი ფაქტის კონსტატაციით დაკმაყოფილდა, რაც მხოლოდ ყოფის სიმართლეა, და არ გამოამჟღავნა საქციელის აზრობრივი მინიარსი, რომელიც ემოციურად უარყოფით დამოკიდებულებას მოითხოვდა. მოხდა ისე, რომ პერსონაჟის საქციელის ანალიზის უკმარობამ საშუალება არ მოგვცა დაგვენახა პოზიცია, რომლითაც მწერალი ამა თუ იმ მოვლენას, ან კონკრეტულ საქციელს უყურებს. ეს კი მწერლის კონცეფციის ნათლად წარმოდგენას უშლის ხელს. აქაც, სამწუხაროდ, დღეს ჩვენს ლიტერატურაში გავრცელებულ ნაკლთან გვაქვს საქმე.

არც დღეს და არც არასდროს ლიტერატურა არ ყოფილა მხოლოდ აღწერა. იგი მუდამ იყო სერიოზული, ღრმა და ანალიტიკური კვლევა. ლიტერატურის ერთმთლიანობად ქცეული ორი პრინციპიდან — ღრმად შევიმეცნოთ და მშვენიერად ავსახოთ — მეორეს რატომღაც მეტი ყურადღება ექცევა. თითქოსდა შეიძლებოდეს მშვენიერი ასახვა ღრმა შემეცნების გარეშე. ლიტერატურას, ხელოვნების ყველა დარგს, ორივე პრინციპი თანაბარი ძალით სჭირდება. სხვანაირად შეუძლებელია.



**იტალიური კინო  
1965 წელს**

მსოფლიო კინოფესტივალებზე იტალია ოთხი საუკეთესო ფილმით წარსდგება. ეს ფილმებია: ლუკინო ვისკონტის „დიდი დათვის შორეული ვარსკვლავები“, ფედერიკო ფელინის „ჯულიეტა, სულელობით შეპყრობილი“, ფრანჩესკო როზის „სიმართლის წუთი“ და ვალერიო ძურლინის „ჯარისკაცი ქალები“.

1965 წელს იტალიის კინო-

პროდუქციაში მნიშვნელოვან ადგილს დაიჭერს სოციალურ და მორალურ თემებზე შექმნილი სატირული კომედიები. ამ უნარს მიეკუთვნება აშუაშად წარმოებაში მყოფი ფილმები: პიეტრო ჯერმის „ბატონები და ქალბატონები“ და პოლიოლოროს „ცოლს ამერიკაში ვთხოვლობ“ (უფოტონიაციის მონაწილეობით). ცნობილი მსახიობი ვიტორიო გასმანი ოთხ კინოკომედიაში მიიღებს მონაწილეობას.

რეტისორი მაურო ბოლო-

ნინი მაკიაველის „მანდრაგორას“ მიხედვით გადაიღებს კინოკომედიას. ფილმში მონაწილეობას მიიღებენ მსახიობები როზანა სკიაფინო და ნინო მანფრედი. მწერალი-კინორეჟისორი პიერ პაოლო პაზოლინის დგამს ფილმს პლატის კომედიის „მეკვხარა მეომრის“ მიხედვით.

დასადგმელად მზადდება ფილმები: ნანი ლოსის „ოჯახის თავი“, ელიო პეტრის სამეც-

გაკრძელება იხ. გვ. 155.



## დიდი ღიბერატურა პატარებისათვის

ამას წინათ მწერალთა კავშირის სა-  
ბავშვო ლიტერატურის სექციამ განიხი-  
ლა ჟურნალ „დილას“ უკანასკნელი  
ექვსი ნომერი. დამსწრეთათვის, რასაკ-  
ვირველია, საინტერესო იყო იქ გამო-  
სული მწერლების აზრის მოსმენა. უნდა  
ითქვას, განხილვას საკმაოდ მძაფრი პო-  
ლემიკური ხასიათი ჰქონდა, ერთმანეთს  
დაუპირისპირდა გარკვეული ტენდენცი-  
ები. უფრო სწორად, განსხვავებული  
გემოვნების მქონე ლიტერატორები თავ-  
გამოდებით იცავდნენ თავიანთ შეხედუ-  
ლებას, მაგალითად იმის თაობაზე, თუ  
როგორი უნდა იყოს ჟურნალ „დილას“  
მე-5 ნომრის ყდაზე დახატული კვიცის  
თავი.

ბავშვებისათვის წერა ძნელია (ამ  
ფრაზას განხილვაზეც ხშირად იმეორე-  
ბდნენ და აქ სადავოც არაფერია), არა  
ნაკლებ ძნელია კრიტიკული წერილის  
დაწერა საბავშვო მწერლობაზე, მით  
უმეტეს, რომ ამ მხრივ ჩვენ თითქმის  
არავითარი გამოცდილება არ გავაჩნია.  
ჩემს წინ დევს ჟურნალ „დილას“ 1965  
წლის პირველი 6 ნომერი და ჩემთვის  
ჯერ კიდევ გაურკვეველია, რაზე უნდა  
ვილაპარაკო, ჟურნალ „დილას“ მე-5  
ნომრის ყდაზე დახატული კვიცის თავის  
გამო და ვინ უნდა მისულიყო ელჩად

კიანჭველების ხელმწიფესთან, თუ იმის  
თაობაზე, როგორია საერთოდ ჟურნალი  
„დილა?“ ალბათ ერთზეც და მეორეზეც  
და ამ შემთხვევაში შევეცდები კვალ-  
დაკვალ გავყვე ჟურნალის განხილ-  
ვაზე გაკვირვებულ გამოთქმულ ზოგი-  
ერთ შენიშვნას. აქ კი საჭიროა ნათლად  
წარმოიდგინო ბავშვის სულიერი სამ-  
ყარო (რა თქმა უნდა, არა საკუთარი  
თავის გაბავშვებით), გაიხსენო ის, რაც  
შენს მეხსიერებას არ შემორჩენია და  
რისი აღდგენა მაინც შეიძლება, რადგან  
ყოველ ჩვენთანაა აქვს კონტაქტი ბავ-  
შვებთან და რაც მთავარია არსებობს  
დიდი ლიტერატურული ტრადიცია.

მიყვებით თვით განხილვას. მომხსე-  
ნებელმა ნოდარ ალანიამ ჟურნალის  
მესვეურთ უსაყვედურა — თქვენ იმავ-  
ენით ესაუბრებით ბავშვებს, როგორც  
ათი, ოცი და ოცდაათი წლის წინათ  
ესაუბრებოდნენო. ეს აზრი შემდეგ  
სხვებმა სათანადოდ გააღრმავეს, წამო-  
იჭრა თანამედროვეობის საკითხი და ბო-  
ლოს რედაქციას ისიც კი მიუთითეს —  
რა ამბავია ამდენი კურდღლები, მეღიე-  
ბი და ციყვებიო.

შესაძლოა ამ მოთხოვნას თავისი გა-  
მართლებაც აქვს, მაგრამ იგი ისე კატე-  
გორიულად და სწორხაზოვნად იყო გა-

მოქმედი, რომ შენიშვნის ნაცვლად ჟურნალის საერთო სახის მთლიანად შეცვლის პრეტენზიის ხასიათი მიეცა. საკითხის ასე დაყენება კი ჩვენ რამდენადმე უსაფუძვლოდ მოგვეჩვენა.

განიცდის თუ არა ბავშვთან სასაუბრო ენა (აქ ლაპარაკი არ არის არც ლექსიკაზე და არც გრამატიკის ნორმებზე) ასიმილაციას ათ და ოც წელიწადში? ხოლო რაც შეეხება სკოლამდელი ასაკის ბავშვის აღქმას და გარე სამყაროსთან დამოკიდებულებას, საეჭვოა რომ მასზე ასე მკვეთრ და ადვილად შესაძინებ ვავლენას ახდენდეს, მაგალითად, ტექნიკის მიღწევები. ალბათ ამ დამოკიდებულებას უფრო მყარი, უფრო უშუალო და ტრადიციული კონტაქტის ფორმა აქვს, ვიდრე მოზრდილი ადამიანისას, რომელიც ფორმასა და შინაარსს სულ სხვა კატეგორიებით აერთიანებს.

ბავშვი ბევრ შეცდომას უშვებს, მან ჯერ კიდევ არ იცის მოვლენისა თუ საგნის შინაარსი და მათ ერთმანეთს უაღრესად თავისუფალი ასოციაციებით უკავშირებს, მომხიბვლელი უშუალობით ცვლის საგნის შინაარსს და აქ ძალის დატანება არ შეიძლება, რადგან ისედაც „რა გიგანტური სამუშაო უნდა შეასრულოს ბავშვის აზროვნებამ, რომ შვიდი წლის ასაკისათვის დაძლიოს მის გონებაში არსებული ქაოსი“.

ამ საკითხებთან არის დაკავშირებული თანამედროვეობის საკითხიც.

ეროვნულ კორნეი ჩუკოვსკიმ მოიხსურვა ბავშვებისათვის ზღაპარი „კუხიანი კვიცი“ ესახსოვრა, მაგრამ პედაგოგმა (იგი ალბათ კურდღლებისა და ციყვების კატეგორიული წინააღმდეგი იყო) მას უთხრა — ჩვენ ეს არ გვჭირდება, ჩვენ გვინდა რაღე დიზელზე და რადიოზე.

კი მაგრამ, საიდან მოდის ასეთი ულტიმატუმი, — ამბობს ჩუკოვსკი — რატომ ფიქრობს ეს ახალგაზრდა კაცი, რომ თუ ყმაწვილმა „კუხიანი კვიცი“ წაიკითხა, იგი აუცილებლად შეაქცევს ზურგს ტექნიკას და სიბერემდე ფანტასტიკურ ფრინველებზე იოცნებებს?!

გამოცდილ და ბავშვის ფსიქოლოგიის

კარგად მცოდნე მწერალს აფიქრებს ეს გარემოება, რომ ზოგი აღმზრდელი ბავშვის ფანტაზიის განვითარების შემშლელ, ხელოვნურ და ნაძალადეგ მეთოდებს იყენებს.

გარდა ამისა, ავიღოთ ერთი წმინდა ლიტერატურული ფაქტიც. ზღაპრები დაწერილი სიკეთეზე, მეგობრობაზე, ერთგულებაზე (ტრადიციული ჰიანჭველებით, ტყვიის ჯარისკაცებითა თუ ცეროდენებით) დღემდე ცოცხლობენ, ფანტასტიკური ნაწარმოებები ტექნიკაზე კი საკმაოდ დღემოკლენი არიან და მათი არსებობის დროს თვით ტექნიკის განვითარება განსაზღვრავს. მაგალითად, ა. ტოლსტოის „ბურატინო“ გაცილებით უფრო თანამედროვე ნაწარმოებია, ვიდრე მისივე „ინჟინერი ვარინის ჰიპერბოლოიდი“. არაკებისა და ზღაპრების პირობითობა არ დაქველავდება, მექანიკურად გაგებულ თანამედროვეობის ბედი კი უაღრესად პირობითია.

მიუხედავად ამისა, განხილვაზე გამოთქმულ მოსაზრებაში ერთგვარი რაციონალური მარცვლის მიგნებაც შეიძლება. საკითხი არ ეხება ბავშვისათვის ნაცნობი ზღაპრული სამყაროს ესთეტიკური არსის, პერსონაჟებისა და მათი ქცევის შეცვლას. უნდა შეიცვალოს ყოფითი დეტალები (ეს განსაკუთრებით მხატვრებს ეხება და მომხსენებელსაც ეს თუ ჰქონდა მხედველობაში). გვიხსენით ზოგიერთი მულტიპლიკაციური ფილმი, სადაც ზღაპრული სამყარო ტრადიციულია, მაგრამ გამოყენებულია ცივილიზაციის განვითარების ამსახველი ინვენტარი, დათუნები და ციყვები მოტოროლერებითა და მანქანებით დასერილობენ. ასეთი „მოდერნიზება“ ბუნებრივია და ბავშვიც მას ადვილად აღიქვამს.

ჟურნალ „დილას“ რედაქციას ამ მხრივაც სწორი გეზი აქვს აღებული. მართალია, ჯერ კიდევ იშვიათად, მაგრამ თანდათანობით ჟურნალს ბავშვის

ოტია პაჭკორია

დიდი ლიტერატურა პატარებისათვის

წარმოდგენაში შეაქვს დღევანდელი ყოფის რეგალიები ისე, რომ არ ცვლის და ძალას არ ატანს ბავშვის დამოკიდებულებას გარემოსადმი (გავიხსენოთ თუნდაც გასული წლის მე-12 ნომრის ყდის მხატვრობა).

ბავშვი რეალურ და იმავე დროს ფანტასტიკურ გარემოში ცხოვრობს. იგი საგნებს მოულოდნელ შინაარსს აძლევს, უაღრესად საინტერესო ასოციაციებით აკავშირებს ეროვნებითან, თავისებურად ქმნის სახეს და ყველაფერი ეს თითქმის ყოველთვის მის პირად, ჯერ კიდევ მცირე გამოცდილებიდან გამომდინარეობს.

ერთმა პატარა ბიჭმა მთვარეზე და ვარსკვლავებზე თქვა — ვარსკვლავები მთვარის ნარჩენებისაგან არის გამომცხვარიო. ასოციაცია მოულოდნელია, მაგრამ ლოგიკური და მარტივი. ბავშვმა ის, რაც იცოდა, უშუალოდ დაუკავშირა იმას, რის შესახებაც არაფერი არ იცოდა. მას არაერთგზის უნახავს, როგორ რჩებოდა პატარა ნაჭრები, როცა დედა ცომა აგუნდავებდა, ზუსტად ამ სახით წარმოდგინა მან, თუ შეიძლება ასე ითქვას, მთვარისა და ვარსკვლავების „უროიერთობაც“.

ასევე საკუთარი გამოცდილების საფუძველზე განმარტა ბავშვმა, თუ რა არის სამოთხე.

— სამოთხე არის ვაშლები, მსხლები, ნარინჯი, ალუბალი... — უთხრეს მას.

— მივხვდი, — განაცხადა ბავშვმა, — სამოთხე კომპოტი ყოფილა.

როცა კაცი ხელს მოკიდებს ბავშვებისთვის ლექსების ან მოთხრობების წერას, მან იმთავითვე უნდა გაითვალისწინოს, რა სიძნელეა დაფარული ამ სიმარტივეში. აქ საქმეს დიდაქტიკური კატეგორიულობა ვერ უშველის. თუ ბავშვს შეუძლია ასეთი ასოციაციების შექმნა, მის დასაჯერებლად აუცილებელია ამ ასოციაციების ლოგიკის მიგნებისა და თუ საჭიროა, გამოგონების უნარი დიდსაც შესწევდეს. ეს სიმარტივე ხშირად (და ამის ბევრი მაგალითი არსებობს) ენის მოჩლექის ცთუნებას იწვევს, სინამდვილეში იგი გაცილებით

უფრო რთულია და მისი ქაოტურობაც მოჩვენებითია.

ერთი თბილისელი ბიჭუნა „ჩიტო“, ჩიტო ჩიორას“ სტროფს — თორემ შავ დღეს დაგაყენებ — ყოველთვის ურთავდა სიტყვა — კუთხეს, მას ლექსი სწორად ვერაფრის გზით ვერ ათქმევინეს:

„შავ დღეს დაგაყენებ კუთხეში“, — იმეორებდა ბავშვი.

აქაც იგი ძვალ-რბილში გამჯდარი პირადი გამოცდილებით შეიჭრა ლექსის სამყაროში და მას თავისთვის გასაგები შინაარსი მისცა, „შავი დღე“ და „დაგაყენებ“ კუთხეს დაუკავშირა. ეტყობა, ეს მეთოდი მშობლების აღმზრდელი თი პრაქტიკის განუყოფელი ნაწილი იყო. ასე რომ, იგი ბავშვისთვის ცხოვრების ერთ-ერთ პირველ დიდ გამოცდილებად გადაიქცა, იმ გამოცდილებად, რომელმაც ადამიანის ხასიათი შეიძლება მთელი ცხოვრების მანძილზე განაპირობოს.

ქურნალმა „დილამ“ უნდა ასწავლოს თავის პატარა მკითხველებს სიკეთისა და ბოროტების გარჩევა, სამშობლოსა და თავისუფლების სიყვარული, მეგობრობა და ერთგულება, განუფითაროს სილამაზის გრძნობა, საფუძველი ჩაუყაროს მათ ზოგად განათლებას, გაუმდიდროს გამოცდილება.

ეს საკითხები არც ახალია და არც ქურნალის რედაქციას გამოუგონია. ამ პრინციპით იქმნებოდა იაკობ გოგებაშვილის „დედა ენა“ და „ბუნების კარი“, ამ დიდ საქმეს ემსახურებოდა „ნაკადული“ და „ჯეჯილი“. ათეული წლების მანძილზე დაღვნილი ტრადიცია კიდევ უფრო ზრდიდა პასუხისმგებლობისა და მოვალეობის გრძნობას. ქურნალის რედაქცია დიდი სიფრთხილით მოეკიდა ამ ტრადიციას, მას კარგად ჰქონდა შეგნებული, რომ ნოვატორობის საფარველს ამოფარებული ნებისმიერი და გაუმართლებელი ძიებები სახიფათოც კია, მაგრამ ამის გამო გადამეტებული სიფრთხილის გამოჩენაც არ იქნებოდა სწორი. საჭირო იყო ახალი ფორმების გამოანახვა, თვისობრივი სიახლეების მიგნება, ქურნალის ერთიანი სტილის გამო-



მუშაება და დადგენა. „დილას“ რედაქციამ თამამად და იმავე დროს ფრთხილად, უკვე დაგროვილი გამოცდილების გათვალისწინებით, მოჰკიდა ხელი ამ საქმეს და, უნდა ითქვას, ჯერჯერობით წარმატებითაც გაართვა მას თავი.

ჟურნალ „დილას“ მკითხველები არიან სკოლამდელი ასაკისა და დაწყებობრივ სკოლის ასაკის ბავშვები. პირველნი, სამყაროს ჯერ კიდევ პლასტიკურად, უშუალოდ და თავისებური ბავშვური „შეცდომებით“ აღიქვამენ, მეორე ასაკში უკვე განვლო აზრის იმ დიდი დამაბნევის პერიოდი, რაც „მის გონებაში არსებულ ქაოსის“ დასაძლევად იყო საჭირო და ახლა იგი უკვე ნათლად გამოხატულ მორალურ საწყისებსა და კონკრეტულ ცოდნას ეტანება. ჟურნალის ყოველი ნომრის შექმნისას რედაქციის წინაშე დგას ამოცანა, პარამონიულად შეურწყას ერთმანეთს ეს ორი საგრძნობლად განსხვავებული სფერო, რომ მათ შორის არსებულმა ზღვარმა ჟურნალის მხატვრული მთლიანობა არ დაარღვიოს. ფაქტიურად აქ ორი სხვადასხვა მოთხოვნილების მკითხველის ერთდროულად დაკმაყოფილებაა საჭირო და ამავე დროს ერთი, კომპოზიციურად და სტილისტურად შეკრული, ჟურნალის გამოშვებაც. ეს კი არცთუ ისე ადვილია. რედაქციამ უნდა შეძლოს გულისხმიერად და დამაჯერებლად ესაუბროს მას, ვისაც ვარსკვლავების წარმოშობაზე ფრიად ორიგინალური აზრი აქვს და მასაც, ვისაც უკვე მეტალურგიისა თუ ელექტროფიზიკის საფუძვლები აინტერესებს.

ჩვენ ამ სტატიაში არ შევუდგებით თვითნებულ ნომრის ცალ-ცალკე განხილვას, გამოვყოფთ მხოლოდ რამდენიმე საკითხს, რაც, ჩვენი აზრით, ჟურნალის დღევანდელ სახეს განსაზღვრავს.

არსებობს ერთი საესტრადო ჟანრი — „საბავშვო ზღაპრები დიდებისათვის“. იგი თავის დროზე რიმა ზელიონაიამ შექმნა. ერთი წუთით დავივიწყოთ, რომ იგი ესტრადაზე წარმოიშვა და ავიღოთ როგორც დებულება, რომელსაც მოელი რიგი საკითხების განსაზღვრა შეუძლია.

რასაკვირველია პატარა მკითხველები დამოუკიდებლად არ ირჩევენ თავის ლიტერატურას, არ მიდიან კვლევებში, არ ყიდულობენ ჟურნალ „დილას“ და უცებ და ძალდაუტანებლად გებულობენ ყველა ლექსს, არაკს თუ მოთხრობას.

საბავშვო ჟურნალსა და მის ძირითად მკითხველს შორის ყოველთვის დგას შუამავალი — მშობელი. იგი ინტერპრეტატორიც არის და კომენტატორიც. სწორედ აქ იწყება ლაპარაკი იმ ლიტერატურულ ღირებულებაზე, რაც ჟურნალს მოზრდილჯათვისაც უნდა ჰქონდეს.

ჟურნალ „დილას“ რედაქციამ ამ საკითხს სათანადო ყურადღება მიაქცია და ხელმძღვანელობს ცნობილი პრინციპით — დიდი ლიტერატურა პატარებისათვის იმავე დროს ნიშნავს ლიტერატურას დიდებისათვის.

ყოველი საბავშვო ნაწარმოების (თუ იგი ჭეშმარიტი ლიტერატურული ქმნილებაა) მორალი საინტერესოა დიდებისთვისაც, ამავე დროს მოზრდილისთვის საინტერესო მორალურ კონცეფციაში ბავშვი ყოველთვის იპოვის მისთვის გასაგებ, უფრო მარტივ მორალურ ფორმულას (აქ მას უფროსებიც დაეხმარებიან და უკვე შემუშავებული პირადი წარმოდგენებიც შეუწყობს ხელს). ერთ დროს ჩვენს საბავშვო მწერლობაში გავრცელებული იყო აზრი, თითქოს ბავშვს მშრალი სენტენციებით უნდა ელაპარაკო, პირდაპირ უნდა უთხრა — ასე მოქცევა არ ვარგა, ასე კი კარგია, რადგან ბავშვს თითქოს არ ძალუძდა შეფარვით ნათქვამის მიხვედრა, თითქოს იგი ვერ აღიქვამდა სახეებით გადმოცემულ აზრს. ეს უაღრესად მცდარი შეხედულება ერთგვარმა პედაგოგიურმა ცალმხრივობამ წარმოიშვა. ნათლად და გასაგებად აზრის გადმოცემა ამ აზრის უტილიტარული სახით გამოთქმას არ ნიშნავს და საერთო ლიტერატურული კა-

---

ოტია პაკორია  
დიდი ლიტერატურა პატარებისათვის



ნონი საბავშვო მწერლობაზეც ვრცელდება.

ჩვენ დაწმენებული ვართ, რომ, მაგალითად, ჭაბუა ამირეჯიბს თავისი არაკები არ დაუწერია მაინცადამაინც ბავშვებისათვის (ისე როგორც თავის დროზე „კუზიანი კვიცი“ ან ანდერსენის ზღაპრები არ დაწერია საგანგებოდ ბავშვებისათვის, ბავშვის გულისკენ მათ გზა ჰუმანურობამ, ხალხურობამ და კლასიკურმა სისადავემ გაუხსნა. ისინი ბავშვებმა დაისაკუთრეს).

ჭ. ამირეჯიბის არაკების უდავო ღირსებაა დახვეწილი ენა, ნათლად გამოკვეთილი მორალი, ხალხურობა, დინჯი იუმორი და ლაკონიზმი. ამ წლის ნომრებში დაბეჭდილი სამივე იგავი საინტერესოა, როგორც დიდაქტიკური თვალსაზრისით, ისე მხატვრულობით.

ამავე წლის მე-3 ნომერში დაბეჭდილია დავით ჯავახიშვილის კარგი ზღაპარი წყლის წვეთზე. ამ ზღაპრის მორალიც ნათელია და იგი ოსტატურად არის დაწერილი. მაგრამ თუ შეადარებთ ერთმანეთს ჭაბუა ამირეჯიბის იგავს „ჭორიკანა კაჭკაჭს“ და ამ ზღაპარს, ერთი ვითარება გეცემათ ოვალში, ჭაბუა ამირეჯიბის იგავში არ არის ლიტერატურული მანერულობის ნატამალიც კი, სისადავე ხალხური ზეპირსიტყვიერების დახვეწილ უბრალოებამდეა აყვანილი.

ჭიანჭველების ხელმწიფეს ფუტკრების დედოფლის ელჩი ეახლა ძეობის მისალოცად (არაკი „თაფლი“), დიდად დასაჩუქრებული ელჩი-ფუტკარი მრავალრიცხოვანი ამაღის თანხლებით უკან ბრუნდება. გზად ფუტკარმა ჭიანჭველების იონჯის ყანაში დაუკითხავად ოაფლი მოაგროვა. საზღვარზე მისვლისას ჭიანჭველებმა მას თაფლი დაატოვებინეს და გაცემულ ფუტკარს აუხსნეს, რომ მათი გულუხვი საჩუქარი სტუმარ-მასპინძლობის წესია, ხოლო უნებართვოდ აღებულს ერთ ცვარ თაფლსაც კი არ გაატანენ თან. ამ არაკის თაობაზე გამოითქვა შენიშვნა, ხალხის წარმოდგენაში (და სწორედ ამიტომ ბავშვის წარმოდგენაშიც) ფუტკარი არ შეიძლე-

ბა იყოს მიმტაცებელი, რადგან ფუტკარი კეთილშობილების, პატიოსანი შრომისა და ვაქაცობის სიმბოლოა. შენიშვნა მარაბულია. ასეთ ვითარებაზე ყურადღების გამახვილება წვრილმანების გაზვიადება არ არის, ყოველი არაკი ან ლექსი პატარებისთვის ახლის გაგების, ახალი ცოდნის შეძენის წყაროა. დაშვებული მცირე შეცდომაც კი შეიძლება ისე მკვეთრად ჩარჩეს ბავშვის მეხსიერებაში, რომ შემდეგ დიდხანს ვერ გამოსწორდეს.

როდიონ ქორქიას მოთხრობა „კოდალას“ საინტერესო აღმზრდელია აზრი უდევს საფუძვლად — თავისუფლების მოპოვება მხოლოდ დაჟინებული, ბეჯითი მეცადინეობითა და ბრძოლით შეიძლება.

ოტია იოსელიანის მოთხრობა „როგორ გაჩნდა დაჩი“ გამოირჩევა ხალხური ინტონაციითა და ალერსიანი, ნათელი იუმორით.

უშუალოდ და ბუნებრივად არის დაწერილი ნოდარ თარხნიშვილის „თეთრი სახლი“.

თითქმის ყველა ეს თვისება აქვს ნოდარ წულუგისკირის ზღაპარს „საოცარი ქალაქები და თეთრი ბამბიქულა“. სხვათა შორის, ამ ნაწარმოებში ნაწილობრივ უკვე გადაჭრილია ჩვენს მიერ ზემოთ წამოყენებული საკითხი, კერძოდ, თანამედროვე ყოფის ამსახველი საგნობრივი გარემოს ზღაპრებში შეტანა. ბამბიქულა მოგზაურობს სხვადასხვა ფერის ქალაქებში, ზღაპრის ოთხი ნაწილი დაბეჭდილია ქალაქების ფერის შესაფერ ფურცლებზე. ილუსტრაციებიც ამ პრინციპით არის დახატული, მაგრამ თვით ზღაპარს რამდენადმე აკლია რიტმი, იგი, ცოტა არ იყოს, ინერტულად არის დაწერილი. გარდა ამისა, ნათლად არ არის გამოკვეთილი ის მიზანი თუ მიზეზი, რის გამოც ბამბიქულამ ასეთი სახიფათო მოგზაურობა წამოიწყო. ამ ზღაპარში ჩვენ მეორე უკიდურესობასთან უნდა გვქონდეს საქმე, ნაწარმოების აზრი იმდენად შეფარულად არის გადმოცე-

შული, რომ მისი გარკვევით წარმოდგენა მოზრდილისათვისაც კი ძნელია.

ჟურნალში დიდი ადგილი აქვს დათმობილი თარგმანებს, ისინი თითქმის ყოველთვის ჟურნალის საერთო ხასიათის შესაფერად არის შერჩეული. (ა. ტოლსტოის არაქი „მზე, ბუშტი და ქალამანი“, დონალდ ბისეტის „პატარა ავტობუსი, რომელსაც სინათლის ეშინოდა“, ვიქტორ მალიავეინის — „როგორ ვიჯექი მერხქვევ“ და სხვ.). ჟურნალში დაბეჭდილია დიდი მორალურ-აღმზრდელი მნიშვნელობის მქონე მოთხრობები ლენინზე. ეს მოთხრობები პატარებს აცნობს პროლეტარიატის დიდი ბელადის მეგობრობას ბავშვებთან, მის გულისხმიერებასა და მზრუნველობას.

განხილვაზე გამოითქვა მოსაზრება — ჟურნალში თარგმანებს ბევრი ადგილი ხომ არ ეთმობაო. ეს ასეა, მაგრამ ამას რედაქცია ალბათ კარგი ცხოვრების გამო როდი აკეთებს. სავარაუდოა, რომ იქ ორიგინალური მასალების ნაკლებობას განიცდიან. სწორედ ამიტომ მიმართავს რედაქცია ცნობილ ქართველ მწერლებს. სამწუხაროდ, რამდენადაც ვიცით, ეს თხოვნა უმეტესწილად რჩება „ხმად მღალადებლისა“... იქმნება შთაბეჭდილება, რომ ზოგიერთ ქართველ ლიტერატორს სერიოზულად მიაჩნია, თითქოს არსებობენ განსაკუთრებული მოწოდების საბავშვო მწერლები და საბავშვო მწერლობა მხოლოდ მათი საქმეა. ასეთი ვიწრო სპეციალობები ხელოვნებაში ჯერჯერობით არ არსებობს. მართალია, საბავშვო პოეტს ან მხატვარს გარკვეული თავისებურება უნდა ახასიათებდეს, ოღონდ ეს თავისებურება თანდაყოლილი ნიჭი როდია, ეს ხელოვანის დაინტერესების სფეროა, სადაც, სხვათა შორის, „დიდების“ მწერლებსაც შეუძლიათ შეამოწონ თავისი შემოქმედებითი შესაძლებლობანი.

როგორ უნდა იწერებოდეს საბავშვო ლექსი? ამ საკითხზე ჩამოყალიბებული რვა თუ ათი მცნებაც კი არსებობს, რომელიც თითქმის მთლიანად მოიცავს

საბავშვო პოეზიის ყველა მხარეს. გათვალისწინებულია როგორც დიდაქტიკა, ისე ბავშვის ესთეტიკური განვითარება, მისი მეტყველების ხალხურობა, ნატურანება და ლაკონურობა. მითითებულია — რა მნიშვნელობა აქვს ლექსის სისადავესა და მელოდიურობას და ა. შ. ასე რომ, ჩვენ ამ საკითხზე არ შევიჩრდებო.

ქართული საბავშვო პოეზიის დიდი ტრადიცია ყოველი პოეტის წინაშე განსაკუთრებულ მოთხოვნებივს აყენებს.

ათეული წლების მანძილზე ემსახურებოდნენ საბავშვო პოეზიას მაცვალა მრეველიშვილი, იოსებ ნონეშვილი, რევას მარგიანი, ხუტა ბერულავა, გიორგი კაჭახიძე, არნო ონელი, კუკური გოგიშვილი და სხვ.

მათ არაერთგზის გაუხარებიათ პატარა მკითხველების გული თავისი ლექსებითა და პოემებით. ისინი დღესაც აქტიურად თანამშრომლობენ ჟურნალში. აქ ჩვენ სიტყვას არ გვაგვრძელებთ, რადგან მათი შემოქმედება პატარა მკითხველმა დიდი ხანია რაც შეიყვარა და დაიზეპირა.

განსაკუთრებით უნდა აღვნიშნოთ ერთი ფაქტი, რაც უდავოდ ჟურნალ „დილას“ რედაქციის დამსახურებაა. საბავშვო პოეზიით დაინტერესდა ახალგაზრდა ქართველი პოეტების დიდი ჯგუფი: ჯანსუღ ჩარკვიანი, ოთარ ჭილაძე, გივი გეგეჭკორი, გივი ძნელაძე, ემზარ კვიციანიშვილი, ტარიელ ჭანტურია, გივი ჭიჭინაძე... ეს არ არის იმ ახალგაზრდა შემოქმედთა სრული სია, ვინც პატარა მკითხველების ბიბლიოთეკა ახალი ლექსებით გაამდიდრა.

მათ საბავშვო ლიტერატურაში მოიტანეს თავისებური პოეტური ხმა, ჩვენ არ გადავაპარებთ თუ ვიტყვით, ისინი საბავშვო მწერლობაში სადარბაზო კარით შემოვიდნენ — აღჭურვილი საკმაოდ დიდი პოეტური გამოცდილებითა

---

ოტია პაჭკორია  
დიდი ლიტერატურა პატარებისათვის

და კულტურით, რაც ორგანულად შეუ-  
თანხმეს უკვე არსებულ ტრადიციას.  
ყოველივე ამის საფუძველზე კრიტი-  
კულად მიუდგნენ ლექსის წერის ტექ-  
ნიკურ მხარეს, ვერსიფიკაციის საკაოზს  
და გარკვეული თვისობრივი სიახლე  
შექმენს.

უკანასკნელ ნომრებში დაბეჭდილი  
ლექსებიდან განსაკუთრებით უნდა  
აღინიშნოს ჯანსუღ ჩარკვიანის, ემზარ  
კვიტაიშვილის, გივი ძნელაძისა და გივი  
ჭიჭინაძის ლექსები.

ამ უკანასკნელის შემოქმედებაზე  
ჩვენ ორიოდე სიტყვით შევჩერდებით.  
გივი ჭიჭინაძე ზემოთ ჩამოთვლილი  
ახალგაზრდებისაგან განსხვავებით სა-  
ბავშვო პოეზიაში ლიტერატურიდან  
არ მოსულა. მკითხველი მას იცნობს,  
როგორც მხოლოდ საბავშვო პოეტს.  
ჟურნალ „დილას“ მე-3 ნომერში და-  
ბეჭდილი მისი ლექსი-დილოგი „გაზა-  
ფხული“ ზომიერების გრძნობით, სისა-  
დავითა და გულთბილი ტონალობით  
ერთ-ერთი საუკეთესო საბავშვო ლექ-  
სია. გივი ჭიჭინაძის ლექსების წაკი-  
თვისას ყოველთვის იგრძნობა, რომ  
მას გაოვალისწინებული აქვს, თუ შეიძ-  
ლება ასე ითქვას, ბავშვის კონტროლი,  
იგი გულდასმით უგდებს ყურს, თუ რო-  
გორ ესმის პატარას მისი ლექსი და  
ცდილობს, სტრიქონს ბავშვის წარმოდ-  
გენისთვის შეუფერებელი ყოველგვარი  
ზედმეტობა ჩამოაცილოს და თავის  
მკითხველთან უშუალო, თავისუფალი  
კავშირი დაამყაროს.

ჟურნალში ზოგჯერ იბეჭდება უფე-  
რული ლექსები, გაიპარება ხოლმე ისე-  
თი არაპოეტური და აზრობრივად არა-  
ზუსტი ლექსიც, როგორიც, მაგალითად  
არის ოთარ შალამბერიძის „წამხედურა  
ტყუპისცალი“, მაგრამ საერთო ფონზე  
ასეთი გამონაკლისები თითქმის არ ჩანს.  
ჟურნალ „დილას“ პოეზია ყველა თაო-  
ბის შემოქმედთა თანამშრომლობის  
კარგი მაგალითია.

ერთხელ ა. ფადეევს პიკასოს მხატ-  
ვრობაზე კრიტიკული აზრი გამოუთქ-  
ვამს:

— როგორ გასწავლიდნენ წერა-კი-  
თხვას? — უკითხავს მისთვის პიკასოს

— ანი, ბანი...—უპასუხნია ფადეევს.

— გასწავლიდნენ თუ არა კულტურულ  
მხატვრობას?

ფადეევს გაუცინია და გაჩუმებულა.

ფადეევი ალბათ იმიტომ კი არ გა-  
ჩუმდა, რომ რაკი ანბანთან ერთად  
მხატვრობის საფუძვლები ვერ ისწავლა,  
ამიტომ მხატვრობაზე მსჯელობის უფ-  
ლებაც არ ჰქონდა, უბრალოდ, მან  
მხატვრის პრეტენზიულობას ეთიკური  
დუმილი დაუბირისპირა.

მხატვრობის შემფასებელნი მხოლოდ  
მხატვრები არ არიან და სწორედ ამი-  
ტომ იყო გასათვარი ჟურნალ „დილას“  
მხატვრულ ვაფორმებაზე გამოთქმული  
შენიშვნების ზერელე ხასიათი. მხატ-  
ვრობის ვაგება კაცს შეიძლება ანბანთან  
ერთად არ ჰქონდეს ნასწავლი, მაგრამ  
უცნაურია, როცა ლიტერატორი ვერ  
ფლობს მხატვრობის თუნდაც ემოციუ-  
რი შეფასების ანბანასაც კი.

არის თუ არა სწორად დახატული  
კვიცის თავი? აქ შეიძლება ადამიანს  
თავისი „ზოტექნიკური“ აზრიც ჰქონ-  
დეს და იქნებ ზედმეტი სტილიზაციის  
წინააღმდეგ გალაშქრებაც არ იყოს  
მცდარი. ეს მსჯელობის ერთი მხარეა.  
საქმე ისაა, თუ რა იმალება ასეთი მსჯე-  
ლობის მიღმა, რა მოთხოვნილება წაუ-  
ყენეს მხატვრობას და როგორ პოზი-  
ციიდან შეაფასეს იგი.

ჩვენ ამჯერად განვებ არ ვასახე-  
ლებთ დისკუსიის მონაწილეთა გვარებს,  
რადგან ამას დიდი მნიშვნელობა არა  
აქვს, მთავარია ის ტენდენცია, რომელ-  
მაც ამ განხილვაზე საკმაო ძალით იჩინა  
თავი. როგორი იყო ეს ტენდენცია?!

განხილვაზე გამოსულ ზოგიერთ მო-  
მოკამათეს ერთი პრინციპული შეცდომა  
მოსდიოდა — რეალისტური მხატვრო-  
ბის ეტიკეტს ამოფარებული კატეგორი-  
ული ტონით მოითხოვდა სწორხაზოვან  
ფოტოგრაფიზმს. არა გვგონია, რომ  
ასეთი მოთხოვნა მხოლოდ გაურკვევე-  
ლობის შედეგი იყო. პოლემიკური გა-  
ცხარების დროს ყოველი მცირე, იქნებ  
არაზუსტი დეტალიც კი, განზოგადე-



ბულ შინაარსს იღებდა და ჟურნალის მხატვრობის საერთო ვადაფასების პრეტენზიად იყო გადაქცეული.

— რატომ არ ხატავთ ლამაზ ბავშვებს?— დაისვა შეკითხვა და ამ შეკითხვამ თვით სილამაზის ცნების საკითხი წამოჭრა. ჩვენ, რასაკვირველია, ვგულისხმობთ მხოლოდ კონკრეტულ ვითარებას და მხოლოდ კონკრეტულ ფაქტებს. თითქოსდა შეუმჩნევლად, ცალკეულ დეტალებზე დავის დროს ერთმანეთს დაუპირისპირდა თანამედროვე მხატვრობის ხასიათი და, თუ შეიძლება ასე ითქვას, სილამაზის „პარფიუმერიული“ ვაგება.

„ლამაზი ბავშვი“ ზოგიერთისთვის კბილის ფხვნილ „სმადიაზე“ დახატულ პლაკატურ პრიმიტივიზმს უდრიდა. მათ მხედველობიდან გამორჩაო, რომ სილამაზე, უპირველეს ყოვლისა, გულისხმობს ხასიათს, განწყობილების გამოცემას, ფერებისა და ხაზების ერთიან გამას, სადაც პროპორციების ნაწილობრივი შეცვლა სრულებითაც არ არის ფორმალისტური საშიშროების მომასწავებელი.

შეუძლია კი ბავშვს ასეთი მხატვრობა გაიგოს?! ამის დასადგენად ობიექტური საზომი არსებობს: დიპლომები მხატვრული გაფორმებისათვის და საბავშვო ჟურნალ „დილას“ გაზრდილი ტირაჟი.

ის რაც ზემოთ, ჟურნალის ლიტერატურულ მხარეზე ითქვა, შეიძლება მის მხატვრობაზეც სიტყვა-სიტყვით გავიმეოროთ. ჟურნალ „დილას“ აქვს ერთი მთლიანი სტილი, ერთიანი სახე, სადაც ილუსტრაციის როლი დიდია და ესეც ჟურნალის სპეციფიკით არის გაპირობებული.

ყოველ ილუსტრაციას, გარდა იმისა, რომ იგი ტექსტის თვალსაჩინოებას ემსახურება, დამოუკიდებელი ესთეტიკური ღირებულებაც აქვს— იგი არის ბავშვის გემოვნებისა და ფანტაზიის განვითარების აუცილებელი ფაქტორი. სრულებითაც არ არის სადავო, —საბავშვო მხატვრობა უნდა მოიცავდეს ჩვენი დღევანდელი მხატვრობის ნიშნებს. ბავშვი კარგად იგრობებს და დაინახავს

იმ სილამაზეს, რასაც ჩვენ ვხედავთ. და იქნებ ამ სილამაზესთან იგი უფრო უშუალოდ და ახლოს მივიღწევიყვეთ, რადგან ქვეყანას „დადგენილი და შემოწმებული ასოციაციების“ გარეშე უყურებს.

ჟურნალ „დილასი“ მომუშავე მხატვრებმა შექმნეს ბავშვისთვის საინტერესო სამყარო, ჩვენ თამამად ვამბობთ—ლამაზი სამყარო, დასასლებული ბავშვისთვის ნაცნობი და საყვარელი პერსონაჟებით. აქ არჩევანი არ არსებობდა, საჭირო იყო „ლამაზი ბავშვების“ დახატვის ფოტოგრაფიული პრინციპის უკუგდება, საჭირო იყო ხასიათების შექმნა, საჭირო იყო ილუსტრირებული ნაწარმოების ხასიათის თვალნათლივ გადმოცემა.

ჟურნალის მხატვრული რედაქტორი შალვა ცხადაძე ყოველთვის ცდილობდა განსხვავებული მანერისა და სტილის მქონე მხატვართა ინდივიდუალობა შეენარჩუნებინა და ამავე დროს არ დაერღვია ჟურნალის მთლიანი სახე, მისი ესთეტიკური პრინციპი.

შალვა ცხადაძე, ზურაბ ფორჩხიძე, ზურაბ კაპანაძე, დიმიტრი ერისთავი, ჯემალ ლოლუა, ვაჟა მელიქიშვილი, ზურაბ რაზმაძე და სხვები ერთნაირად არ ხატავენ. მათი ილუსტრაციები არც შესრულების მანერით, არც ფერთა გამოით და არც ხასიათით ერთმანეთს არ ჰგავს. არც დიდსა და არც ბავშვს ერთმანეთში არ აერევა, მაგალითად, შალვა ცხადაძის მსუბუქი იუმორით სავსე ზღაპრული პერსონაჟები, ზურაბ ფორჩხიძის კონტრასტული, ხასხასა ფერებით შესრულებული ილუსტრაციები, ან ზურაბ კაპანაძის მონუმენტური, რამდენადმე სკულპტურული ფიგურები.

ჟურნალის ყოველი ახალი ნომერი მისი მკითხველისთვის ახალი პატარა გალერეაა, სადაც იგი ხვდება მისთვის ნაცნობ სახელებს და სახეებს. და ამ გალერეას ერთი საერთო ესთეტიკური

---

ოტია პაჭკორია

დიდი ლიტერატურა პატარებისათვის



საფუძველი აქვს, ერთი ნიშანი აერთიანებს — პროფესიულობა, ყოველი ნახატის დამოუკიდებელი მხატვრული ღირებულება და იმავე დროს საილუსტრაციო მასალის აზრის ამომწურავად გადმოცემის უნარი.

თუმცაღა სულ უმიზეზოდ არავითარი დავა არ წარმოიშვება. ჩვენ სრულებითაც არ ვამტკიცებთ იმას, თიოქოს ჟურნალში დაბეჭდილი ყველა ილუსტრაცია ერთნაირად ამართლებდეს თავის დანიშნულებას. არის შემთხვევები, როცა მხატვარი ივიწყებს, რომ იგი ილუსტრატორია და თავის ნახატში ტექსტის შინაარსს სცილდება (ზ. კაპანაძის თავისთავად კარგი, მაგრამ ზღაპრის „მამა და შვილის“ შინაარსთან ნაკლებად დაკავშირებული ილუსტრაცია).

ელუარდ ამბოკაძის ზოგიერთი ილუსტრაცია იმდენად არის სტილიზებული (პირდაპირ რაღაც გეომეტრიული ფიგურებია დახატული), რომ ნახატის ხასიათი და შინაარსი იჩქმალება. მაგრამ ეს ყველაფერი ცალკეული ხარვეზია და სრულებით არ იძლევა იმის საბაბს, რომ „ლამაზი ბავშვების“ საკმაოდ პრიმიტიული თეორია აქტიური მსჯელობის საგანი გახდეს.

ჟურნალის განხილვას ესწრებოდნენ მხატვრები, ისხდნენ და გულგრილად უგდებდნენ ყურს კამათს. იქმნებოდა შთაბეჭდილება, რომ მათაც მომზადებული ჰქონდათ შეკიოხვა—გისწავლიათ კი მხატვრობის გასაგებად საჭირო ანბანი? — ეს სნობიზმი თუ არა, ყოველ შემთხვევაში, უაღრესად მცდარი პოზიციაა. ბევრი ცნობილი მხატვარი რიგია. ნი მწერალი და პუბლიცისტი იყო (ვფიქრობთ, მაგალითების დასახელება ზედმეტია). არ იქნებოდა ცუდი, მხატვრებს რომ თვით მიეღოთ მონაწილეობა დისკუსიაში. მათი აზრი ალბათ არასპეციალისტების აზრზე უფრო საინტერესო იქნებოდა. რას იზამ, ზოგჯერ საკუთარი შემოქმედებობი პრინციპების დასაცავად თვითონვე უნდა აღიმადლო ზამა, აქ სათაჯილო არაფერია, მით უმე-

ტეს, როცა კარგად გაქვს შეგნებულნი, რას ემსახურები და როგორ ემსახურები.

გვილითყუა

ღარჩა კიდევ ბევრი საინტერესო საკითხი: ბავშვთა შემოქმედება (ამის თაობაზე განხილვაზეც გამოითქვა ფრიალ საინტერესო აზრი), პრაქტიკული სწავლების განყოფილება, რებუსები, შარადები, გამოცანები... მაგრამ ჩვენ მათ გამო ამჯერად არაფერს ვიტყვით, რადგან ვცდილობდით მხოლოდ განხილვაზე გამოთქმულ შენიშვნებს ვავყოლოდით კვალდაკვალ. ამ შენიშვნებში ბევრი მნიშვნელოვანი აზრის ამოკრეფა შეიძლებოდა, ოღონდ, სამწუხაროდ, კერძო შემთხვევების უზომო გაზვიადებამ ისეთი ატმოსფერო შექმნა, რომ უნებლიეთ იფიქრებდით: გამომცემლობა „ნაკადული“ და ჟურნალი „დილა“ დიდსა და კარგ საქმეს აკეთებენ, დაეხმარება თუ არა მათ რამეში ჩვენი არაპროფესიული კინკლაობა?! ბოლოს და ბოლოს ხომ არ შეიძლება საბავშვო ლიტერატურა უაღრესად შეზღუდული წრის საქმედ დარჩეს. იგი ფართო ლიტერატურული მსჯელობის საგანი უნდა გახდეს, ჩვენი ლიტერატურათმცოდნეებისა და კრიტიკოსების დამოკიდებულება კი ამ სერიოზული საქმისადმი სადღესოდ მხოლოდ „ჩაურევლობის პოლიტიკით“ განისაზღვრება.

ამბობენ, მშობლის ავტორიტეტი მან შეირყევა ბავშვის თვალში, როცა იგი თავის უცნაურ და მოულოდნელ შეკითხვაზე დამაჯერებელ პასუხს ვერ მიიღებსო.

ჟურნალ „დილას“ არ შეუძლია არც ერთი შეკითხვის უპასუხოდ დატოვება. იგი დღენიადავ ეძებს ამ პასუხებს, ეძებს მათთვის შესაფერ ფორმას და, სამწუხაროდ, ხშირად ამაოდ ეძებს ნაწარმოებს ბავშვებისათვის. რედაქციას რეალური დახმარება სჭირდება, რადგან ადვილი საქმე როდია ასწავლო ადამიანს ოცნება ვარსკვლავებზე და გზა ვარსკვლავებისკენ.



## ვაქა-ფუხვედა — აღათობრივი სამართლის მკვლევარი

ვაქა-ფუხვედას შემოქმედებაში ფართო ადგილი აქვს დათმობილი საქართველოს მთიანეთში გავრცელებულ ადათობრივი სამართლის ისტორიას, იმ ადათწესების შესწავლას, რომელთა ნაწილი მთის პატრიარქალურმა ყოფამ, ფეოდალური საზოგადოების დაშლის შემდეგაც შემოინახა და ვაქას სიცოცხლის პერიოდშიც ღრმად ჰქონდა გამდგარი ფესვები ხალხის ყოფასა და ცხოვრებაში. მთაში მცხოვრები საზოგადოებისათვის ადათობრივი სამართლის ცალკეული ნორმები უფრო გასაგები და მისაღები იყო, ვიდრე მომქმედი კანონმდებლობა. ხალხი საუკუნეების მანძილზე გამოიმუშავებულ, მამა-პაპათაგან მემკვიდრეობით მიღებულ და შესისხლხორცებულ სამართლის ნორმებს მეტ პატივს სცემდა, მეტი რიდით და დაჯერებით ემორჩილებოდა, ვიდრე ახალი ადმინისტრაციის მიერ შემოტანილ კანონმდებლობას. ეს კი მუდმივი ბრძოლისა და წინააღმდეგობის პირობებს ჰქმნიდა ადგილობრივ

მოსახლეობასა და ხელისუფლებას შორის. „აქაური ხალხის შეხედულება სასისხლო საქმეზედ, — აღნიშნავდა ვაქა, — ძირეულად განსხვავდება კანონის შეხედულებიდან და, თუ კანონი სასტიკად უცქერის რომელსამე დანაშაულობას, ხალხი კიდევ იმავე დანაშაულობაზე სხვანაირად სჯის“<sup>1</sup>. „... ადათობრივი სამართლის ნორმები საქართველოს მთიანეთში იმდენად სიცოცხლისუნარიანი აღმოჩნდა, რომ წესრიგის დამყარებისათვის სახელმწიფო ადმინისტრაციული ორგანოების ჩარევა თითქმის საჭირო აღარ იყო და საქმე იმ ზომამდე მისულა, რომ ამ რაიონებში არაერთხელ დასმულა საკითხი მმართველობის ორგანოების შემცირების შესახებ. საყურადღებო ცნობებს ვხვდებით ვაქას ერთ-ერთ წერილში, სადაც აღნიშნულია: „ყველაზე ნაკლები დანაშაული სისხლისა თიანეთის მაზრაშია, სადაც მცხოვრებთა მომეტებული რიცხვი ფშავ-ხევსურნი არიან; იმის გამო, რომ ადმინისტრაციას აქ ცოტა საქმე აქვსო, მთავრობამ რამდენჯერმე მოიწადინა გაეუქმა თიანეთის მაზრა, ნაწილი მიეწერა დუშეთისა და ნაწილი

<sup>1</sup> თხუცულებათა X ტომი, გვ. 45, „მა მთიდან, პროვინციული ფელეტონი“.

თელავის მაზრისათვის.“<sup>1</sup> ხალხი თვით არეგულირებდა თავისი ჩვევებისა და ადათწესების მიხედვით ყველა წამოქრილ საკითხებს და ადმინისტრაციულ ორგანოების წარმომადგენლებს (მხედველობაში გვაქვს მაზრის უფროსის თუ პოლიციის აპარატი) საქმე აღარ რჩებოდათ. თუ როგორ ამყარებდა ხალხი თავის კუთხეში მართლწესრიგს, ამაზე წარმოდგენას ვაქვს „თიანეთური ფელეტონი“ იძლევა. „სტრაჟნიკები! — აღნიშნავდა ვაჟა, — ჩვენს მაზრასაცა ჰყავს სახელის გულისათვის, თორემ იმათვე რომ ჰკითხოთ, გიბასუხებენ: არ ვიცით აქ რისთვისა ვართო, არიან, ასე რომ ვსთქვათ, ვინციკობის გულისათვის... წვრილმანი ქურდობა ჩვენშიცა ხდება, ხოლო ყაჩაღობას იმ სახით, როგორაც ვხედავთ იმერეთში, ბორჩალოში, კახეთში... ამ წინა წლებში ერთხანად ფშავ-ხევსურეთში ცხენების ქურდობას ხელი მოჰყვეს ქისტებმა, მაგრამ ძალიან ძვირად დაუჯდათ მათ ეს ცდა. ერთს ზაფხულს თორმეტამდე ავაზაკი გამოასალმეს წუთისოფელს ფშავ-ხევსურთა თოფების ტყვიებმა. ეს ასეც უნდა მომხდარიყო და ასეც მოხდება მუდამ, რადგან სტრატეგიული პირობები ხელს არ უწყობენ ავაზაკობამ მთაში ფესვები გაიდგას და ნიადაგი გაიმკვიდროს.“<sup>2</sup> ვაჟამ საკითხის განხილვის დროს სტრატეგიულ პირობებს გაუყეთა აქცენტირება, ჩვენთვის კი უფრო საინტერესოა მეორე გარემოება, რომელიც მოტანილ ამბავში თავისთავად გამოჩნდა. საქმე ისაა, რომ მთაში დანაშაულთან ბრძოლას ხალხი უკეთებს ორგანიზაციას და არა ადმინისტრაციული ორგანოების წარმომადგენლები, დამნაშავენი ისჯებიან

ხალხის მიერ შემუშავებული წესებით და მათი სამართლიანობის განსჯა არც მომქმედი კანონმდებლობა ემყარებოდა, რომ ცხენის ქურდობა, მომქმედი კანონმდებლობით, სიკვდილით დასჯას არ ითვალისწინებდა. ფშავ-ხევსურებს კი ერთ ზაფხულს თორმეტი ცხენის ქურდისათვის მოუსპიათ სიცოცხლე, რაც მთაში დამკვიდრებულ ადათობრივი სამართლის ნორმებით სრულიად კანონზომიერი იყო და ასეთი მოვლენა ხელისუფლების ორგანოების მხრიდან წინააღმდეგობას არ ხვდებოდა, პირიქით, მათი მხარდაჭერით იყო უზრუნველყოფილი.

ვაჟას პუბლიცისტურ ნაწარმოებებში და ეთნოგრაფიულ წერილებში მრავლად მოიხილება მასალები, რომლებიც ფაქტიურად მეცნიერულ გამოკვლევებს წარმოადგენენ საქართველოს თიანეთში გავრცელებული ადათობრივი სამართლის ისტორიის საკითხებზე. მისი ერთ-ერთი წერილის სათაური — „ფშავლების ძველი სამართალი და საოჯახო წესები“, — პირდაპირ მიუთითებს ამ შრომის დანიშნულებაზე, მისი შინაარსი კი სრულ წარმოდგენას იძლევა საკითხის ისტორიულ წინამძღვრებზე, მის წყაროებზე, მოქმედების სფეროზე და საზოგადოებრივ როლზე. ვაჟას მნიშვნელოვანი შრომებია აგრეთვე: „ხევსურული ქორწილი“, „ცოტა რამ გლენთა ყოფაცხოვრებაზე ფშავში“, „ფშავ-ხევსურთა ავაზაკი“, „ხევსურის თავი“ და სხვები.

ვაჟას განმარტებით, მთაში გავრცელებული ადათობრივი სამართალი მარტივი სამართლის ნიმუშს წარმოადგენდა, რაც განპირობებული იყო იმით, რომ აქაური ხალხის ცხოვრება „არ იყო რთული, იგი იყო მდამიო, მარტივი“<sup>3</sup>. სამოსამართლო ფუნქციას თემის, სოფლის კრება ასრულებდა და დამნაშავეისათვის ორი სახის სასჯელის ზომა არსებობდა: ფიზიკური — „ჩაქოლვა“ და ზნეობრივი „სოფლიდან მოკვეთა“, განდევნა. ადათობრივი სამართლის ნორმების მიხედვით ჩაქოლებოდა

<sup>1</sup> თხზულებათა ტ. IX, გვ. 359, „ეპისკოპოს ანტონის აზრი ფშავ-ხევსურთა სარწმუნოებაზე“.

<sup>2</sup> თხზულებათა 10 ტომი, გვ. 192-20 „თიანეთური ფელეტონი“.

<sup>3</sup> თხზულებათა ტ. X, გვ. 71. „ფშაველების ძველი სამართალი და საოჯახო წესები“.



თემისა და ხატის მოლაღატე, მრუშნი თავისი შედეგით — ნაბუშარით, ხოლო სოფლიდან უნდა განდევნილიყვნენ: ქურდები, თემის სახელოსა და პირის გამტეხელები, ის პირნი, ვინც რელიგიურ წესს არ შეასრულებდა „ხატს წესს დააკლებდა“ და სხვა. ვაჟას განმარტებული აქვს თემის განაჩენის სისრულეში მოყვანის წესი, რომლის მიხედვითაც ჩაქოლვა ხიდის ყურეზე ან გზის შესაყარში უნდა მომხდარიყო, რათა დანაშაუნი ყველა გამველ-გამომველს ენახა და სასჯელის ზომას სათანადო ზეგავლენა (მხედველობაშია შიში და დანაშაულის შეუწყნარებლობის შთაგონება) მოეხდინა. მას აგრეთვე განმარტებული აქვს, თუ რაოდენ მკაცრი იყო თემი „მოკვეთილის“ მიმართ, როგორ შეაქცევდა მას ზურგს ყოველი სოფელი, რაოდენ მძიმე იყო ასეთი პირისათვის საზოგადოებიდან გარიყულად — განდგილად ცხოვრება და რა წესი არსებობდა შეწყალებისათუ მისი თემთან შერიგებისა.

ვაჟა ადათობრივი სამართლის ერთ-ერთ ნორმად „ხეთიურს მსჯავრს“ ასახელებს, როდესაც ეჭვმიტანილის გამოსაცდელად მღულარე ან გავარჯარებული შანთი უნდა ყოფილიყო გამოყენებული. სასამართლოს ეს პროცესუალური ინსტიტუტი, რომელიც „ორდალის“ (ordalia — ლათინური) სახელწოდებითაა ცნობილი, დიდ გავრცელებას ჰპოვებდა ევროპისა და აზიის ქვეყნებში ადრეულ ფეოდალურ ეპოქაში. „ორდალის“ იხსენიებს თავის კანონებში ვახტანგ მეექვსეც. ვაჟაც მას ემყარება და აღნიშნავს, რომ მღულარეთი ან შანთით „გამოცდა მოხდებოდა იმ წესით, — რა წესითაც აქვს ვახტანგს მოხსენებული თავის კანონებში“.<sup>1</sup> ვფიქრობთ, ვახტანგის კანონზე მითითება შემთხვევითი არ არის, რადგან ამ ინსტიტუტის არსებობა საქართველოში ყოველთვის დავას იწვევდა.

ვაჟა „ხეთიურს მსჯავრზე“ ადათობრივ სამართალში მიუთითებდა მხოლოდ და მხოლოდ ვახტანგის კანონებიდან გამომდინარე, რადგან აღნიშნული ინსტიტუტის მოქმედების დასამტკიცებელი საბუთი მას არც ლიტერატურაში და არც ზეპირსიტყვიერებაში არ შეიძლებოდა ჰქონოდა. საქმე იმაშია, რომ ადრეულ ფეოდალურ პერიოდში, როდესაც „ორდალების“ ინსტიტუტმა თავის განვითარების კულმინაციურ წერტილს მიაღწია, ქართულ წყაროებში ამ ინსტიტუტის ხსენება არსად არ არის. ამის შესახებ არავითარი მასალა არ მოიპოვება არც მხატვრულ ლიტერატურაში და არც ხალხურ ზეპირსიტყვიერებაში. გამოჩენილი მეცნიერი ივანე ჯავახიშვილი ხანგრძლივი მეცნიერული კვლევის შედეგად უდავოდ დასკვნამდე მივიდა, რომ საქართველოში „ორდალების“ სისტემა არ არსებობდა. ამ ინსტიტუტმა თავისი გამოხატულება ნახა ვახტანგის კანონებში უცხოეთის კანონმდებლობის ზეგავლენით, მაგრამ პრაქტიკულად ცხოვრებაში არ ვატარებულა. მაქსიმე მაქსიმეს ძე კოვალევსკი — გამოჩენილი რუსი იურისტი, სახელმწიფო სამართლის დიდი სპეციალისტი, რომელმაც ამ დარგის შესწავლისათვის პირველმა გამოიყენა კავკასიური მასალები, ხაზგასმით აღნიშნავდა, რომ ვახტანგმა თავის კანონებში „ორდალების“ სისტემა ირანული კანონმდებლობის ზეგავლენით მოახვედრა და რომ ეს ინსტიტუტი კავკასიაში არ გავრცელებულა<sup>2</sup>. ასეთივე აზრის იყო ცნობილი ქართველი მეცნიერი დიმიტრი ბაქრაძე და ქართული სამართლის ისტორიის ყველა საბჭოთა მკვლევარი.

უნდა ვიფიქროთ, რომ „ორდალების“ ინსტიტუტი საქართველოში არ არსებობდა, იგი ცხოვრებაში ვერ დაინერგა იმ მიზეზით, რომ იგი ქართული ადათწესებისა და ქართველი ადამიანის

<sup>1</sup> იქვე გვ. 72

<sup>2</sup> М. Ковалевский, «Закон и обычай на Кавказе», 1890 г. стр. 110.

ვახტანგ ყვანია

ვაჟა-ფშაველა — ადათობრივი სამართლის მკვლევარი



ბუნებისათვის მიუღებელი იყო. ვაჟა, ასახელებს რა ვახტანგის კანონმდებლობას, როგორც „ორდალების“ წესის განმსაზღვრელს, ხაზს უსვამს ასეთი საკანონმდებლო აქტის არსებობას და მას ადათობრივი სამართლის ნორმადაც ცნობს, მაგრამ ცხოვრებაში მისი გატარებისა და პრაქტიკული გამოყენების შესახებ არაფერს არ ამბობს. ამდენად, ადათობრივ სამართალში „ორდალები“ ისეთივე „რუდიმენტული“ — განუვითარებელი, უმოქმედო სახითაა მოცემული, როგორც ფეოდალიზმის პერიოდის მოქმედ კანონმდებლობაში. ვაჟას გამოკვლევებში საინტერესო ცნობებია ადათობრივი სამართლის იმ ნორმებზე, რომლებიც სისხლის აღებას შეეხება. „სისხლის აღება—აღნიშნავდა იგი — ჩვეულებად ჰქონდათ ფშაველებს, როგორც სხვა მთიულებს, მაგრამ შერიგებაც შესაძლო იყო, თუ მკვლედი სახვეწრით მივიდოდა მოკლულის ნათესავეთან და კაცის „თავსისხლს“ ზღავდა. ჭრილობით მკვდარი კაცი 80 ძროხად ყოფილა შეფასებული, მთელი ხელი 15 ძროხად, ნეკი თითი ერთ ძროხად, ხოლო ნეკის მიყოლებული თვითეულ თითს თითო ძროხა ემატებოდა და საბოლოოდ ცერი თითი 5 ძროხად ფასობდა. ჭრილობა პირისახეზე ქერის მარცვლით იზომებოდა და თვითეული მარცვლის ზომას ძროხის ფასი ჰქონია. ხშირი ყოფილა შემთხვევები, როდესაც „ზოგიერთი დაჭრილი ხდებოდა ჭრილობის მსხვერპლი არა იმიტომ, რომ მძიმედ იყო დაჭრილი, არამედ ბევრს შემთხვევაში დაკენჭილი ცდილობს „გაიავოს“ (გაიძნელოს)... რომ დაჭრის „დრამა“, საზღაური ბევრი გამოართვას დამჭრელსა...“<sup>1</sup> ვაჟა შემდეგ აღნიშნავს, რომ ხშირად დამჭრელი დაჭრილისაგან დიდ ქონებასღებულობდა და ამან ხევსურეთში შექმნა პირობები, როდესაც არაკეთილსინდისიერი პირები სპეკულაციას ეწეოდნენ

„კენჭაობით“, ძალად ჩხუბს სტენდენ შეძლებულ და თავმოყვარე პირებთან და თავს „აკენჭვინებდნენ“. ვაჟასახელებს ერთ ასეთ ხევსურს — ბათირას, რომელსაც ამდაგვარად 56 ჭრილობა ჰქონია მიღებული და უშრომლად უზრუნველყოფილი ცხოვრება შეუქმნია. ბათირა ტრაზანობდა კიდევ თავისი მოხერხებულობით. „ბოლოს შემიტყვევს ძაღლობაი, — უამბნია ბათირას ვაჟასათვის, — გამიხერდ ხალხი, აღარა მჭირდეს, ზოგამ ხმალიც კი ვადამამივდის, ან ძალად ჩაავდის ამოღებულ ხმალი, „გეყოფის, მკვდარ-ვირიანო“, დამიძახიან და იმას ცდილობდის ყველი, ახლა მე ვინ დამეჭრა და საზღაურ გამეღია. ბოლო მე თავადაც შემრცხვა და ეხლა თავდავანებე, თუ ძალიან არ გამიჭირდების, აღარც ვის ვჭრი, აღარც ვეჭვრევიანებო“<sup>2</sup>.

მთავი გვარის შიგნით მკვლელობა და დაჭრა სისხლის აღებად არ ითვლებოდა. ამიტომ ნათესავი ნათესავის მიმართ ასეთი ქმედებისათვის საზღაურს არ იხდიდა. თემს ნათესავისათვის ზიანის მიმყენებელის პასუხისგებაში მიცემის უფლება არ ჰქონდა. მხოლოდ ასეთი პირი „ცოდვიანად“ ითვლებოდა, თანასოფლელები ზიზღით უცქერდნენ, მასთან სიახლოვეს ერიდებოდნენ.

განუსაზღვრელი უფლებებით სარგებლობდა ოჯახში მამა—ოჯახის თავი, რომლის სურვილზე იყო დამყარებული ვაჟის ცოლის შერთვა, ქალის გათხოვება, ოჯახის შიგნით სხვა გადაწყვეტილებების მიღება, რასაც ოჯახის ყველა წევრი ემორჩილებოდა და მას წინ ვერავინ აღუდგებოდა. აღამიანის გრძნობების უხეშ დამორჩილებას, სადაც ოჯახის შექმნას, სიყვარულის ნაცვლად, გარეშე ფაქტორები აპირობებდნენ, არ შეიძლება არ მოჰყოლოდა ის, რომ ცალკეულ შემთხვევებში მეუღლეები ერთმანეთს იწუნებდნენ. ადათობრივი სამართლის ნორმებით, „დიაცი თუ აშკარად დაიწუნებდა ქმარსა და ამ დაწუნებას უნამუსობით, მოღალატეობით დაამარტობდა, მაშინ ქმარი ამისთანა ცოლს დაასახიჩრებდა... მოსჭრიდა.

<sup>1</sup> თხზულებათა ტ. IX, გვ. 284 „ხევსურის თავი“.  
<sup>2</sup> იქვე, გვ. 287.

ცხვირს ან ხელს, მოაკლებდა დედაკაცს კაცის თვალგულის მისასვლელს თვინებას — სილამაზეს;... უკეთუ დიაცი სწუნობდა ქმარს, ჰსურდა განშორებოდა მას და არ კი უნამუსობდა, მაშინ იგი... დაიწყებდა განგებ სნეულებას, ავადობას, ამობოდა ხატი „მაწმინდებ-სო“, ვითომც ხატი მეცხადება და მიშ-ლის... კაცთან წოლასაო; ქმარი ანაირს ცოლს ნებას მისცემდა, საცა ჰსურდა, იქ ეცხოვრა, მხოლოდ არ შეეძლო სხვა ქმარი მოეძებნა, სხვას ვაჰყოლოდა“.<sup>1</sup> ყველა ასეთ შემთხვევებს თან სდევდა ქონებრივი ვალდებულებები და დამ-წუნებელი უხდიდა მეორეს სათანადო საზღაურს — ქმარი ხუთ ძროხას, ქალი კი ბევრად მეტს. ადათობრივი სამართ-ლის ნორმებით რეგულირდებოდა დაქ-ვრივებული ქალის ქმრის ოჯახიდან წასვლის, მისი გათხოვების საკითხი. ქალი ქმრის ოჯახიდან ვერ წავიდოდა სამი წლის განმავლობაში, სანამ ქმარს წირვას არ გადაუხდიდა, „რიგს არ დაუყენებდა“. მას გათხოვების უფლე-ბას აძლევდნენ ქმრის ოჯახის წევრები, რომლებიც ასეთ შემთხვევაში ქონებ-რივ გამორჩენას იღებდნენ. ასეთი ქა-ლის შემართველს ამ ქალის მავლებისა-თვის ან დედამთილ-მამამთილისათვის ხუთი ძროხა უნდა მიეცა.

ვაჟა თავის ნაწარმოებებში დეტალუ-რად აღწერს ადათობრივი სამართლის ნორმებით როგორ რეგულირდებოდა საოჯახო და სამემკვიდრეო სამართლის სხვა საკითხები, რა ვალი აწევს ოჯახს პირველად ქალის გათხოვების, მისი მზითვევის მომზადების დროს, რა ქო-ნებრივი უფლებით სარგებლობს თვი-თეული ოჯახის წევრი, როგორ ხდება ქონების გაყოფა ოჯახის გაყრის დროს და სხვა. ყურადღებას იპყრობს ის გა-რემოება, რომ ოჯახის—კომლის შიგნით სხვადასხვა ქონებრივი უფლებებია და ქალი ყველაზე ნაკლები უფლებით სარ-გებლობს. ოჯახის წევრის გარდაცვა-ლების დროს, თუკი იგი მემკვიდრის

გარეშე რჩებოდა, მემკვიდრეობის უფ-ლება მამაკაცზე გადადიოდა. თუნდაც იგი შორეული ნათესავიც ყოფილიყო, ქალი ასეთ შემთხვევაში, მისი გვერ-დითი შტოდანაც კი, ვერაფერს მიიღებ-და.

ადათობრივი სამართლის ისტორიისა და ნორმების გადმოცემასთან ერთად, ვაჟა ყურადღების გარეშე არ სტოვებს იმ პროცესულურ ფორმებს, რომლებიც დამკვიდრებული იყო ამ ნორმების ცხოვრებაში გატარებისათვის. მაგა-ლითად, დაჭრის დროს საზღაურის გადახდის საკითხს ადგილობრივი, სოფ-ლის მიერ ამორჩეული, მოსამართლეე-ბი — „მერჯულეები“ საზღვრავდნენ, რომლებიც ვალდებული იყვნენ თავისი ხელით გაეზომათ ჭრილობა მარცვლის დაწყობით. ოჯახის გაყრის დროს ინიშ-ნებოდა სამედიატორო სასამართლო თვით ოჯახის წევრთა სურვილით, რომ-ლებიც მოილაპარაკებდნენ „კაცები დავსნათო“ და ასახელებდნენ ამ კაცებს თავისი შეხედულებით. სისხლის სამარ-თლის საქმეებს, ე. ი. საქმეებს დანაშა-ულებრივ ქმედობებზე, რომლებზეც აღრვევ გეჭმონდა ლაპარაკი, არჩევდა სოფლის — თემის კრება, ხევის ბერის თავმჯდომარეობით. ხოლო საკითხები, რომლებიც საზოგადო საქმესთან იყო დაკავშირებული და თავისი შინაარსით სცილდებოდა ერთი თემის ფარგ-ლებს, გადაწყდებოდა თავხვევისბერთა თემთა ყრილობაზე. „ბჭობა, — მიუთი-თებს ვაჟა, — რომელიც ხდებოდა ლა-შარს, ეხებოდა თორმეტსავე თემს ფშა-ვისას... სათემო საქმეები თემის ხატში გაირჩეოდა, კრება—ყრილობაც იქ მოხ-დებოდა; ფიცი, რომელიც იქნებოდა გამოწვეული თემის წრეში ჩანადენის საქმის გამო, მოხდებოდა ხატშივე. ხევისბერი თემისა აფიცებდა მოწ-მეებს, რომ იმათ მართალი ეჩვენები-ნათ... ხევისბერი აავსებდა თასს ლუ-დით, არაყით ან ღვინით; ცალს ხელში

ვახტანგ ჭვანია

ვაჟა-ფშაველა — ადათობრივი სა-მართლის მკვლევარი

<sup>1</sup> თხზულებათა IX ტომი, გვ. 74, „ფშაველე-ბის ძველი სამართალი და საოჯახო წესი“.

ეჭირა სასმელით საცხე თასი, მეორე ხელით — ანთებული სანთელი და იტყოდა: — ვინაც მართალი დამალოს და არა თქვას, გაუწყურეს ეგ ჩვენის ბატონის მადლი და დავლათი და ეგ თასივით დაიღვაროს იმისი ოჯახი (დააქცევდა თასს); ეგ სანთელივით გაქრეს იმისი სახსენებელი დედამიწის ზურგზეთა“ (გააქრობდა სანთელს)“...<sup>1</sup>

აღათობრივი სამართლის საკითხების გამოუქმების პროცესში ვაჟა-ფშაველამ ლიტერატურაში შემოიტანა და ამით ვაამდიდრა ქართული ენის ლექსიკური მარაგი სპეციალური ქართული იურიდიული ტერმინოლოგიით, რომელიც ხალხის ზეპირსიტყვიერებაში არსებობდა და სათანადო მოქალაქეობრივი უფლება არ ჰქონდა მოპოებული. გარდა უკვე დასახელებული ტერმინებისა: „სასისხლო საქმე“ — სისხლის სამართლის საქმე; „ჩაქოლვა“ — გზის პირად ან ხიდის თავში დამნაშავეს ფიზიკური განადგურება; „მოკვეთა“ — სოფლიდან, საზოგადოებიდან განდევნა; „ხეთიური მსჯავრი“ — გამოცდა მღუღარით და შანთით; „თავსისხი“ — სისხლის აღების დროს შერიგების საზღაური; „დაკენჭილი“ (აქედან „კენჭაობა“, „საკენჭაო“) დაჭრილი, რომელსაც „დრა-მა“ დაჭრის საზღაური უნდა გადაუხადონ; იარის „გაიავება“ — მეტი საზღაურის მისაღებად ჭრილობის განზრახ გამიზნება — გართულება; „ცოდვია-ნი“ — გვარის, ოჯახის წევრი, რომელმაც მისი ნათესავი მოჰკლა, მაგრამ აღათობრივი სამართლის ნორმით პასუხს არ აგებდა; „რიგის დაყენება“ — ქვრივი ქალის მიერ ქმრის გარდაცვალებიდან სამი წლის თავზე პანაშვიდის გადახდა, რომლის შემდეგ მას ქმრის ოჯახიდან წასვლის უფლება ეძლეოდა; „მერჯულეები“ — მოსამართლეები, რომლებიც სისხლის აღების დროს შერიგების საზღაურს საზღვრავდნენ; „კა-

ცების დასხმა“ — ოჯახის გაყოფის დროს მედიატორების ამორჩევა და სხვა, — ვაჟამ ქართულ ენაში მრავალი იურიდიული ტერმინი შემოიტანა.

ვაჟას გადმოცემით მთაში გავრცელებული აღათობრივი სამართლის განმსაზღვრელი ტერმინია „ჩვეულებითი სამართალი“ და იგი ყველგან ამ ტერმინს ხმარობს. მაგალითად, „ფშაველების ჩვეულებითი სამართალი არ არის მრავალმუხლოვანი და რთული“...<sup>2</sup>, ანდა „ღირსებას, გვაროვნობას, ჩამომაველობას, ფშაველების ჩვეულებითი სამართალი არ მიჰხნედავდა“<sup>3</sup>, ე. ი. მთაში აღათობრივი სამართლის ნორმები ყველაზე თანაბრად ვრცელდებოდა და წოდებრივი, ქონებრივი თუ სხვა ნიშანი მხედველობაში არ მიიღებოდა. აღათობრივი სამართლისათვის ნაცნობია თავდებობის ინსტიტუტი, რომელსაც „ხელზე მოჭიდება“ ეწოდებოდა. ვაჟა ამბობს: „მოჩივარს უნდა წარედგინა მოწმეები და მოპასუხესაც ავრეთვე. თუ მოპასუხეს არ ჰყვანდა მოწმეები, მაშინ მოპასუხეს ყრილობისაგან ეძლეოდა ნება „ხელზე მოსჭიდებოდა“ იმ თავკაცებს, რომელსაც სოფელი დაუნიშნავდა. იმ კაცებს უნდა დაეთიქნათ მოპასუხის მაგივრად, რომ იგი მართალია და არ ჩაიდენდა იმ საქმეს, რომელიც იმასა ჰბრალდებოდა“<sup>4</sup>. თუ ბრალდებულს „ხელზე მოჭიდებ“ არ გამოუჩინდებოდა, თემი „ქეშმარიტების დასადგენად“, მიმართავდა მის გამოცდას — „ხეთიურს მსჯავრს“. ასეთი თავდადება უშუალო კავშირშია „ორდაღების“ სისტემასთან და შინაარსით განსხვავდება ტერმინ „თავდებობის“ თანამედროვე გაგებიდან.

სისხლის აღებასთან დაკავშირებით აღათობრივი სამართალი უშვებდა დაზარალებული მხარის განუსაზღვრელ უფლებას დამნაშავე პირის ქონების მიმართ. შერიგების დროს მოკლულის ნათესავებს, „თავსისხლის საფასურის გარდა“, შეეძლოთ მოეთხოვათ მკვლელის რომელიმე ნივთი და მკვლელი ამაზე უარს ვერ იტყოდა. ამ ჩვეულებას „ალმანია“, „ყისტი“ ეწოდებოდა.

<sup>1</sup> თხზულებათა ტ. IX, გვ. 77.

<sup>2</sup> თხზულებათა ტომი IX, გვ. 71.

<sup>3</sup> იქვე გვ. 72.

<sup>4</sup> იქვე თხზულებათა ტ. IX, გვ. 73.



ვაჟა აღნიშნავს, რომ „ალმანიად“ ერთი თემი მეორეს მამულსაც წაართმევდა. ეს მაშინ მოხდებოდა, როდესაც ერთს თემს მეორისა სისხლი დაედებოდა... ალმანიადგან იყო განთავისუფლებული ზოგი სახელოვანი იარაღი, რომელიც ომის, ლაშქრობის დროს პატრონს ასახელებდა. ზევისბერი დაპლოცავდა ხმალს ან თოფს სახელოვანს და შეაჩვენებდა, „დაარისხებდა“ იმას, ვინც ალმანიადში წაართმევდა, ანუ „ყისტად“ მოუღებდა მის მექონეს ამ დალოცვილს იარაღს“<sup>1</sup>.

ვაჟას ნაწარმოებებში ჩვენ გვხვდება: საოჯახო, სამემკვიდრეო და სანივთო სამართლის ინსტიტუტებიდან გამომდინარე ისეთი იურიდიული ტერმინები, როგორც მაგალითად: „კვეთილიანობა“, „კვეთილში ჩასმა“ — რაც ნიშნავდა ქმრისაგან განშორებული ცოლის უფლების შეზღუდვას, რომ იგი სხვაზე გათხოვილიყო; „სამწუნებრო“ — საზღაური, რომელსაც იხდიდა ქალი ან კაცი ქმრიდან ან ცოლიდან განშორების დროს; „საქვრივო“ საზღაური, რომელსაც დაქვრივებული ქალის გათხოვების დროს იღებდნენ ქალის მამლები ან დედამთილ-მამამთილი; „საენაო“ — საზღაური, რომელსაც უხდიდა დაზარალებულს „ენაკაქლობით“ — ენის მიტანით, დასმენით ზიანის მიმყენებელი; „მომხელავი“ — პირი, რომელმაც ტყეში პირველად მიაგნო ველურ ფუტკარს, ნიშანის დადებით მოიპოვა საკუთრების უფლება და ამ უფლებაში ვედარავინ შეედავება; „საიისრე“ — უფლება იმ პირისა, რომელ-

მაც ჯგუფური ნადირობის დროს ნადირი მოჰკლა და მეტი წილი უნდა მიეღოს; „წილის ჩადება“ — უფლებიანობა რისა მიიღოს წილი ნანადირევიდან, რომლის მოკვლაში მონაწილეობა არ მიუღია; მაგრამ მოუსწრო ნადირის გატყავების პროცესში<sup>2</sup>.

აღათობრივი სამართლის ნორმებით გათვალისწინებული მიწათსარგებლობის წესებთან დაკავშირებული ტერმინები: „ახო“, „ახობი“ — ოჯახის მიერ ტყის გაკაფვით, ყამირი მიწის გატეხვით, მიუღვამელი ადგილის სახნავ-სათესად გადაქცევის საშუალებით მოპოებული ახალი მიწის ნაკვეთი. „საონავრო“ — მიუვალ ადგილში სათიბი ან სახნავი მიწა, საკუთრების უფლების გარეშე: ვინც დაასწრებდა ის ისარგებლებდა; „კარის პირი“ — სახნავი მიწა სახლთან ახლო მდებარე, რომელიც ოჯახის პირად საკუთრებას წარმოადგენდა, მემკვიდრეობით გადაეცემოდა. „ახო“ ოჯახის საკუთრებას წარმოადგენდა ათი წლის განმავლობაში, შემდეგ კი გადადიოდა თემის საკუთრებაში და თემი ამ მიწას უნაწილებდა ისეთ ოჯახებს, რომლებიც გამრავლდნენ და მიწის ნაკლებლობას განიცდიდნენ<sup>2</sup>.

აღათობრივი სამართლის ბევრ ნორმას, როგორც მატერიალურს, ასევე პროცესუალურს, ვაჟა ყველაზე დემოკრატიული პრინციპების გამომხატველ ნორმად სთვლიდა და შემდგომში დასაშვებად მიაჩნდა მათი გამოყენება. ამიტომ იყო რომ 1905 წელს მის მიერ შედგენილ ფშავ-ხევსურთა „დეკლარაციაში“ ამ ნორმებს დიდი ადგილი დაეთმო და გატარებულია აზრი მათი საკანონმდებლო აქტად გადაქცევის შესახებ.

<sup>1</sup> იქვე, 33-76

<sup>2</sup> თხზ. ტ. X, 33-230.





## XII—XIV სს. საქართველოს სახელმწიფო სამართლის ისტორიისა და რუსთველოლოგიის ზოგიერთი საკითხი\*

ცნობილი მკვლევარი პ. ინგოროყვა თავის რუსთველოლოგიურ ნაშრომებში „რუსთველიანა“ და „რუსთველიანას ეპილოგი“, „ვეფხისტყაოსნის“ ავტორის ვინაობის დადგენასთან დაკავშირებით აყენებს და თავისებურად წყვეტს XII—XIV სს. საქართველოს ისტორიის ისეთ უმნიშვნელოვანეს საკითხებს, რომლებიც სცილდებიან რუსთველოლოგიის ფარგლებს. ამ ნაშრომებში ავტორი მიზნად ისახავს გაარკვიოს აღნიშნული პერიოდის საქართველოს სახელმწიფოებრივი და საზოგადოებრივი წყობილების საკითხები, წარმოგვიდგინოს ქვეყნის სოციალ-პოლიტიკური და კულტურული ცხოვრების სურათი.

ბუნებრივია, რომ პ. ინგოროყვას „რუსთველიანა“ და „რუსთველიანას ეპილოგი“ დიდ ინტერესს იწვევენ და გამოხმაურებას პოულობენ როგორც ფართე მკითხველი საზოგადოების, ისე სამეცნიერო წრეებში. ჩვენი ეს წერი-

ლიც ამ ინტერესის ერთ-ერთი გამოხატულებაა.

განვიხილოთ პ. ინგოროყვას აღნიშნულ ნაშრომებში მოცემული დებულებები XII—XIV სს. საქართველოს სახელმწიფო სამართლისა და რუსთველოლოგიის საკითხებზე.

### I. ქართული სავაზიროს წარმოქმნის თარიღი და მისი შემადგენლობა XII საუკუნეში

„რუსთველიანას ეპილოგში“ დადგენილია XII—XIV ს.ს. საქართველოს ვაზირთა და ერისთავთ-ერისთავთა ქრონოლოგიური ნუსხები. ეს ავტორს სჭირდება შოთა რუსთველის ბიოგრაფიასთან დაკავშირებული შემდეგი დებულებების დასამტკიცებლად:

**I. ვაზირები ინიშნებოდნენ მხოლოდ ერისთავთ-ერისთავთაგან.** მაშასადამე, რადგან „ვეფხისტყაოსნის“ ავტორი ვაზირი იყო, ის აუცილებლად ერისთავთ-ერისთავიც იქნებოდა. ამდენად, შოთა რუსთველი როგორც თავისი სახელით, ისე სოციალ-პოლიტიკური რან-

\* იბეჭდება კამათის წესით.

გით (ერისთავთ-ერისთავი), ემსგავსება XIII ს. 30-40-იანი წლების პერეთის ერისთავად ცნობილ შოთა კუპრს.

2. ვაზირის — მეჭურჭლეთ-უხუცესის სახელო XII ს. დასაწყისიდან XIII ს. შუა წლებამდე დაკავშირებული იყო ე. წ. ჰერეთის რუსთავის ერისთავთ-ერისთავობასთან. ამდენად, სავსებით კანონზომიერია, რომ „ვეფხისტყაოსნის“ ავტორი ერთდროულად მეჭურჭლეთუხუცესიც იყო და ჰერეთის რუსთავის ერისთავთ-ერისთავიც, ე. ი. რუსთველი.

3. ჰერეთის რუსთავის ერისთავთ-ერისთავობა VIII ს. მეორე ნახევრიდან XII ს. შუა წლებამდე და მეჭურჭლეთ-უხუცესობა XII ს. პირველ ნახევარში ეპყრა არიშაინთა გვარს. ამიტომ, თამარის ისტორიკოსის ცნობა, XII ს. ბოლოს მეფის მიერ არიშაინის ადგილზე სასთაულით ასათ გრიგოლის-ძის დასმის შესახებ, ნიშნავდა ასათისთვის რუსთავის ერისთავთ-ერისთავობისა და მეჭურჭლეთუხუცესობის ბოძებას. შემდეგ, მეჭურჭლეთუხუცესის ხელი ასათიდან მემკვიდრეობით მიიღო მისმა შვილმა გრიგოლმა, ხოლო რუსთავის ერისთავთ-ერისთავობა — შვილის შვილმა შოთა კუპრმა. მოგვიანებით შოთა კუპრი მეჭურჭლეთუხუცესობასაც დატოვებდა, როგორც შაპის ასათისგან გვარისთვის დამკვიდრებულ სახელოს. ე. ი. შოთა კუპრიც, ისევე როგორც შოთა რუსთველი, მეჭურჭლეთ-უხუცესი და რუსთავის ერისთავთ-ერისთავია. დასკვნა სახეობით ნათელია: „ვეფხისტყაოსნის“ ავტორი შოთა რუსთველი, იგივე ჰერეთის ერისთავთ-ერისთავი შოთა კუპრია, რომელსაც ამავე დროს მეჭურჭლეთ-უხუცესობა და, ამ დროისთვის ჰერეთის საერისთავთერისთავოსთან შერწყმული, რუსთავის საერისთავთერისთავო უპყრია.

როგორც ვხედავთ, XII—XIV ს. ს. საქართველოს ვაზირთა და ერისთავთ-ერისთავთა სიების დადგენა პ. ინგოროყვას საშუალებას აძლევს დაადგინოს შოთა რუსთველის ვინაობა და მისი ბიოგრაფიაც კ.

განვიხილოთ, რამდენად სწორია ეს სიები.

ქართული სავაზიროს პირველი რიოდს პ. ინგოროყვა ქრონოლოგიურად საზღვრავს 1100—1145 წლებით და ადგენს მის ასეთ შემადგენლობას:

„I. მწიგნობართ-უხუცესი:

1. გიორგი I დიდი, მწიგნობართ-უხუცესი, ჭყონდიდელი 1110—1118 წ.

2. სვიმეონ IV გულაბერისძე.

ა. მწიგნობართ-უხუცესი 1118 — 1150 წ.

ბ. ბედიელ-ალავერდელი 1118—1120/30-იანი წ.

გ. ჭყონდიდელი 1120/30-იანი წ. — 1142 წ.

დ. ქართლისა კათალიკოზი და ჭყონდიდელი 1142—1150 წ.

II. ამირსპასალარი:

3. აბულეთი.

ა. ერისთავთ-ერისთავი, ქართლის ერისთავი 1120-იანი წ.-1145 წ.

ბ. ამირსპასალარი 1125—1130 წ.

4. ივანე აბულეთისძე: ამირსპასალარი 1130—1145 წ.

III. მანდატურთ-უხუცესი:

ა. ასათ I (გრიგოლ I-ის ძე) ჰერეთის ბაგრატიონი

უკანასკნელი მეფე აღმოსავლეთ-ჰერეთისა (1117 წლამდე); შემდეგ ერისთავთ-ერისთავი ჰერეთისა, ვაზირი. [მანდატურთ-უხუცესი] 1117-20—1145 წ.

IV. მეჭურჭლეთ-უხუცესი:

6. არიშაინი

ერისთავთ-ერისთავი, რუსთავის (არიშის) ერისთავი;

მეჭურჭლეთ-უხუცესი 1105/15 — 1150/60 წ.

V. მსახურთ-უხუცესი: დადიანი.

7. კონსტანტინე დადიანი

ერისთავთ-ერისთავი, ოდიშის ერისთავი;

მსახურთ-უხუცესი 1140/50-იანი წ. 1180/3 წ.

VI. ჩუხჩარხი:

ვარდანისძე.

8. [ვარდან] ვარდანისძე ერისთავთ-ერისთავი, სვანთ-ერისთავი

ვი, — გურიელი; ჩუხჩარხი 1140/50-იანი წ. — 1180/3 წ.

VII. მეჯინბეთუხუცესი:...

VIII. ამირახორი: ...<sup>1</sup>

ისტორიკოს-მკვლევარს ამ სიის გაცნობის დროს პირველ რიგში თვალში მოხვდება ორი სიახლე — სავაზიროს ნაადრევობა და მისი მრავალრიცხოვნება. როგორც ცნობილია, საქართველოს ვაზირები საისტორიო წყაროებში პირველად მოიხსენებიან XII ს. II ნახევრიდან — გიორგი III მეფობის ხანაში,<sup>2</sup> ამასთან, ვაზირთა რიცხვი, სავაზიროს შევსების შემდეგაც კი, ე. ი. XIII ს. 20—30-იანი წლებიდან, ექვსს არ აღემატებოდა, ხოლო XII ს-ში — ოთხს.

პ. ინგოროყვა კი, როგორც დავინახეთ, სავაზიროს ისტორიას XII ს. დასაწყისიდან — დავით აღმაშენებლის მეფობის ხანიდან იწყებს და შეჰყავს მასში არა ოთხი, არამედ რვა ვაზირი. მაშასადამე, პ. ინგოროყვას მიერ შედგენილი ვაზირთა სიის ეს პირველი ნაწილი ძირფესვიანად სცვლის დღემდე არსებულ თვალსაზრისს ქართული სავაზიროს წარმოქმნის თარიღისა და მისი შედგენილობის შესახებ: პ. ინგოროყვას გადააქვს ეს თარიღი ნახევარი საუკუნით ადრე და უმატებს ოთხ ვაზირს. ამასთან, ახერხებს გაარკვიოს სავაზიროს ისტორიის ამ დღემდე უცნობი პერიოდის ვაზირთა ვინაობაც.

განვიხილოთ, რამდენად სწორია ეს სია, რამდენად დამაჯერებელია მისი დასაბუთება.

სამწუხაროდ, პ. ინგოროყვას ნაშრომები, რომლებიც ასე მდიდარია ახალი დებულებებით, მეტად მჭირია საბუთიანობის თვალსაზრისით. ამიტომ ამ ნაშრომებში წამოყენებულ ვერც

ერთ დებულებას მკვლევარი ვერც შეიძლება და ვერც უარყოფს სათანადო შემოწმების გარეშე. შემოწმებულ შემთხვევებში რად აბრკოლებს ისევ დასაბუთების თავისებურება, როცა ავტორი ზოგჯერ არც კი აღნიშნავს, რომელი წყაროს საფუძველზე მივიდა ამა თუ იმ დასკვნამდე.

მოვიყვანოთ რამდენიმე მაგალითი: „რუსთველიანას“ 105—106 გვ. ავტორი იქ, სადაც ადგენს ჰერეთის ერისთავთა გენეალოგიას, გვამცნობს:

„...ერთი დეტალი, რომელიც დაცული აქვს თამარის მეორე ისტორიკოსს, გვაფიქრებინებს — რომ გრიგოლს კარის ვაზირობაც მიუღია, მას უნდა სჭეროდა თანამდებობა მეჭურჭლეთუხუცესისა, რომელიც აბულასანის შემდეგ ჰერეთის ერისთავთა გვარში გადმოვიდა“ (ხაზგასმა ჩვენია — ნ. შ.).

თუ რა დეტალმა მისცა საფუძველი ასეთი დასკვნისა, პ. ინგოროყვა მკითხველს არ უზიარებს. ამასთან, ასეთი უცნაური არგუმენტაცია ავტორს საკმარისად მიაჩნია, რომ უყოყმანოდ შეიყვანოს გრიგოლი მის მიერ შედგენილ ვაზირთა ნუსხაში და ვაზირობის ქრონოლოგიური ფარგლებიც მიუჩინოს მას.

ახასიათებს რა XIV ს. ქართულ ნარატიულ საისტორიო წყაროს, ე. წ. „ჟამთააღმწერელს“, პ. ინგოროყვა „რუსთველიანას“ 119 გვ. წერს: „ავტორის ვინაობის შესახებ პირდაპირი ცნობები არ შენახულა, მაგრამ თვით თხზულებაში დაცული დეტალების მიხედვით ირკვევა, რომ ავტორი ეკუთვნოდა დიდგვარიან ფეოდალთა თორელთა გვარეულობას“ (ხაზგასმა ჩვენია — ნ. შ.).

როგორც ვხედავთ, აქაც არგუმენტებად რაღაც „დეტალები“ გვევლინება, რომლებიც პ. ინგოროყვას შეუმჩნევია, მაგრამ საჭიროდ არ მიუჩნევია მკითხველისთვის მიეთითებინა; მკითხველმა უნდა ირწმუნოს, რომ ჟამთააღმწერელი თორელია.

„რუსთველიანას“ 106 გვ-ზე ავტორი შოთა ჰერეთის ერისთავთან დაკავშირებით აღნიშნავს: „როგორც მოვიხსენეთ, გრიგოლისძენი მიუღია სამე-

<sup>1</sup> „რუსთველიანას ეპილოგი“, გვ. 574 — 575 (ხაზგასმა ყველგან ავტორისაა — ნ. შ.).

<sup>2</sup> ცხადია, სავაზიროს წარმოქმნის პროცესი დაკავშირებული იყო საქართველოს ერთიანი ფეოდალური მონარქიის შექმნასთან. მაშასადამე, მისი დასაწყისი გიორგი III-ის ხანაზე ადრე უნდა ვივარაუდოთ, მაგრამ საისტორიო წყაროებში ცნობები ამის შესახებ ჯერჯერობით არ არის გამოვლენილი.



ფო კარზე 1191 წელს, ამ დროს მომხ-  
დარა „შეწყალება“ და „დალოცვა“  
შოთასი და მისი უმცროსი ძმისა (რო-  
მელიც წყაროებში ტბელის სახელით  
მოიხსენება). ერთი ძველი ქართული  
ქრონიკის ჩვენებიდან ჩანს, რომ 23  
წელი ითვლებოდა სრულწლოვანებად;  
ამ დროს უნდა მომხდარიყო პირველი  
დალოცვა მფლობელად, ამის მიხედ-  
ვით შოთას უმცროსი ძმა (რომელიც  
1191 წელს პირველად დალოცვილა) და-  
ბადებულია 1169 წლის ახლო. ხოლო  
შოთა, რომელსაც 1191 წელს, ჩანს,  
მიუღია არა პირველი დალოცვა, არა-  
მედ ახალი „შეწყალება“, დაბადებულა  
1169 წელზე ადრე, ამის ახლო ხანებ-  
ში“ (ხაზგასმა ჩვენია — ნ. შ.).

მთელი ეს მსჯელობა დაუსაბუ-  
თებელია: არსად არ არის მითი-  
თებული წყარო. მკითხველი თვით  
უნდა მიხვდეს, რომ ეს დასკვნე-  
ბი დამყარებულია თამარის ისტორიკო-  
სის ცნობაზე, 1191 წელს მეფის კარზე  
გრიგოლისძეთა დალოცვის შესახებ,  
მაგრამ რატომ არიან ეს გრიგოლისძეე-  
ბი მაინცადამაინც შოთა და ტბელი,  
რატომაა ტბელი შოთას უმცროსი ძმა,  
მაშინ როცა წყაროებში ის 30-მდე  
წლით უფროსი ჩანს შოთა კუპრზე  
(ტბელი იხსენიება თამარის მეფობაში,  
ხოლო შოთა კუპრი მონღოლთა ბატო-  
ნობის ხანაში) და ამდენად თავისუფ-  
ლად შეეძლო უმცროსი ძმა კი არა,  
მამაც ყოფილიყო მისი. რატომაა შოთა  
უფროსი ტბელზე მაინცადამაინც 2-3  
წლით და არა, მაგალითად, 5-10 წლით.  
საიდან დაასკვნა ავტორმა, რომ ტბელი  
პირველად დალოცეს, ხოლო შოთამ  
ახალი შეწყალება მიიღო. რომელია ის  
„ერთი ძველი ქრონიკა“, რომელიც სა-  
შუალებას აძლევს პ. ინგოროყვას ასე  
ზუსტად დაადგინოს დალოცვის ასაკი  
და მასზე დამყარებით შოთა რუსთვე-  
ლის დაბადების თარიღი — ყველაფე-  
რი ეს გამოცანად რჩება მკითხველის-  
თვის. „ერთი ძველი ქრონიკის“ დამოწ-  
მება, მისი კონკრეტული მითითების  
გარეშე, ცხადია, დასაბუთებად ვერ  
გამოდგება. ასევე დასაბუთებად არ

ჩაითვლება სიტყვა „ჩანს“: „...ჩანს მიუ-  
ღია არა პირველი დალოცვა, არამედ  
ახალი შეწყალება“. მკითხველს უნდა  
დაეს, თუ საიდან ჩანს ეს.

მიიჩნევს რა ყველა ამ დასკვნას დამ-  
ტკიცებულად, ავტორი ნაშრომის სხვა  
ადგილებზე უთითებს მას, როგორც  
ახალი დასკვნების საფუძველს. ასე  
მაგალითად, „რუსთველიანას“ 182  
გვ-ზე აღნიშნულია: „ჩვენ უკვე მოხსე-  
ნიებული გვეჩონდა, რომ შოთა მიღებუ-  
ლი იქნა თამარის კარზე 1191 წელს“.  
აქ ავტორი უთითებს ჩვენს მიერ ციტი-  
რებულ ადგილს და შემდეგ აქედან გა-  
მომდინარე მსჯელობს. „რუსთველი-  
ანას“ 165 გვ-ზე ვიშის მფლობელებზე  
ასათზე და შოთაზე აღნიშნულია: —  
„აღმოსავლეთ-ჰერეთის შემოერთებას  
ჩანს არ მოჰყოლია რაიმე გართულება.  
აღმოსავლეთ-ჰერეთის ეს უკანასკნელ-  
ნი დამოუკიდებელნი მფლობელნი, ამის  
შემდეგაც ჩანს მიღებულნი ყოფილან  
დავით აღმაშენებელის სამეფო კარზედ.  
იხინი მოიხსენებიან როგორც მონაწი-  
ლენი ნაჭარმაგევის ცნობილი დარბა-  
ზობისა, რომელიც გაუმართავს დავით  
აღმაშენებელს თავის ყმად-ნაფიცი და  
დამორჩილებული მეფეებისა და მთავ-  
რებისათვის“ (ხაზგასმა ჩვენია — ნ. შ.).

მითითებულია „ქელმწიფის კარის  
გარიგება“. მითითებულ ადგილებზე კი  
არც ასათია მოხსენიებული და არც  
შოთა. ვაუტვებრობას ვებმარტავს სქო-  
ლიო, სადაც პ. ინგოროყვა რამდენად-  
მე სცვლის თავის ცნობას და აღნიშ-  
ნავს, რომ „კარის გარიგებაში“ მოიხ-  
სენიება თურმე მხოლოდ ასათი, შოთას  
გარეშე. ამასთან, მართალია მითითე-  
ბულ წყაროში ვერც ასათის სახელსა  
და ვერც მის სამფლობელო ვიშს მკით-  
ხველი ვერ ნახავს, მაგრამ, თურმე  
ასათის სახელი უნდა ვიგულისხმობთ აქ  
მოხსენიებულ წანართა მეფეში, რადგან  
წანართა მეფე, პ. ინგოროყვას აზრით,  
თურმე იგივე ჰერ-კახთა მეფეა (გამო-  
დის, რომ დავით აღმაშენებლის მიერ  
კახეთ-ჰერეთის შემოერთების შემდე-  
გაც არსებობს ჰერ-კახთა მეფე, რომე-  
ლიც თურმე ყმად-ნაფიცი, ე. ი. ვასა-

ლია დავით აღმაშენებლისა! გამოდის, რომ დავით აღმაშენებლის მიერ გიშის დაპყრობის შემდეგ (1117 წ.) გიშის მფლობელები ასათ და შოთა, თუ მარტო ასათი, ჰერ-კახთა მეფეები არიან). საქმად თავისებური დამოწმებაა წყაროსი!

„რუსთველიანას“ 121-ე, 220-ე გვერდებზე და „რუსოველიანას ეპილოგის“ 671-ე გვერდზე ავტორი აღნიშნავს, რომ შოთა რუსთველი, იგივე შოთა კუბრი, გაჰყვა ნარინ-დავითს მონღოლთა ურდოში. დამოწმებულია ქამთაღმწერელი, იქ კი ასეთი ცნობა არ მოიპოვება. მითითებულ ადგილას წყარო გვამცნობს არა ნარინ-დავითის მონღოლთა ურდოში წასვლაზე, არამედ — რუსუდანთან ერთად ბარდავში ნოინებთან მისვლაზე მონღოლებთან შესარიგებლად და მეფობის მისაღებად.<sup>1</sup>

ნარინ-დავითის ურდოში (ჯერ ბათუყაენთან, ხოლო შემდეგ ყარაყორუმში — დიდ ყაენთან) გაგზავნაზე ქამთაღმწერელი გვამცნობს: „ხოლო ვითარ არღარა იყო ღონე, წარვიდა ნარინ-დავით, და თანა-წარატანა მეფემან რუსუდან მცირედ თანაზრდილნი მისნი, ქართლისა ერისთავის სურამელის გრიგოლის შვილი ბეგაი, გურკლელი მახუჯაგისძე, ამირეჯიბი ბეშქენ, და თუალნიცა ორნი დაუმალნა, ძვრად საფასონი. და წარვიდეს შემდგომად კულასა ავაგისსა და ხლათის სულტნისასა, რამეთუ პირველ იგინი წარავლინეს თათართა. და მიიწივნეს წინაშე ზემოსხენებულის ბათოსსა, რომელმან კეთილად იხილნა ნარინ-დავით მეფე, და ორისა წლისა ქამთა თჳს თანა იპყრა და მიერ წარავლინა ჩინ-მაჩინს და ყარაყორუმს, მანგუყაენს წინაშე, რომელი მიიწია რა, კეთილად შეიწყნარა, და ავაგს შეეყარა.

<sup>1</sup> ქამთაღმწერელი, მარიამისეული ქართლის ცხოვრება, გვ. 600, 604—605; ქართლის ცხოვრება, II, 1959, გვ. 192, 195.

<sup>2</sup> ქართლ. ცხოვრ., II, 1959, გვ. 206.

<sup>3</sup> იხ. ივ. ჯავახიშვილი, ქართვ. ერის ისტორია, III, 1949, გვ. 119. ნ. ბერძენიშვილი, საეპიგრაფო ფეოდალურ საქართველოში, ენიკიკა მოამბე, V—VI, 1940, გვ. 403.

რომელი პირველ მოსულ იყო მის თანა იყოფოდა“ (ხაზოვანი ნ. შ.).<sup>2</sup>

როგორც ვხედავთ, მონღოლთა ურდოში დავით რუსუდანისძის გამყოფლთა შორის ქამთაღმწერელთან შოთა კუბრი არ მოიხსენიება. არც ერთ საისტორიო წყაროში შოთა კუბრის მონღოლთა ურდოში წასვლაზე ცნობა არ მოიპოვება. საიდან გაუჩნდა მკვლევარს ასეთი აზრი, გაუგებარია. ამასთან გაუგებარი ხდება, როგორ ათავსებს პ. ინგოროყვა შოთა რუსთველის ბიოგრაფიაში იმას, რომ შოთა ნარინ-დავითსაც გაჰყვა მონღოლთა ურდოში და საქართველოშიც მოღვაწეობს ამის მომდევნო წლებში. ეგებება რუმიდან დაბრუნებულ დავით ლაშასძეს, მონაწილეობს კონტას-თავის შეთქმულებაში და 1245 წ. მეჭურჭლეთუხუცესიც ხდება? დაახლოებით ასეთივე შეუსაბამობას აქვს ადგილი შოთა რუსთველის ბიოგრაფიის იმ ნაწილში, როცა ის განდევნილიცაა უცხოეთში. სადაც „ვეფხისტყაოსანს“ წერს და საქართველოშიცაა. სადაც ის რუსთავის მფლობელია და ჰერეთის ერისთავთერისთავობასაც იღებს. მაგრამ, ამაზე ჭკვემოთ.

ზშირად ავტორს ამა თუ იმ დასკვნის დასასაბუთებლად გამოყენებული აქვს თავისთავად დაუსაბუთებელი დებულებები. აძიკვის ბარელიეფის დაზარალებასთან დაკავშირებით პ. ინგოროყვა, ადგენს რა საქართველოში უმეფობის ხანის წლებს, რაც რუსუდანის გარდაცვალებით იწყება, აღნიშნავს: „...მონღოლებთან ზავის ჩამოგდების შემდეგ, გარდაიცვალა რუსუდან მეფე. ეს მომხდარა სხვადასხვა სინქრონიზმების მიხედვით 1242 წელს“ („რუსთველიანა“ გვ. 232). რას გულისხმობს ამ „სხვადასხვა სინქრონიზმებში“ ავტორი, გაუგებარია. ანგარიში არ ეწევა იმ გარემოებას, რომ სამეცნიერო ლიტერატურაში რუსუდან მეფის გარდაცვალების თარიღად 1245 წელია დადგენილი.<sup>3</sup> გაურკვეველია აგრეთვე, თუ რატომ ფიქრობს ავტორი, რომ უმეფობა 1248 წ. გაგრძელდა. აძიკვის ძეგლში მე-

ვის მოუხსენებლობა პ. ინგოროყვას მიაჩნია იმის ნიშნად, რომ ძეგლი შექმნილია უმეფობის ხანაში. ეს დებულება ც დაუსაბუთებელია: არაა გათვალისწინებული სხვა ეპიგრაფიკული ძეგლები, რომელთა შორის ბევრი მეფობის ხანას ეკუთვნის, მაგრამ მეფეს არ იხსენიებს (წუნდის—XI—XII ს., ქვემო ჯინისის—XII ს., ბეშთაშენის—XII ს., სათხის—XI ს., სავანის—1046 წ. და სხვა.). ამგვარად, აძიკვის ბარელიეფი დათარიღებულია 1242-48 წლით, ე. ი. ამ შემთხვევაში სამი დაუსაბუთებელი დებულებით დასაბუთებულია მეოთხე დებულება.

ეს მაგალითები ნათელჰყოფენ, თუ რაოდენ ძნელია პ. ინგოროყვას აღნიშნულ ნაშრომებში წამოყენებულ დებულებაზე სისწორის შემოწმება.

მაგრამ ეს დებულებები, როგორც აღვნიშნეთ, იმდენად მნიშვნელოვანია როგორც რუსთველოლოგიაში, ისე ისტორიაში, რომ მათი უგულებელყოფა და განუხილველობა მაინც არ შეიძლება. რუსთველოლოგებმაც და ისტორიკოსებმაც გარკვეული პასუხი უნდა გასცენ მათ: ან მიიღონ ეს დებულებები, როგორც სწორი, ან უარყონ ისინი, როგორც მცდარი.

**ასე რომ, დაუბრუნდეთ სავაზიროს:** ვანგინილოთ, უპირველეს ყოვლისა, სავაზიროს შემადგენლობა: რამდენად სწორია XII საუკუნის სავაზიროში მსახურთუხუცესის, ჩუხჩარხის, მეჯინებეთუხუცესის და ამირახორის შეყვანა? რა საბუთები აქვს პ. ინგოროყვას საამისოდ?

როგორც ცნობილია, ქართული სავაზიროს შესასწავლად ძირითად წყაროს საქართველოს სახელმწიფო სამართლის XIV საუკუნის ძეგლი „ქელმწიფის კარის გარიგება“ წარმოადგენს. მისი ცნობების ამომწურავი შესწავლისა და

სხვა წყაროებთან შეჯერების შედეგად სავაზირო და მისდამი დაქვემდებარებული სამონღოლო ინსტიტუტების წავლილი აქვს ივ. ჯავახიშვილს „ქართული სამართლის ისტორიის“ I წიგნში. სავაზიროსადმი სპეციალური გამოკვლევა აქვს მიძღვნილი ნ. ბერძენიშვილს,<sup>1</sup> მაგრამ განსახილველი ნაშრომებიდან მკითხველს ისეთი შთაბეჭდილება ექმნება, თითქოს სავაზიროს შესწავლას პირველად პ. ინგოროყვამ მოჰკიდა ხელი. საერაოდ, „რუსთველიანას“ და მისი „ეპილოგის“ კითხვის დროს ექმნება ისეთი შთაბეჭდილება, თითქოს არ არსებობს არც ქართული საისტორიო მეცნიერება, არც ფილოლოგია, არც რუსთველოლოგიური ნაშრომები. რომ პ. ინგოროყვა პირველი იკვლევს საქართველოს ისტორიის ელემენტარულ საკითხებსაც კი. იძულებულია დაადგინოს თვითეული ვაზირის ფუნქციები, ერისთავის შინაარსი, შეისწავლოს ჭაშა გიორგის პიროვნება, გამოიკვლიოს წყაროთმცოდნეობითი თვალსაზრისით თამარის ისტორიკოსები, ჟამთააღმწერელი და სხვა. მაგრამ ნუთუ პ. ინგოროყვამ არ იცის, რომ ამ საკითხებზე არსებობს გაცილებით უფრო სრული და ამომწურავი გამოკვლევები? პ. ინგოროყვა ხშირად აყენებს სამეცნიერო ლიტერატურაში გამოთქმული თვალსაზრისის სრულიად საწინააღმდეგო დებულებას ისე, რომ არა თუ არ არღვევს, არამედ არც იხსენიებს უკვე არსებულ თვალსაზრისს.

„ქელმწიფის კარის გარიგება“ სრულიად დაუშვებელს ხდის ჩუხჩარხის, მეჯინებეთუხუცესისა და ამირახორის ვაზირებად მიჩნევას, რადგან აღნიშნული ძეგლი საკმაოდ ნათელ ცნობებს გვაწვდის სავაზიროს შემადგენლობაზე. რაც შეეხება მსახურთუხუცესს, ის, „კარის გარიგებისავე“ ცნობით, სავაზიროში შეუყვანია რუსუდან მეფეს.<sup>2</sup>

ის, თუ როგორ იცავს პ. ინგოროყვა „კარის გარიგების“ ამ ცნობების მიუხედავად თავის აზრს აღნიშნულ მოხელეთა ვაზირობის შესახებ, კარგი ნიმუშია იმისა, როცა მკვლევარს წყაროები-

<sup>1</sup> ნ. ბერძენიშვილი, სავაზირო ფეოდალურ საქართველოში, ვნიშკის მოამბე, V—VI, 1940 წ., გვ. 391—412; X, 1941 წ., გვ. 281—302.

<sup>2</sup> ე. თაყაიშვილი, ქელმწიფის კარის გარიგება, 1920 წ., გვ. 19.

დან კი არ გამოაქვს თავისი დასკვნები, არამედ ამ დასკვნების შესაბამისად განმარტავს წყაროებს. პ. ინგოროყვა აცხადებს, რომ ჩუხჩარხი, მეჯინიბეთუხუცესი და ამირახორი თამარ მეფემ გამოიყვანა სავაზიროდან 1191 წელს, წაართვა მათ ვაზირობა. ამით გასაგები უნდა გახდეს მკითხველისთვის, თუ რატომ არ მიიჩნევს მათ ვაზირებად „ჰელმწიფის კარის გარიგება“. რაც შეეხება მსახურთუხუცესს, „კარის გარიგების“ აღნიშნულ ცნობას მის შესახებ პ. ინგოროყვა იგებს ისე, თითქოს რუსულდანამდე მსახურთუხუცესი უმცროსი ვაზირი იყო სათათბირო ხმით, ხოლო რუსულდანის დროს ის სრულუფლებიანი ვაზირი გახდა. ავტორი აღნიშნავს: „მსახურთუხუცესი პირველ პერიოდში, მე-12 საუკუნესა და მე-13 საუკუნის დასაწყისში, უმცროს ვაზირად ითვლებოდა, სავაზიროში იგი სათათბირო ხმით სარგებლობდა. ხოლო შემდეგ, როგორც ეს აღნიშნულია „კარის გარიგება“-ში, მსახურთუხუცესს მიენიჭა სრულუფლებიანი ვაზირის რანგი“ („რუსთვ. ეპილოგი“, გვ. 563).

მაგრამ „კარის გარიგებაში“ ხომ სრულიად არაფერია ნაოქვამი მსახურთუხუცესის სრულუფლებიან ვაზირად გახდომაზე, პ. ინგოროყვა წყაროს მიაწერს თავის აზრს. წყაროში კი აღნიშნულია: „...მსახურთუხუცესი მანაველი რუსულდან მეფეს შეუყვანია სავაზიროსა...“

როგორც ვხედავთ, აქ სრულიად ნათლად და გარკვევით არის ნათქვამი მსახურთუხუცესის სავაზიროში შეყვანაზე, გავაზირებაზე, ე. ი. მანამდე ის არ ყოფილა ვაზირი, არ შედიოდა სავაზიროში. „კარის გარიგების“ ამ ცნობის სხვადასხვა ნაირად გაგება შეუძლებელია.

ამასთან, პ. ინგოროყვას მიერ შემოთავაზებული კატეგორიები „სრულუფლებიანი“ და „აბსოლუტუფლებიანი“ ვაზირებისა ხელოვნურია. ასეთი კატეგორიები არ არსებულა. ვაზირი ყველა სრულუფლებიანი იყო. თუნდაც ჭეშმარიტებად რომ მივიჩნიოთ პ. ინგოროყ-

ვას მტკიცება, რომ მსახურთუხუცესი რუსულდანამდე სავაზიროს სხდომებს ესწრებოდა სათათბირო ხმით (თუმცა ვიმეორებთ, ასეთი მტკიცებისთვის არავითარი საფუძველი არ არსებობს), მაინც გამოდის, რომ მსახურთუხუცესი ვაზირი არ ყოფილა. იმავე „კარის გარიგებიდან“ კარგად ჩანს, რომ ის, ვინც სავაზიროს სხდომებს ესწრებოდა არაგადამწყვეტი ხმით (ამირახორი, ამირეჯები, საწოლის მწიგნობარი), ვაზირი არ იყო, არამედ, უკეთეს შემთხვევაში — ვაზირის მოადგილე, „ვაზირის ვაზირი“ (როგორც მაგალითად ამირახორი, რომელიც ამირსპასალარის მოადგილე იყო). რატომ აღარ შეჰყავს 1191 წლის შემდეგ ვაზირთა სიებში პ. ინგოროყვას, მაგალითად, ამირახორი? ხომ კარგადაა ცნობილი, რომ ამირახორი XIII—XIV საუკუნეებში სავაზიროს სხდომებსაც ესწრებოდა და სათათბირო ხმაც ჰქონდა?

მაგრამ ამჯერად თავი დავანებოთ მსახურთუხუცესს და დავუბრუნდეთ იმ სამ მოხელეს, რომლებიც პ. ინგოროყვას მტკიცებით 1191 წელს გამოაძვეეს სავაზიროდან. რას ემყარება პ. ინგოროყვა, როცა ასეთ ცნობას გვაწვდის? რომელ წყაროში მოიპოვება პირდაპირი თუ არაპირდაპირი ცნობა თამარის მიერ 1191 წელს სავაზიროს შემცირების შესახებ? თვით ავტორი ამის შესახებ არაფერს გვამცნობს. ის აღნიშნავს მხოლოდ: „თამარის მეფობაში, 1191 წელს, სავაზიროს შემადგენლობაში ცვლილება მოხდა. ცვლილება იმაში მდგომარეობდა, რომ სავაზიროში დატოვებულ იქნა მხოლოდ ხუთი წევრი, ე. ი. საკუთრივ ვაზირები: 1. მწიგნობართ-უხუცესი; 2. ამირსპასალარი; 3. მანდატურთ-უხუცესი; 4. მეჭურჭლეთ-უხუცესი; 5. მსახურთ-უხუცესი. რაც შეეხება სამ სპასპეტს (ჩუხჩარხი, მეჯინიბეთ-უხუცესი და ამირახორი). მათი თანამდებობანი თუმცა დარჩა, მაგრამ ამის შემდეგ სავაზიროს წევრებად აღარ ითვლებიან“ („რუსთველიანს ეპილოგი“, გვ. 568).



რა თქმა უნდა, არავითარი ცნობა თამარის მიერ სავაზიროს ამ რეფორმის ჩატარების შესახებ წყაროებში არ მოიპოვება და არც შეიძლება იყოს: XII—XIII სს. სავაზირო, როგორც ახლად წარმოშობილი ინსტიტუტი აღმავლობის გზაზე მდგარი სახელმწიფოს გამგებლობისა, განიცდიდა ზრდას და არა შემცირებას. XIII ს. დასაწყისში სავაზიროს მიემატა მეხუთე ვაზირი — ათაბაგი, ხოლო რუსუდან მეფის დროს მეექვსე ვაზირი — მსახუროუხუცესი.

მაგრამ თავი დავანებოთ ამ სამი მოხელის სავაზიროდან გამოყვანას და ვნახოთ, თუ როგორ შეიყვანა ისინი სავაზიროში პ. ინგოროყვამ. დავუშვათ, რომ „ქელმწიფის კარის გარიგება“ არ შემოგვრჩა და ამდენად ის ხელს არ უშლის აღნიშნული ოთხი მოხელის ვაზირობას, არ აიძულებს პ. ინგოროყვას სამი მათგანი გამოიყვანოს სავაზიროდან 1191 წელს, ხოლო მეოთხე გამოაცხადოს „არასრულუფლებიან ვაზირად“. შესძლებდა თუ არა პ. ინგოროყვა აღნიშნულ მოხელეთა ვაზირობის დამტკიცებას, „კარის გარიგებას“ რომ არ შეეშალა მისთვის ხელი? რა პოზიტიური მონაცემები აქვს მას საამისოდ?

აღნიშნული ოთხი მოხელის ვაზირობას, პ. ინგოროყვას აზრით, ამტკიცებს ერთი ადგილი თამარ მეფის ანონიმი ისტორიკოსის ტექსტიდან („ისტორიანი და აზმანი შარავანღედთანი“), სადაც ჩამოთვლილი ყველა პირი პ. ინგოროყვას სავაზიროს წევრად მიაჩნია (იქვე, 565). ავტორს მთლიანად მოჰყავს აღნიშნული ტექსტი, თუმცა ეს ტექსტიც ზოგან რამდენადმე გადაუკეთებია, რაზეც ქვემოთ გვექნება საუბარი. აღნიშნულ ტექსტში მსახურთუხუცესის, ჩუხჩარხის და ამირახორის მოხსენიება პ. ინგოროყვას მიაჩნია ამ მოხელეთა ვაზირობის დამამტკიცებელ საბუთად. მაგრამ ტექსტი ერთ უხერხულ-

ლობას იწვევს: მასში მოხსენიებული არ არის მეჯინიბეთუხუცესი. <sup>გამოწმებულია</sup> რომ ან ტექსტი არ წარმოადგენს სავაზიროს სრულ სიას, ან მეჯინიბეთუხუცესი არ არის ვაზირი. პ. ინგოროყვა იოლად პოულობს გამოსავალს: თვითონვე უმატებს ტექსტში კუთხურ კვებში ჩასმულ მეჯინიბეთუხუცესს. ამრიგად, ვაზირთა სია სრული ხდება (თამარის ისტორიის ეს ადგილი სიტყვა-სიტყვით შეტანილია „კარის გარიგებაში“, სადაც აგრეთვე არ არის ნახსენები მეჯინიბეთუხუცესი). ასე, წყაროში თავის მიერვე ჩამატებულ ცნობას პ. ინგოროყვა იყენებს საბუთად მეჯინიბეთუხუცესის ვაზირობის დასამტკიცებლად.

მაგრამ არიან კი აღნიშნულ ტექსტში მოხსენიებული ყველა პირები ვაზირები? არც თვით ტექსტშია ეს აღნიშნული და არც მისი შინაარსიდან გამომდინარეობს. ტექსტი ცნობას გვაწვდის თამარის გამეფების პირველსა თუ მეორე წელს მეფის მიერ ახალი ვაზირებისა და დიდმოხელეების დამტკიცების შესახებ. ამ დამტკიცებულ ვაზირთა და მოხელეთა შორის დასახელებულია: ჰყონდიდელ-მწიგნობართუხუცესი, ამირსპასალარი, მანდატურთუხუცესი, მეჭურჭლეუხუცესი, მსახურთუხუცესი, ჩუხჩარხი და ამირახორი. ამას მოსდევს ერისთავთ-ერისთავთა სია. მაგრამ აზსაიდან არ ჩანს, რომ ისინი მაინცადამაინც ყველა ვაზირებია. „კარის გარიგებაში“ შეტანილ ამ ტექსტს წინ უძღვის შემდეგი სიტყვები: „ერისთავნი და კელის მქონებელნი დიდისა თამარ მეფისა, რომელიცა განაჩინა ერთნებითა შვილსავე სამეფოსა დიდებულთა“.<sup>1</sup> „ერისთავნი და კელის მქონებელნი“ და არა ერისთავნი და მხოლოდ ვაზირნი, როგორც ამას ფიქრობს პ. ინგოროყვა. „კელის მქონებელი“ შეიძლება იყოს როგორც ვაზირი, ისე არავაზირიც.

აღნიშნულ ტექსტში პ. ინგოროყვა კიდევ ერთ საბუთს ხედავს მსახურთუხუცესისა და ჩუხჩარხის ვაზირობის დასამტკიცებლად: ესაა ცნობა ამ ორი

<sup>1</sup> იქვე. თაყაიშვილი, ქელმწიფის კარის გარიგება, 1920 წ., გვ. 16.

მოხელის სასთაულით ჯდომის პატივის შესახებ დარბაზობის დროს: „უბოძა... [თამარმა] მსახურთუხუცესობა ვარდანს დადიანსა, ჩუხჩარებობა მარუშინასა, ძესა ჩუხჩარებისასა, ვინაცა მათ ორთავე მამანი მომკცოვნებულ იყვნეს და დასდვა მამისა პატივი მათისა და დასხნა სასთაულითა“<sup>1</sup>. სასთაულით, ე. ი. ბალიშით ჯდომა სამეფო დარბაზობის დროს, პ. ინგოროყვას აზრით, საერთო პირთაგან მხოლოდ მეფისა და ვაზირთა პრეროგატივა იყო. ამდენად, სასთაულით ადგილის ბოძება იგივე ვაზირობის ბოძება იყო. „რუსთველიანს ეპილოგში“<sup>2</sup> პ. ინგოროყვა, აგვიწერს რა ვაზირთა გარეგნული პატივის ნიშნებს — სამოსელსა და ჯდომის წესს სამეფო დარბაზობის დროს, აღნიშნავს: „ვაზირთათვის განკუთვნილი იყო სავახავებო სამოსელი, რომელსაც „სკარამანგი“ ეწოდებოდა. ვაზირის საჯდომი იყო ოქროჭედილი „სელი“ (დიდი სკამი).“ (რუსთვ. ეპილ. გვ. 611).

თამარის ისტორიაში, რომელსაც ემყარება პ. ინგოროყვას ეს ცნობა ვაზირთა სამოსელისა და დაჯდომის წესის შესახებ, „სკარამანგი“ და „ოქროჭედილი სელი“ მიკუთვნებულია მხოლოდ მწიგნობართუხუცესის, ამირსპასალარისა და მანდატურთუხუცესისათვის. იქ, სადაც ჩამოთვლილია 1184-85 წელს თამარის მიერ დამტკიცებული ვაზირები და სხვა მოხელეები, მწიგნობართუხუცესის, ამირსპასალარისა და მანდატურთუხუცესის ჩამოთვლის შემდეგ აღნიშნულია: „...შთააცვეს ტანსა მისსა სკარამანგი, და დასუეს სელეებითა ოქრო-ჭედილითა რომელნიმე მარჯუენით მისსა და რომელნიმე მარცხენით...“<sup>3</sup>.

ამავე ადგილზე (მანდატურთუხუცესის შემდეგ) შეტანილია ეს ტექსტი

<sup>1</sup> ისტორიანი და აზმანი შარაიანდელთანი, ქართლის ცხოვრება, II, 1959, გვ. 33.

<sup>2</sup> იქვე.

<sup>3</sup> კარის ვარიგება, გვ. 16.

<sup>4</sup> „ვანება დარბაზობისა“—ში წერია არა „სომხითისა დიდი მიტროპოლიტი“, არამედ — „დიდისა სომხითისა მიტროპოლიტი“.

„კარის ვარიგებაში“<sup>4</sup> პ. ინგოროყვას სურს ეს სამოსელი და დასაჯდომი მიაკუთვნოს ყველა ვაზირს და მათ შორის მის მიერ ვაზირებად მიჩნეულ ოთხ მოხელეს, მათ შორის მის მიერვე ტექსტში ჩამატებულ მეჯინბეთუხუცესს. ამიტომ მას წყაროდან მოტანილ ტექსტში თვითნებურად გადააქვს ეს ადგილი ტექსტის ბოლოში, ამირსპასალარის შემდეგ და ამის თაობაზე არაფერს არ ამბობს („რუსთვ. ეპილ.“, გვ. 565—566).

ვაზირთა ჯდომის წესზე პ. ინგოროყვა კიდევ უფრო მეტ ცნობებს გვაწვდის. ის აღნიშნავს: „ვაზირთა საჯდომი ასე იყო გაწყობილი: ოქროჭედილ სელზე გადაეფინებოდა ნატი (მოქნილი ტყავი) და ზედ დასაჯდომად დაიდებოდა „სასთაული“ (ბალიში)...

„სასთაული“ განსაკუთრებული პატივის ნიშნად ითვლებოდა, რადგან ეს იყო მეფისა და ვაზირთა პრეროგატივა“ (რუსთვ. ეპილ., გვ. 611).

შემდეგ პ. ინგოროყვა, „კარის ვარიგებასა“ და „ვანება დარბაზობისა“—ზე დაყრდნობით, აგვიწერს დარბაზობის მთელ ცერემონიალს. მოვიტანოთ „რუსთველიანის ეპილოგიდან“ ის ადგილი, რომელიც ეხება ჯდომის წესს: [ვასალი მეფეების] „შემდეგ მაგიდებთან ისხდნენ ოქროჭედილ სელეზე, რომლებიც გაწყობილი იყო ნატითა და სასთაულითა: 8. პირველი ვაზირი. ჭყონდიდელი.

ჭყონდიდელის გვერდით სამი მთავარეპისკოპოსი: 9. ქუთათელი; 10. იშხნელი; 11. სომხითისა დიდი მიტროპოლიტი.<sup>4</sup>

ვაზირნი: 12. ათაბაგი; 13. ამირსპასალარი; 14. მანდატურთ-უხუცესი; 15. მეჭურჭლეთ-უხუცესი; 16. მსახურთ-უხუცესი.

შემდეგ ისხდნენ ნატიოა, მხოლოდ უსასთაულოდ: ერისთავთ-ერისთავნი (მეთაურნი დიდ საერისთაოთა, რომელთა რიცხვი სახელმწიფოში 25 იყო) და აგრეთვე მათი რანგის ეპისკოპოსნი.

შემდეგ ისხდნენ — უნატოდ:

ერისთავნი და მათი რანგის ეპისკოპოსნი...“ (იქვე, გვ. 616).

3. ინგოროყვას მიერ აქ წარმოდგენილ სურათს ვერ ვნახავთ ვერც ერთ მის მიერ მითითებულ წყაროში: არც ვაზირთა, არც ერისთავთ-ერისთავთა და არც ერისთავთა სასთაულითა თუ ნატიო დაჯდომის წესზე არაფერია ნათქვამი არც „ქელმწიფის კარის გარიგება“-ში, არც „განგება დარბაზობისა“-ში და არც რომელიმე სხვა წყაროში.

სინამდვილეში სასთაულით ჯდომის შესახებ ცნობები გვაქვს საქართველოს მეფისა და მისი ვასალი მეფეების შესახებ „კარის გარიგებაში“<sup>1</sup>, კათალიკოსისა და სხვა მღვდელმთავრების შესახებ „განგება დარბაზობისა“-ში,<sup>2</sup> მსახურთუხუცესისა და ჩუხჩარხის შესახებ თამარის ისტორიის ზემოდასახელებულ ტექსტში. ეს არის სულ, რაც ვიცით სასთაულით ჯდომის შესახებ. ამ ცნობებიდან კი სრულიად არ გამომდინარეობს, რომ სასთაულით ჯდომა საერო პირებიდან მეფისა და ვაზირთა პრეროგატივა იყო მხოლოდ. პირიქით, თამარის ისტორიის ზემოდანიშნული ადგილი მოწმობს, რომ სასთაულით, ვაზირების გარდა, ისხდნენ სხვა დიდი მოხელეებიც, როგორც მაგალითად, მსახურთუხუცესი, რომელიც ამ დროს ჯერ ვაზირი არ იყო და ჩუხჩარხი, რომელიც არასდროს ვაზირი არ ყოფილა.

შეიძლება თუ არა დასაშვებად მივიჩნიოთ ჩუხჩარხის, ამირახორისა და მეჯინიბეთუხუცესის ვაზირობა? შეიძლება თუ არა დავუშვათ, რომ პ. ინგოროყვამ სწორად ამოიცნო აღნიშნული მოხელეების ვაზირობა, მაგრამ ვერ წარმოადგინა საკმარისი მასალა ამის დასაბამებლად? ამის დამეგება არ შეიძლება: ვაზირები იყვნენ ამა თუ იმ ცენტრალური უწყების გამგებლები და მეფის მოადგილეები ამ უწყებების ხაზით. არც ერთი აღნიშნულ სამ მოხელე-

თავანი უწყების მეთაური არ ყოფილა. ამირახორი იყო ამირსპასალარის მოადგილე, მეჯინიბეთუხუცესი მეფის მსახურის ერთ-ერთი ხელქვეშეთი მოხელე, ხოლო ჩუხჩარხზე, მართალია, მცირე ცნობები შემოგვრჩა, მაგრამ ის კი ცხადია, რომ არც ერთი უწყების მეთაური ის არ ყოფილა<sup>3</sup>. თვით პ. ინგოროყვაც ხომ აღნიშნავს ამირახორზე და მეჯინიბეთუხუცესზე: „...მეჯინიბეთუხუცესი და ამირახორი იყვნენ მოადგილენი ამირსპასალარისა, სამხედრო მინისტრისა და მთავარსარდლისა“ („რუსთვ. ეპილოგი“, გვ. 564). ცხადია, უწყების მეთაურის მოადგილე ვაზირი არ შეიძლებოდა ყოფილიყო. ის იქნებოდა „ვაზირის ვაზირი“, როგორც იწოდება კიდევ ამირახორი „კარის გარიგებაში“ — და არა მეფის ვაზირი, რომელიც ექვემდებარებოდა მხოლოდ მეფესა და ვაზირთა უპირველესს.

მსახურთუხუცესის ვაზირობის დასამტკიცებლად პ. ინგოროყვას, გარდა სასთაულისა, რომელიც როგორც დავინახეთ არ გამოდგება არგუმენტად, მოჰყავს კიდევ ერთი საბუთი: ესაა გუნია-ყალის ცნობილი ეპიგრაფიკული ძეგლი, სადაც, პ. ინგოროყვას აზრით, მოხსენიებულია სავაზიროს სრული შემადგენლობა, მსახურთუხუცესის ჩათვლით.

გუნია-ყალის აღნიშნული ძეგლი, ეს უაღრესად ძვირფასი წყარო საქართველოს სახელმწიფო სამართლის ისტორიისა, მიუხედავად მისი რამდენჯერმე გამოცემისა, ჩვენი აზრით, ჯერ კიდევ არ არის სათანადოდ შესწავლილი. ყოველ შემთხვევაში, მსახურთუხუცესის ვაზირობის დასამტკიცებლად ის არ გამოდგება, რადგან არავითარი მსახურთუხუცესი იქ მოხსენიებული არ არის. ამ დროს მსახურთუხუცესის სახელი უპყრია ივანე მხარგრძელს, ხოლო ძეგლის სათანადო ადგილზე წერია არა ივანე, როგორც ამას კითხულობს პ. ინგოროყვა, არამედ — ვაჩე. პ. ინგოროყვას ეს წაკითხვა, რომლის მიხედვით წარწერა პირველად გამოიცა ვ. ბარდაველიძისა და გ. ჩიტაიას „ქარ-

<sup>1</sup> კარის გარიგება, გვ. 12.  
<sup>2</sup> ქრონიკები, I, გვ. 45 — 46.  
<sup>3</sup> იხ. ივ. ჯავახიშვილი, ქართ. სამართ. ისტ., I, 1919 წ., გვ. 198. კ. კეკელიძე, ისტორიანი და აზმანი შარავანდედთანი, შესავალი. გვ. 11—17.

თულ ხალხურ ორნამენტში<sup>1</sup> და რომელიც გადაიტანა აქედან ლ. მუსხელიშვილმა თავის „არქეოლოგიურ ექსკურსიებში“, შეასწორა ან. ბაქრაძემ: მან ორჯერ გამოსცა ეს ძეგლი თავისი ფოტოპირებით: „საქართველოს მუზეუმის ეპიგრაფიკულ ძეგლთა კატალოგში“<sup>2</sup> და ცალკე სტატიის სახით<sup>3</sup>. ძეგლში სავსებით თვალნათლივ იკითხება შემდეგი ასომზავრული ასოები: „ვჩესითა“. პ. ინგოროყვამ ამ სიტყვის წინ პირველ გამოცემაში რკალეებში, ხოლო „რუსთველიანას ეპილოგში“ სულაც ამ რკალეების გარეშე ჩაუმატა ასო „ი“. „ჩ“-ს ნაცვლად წაიკითხა „ნ“, გამოვიდა „ივნესითა“, ე. ი. „ივანესითა“. პ. ინგოროყვას რომ ანგარიში გაეწია ა. ბაქრაძის მართებული წაკითხვისთვის, აღარ დაუშვებდა ასეთ შეცდომას. გამოდის, რომ გუნია-ყალის წარწერაში მოხსენიებული არ არის მსახურთუხუცესი, ხოლო თუ კი აქ მართლაც წარმოდგენილია სავაზიროს სრული შემადგენლობა, როგორც ამას აღნიშნავს პ. ინგოროყვა (ეს თვალსაზრისი დამკვიდრებულია სამეცნიერო ლიტერატურაში), მაშინ უნდა დავასკვნათ, რომ მსახურთუხუცესი არ იყო ამ დროს სავაზიროს წევრი. ის იყო მხოლოდ „ქელი შინაური და საპატრო“, როგორც ამას გვაძინობს თამარის ანონიმი ისტორიკოსი.

ამრიგად, დავამთავროთ სავაზიროს შედგენილობაზე პ. ინგოროყვას თვალსაზრისის განხილვა. როგორც ვხედავთ, პ. ინგოროყვას დებულება XII ს. სავაზიროს რვა ვაზირისგან შედგენილობის შესახებ უარსაყოფია. სინამდვილეში ამ დროისთვის სავაზირო შედგებოდა ოთხი ვაზირისგან (რომელსაც, როგორც ცნობილია, XIII ს. დასაწყისში მიემატა მეხუთე — ათაბაგი, ხოლო რუ-

სუდანის დროს მეექვსე — მსახურთუხუცესი).

გადავიდეთ სავაზიროს წევრების თარიღზე. რამდენად არის დასაბუთებული პ. ინგოროყვას მიერ ამ თარიღის გადატანა XII ს. მეორე ნახევრიდან XII ს. დასაწყისში, ე. ი. რამდენად სწორია ავტორის მიერ შემოთავაზებული ვაზირთა სიის უძველესი ნაწილი?

**დავიწყოთ ამირსპასალარიდან.** როგორც ივ. ჯავახიშვილმა დაადგინა, სიტყვა ამირსპასალარი ქართულ წყაროებში პირველად იხსენიება თამარის ანონიმი ისტორიკოსთან.<sup>4</sup> პირველ ამირსპასალარად ამავე წყაროში, გიორგი III მეფობის დროს, დასახელებულია ივანე ორბელი, რომელსაც, სტეფანოს ორბელიანის ცნობით, ამირსპასალარობა მიუღია 1161 წელს.

პ. ინგოროყვას მიერ დადგენილ ვაზირთა სიაში კი პირველ ამირსპასალარად გვევლინება აბულეთი 1125—1130 წლებში. მას ცვლის ივანე აბულეთის ძე 1130—1145 წლებში და მხოლოდ ამის შემდეგ ჩანს ივანე ორბელი, ისიც არა მხოლოდ გიორგი III დროდან, არამედ — უკვე 1145 წლიდან.

რა წყაროების მიხედვით ადგენს პ. ინგოროყვა ამირსპასალართა ამ რიგს? აბულეთისძეთა გვარის ისტორია დადგენილი აქვს ხელნაწერთა ინსტიტუტის მეცნიერ თანამშრომელს ჯ. ოდიშელს, თავის გამოთქვეყნებულ ნაშრომში: „დავით აღმაშენებლის 1123 წლის ანდერძი როგორც საისტორიო წყარო“. აღნიშნულ ნაშრომში ამომწურავადაა გამოყენებული ყველა საისტორიო წყაროს ჩვენება აბულეთისძეთა გვარის შესახებ. მაგრამ ავტორს აბულეთისძეთა ამირსპასალარობაზე არავითარი ცნობა არ შეხვედრია.

აბულეთის ამირსპასალარობის დასაბუთებლად ავტორი უთითებს ორ საისტორიო წყაროს: დავით აღმაშენებლის ისტორიკოსს და ვარდან აღმოსავლელს. მაგრამ არც ერთ დასახელებულ წყაროში არ არის ნათქვამი ისე-

<sup>1</sup> 1939 წ., გვ. 19, შენიშვ. 1.

<sup>2</sup> 1941 წ., გვ. 65.

<sup>3</sup> 1953 წ., გვ. 25—26, № 26.

<sup>4</sup> საქ. მუზეუმის მოამბე. XVII — B, გვ. 219—225.

<sup>5</sup> ივ. ჯავახიშვილი, ქართული სამართლის ისტორია, I, 1919 წ., გვ. 143.



თი რამ, რაც აბუღეთის ამირსპასალარობას გვაფიქრებინებდა: დავით აღმაშენებლის ისტორიაში აღნიშნულია მხოლოდ, რომ 1110 წელს თევდორეს, აბუღეთსა და ივანე ორბელს თურქებისგან გაუთავისუფლებიათ სამშვილდე.<sup>1</sup> ვარდანის ცნობით, 1124 წელს ვანთავისუფლებული ანისის გამგებლებად დავით აღმაშენებელს აბუღეთი და მისი ძე ივანე დაუნიშნავს. ამ უკანასკნელთ, ვარდანისავე ცნობით, ქალაქი მისი მამამდიანი მფლობელის აბულსუფარის მემკვიდრეებისთვის ჩაუბარებიათ.<sup>2</sup> ვარდანისავე ცნობით, 1130 წელს აბუღეთმა ხელი შეუშალა თავის შვილს ივანეს დიმიტრი მეფის მოკვლაში.<sup>3</sup> როგორც ვხედავთ, მითითებული წყაროები აბუღეთის ამირსპასალარობაზე არაფერს გვაძეგნობს.

ივანე აბუღეთისძის ამირსპასალარობის დასაბუთებლად პ. ინგოროყვას მითითებული აქვს 4 საისტორიო წყარო: „ისტორიანი და აზმანი“ შარავანდედთანი“, ლაშა გიორგის დროინდელი მემატანე, ვარდან აღმოსავლელი და სტეფანოს ორბელიანი. აღნიშნული წყაროები აგრეთვე არ ადასტურებენ ივანე აბუღეთისძის ამირსპასალარობას: სტეფანოს ორბელიანის ცნობით, ივანე აბუღეთისძეს დემეტრეს მეფობაში აუღია დმანისი;<sup>4</sup> ვარდანის ერთი ცნობა ივანე აბუღეთისძეზე, რომელიც ეხება 1130 წელს, ჩვენ უკვე მოვისხენიეთ; ვარდანის მეორე ცნობით, 1132 წელს ივანე აბუღეთისძე, დიმიტრი მეფის ბრძანებით, ღალატით მოუკლავთ<sup>5</sup>. ავასვე ადასტურებს ლაშა გიორგის მემატანე, მხოლოდ ამ ფაქტს ათარიღებს 1145 წლით<sup>6</sup>. თამარის ანონიმი ისტო-

რიკოსი, მოგვითხრობს რა მამამდიანთა კოალიციურ ლაშქრობაზე გიორგი III წინააღმდეგ XII ს. 60-იან წლებში, ლაშქრობის მონაწილე არდოხის-ძეზე წერს, რომ მისმა მამამ „გამოჩენილი ივანე აბუღეთისძე ლტოლვილყო“<sup>7</sup>. როგორც ვხედავთ, არც ივანე აბუღეთისძეა წყაროებში მოხსენიებული ამირსპასალარად.

ჯ. ოდიშელმა ზემოდასახლებულ ნაშრომში აბუღეთისძეთა გვარზე, დაადგინა, რომ ამ გვარის წარმომადგენელია დავით აღმაშენებლის 1123 წლის ანდერძში მოხსენიებული მეფის წინააღმდეგ აჯანყებული დიდგვარიანი ძაგანი, რომელიც დავითს შეუბყრია და დაუსჯია. ამასთან დაკავშირებით დავით აღმაშენებელი თავის აღნიშნულ ანდერძში ძაგანის გვარს, ე. ი. აბუღეთისძეებს, ახასიათებს. როგორც ყოველთვის მეფის ორგულს: „...მათა გუართა... არავის ოდეს ექნა ჩვენი ერთგულება“<sup>8</sup>. ეს საგვარეულო, როგორც დავინახეთ, დემეტრეს მეფობაშიც ამართლებს ასეთ დახასიათებას და ივანე აბუღეთისძეს კიდევ სიკვდილით სჯიან. ძალიან საეჭვოა, რომ მეფეს მაინცადამაინც ამ თავის ორგულ საგვარეულოს წევრ აბუღეთისთვის მიეცა ამირსპასალარობა 1125 წელს.

ამირსპასალარობის გარდა, პ. ინგოროყვას აზრით, აბუღეთისძეთა გვარს ქართლის ერისთავობაც ეჭირა და ამდენად ის წინამოადგილე იყო ორბელთა გვარისა, რომელიც აგრეთვე ორივე ამ ხელს ფლობდა. მაგრამ აბუღეთისძეები წყაროებში არც ამირსპასალარებად, არც ქართლის ერისთავებად არ იხსენიებიან. უფრო მეტიც: მათი ქართლის ერისთავობა საერთოდ გამორიცხულია. ამას ნათელს ხდის ის გარემოება, რომ 1260 წლის ისტორიული დოკუმენტის — ძაგან აბუღეთისძის „დაწერილის“ ცნობით, აბუღეთისძეთა გვარი XIII საუკუნეშიც ფლობდა ერისთავთ-ერისთავობას. კერძოდ. აქ მოხსენიებული არიან ძაგანის მამა ერისთავთ-ერისთავი ივანე აბუღეთის-

<sup>1</sup> ქართლის ცხოვრ., I, 1955, გვ. 331.

<sup>2</sup> მსოფლიო ისტორია (სომხურ ენაზე) 1861 წ., გვ. 156 — 158.

<sup>3</sup> იქვე, გვ. 160.

<sup>4</sup> სტეფანოს ორბ., გვ. 380.

<sup>5</sup> ვარდანის, გვ. 161.

<sup>6</sup> ქართლის ცხოვრება, I, 1955, გვ. 367.

<sup>7</sup> ქართლის ცხოვრ., II, 1959, გვ. 6-7.

<sup>8</sup> ისტორ. საბუთ. შიომღვიმის მონასტრისა, 1896 წ., გვ. 18.

ძე და ძაგანის ბიძა გიორგი აბულეთის-  
ძე, შვილით ივანეთი. XIII ს-ში კი  
ქართლის ერისთავები, როგორც ცნო-  
ბილია, სურამელები იყვნენ (რატი,  
გრიგოლი, ბეგა, რატი), ე. ი. აბულე-  
თისძეები სხვა საერისთავთერისთავოს  
ფლობდნენ. ამ მხრივ ანგარიშგასაწევია  
აგრეთვე დავით აღმაშენებლის 1123 წ.  
ანდერძის ცნობა, რომლის მიხედვით  
ძაგანიც და მისი წინაპრებიც ფლობდ-  
ნენ მუხრანსა და ზედაზენს<sup>1</sup>. ეს აღვი-  
ლები კი არასდროს ქართლის საერის-  
თავოში არ შედიოდა.

ზედაზენის ფლობა შესაძლოა ამ გვა-  
რის კახურობაზე მიუთითებდეს.

**მანდატურთუხუცესი** წყაროებში  
პირველად თამარის ანონიმ ისტორიკოს-  
თან იხსენიება. პირველ მანდატურთ-  
უხუცესად ამავე წყაროში დასახელე-  
ბულია იგივე ივანე ორბელი<sup>2</sup>, რომე-  
ლიც, როგორც ჩანს, ერთდროულად  
ფლობს ორი ვაზირის ხელს: ამირსპა-  
სალარისა და მანდატურთუხუცესისას  
(ასევე გაერთიანებულია ეს ორი სავა-  
ზირო სახელო ივანე ორბელის შემცვ-  
ლელის ყუბასარის ხელში 1177 წლი-  
დან).

3. ინგოროყვას მიერ დადგენილ სია-  
ში კი ამ ხელის პირველ მფლობელად  
გვევლინება ასათ გრიგოლისძე, რომე-  
ლიც ავტორის აზრით, იყო უკანასკნე-  
ლი მეფე აღმოსავლეთ პერეთისა, შემ-  
დეგ პერეთის ერისთავთ-ერისთავი და  
მანდატურთუხუცესი 1117/20 — 1145  
წ. წ.

იყო თუ არა ასათი პერეთის მეფე ან  
პერეთის ერისთავი, ამ საკითხს ჩვენ  
ქვემოთ შევეხებით. ახლა კი ვაწვინი-  
ლოთ მისი ვაზირობა.

**ასათის მანდატურთუხუცესობის** და-  
სახელებულად პ. ინგოროყვა მიუთი-  
თებს ორ წყაროს: დავით აღმაშენებ-  
ლის ისტორიკოსს და ხელმწიფის კა-

რის გარიგებას. დავით აღმაშენებლის  
ისტორიკოსთან ასათი იხსენიება, რო-  
გორც გიშის მფლობელი, შემდეგ  
ერთად, რომლებიც დავითმა 1117  
წელს გიშის დაპყრობასთან ერთად  
ხელთ იგდო<sup>3</sup>. ესაა და ეს. „ხელმწიფის-  
კარის გარიგებაში“ კი, როგორც უკვე  
ზემოთ გვქონდა აღნიშნული, ასათის  
არა თუ მანდატურთუხუცესობის, არა-  
მედ სახელის ხსენებაც კი არსადაა.  
პ. ინგოროყვა კი აქ ასათის სახელს  
ხედავს ნაჭარმაგევის პურობაზე მოხსე-  
ნიებულ წანართა მეფეში. როგორც  
ჩანს, ამავე წანართა მეფეში ხედავს ის-  
მომავალ მანდატურთუხუცესს.

**მეჭურჭლეთუხუცესი** პირველად სა-  
ისტორიო წყაროებიდან თამარის ანო-  
ნიმ ისტორიკოსთან არის მოხსენიებუ-  
ლი. მეჭურჭლეთუხუცესად აქ გვხვდება  
ყუთლუ-არსლანი გიორგი III-ის მე-  
ფობის ბოლოს<sup>4</sup>. ამაზე აღრინდელი  
მეჭურჭლეთუხუცესის სახელი წყარო-  
ებში არ ჩანს.

პ. ინგოროყვას სიაში კი პირველ  
მეჭურჭლეთუხუცესად დასახელებუ-  
ლია არიშიანი 1105/15-1150/60 წლებ-  
ში.

არიშიანის მეჭურჭლეთუხუცესობის  
სახეობად პ. ინგოროყვა გვთავაზობს.  
შემდეგ წყაროებს: დავით აღმაშენებ-  
ლის ისტორიკოსს, დავით აღმაშენებ-  
ლის სიგელს არიშიანისადმი და ათონის  
ორ აღაპს: № 54 და 143.

დავით აღმაშენებლის ისტორიკოსს  
არიშიანი მოხსენიებული ჰყავს, რო-  
გორც პერეთის დიდებული, რომელ-  
მაც, პერეთის მეორე დიდებულ ბარამ-  
თან ერთად, XII ს-ის პირველ წლებში  
(1104 წ.) შეიპყრო კახეთ-პერეთის მე-  
ფე აღსართან და მიჰვარა დავით აღ-  
მაშენებელს. ამას მოჰყვა კახეთ-პერე-  
თის გაერთიანება საქართველოს ფეო-  
დალური მონარქიის ფარგლებში<sup>5</sup>. მე-  
ტი ცნობა დავითის ისტორიაში არიში-  
ანზე არ მოაპოვება.

რაც შეეხება დავით მეფის აღნიშ-  
ნულ სიგელს, ეს სიგელი გვამც-  
ნობს, რომ არიშიანის შუამდგომლობით  
დავით მეფე შეუვალობას ანიჭებს.

<sup>1</sup> იქვე, გვ. 65.

<sup>2</sup> იქვე, გვ. 18.

<sup>3</sup> ქართლ. ცხოვ., II, გვ. 6.

<sup>4</sup> ქართლ. ცხოვ., I გვ. 334.

<sup>5</sup> ქართლ. ცხოვ., II, 1959, გვ. 25.

<sup>6</sup> ქართლის ცხოვრება, I, 1955, გვ. 328.

გრიგოლ მაჭრებელის შვილს ნიანას, მისი ნაშთივი მამულით ვეძისხვეით<sup>1</sup>. არიშინის ვაზირობაზე აქ არაფერია ნათქვამი.

ათონის მითითებული ორი ალაბიდან ერთი ალაბი პანაშვილს აწესებს არიშინისთვის<sup>2</sup>, ხოლო მეორე — იოანე კოჯინის ძისთვის, რომელსაც, ონოფრე გარეჯელის ხელით 120 ღრავკანი და ერთი ჯორი შეუწირავს მონასტრისთვის და რომელიც თუშმე „ძმა და თვისი“ ყოფილა არიშინისა<sup>3</sup>.

ამ ცნობების მიხედვით არიშინის მეჭურჭლეთუხუცესად მიჩნევა, რა თქმა უნდა, არ შეიძლება.

**მსახურთუხუცესად** პირველად საისტორიო წყაროებში იხსენიება აფრილონი — გიორგი III ღროს<sup>4</sup>.

პ. ინგოროყვას სიაში კი პირველ მსახურთუხუცესად შეტანილია კონსტანტინე დადიანი—1140/50-1180/3 წ. წ. ამის დამამტკიცებელ წყაროებად მკვლევარს დასახელებული აქვს „ისტორიანი და აზმანი შარავანდელთანი“ და ათონის № 150 ალაბი.

წყაროების შემოწმებით ირკვევა, რომ კონსტანტინე დადიანი არა თუ ვაზირი არ ყოფილა, არამედ, საერთოდ არც არსებულა.

სახელდობრ, მითითებული ორი წყაროდან ერთში — თამარის ისტორიაში, არავითარი კონსტანტინე დადიანი მოხსენიებული არ არის. რაც შეეხება ათონის № 150 ალაბს აქ მოხსენიებულია ვარდან კოსტანტინს-ძე, მისი მუხლზე მარიაში და შვილი გიორგი, რომელთაც

გარკვეული შეწირულებისთვის მითითებული ტერში ალაბი დაუწესეს<sup>5</sup>.

პ. ინგოროყვამ, როგორც ჩანს, მის მიხედვით ასე დაადგინა მსახურთუხუცეს კონსტანტინე დადიანის პიროვნება: ალაბში მოხსენიებულია ვარდან კოსტანტინს-ძე, მაშასადამე, ეს არის თამარ მეფის მსახურთუხუცესი ვარდან დადიანი, გამოდის რომ კონსტანტი თუ კონსტანტინე ყოფილა მსახურთუხუცეს ვარდან დადიანის მამა და ამიტომ თვითონაც მსახურთუხუცესი, ხოლო მისი ვაზირობის წლების გამორკვევა იოლია. ამისთვის პ. ინგოროყვას კვლევის მრავალი თავისებური მეთოდი გააჩნია.

თუ რამდენად ზერელეა პ. ინგოროყვას ეს საბუთიანობა, ამას ცხადყოფს თუნდაც ის, რომ ისტორიულ წყაროებში შემოგვრჩა ცნობა ვარდან კოსტანტინს-ძის შესახებ. ეს არის რაჭის დიდგვარიანი ფეოდალი, მოხსენიებული სორის ეკლესიის ოთხთავის მინაწერში, რომელიც გამოცემული აქვს ექვთიმე თაყაიშვილს: „...მე, ვარდან, ძემან კოსტანტინსმან სალოცველად სულისა ჩუენისათთვის და მოსაქსენებლად სულისა მშობელთა ჩემთა და შვილთა და მომავალთა ჩუენთა ყოველთათვის დაედევ მონასტერსა ჩუენსა სამარხოსა და სამლოცველოსა ჩუენსა...“<sup>6</sup>

როგორც ვხედავთ, რაჭის დიდგვარიანის სახელიც და მამის სახელიც ემთხვევა ათონის № 150 ალაბში მოხსენიებულ ვარდან კოსტანტინს-ძეს, ვარდან დადიანისა კი — მარტო სახელი. ასე რომ, მსახურთუხუცესი კონსტანტინე დადიანი აღნიშნული ალაბიდან ვერ შეიქმნება.

**პირველ ჩუხჩარხად** პ. ინგოროყვას ვაზირთა სიაში აღნიშნული ჰყავს ვარდან ვარდანის-ძე 1140/50-1180/3 წ. წ. წყაროებად მითითებულია: „ისტორიანი და აზმანი“ და ჯუმათის ეკლესიის ხატის წარწერა, გამოქვეყნებული დ. ბაქრაძის მიერ<sup>7</sup>. თამარის ისტორიაში ვარდან ვარდანის-ძე მოხსენიებული არ არის, ხოლო ჯუმათის ხატის წარწერაში მოხსენიებული ერისთავთ-ერის-

<sup>1</sup> ი. ცინცაძე, დავით მეფის სიგელი, საქართველოს არქივი, II, 1927, გვ. 14-16.

<sup>2</sup> ათონის ივერიის მონასტრის 1074 წ. ხელთნაწერი, ალაპებით, 1901 წ., № 54.

<sup>3</sup> იქვე, № 143.

<sup>4</sup> ქართლ. ცხოვ., II, გვ. 25.

<sup>5</sup> ათონის ივერიის მონასტრ. 1074 წ. ხელთნაწ. ალაპებით, 1901, № 150.

<sup>6</sup> ექვ. თაყაიშვილი, არქეოლოგ. მოგზ. რაჭაში, 1963, გვ. 33-35.

<sup>7</sup> Д. Бахрадзе, Археологическое путешествие по Гурии и Ачаре, СПб., 1879, стр. 108—109.

თავი ვარდან ვარდანისძე არც ვიცით, რა ღროსაა და არც არსაიდან ჩანს მისი კავშირი მარტუშიანთან. ამასთან, ეს ვარდანი ჩუხჩარხად არ იწოდება. ჩუხჩარხად ვარდან ვარდანისძის წარმოდგენის საფუძველს პ. ინგოროყვას, როგორც ჩანს, აძლევს თამარის ისტორიკოსის ცნობა იმის შესახებ, რომ მარტუშიან ჩუხჩარხის მამაც ჩუხჩარხი იყო და რადგან სახელი მარტუშიანი ვარდანისძეთა გვარში გვხვდება<sup>1</sup>, პ. ინგოროყვა აღადგენს მარტუშიანის მამის სახელსა და გვარს, როგორც ვარდან ვარდანისძეს. მაგრამ, ჯერ ერთი, თუნდაც რომ მარტუშიანი ვარდანისძის შვილად მივიჩნიოთ, რატომ მაინცადამაინც ვარდან ვარდანისძის? სად ჩანს ეს ვარდანი მარტუშიანის მამად? მეორეც — სახელი მარტუშიანი არ გვხვდება მარტო ვარდანისძეთა გვარში. ჯვრის მონასტრის აღაპები, რომლებიც ესოდენ მდიდარ მასალას გვაწვდიან ქართულ ონომასტიკონზე, გვამცნობენ, რომ მარტუშიანებად იწოდებოდნენ აგრეთვე აფაქისძეთა, გარეყანისძეთა, ნიორაძისძეთა, ფალქოზისძეთა და სხვა საგვარეულოთა წარმომადგენლები; ასე რომ, სახელის მიხედვით ჩუხჩარხ მარტუშიანის მაინცდამაინც ვარდანისძედ გამოცხადება არ იქნებოდა მართებული.

XII ს. I ნახევრის მეჯინიბეთუხუცესისა და ამირახორის პიროვნებას პ. ინგოროყვა ვერ აღგენს.

ამით ვამთავრებთ პ. ინგოროყვას მიერ წარმოდგენილი XII ს. I ნახევრის ვაზირთა სიის განხილვას. როგორც ვხედავთ, საისტორიო წყაროების განხილვა მოწმობს, რომ არც ერთი აქ წარმოდგენილი პირი ვაზირი არ ყოფილა.

## II. იყო თუ არა რუსთავის მფლობელობასთან დაკავშირებული მეჭურჭლეთუხუცესის სახელო.

როგორც დასაწყისში აღვნიშნეთ, პ. ინგოროყვა ვაზირთა და, კერძოდ, მეჭურჭლეთუხუცესთა რიგის დადგენის

<sup>1</sup> იხ. ლიხაურის ხატის წარწერა, დ. ბაქრაძე, АПГА, გვ. 109.

შედგებად მიღის დასკვნამდე, რომ მეჭურჭლეთუხუცესის სახელო, XI ს. დასაწყისიდან XIII ს. შუა წლებამდე, დაკავშირებული იყო ე. წ. პერეთის რუსთავის ერისთავთერისთავობასთან. აღნიშნულ პერიოდში პ. ინგოროყვას მიერ დადგენილი სიის მიხედვით რუსთავს ფლობდა 7 მეჭურჭლეთუხუცესი. ესენი იყვნენ:

1. არიშიანი — 1105/15 — 1150/60 წ.
2. ივანე ვარდანისძე — 1150/60 — 1177 წ.წ.
3. კახაბერ ვარდანისძე — 1184/5 — 1190 წ. წ.
4. აბულასან იობისძე — 1190—1191 წ.წ.
5. ასათ III (გრიგოლ II ძე)—პერეთის ბაგრატიონი—1192/3—1195/1200 წ.
6. გრიგოლ III (ასათ III ძე) — პერეთის ბაგრატიონი — 1195/1200 — 1204 წ. წ.
7. შოთა III (გრიგოლ III-ის ძე) — პერეთის ბაგრატიონი — 1245 — 1250 წ. წ. („რუსთველიანას ეპილოგი“, გვ. 660 — 670).

განვიხილოთ ეს სია: იყვნენ თუ არა ეს პირები მართლაც მეჭურჭლეთუხუცესები და ამავე დროს რუსთავის მფლობელები.

### 1. არიშიანი.

არიშიანის მეჭურჭლეთუხუცესობაზე ჩვენ უკვე შეეჩერდით XII ს. I ნახევრის ვაზირთა სიის განხილვისას. როგორც ვნახეთ, პ. ინგოროყვას მიერ მითითებული არც ერთი წყაროდან არიშიანის მეჭურჭლეთუხუცესობა არ ჩანს. განვიხილოთ ახლა საკითხი მის მიერ რუსთავის ფლობის შესახებ. პ. ინგოროყვა რუსთავის ისტორიის შესწავლის საფუძველზე მიღის დასკვნამდე, რომ რუსთავის ერისთავობა VIII ს. მეორე ნახევრიდან XII ს. დასაწყისამდე ეპყრა არიშიანთა, ანუ არიშისძეთა გვარეულობას („რუსთვ. ეპილ.“, გვ. 641). არიშიანებს პ. ინგოროყვა სახელის მიხედვით უკავშირებს რუსთავს. აწარმოებს რა არიშიანს არიშიდან და მიიჩნევს რა არიშს რუსთავისა თუ რუსთავის ციხის სახელწოდებად.



გეოგრაფიულ სახელ არიშიდან რომ არ იწარმოება არიშიანი, ეს საეკლესიო დამაჯერებლად დასაბუთა თავის სტატიამ „ერთი ისტორიულ-გეოგრაფიული მოვლენის გამო“ ნ. ბერძენიშვილი<sup>1</sup>. მანვე ისევე როგორც აღრე ს. კაკაბაძემ<sup>2</sup>, ნათელყო, რომ რუსთავი არასდროს ჰერეთში არ შედიოდა და ამდენად, ცხადია, დავითის ისტორიაში მოხსენიებულ ჰერ დიდებულ არიშიანს არაფერი კავშირი არ შეიძლება ჰქონდეს რუსთავთან, თუნდაც რომ შეიძლებოდეს არიშიდან არიშიანის წარმოება.

ჩვენ გვინდა დაუშვათ მხოლოდ შემდეგი: ყველა შემთხვევაში „არიშიანი“ წყაროებში გვხვდება როგორც პირის სახელი და არა როგორც გვარის აღმნიშვნელი.

ასე რომ, ვერც ერთ არიშიანს ვერ მივიჩნევთ არიშიანთა საგვარეულოს წარმომადგენლად, თუნდაც რომ ასეთი გვარი არსებულიყო ჰერეთში ან კახეთში. შეგვიძლია, მაგალითად, ვთქვათ, რომ თუ წყაროში შეგვხვდა სახელი მარუშიანი, ის მარუშიანთა საგვარეულოს წარმომადგენელია?

მარუშიანის სახელს, როგორც აღნიშნული იყო, ატრებენ: ვარდანისძეები, აფაქისძეები, გარყანისძეები, ფალქოზისძეები, ნიორაძისძეები, ასევე არიშიანის სახელს ატრებენ სხვადასხვა საგვარეულოს წარმომადგენლები, როგორც დასავლეთ, ისე აღმოსავლეთ საქართველოში. რა საფუძველი აქვს ამის შემდეგ პ. ინგოროყვას დასკვნას, რომ დავით აღმაშენებლის თანამედროვე ჰერი დიდებული არიშიანი და ათონის ორ აღაპში მოხსენიებული არიშიანი — არიშიანთა გვარის წარმომადგენლები იყვნენ, გამოაცხადოს ეს საგვარეულო რუსთავის მფლობელად,

შემდეგ დაანათესავოს ის ვარდანისძეებთან, ბოლოს გადააშენოს მამროსთრ ხაზით და გამოაცხადოს მის შემდეგ არედ ხან ერთი საგვარეულო, ხან მეორე<sup>3</sup>. სინამდვილეში ხომ არავითარი ცნობა არიშიანის გვარზე არ არსებობს. ყველა შემთხვევაში არიშიანი იხსენიება, როგორც პირის სახელი, რომელსაც ატარებდნენ ალბათ არა არიშიანის გვარის, არამედ სხვადასხვა გვარების წევრები, მათ შორის, ვარდანისძენი, ასევე სხვა გვარზე მინიშნება ჩანს ათონის № 143 აღაპში, სადაც არიშიანის ძმად და თვსად მოხსენიებულია იოანე კოჯიხის-ძე. ცხადია, არავითარ არიშიანის საგვარეულოსთან აქ საქმე არა გვაქვს.

როგორც სამართლიანად ვარაუდობს ნ. ბერძენიშვილი, რუსთავი შედიოდა თბილისის, ანუ ქართლის საამიროში, არაბთა ბატონობის ხანაში. ამის მოწმობად ნ. ბერძენიშვილს მიაჩნია თუნდაც XI საუკუნის თბილისისა და რუსთავის ამირათა მოხსენიება „მატიანე ქართლისა“-ში<sup>4</sup> რუსთავში ამირას არსებობის ტრადიციაზე მიუთითებს, აგრეთვე, ჰომი დავით გარეჯელზე, სადაც მოხსენიებულია რუსთველი ამირა ბუბაქრი<sup>4</sup> და რომელიც ციტირებული აქვს პ. ინგოროყვას ისე, რომ ამირა გამოტოვებულია (ხომ არ არის დაკავშირებული აგრეთვე რუსთავის მფლობელობასთან ლიპარიტ ბაღვაშის ამირობა?). XI ს. ბოლოს (1073 წ-მდე) რუსთავს ფლობდა ლიპარიტი, შემდეგ მას დაუფლა კახთა მეფე აღსართანი და თურქები, რომელთაგან იგი დავით აღმაშენებელმა 1115 წელს გაათავისუფლა. როდისღა ფლობდა რუსთავს დავითის თანამედროვე ჰერი დიდებული არიშიანი?

ამგვარად, არიშიანი არ ყოფილა არც მეჭურჭლეთუხუცესი და არც რუსთავის მფლობელი.

## 2. ვარდანისძეები.

არიშიანის შემდეგ, პ. ინგოროყვას აზრით, რუსთავს უკავშირდებიან თანმიმდევრობით სამი საგვარეულოს მეჭურჭლეთუხუცესები: ვარდანისძეების, იობისძეების და ჰერეთის ბაგრატიონე-

<sup>1</sup> ნ. ბერძენიშვილი, საქართველოს ისტორიის საკითხები, 1, 1964 წ., გვ. 332—345.

<sup>2</sup> ს. კაკაბაძე — ვეფხის ტყაოსნის საკითხთა გარშემო. მნათობი, 1927 წ. № 11-12, გვ. 244 — 247.

<sup>3</sup> ნ. ბერძენიშვილი, დასახ. ნაშრ., გვ. 337.

<sup>4</sup> ხელნაწ. ინსტ., ფ. A — 126, გვ. 16.

ბის. ეს საგვარეულოები, როგორც აღვნიშნეთ, პ. ინგოროყვას კონცეფციით, წარმოადგენდნენ არიშიანების მემკვიდრეებს.

ვარდანისძეები, ავტორის აზრით, არიშიანებს უნათესავდებიან XI ს-ში. ვარდანი ცოლად ირთავს არიშიანის ქალს. როცა არიშიანთა გვარი მამრობითი ხაზით გადაშენდა, მათ მემკვიდრეობას—როგორც ტერიტორიულ სამფლობელოს, ისე სახელოს—მეჭურჭლეთუხუცესობას, ლებულობს ვარდანისძეთა ერთი შტო, როგორც არიშიანის მემკვიდრე „მედღობითი“ ხაზით.

მაგრამ, კარგად ცნობილია, რომ ვარდანისძეები რუსთავის მფლობელები არასდროს არ ყოფილან. მაშ, რანაირადღა არიან ისინი არიშიანის მემკვიდრეები? პ. ინგოროყვა გვამცნობს, რომ მათ მიუღიათ არა მთელი რუსთავის საერისთავო, არამედ გავი, რომელიც თურმე ნაწილი ყოფილა ამ საერისთავოსი („რუსთვ. ეპილ“., გვ. 644). ასე შექმნილა ცალკე შტო გაგელი—ვარდანისძეებისა, მეჭურჭლეთუხუცესებისა, რომელშიც მას შეჰყავს სამი ვარდანისძე: ივანე I ვარდანისძე — მეჭურჭლეთუხუცესი და მის შვილებად ჩათვლილი: კახაბერ ვარდანისძე — მეჭურჭლეთუხუცესი და ივანე II ვარდანისძე, რომელიც თამარის ისტორიაში მოხსენიებულია 1191 წელს გაგის პატრონად.

ამ შტოს შექმნის აზრი ავტორის, როგორც ჩანს, შთაუწერვა სწორედ ამ უკანასკნელმა ვარდანისძემ, რომელიც გაგის მფლობელი იყო. გამოაცხადა რა სრულიად უსაბუთოდ გაგი რუსთავის საერისთავოს ნაწილად<sup>1</sup>, ავტორმა ეს ივანე ვარდანისძე მიიჩნია რუსთავის საერისთავოს ნაწილის პატრონად. მაგრამ ერთი კაცი, ცხადია, მთელი შტოს

<sup>1</sup> თუმცა კი გაგი XII—XIII ს.ს. იყო ქართული ისტორიული პროვინციის სომხითის ცენტრი, რუსთავი კი არასდროს არ ყოფილა აღმინისტრაციულად დაკავშირებული სომხითთან.

<sup>2</sup> ე. თაყაიშვილი, არქეოლოგიური ექსპურსიები ლეჩხუმ-სვანეთში, გვ. 22—25.

შესაქმნელად საკმარისი არ იყო. ამასთან, ეს ივანე ვარდანისძე მეჭურჭლეთუხუცესი არ ყოფილა. ამიტომ ვარდანისძეებმა გაგელთა შტოში შეიყვანა კიდევ მეჭურჭლეთუხუცესებად მოხსენიებული ორი ვარდანისძე: ივანე და კახაბერი.

„რუსთველიანას ეპილოგში“ ამასთან დაკავშირებით აღნიშნულია: „მას შემდეგ, რაც 1150/1160 წლებში არიშიანის სახლში მამრობითი ხაზი შეწყვეტილა, ვარდანისძეთა გვარს, როგორც არიშიანის მემკვიდრეს ქალის შტოს ხაზით მიუღია მემკვიდრეობით:

ა. ნაწილი რუსთავის სამფლობელოსი, სახელდობრ, გაგის სანაპირო თემი (რომელიც სამხრეთის მხრიდან ეკვროდა რუსთავის საერისთავოს და აღმინისტრაციულად მასთან იყო დაკავშირებული).

ბ. ვარდანისძეებზე გადასულა არიშიანის სავაზირო თანამდებობა მეჭურჭლეთუხუცესობა.

მას შემდეგ, რაც ვარდანისძეთა გვარმა მიიღო ახალი სამფლობელო (რუსთავის საერისთავოს სამხრეთი სანაპირო თემი—გავი) და ახალი სავაზირო ხელი (მეჭურჭლეთუხუცესობა), ვარდანისძეთა გვარი ორ შტოდ გაყოფილა:

**ვარდანისძენი I**, — პირველი ძირითადი შტო: სვანთ-ერისთავ/გურიელნი. ამ შტოიდან მე-12 საუკუნეში ინიშნებიან ვაზირნი — სპასპეტი ჩუხჩარხი.

**ვარდანისძენი II**, — მეორე შტო: ვარდანისძე-გაგელნი. ამ მეორე შტოიდან მე-12 საუკუნეში ინიშნებიან ვაზირნი მეჭურჭლეთუხუცესნი“ (გვ. 646. ხაზგასმა ავტორისაა — ნ. შ.).

მაგრამ ვარდანისძე-გაგელების ამ სქემაში ადგილი აქვს შემდეგ შეუსაბამობას: აქ დასახელებული ვარდანისძეებიდან მხოლოდ ერთი — ივანე II ვარდანისძე ჩანს გაგის მფლობელად. არც ივანე I და არც კახაბერი წყაროებში გავთან არ არიან დაკავშირებულნი. ივანე I არა თუ გაგის მფლობელია, არამედ იგი სვანთა ერისთავია<sup>2</sup>.

სვანთა ერისთავობა კი, პ. ინგოროყვას მიერ შედგენილი სქემის მიხედვით

(გურიელობასთან ერთად), უპყრია ვარ-  
დანისძეთა პირველ — ძირითად შტოს.  
ამ პატრივის მქონედ ამ დროს ამ სქემა-  
ში გვევლინება მის მიერ აღმოჩენილი  
მამა ჩუხჩარხ მარუშიანისა — ვარდან  
ვარდანისძე. გამოდის რომ, ერთსა და  
იმავე დროს სვანთა ერისთავად, წყა-  
როს ცნობით, ივანე ვარდანისძეა, ხო-  
ლო პ. ინგოროყვას ცნობით — ვარდან  
ვარდანისძე. მაგრამ პ. ინგოროყვა არა  
მართო აძლევს სახელოებს სხვადასხვა  
ისტორიულ პირებს, არამედ ართმევს  
კიდევ მათ. და აი, ივანე I ვარდანისძეს,  
რომელიც ლაბეჭინისა და მესტიის ხა-  
ტების წარწერების მიხედვით (სხვა  
წყარო კი ამ პირის შესახებ არ არსე-  
ბობს) სვანთა ერისთავი და მეჭურჭ-  
ლეთუხუცესია, პ. ინგოროყვა ართმევს  
სვანთა ერისთავობას და აძლევს ვაგე-  
ლობას. მის მაგივრად სვანთა ერისთა-  
ვად, როგორც აღვნიშნეთ, ჩუხჩარხ  
მარუშიანის მამა ინიშნება. ავტორი არ  
გრძნობს უხერხულობას, რომ თვითვე  
უთითებს ლაბეჭინისა და მესტიის ხა-  
ტების წარწერას, როგორც წყაროს  
მეჭურჭლეთუხუცეს ივანე ვარდანისძე-  
ზე და, ამავე დროს, ჩქმალავს ამ წყაროს  
ჩვენებას ივანეს სვანთა ერისთავობაზე.

თუ ივანე I ვარდანისძეს დავტოვებთ  
სვანთა ერისთავად, გამოვა, რომ არა-  
ერთი ვაგელთა შტო ვარდანისძეები-  
სა არ არსებულა, მხოლოდ ერთ-ერთი  
ვარდანისძე ფლობდა ვაკს, შესაძლოა,  
თავის სხვა ძირითად სამფლობელოს-  
თან ერთადაც. ხომ იყო, მაგალითად,  
ოდიშის ერისთავი ვარდან დადიანი  
ორბეთისა და კაენის პატრონი აღმო-  
სავლეთ საქართველოში? განა ამიტომ  
დადიანებში ორბეთის შტო უნდა გამოე-  
ყოთ? ამის გარდა, მხედველობაშია  
მისაღები ისიც, რომ სახელი ვარდანი  
და ვარდანისძეები სვანთა ერისთავებს  
გარდა სხვა საგვარეულოებშიც გვხვდე-  
ბა.

მაგრამ თუნდაც რომ ვარდანისძე-ვა-  
გელთა შტო არსებულებო, მაინც რა  
შუამთა აქ რუსთავი? პ. ინგოროყვა ყო-  
ველგვარი დასაბუთების ან წყაროს  
მითითების გარეშე აცხადებს: „1123

წელს დავით აღმაშენებელმა დაიბრუნ-  
ნა თურქ-სელჯუკებიდან ვაგის ციხე-  
ქალაქი, რომელიც რუსთავის საერისთავოს  
თავოს მოსაზღვრედ მდებარეობდა (მათ  
ჰყოფდა მდინარე მტკვარი). ვაგი და  
მისი თემი აგრეთვე რუსთავის ერის-  
თავის არიშვიანის მფლობელობაში გა-  
დასულა.

(ვაგის თემი დაკავშირებულია რუს-  
თავის საერისთავოსთან 1123 წლიდან  
1191 წლამდე...)“ („რუსთვ. ეპიკლ.“,  
გვ. 644).

საიდან დაასკვნა პ. ინგოროყვამ, რომ  
ვაგი და მისი თემი დავით აღმაშენე-  
ბელმა არიშვიანს გადასცა? ამის გან-  
მარტებასაც ავტორი საჭიროდ არ  
სცნობს.

ვაუგებარია, აგრეთვე, როგორღა იყო  
ვაგი რუსთავთან დაკავშირებული 1191  
წლამდე, თუ 1150/60 წლებში, როცა  
პ. ინგოროყვას ცნობით გადაშენდნენ  
არიშვიანები, მისივე გამოკვლევით რუს-  
თავი ეკუთვნოდა იობისძეებს, ხოლო  
ვაგი — ვარდანისძეებს. რაღა აკავში-  
რებდა ვაგსა და რუსთავს, თუ მათ გამ-  
გებლებად სხვადასხვა პირები ჰყავდათ  
და, მაშასადამე, სხვადასხვა ფეოდა-  
ლურ-ადმინისტრაციულ ერთეულებს  
წარმოადგენდნენ?

აღრევა იქამდე მიდის, რომ „რუს-  
თველიანის ეპილოგის“ 567-ე გვერდზე,  
სადაც მოცემულია საერისთავოთა სიის  
განმარტება, ვაგი დაკავშირებულია უკვე  
სამიწისპასალაროსთან. აქ აღნიშნულია:  
„...ვაგის სანაპირო საერისთავო, ამ  
დროს (ე. ი. 1191 წლამდე — ნ. შ.)  
ჯერ კიდევ არ იყო ჩამოყალიბებული  
როგორც ცალკე ადმინისტრაციული  
ერთეული; იგი დაკავშირებული იყო  
სამიწისპასალაროსთან და განიყოფე-  
ბოდა ცალკე თემებად“.

როგორც ჩანს, ავტორს ზოგჯერ  
ავიწყდება, რა დებულება წამოაყენა  
ნაშრომის ერთ ადგილზე და, რაკი დე-  
ბულებების წამოყენება არ უჭირს, ნაშ-  
რომის მეორე ადგილზე ასევე დაუსა-  
ბუთებლად აყენებს სხვა, მის გამომრი-  
ცხავ დებულებას. ამის შედეგად გამო-  
დის, რომ, XII ს. III ნახევარში, 1191





რადგან თამარის ისტორიაში მოხსენიებულ ერისთავთა სიას შევეხეთ, აქვე უნდა აღინიშნოს, რომ ეს სია, რა თქმა უნდა, არ არის სრული; ამიტომ სხვადასხვა ერისთავების აქ გამოტოვების ახსნა იმ მიზეზით, რომ ესა თუ ის ერისთავი მოხსენიებულია ადრე ვაზირის სახით ან მოღალატეა, ან იმიტომ, რომ ზოგიერთი საერისთავო ამ დროს არ არსებობდა, ან შერწყმული იყო სხვა საერისთავოსთან, არ არის მართებული. სვანეთის საერისთავოსთან XII—XIII სს. გურიის შერწყმის თვალსაზრისის მკვლევარმა ჩვენ უკვე აღვნიშნეთ. საერისთავოთა მთელი სიის განხილვაზე აქ ჩვენ უადგილობის გამო ხელი უნდა ავიღოთ. აღვნიშნავთ მხოლოდ, რომ არ არის აგრეთვე მართებული პ. ინგოროყვას მიერ თმოგვის საერისთავოს გამოტოვების ახსნა აღნიშნულ სიაში იმიტომ, რომ თითქოს თმოგვის საერისთავო პირველად მხოლოდ 1191 წელს შეიქმნა („რუსთველიანას ეპილოგი“, გვ. 567). წყაროებში კარგადაა ცნობილი XI საუკუნის თმოგვის ერისთავთა ერისთავი ფარსმან თმოგველი<sup>1</sup>, თმოგვის მფლობელები, ბაღვაშთა გვაიის განშტოება — ქუაბულისძეები (შემდეგში კახაბერიძეებად ცნობილი რაჭის ერისთავები) და ბოლოს — უკანასკნელი მფლობელი თმოგვისა, ვიდრე აქ მხარგრძელების თმოგველთა შტო დამკვიდრდებოდა — აფრიდონ მსახურთუხუცესი, რომელიც, მიუხედავად თავისი დაბალი წარმომავლობისა, ერისთავთ-ერისთავი იყო<sup>2</sup>.

პ. ინგოროყვა აფრიდონის ერისთავთ-ერისთავობას უგულვებელყოფს და მის მიერ შედგენილ ვაზირთა სიაში ართმევს მას ამ სახელოს, მოიხსენიებს რა მხოლოდ მსახურთუხუცესობით. აფრიდონის ერისთავთ-ერისთავობა არ შეესაბამება პ. ინგოროყვას დებულებას

იმის შესახებ, რომ ვაზირები იმდენ-ბოდნენ მხოლოდ ერისთავთ-ერისთავთა წრიდან. აფრიდონი, პ. ინგოროყვას აზრით, ამ მხრივ გამოჩაყლის შეადგენს, როგორც გიორგი მესამის მიერ დაწინაურებული დაბალი წარმომავლობის პირი, ყუბასართან და ვინმე ივანესთან ერთად. მაგრამ ყუბასარიც, როგორც ამირსპასალარი, ხომ იყო ლორეს მფლობელი, რომელიც პ. ინგოროყვას სანაპირო საერისთავოდ მიაჩნია („რუსთველიანას ეპილოგი“. გვ. 557). მაშ, ვაზირთა სიაში ყუბასარს რატომ არა აქვს მიწერილი ერისთავთ-ერისთავის ტიტული?

როგორც ცნობილია ერისთავთ-ერისთავობა სოციალური წოდება კი არ არის ამ დროისათვის, არამედ სამოხელეო პატივი, რომელიც მეფეს შეეძლო მიენიჭებინა დაბალი წარმომავლობის პირისთვისაც ისევე, როგორც ვაზირობა.

საერთოდ ჩვენ, როგორც აღვნიშნეთ, აქ ვერ განვიხილავთ პ. ინგოროყვას მიერ შედგენილ საერისთავოთა სიას, მაგრამ ზოგადად უნდა აღვნიშნოთ შემდეგი: საქართველოს საერისთავოების სიის დადგენა სხვადასხვა ეპოქისთვის შესაძლებელია მხოლოდ ერისთავთა ინსტიტუტის ისტორიული შესწავლის შედეგად, წინააღმდეგ შემთხვევაში, შესაძლებელია აღწესდეს იქნეს მხოლოდ წყაროებში მოხსენიებული საერისთავოები. მაგრამ პ. ინგოროყვა ამით არ კმაყოფილდება: მას პრეტენზია აქვს დაადგინოს სრული სია. ამ სიაში კი მას შეაქვს ისეთი საერისთავოებიც, რომლებიც წყაროებში არასდროს ზაერისთავოებად არ იხსენიებიან (გავი, ლორე, ორბეთი, კენი, ანისი, დვინი, ბიჯისი და სხვა მრავალი). რა საფუძვლით? როგორც ჩანს იმიტომ, რომ ეს მხარეები საისტორიო წყაროებში ფეოდალურ-ადმინისტრაციულ ერთეულებად ჩანან. გამოდის რომ, დიდი საგამგებლო ერთეული, დიდი საპატრონო მხარე, დიდი საფეოდალო აუცილებლად საერისთავოდ უნდა ვიგულისხმოთ. მაგრამ ასეთი დასკვნის გამოტანამდე საჭიროა გაირკვეს საერისთავოს

<sup>1</sup> — ვ. ცისკარიშვილი, ჯავახეთის ეპიგრაფიკა როგორც საისტორიო წყარო, 1959 წ., გვ. 37-39.

<sup>2</sup> იხ. ქვემო ჯინისის წარწერა, Е. Такашвили Арх. экз., IV, стр. 51-52.

სოციალურ-პოლიტიკური ბუნება, მისი არსი: როდის წარმოიშვა საერისთავო. როგორი წყობილების დროს, როგორ იცვალა სახე ფეოდალიზმის დროს, როგორი განვითარების ტენდენციას იჩენს ფეოდალიზმის სხვადასხვა ეტაპზე, როგორია მისი ურთიერთობა ცენტრალურ ხელისუფლებასთან და საერისთავოში შემავალ საფეოდალოებთან. რით განსხვავდება საერისთავო ჩვეულებრივი საფეოდალოსაგან, როგორ დგას საერისთავოში შეუვალობის საკითხი. მხოლოდ ამ და კიდევ სხვა მრავალი საკითხის გარკვევის შემდეგ შეიძლება დადგინდეს საქართველოს საერისთავოთა სია.

რა საფუძველზე თვლის, მაგალითად, პ. ინგოროყვა, რომ საუფლისწულოსა და სამეფო დომენის გამგებელი ერისთავი იყო? თუკი ეს ასეა, მაშ, რიდათი განსხვავდება მეფის დომენი საერისთავოსგან, ჩვეულებრივი ერისთავი საუფლისწულოს თუ მეფის დომენის გამგებელი ერისთავისგან? გამოდის რომ, ესა თუ ის პირი შეიძლება ერისთავთ-ერისთავი იყოს, მაგრამ საერისთავო კი არ ჰქონდეს, არამედ განაგებდეს მეფის დომენს. ამ საკითხის გარკვევაც მოითხოვს საერისთავოს სოციალ-პოლიტიკური არსის შესწავლას.

პ. ინგოროყვა ცდილობს ახსნას, თუ რატომ არ არის შეტანილი თამარის ისტორიაში მოცემულ საერისთავოთა სიაში მის მიერ დადგენილ საერისთავოთა ნაწილი. მაგრამ რატომ არ ცდილობს ახსნას ის გარემოება, რომ ბევრი ამ საერისთავოთაგან მოხსენიებული არ არის საერისთავოდ არა მარტო თამარის ისტორიაში, არამედ საერთოდ არც ერთ წყაროში. გარდა პ. ინგოროყვას სიისა!

### პ. ჰერეთის ერისთავთ-ერისთავები.

როგორც აღვნიშნეთ, პ. ინგოროყვა რუსთავისა და მეჭურჭლეთუხუცესობის მფლობელად სთვლის აგრეთვე XII—XIII ს. ს. ჰერეთის ერისთავთ-ერისთავებს, რომლებიც მას ბაგრატიონებად მიაჩნია.

რუსთავსა და მეჭურჭლეთუხუცესო-

ბას, პ. ინგოროყვას აზრით, ჰერეთის ერისთავები ლებულობენ XII—XIII ს. ს. მიჯნაზე, როცა ისინი <sup>გარდაცვალებულნი</sup> შემკვიდრებები ხდებიან. ამის შემდეგ ისინი აერთიანებენ ჰერეთისა და რუსთავის საერისთავთერისთავოს ერთ დიდ საერისთავთერისთავოდ, ცენტრით რუსთავში („რუსთველიანას ეპილოგი“, გვ. 856). ამ დიდი საერისთავთ-ერისთავოს მფლობელი 1192—1193 წლიდან 1250 წლამდე ყოფილან: ასათ II, გრიგოლ III (ასათის-ძე) და შოთა III (გრიგოლისძე, „ვეფხისტყაოსნის“ ავტორი). როდესაც ასათმა მიიღო რუსთავი და მასთან დაკავშირებული მეჭურჭლეთუხუცესობა, ჰერეთის ერისთავთ-ერისთავობა გადასცა თავის ძეს გრიგოლს. ასათის გარდაცვალების შემდეგ რუსთავის ერისთავობა გადავიდა მის შვილისშვილზე შოთაზე, რომელმაც მამის გარდაცვალების შემდეგ ჰერეთის ერისთავობაც მიიღო („რუსთველიანას ეპილოგი“, გვ. 660—661; 662—669; „რუსთველიანა“, გვ. 115—116 და სხვა).

მაგრამ ამ სქემის გაცნობისთანავე მკითხველს თვალში ხვდება ზოგიერთი შეუსაბამობა:

1. თუ ჰერეთისა და რუსთავის გაერთიანებულ საერისთავთ-ერისთავოს ცენტრი რუსთავი იყო, გამოდის, რომ ჰერეთიც დაქვემდებარებული იყო რუსთავისადმი, ჰერეთის ერისთავი რუსთველისადმი (რუსთავის ერისთავი — რუსთველი ითვლებოდა მთელი საერისთავთ-ერისთავოს გამგებლად). მაგრამ ამ შემთხვევაში გაუგებარია, რატომ გადავიდა რუსთველობა ასათის შემდეგ არა მის შვილზე — გრიგოლზე, არამედ — შვილისშვილზე — შოთაზე. გამოდის, რომ გრიგოლი (ჰერეთის ერისთავი) ხელქვეშეთი, ვასალი გახდა თავისი შვილის შოთასი (რუსთველის). ასეთი რამ კი ფეოდალური სამართლის პირობებში მეტად საიჭვოა: მამა შვილის ვასალი, შვილის ყმა ვერ იქნებოდა.

პ. ინგოროყვა, როგორც ჩანს, გრძნობს ამ შეუსაბამობას და ამიტომ გრიგოლსაც ანიჭებს რუსთველობას.

როგორც ვაზირთა სიებში, ისე „რუს-თელიანას“ და მისი ეპილოგის სხვა-დასხვა გვერდებზე გრიგოლი ცხადდება როგორც ჰერეთის, ისე რუსთავის ერისთავად (გვ. 105, 580 და სხვა). გამოდის, რომ რუსთავს ასათის შემდეგ ჰყავს ორი გამგებელი ერისთავი: გრიგოლი და მისი შვილი შოთა. ცხადია, ეს კიდევ მეორე შეუსაბამობაა.

მაგრამ ავტორს მეტი გამოსავალი არა აქვს: შოთა თავისი პაპის ასათის გარდაცვალების შემდეგ (ე. ი. 1195 წ. ახლო) აუცილებლად რუსთავის გამგებელი უნდა გახდეს, რადგან ამ დროს ის უცხოეთში იქნა განდევნილი და იქ დასწერა „ვეფხისტყაოსნის“ დიდი ნაწილი. ამ დროს კი ის უკვე „რუსთველი“ იყო.

2. შეუსაბამობა იჩენს თავს აგრეთვე ამ გაერთიანებული საერისთავთერისთავოსა და მისი ერისთავთერისთავის სახელწოდებასთან დაკავშირებით. რა ერქვა ამ საერისთავოსა და მის ერისთავს: რუსთავის საერისთავო და რუსთავის ერისთავი? ამის სასარგებლოდ კლავარაკობს თითქოს მისი ცენტრი რუსთავი და შოთას ზედწოდება „რუსთველი“. მაგრამ ამას ეწინააღმდეგება ის გარემოება, რომ XIII საუკუნის 30-40-იანი წლების მოღვაწე შოთა კუპრი, რომელთანაც პ. ინგოროყვა აიგივეებს შოთა რუსთველს, საისტორიო წყაროში იწოდება მხოლოდ ჰერეთის ერისთავად და არც ერთხელ რუსთველად ან რუსთავის ერისთავად.

გამოდის რომ — „ვეფხისტყაოსნის“ ავტორი შოთა სხვა საერისთავო სახელს ატარებს („რუსთველი“ — თუკი ეს მართლაც საერისთავო სახელია) და შოთა კუპრი სხვას („ჰერეთის ერისთავი“). მხოლოდ ჰერეთის ერისთავად იწოდება აგრეთვე გრიგოლ ასათის-ძე.

3. „რუსთველიანას“ 110-ე გვერდზე მოულოდნელად ირკვევა, რომ ავტორი „რუსთველს“ თურმე არ თვლის საერისთავო სახელად. უინვანის სიგელის დათარიღებასთან დაკავშირებით ავტორი აღნიშნავს, რომ სიგელის დაწერის დროს შოთა თურმე ჯერ არ იყო

ერისთავი, არამედ — მხოლოდ „რუსთავის სამფლობელოს მფლობელი“. ამ გამოცემაზე იმის ხელმოწერაში ერისთავად იწოდება. პ. ინგოროყვა აქ სავესებით კატეგორიულად აცხადებს: „ეს სიგელი ოფიციალური დოკუმენტია, და თუ შოთა ამ დროს უკვე ატარებდა ერისთავის ღირსებას, ეს ტიტული აღნიშნული იქნებოდა სიგელში.“

მაშასადამე, აქ ჩვენ გვაქვს ნიშანდობლივი ჩვენება იმის შესახებ, რომ შოთა, ჰერეთის ერისთავის ძე, ვიდრე იგი მთელი ჰერეთის ერისთავი გახდებოდა, ჯერ ყოფილა რუსთველი, ე. ი. რუსთავის სამფლობელოს მფლობელი“ (ხაზგასმა ავტორისა — ნ. შ.).

აქედან მკითხველმა უნდა დაასკვნას, რომ რუსთავი თურმე არ ყოფილა საერისთავო, არამედ — მხოლოდ სამფლობელო.

მაგრამ როგორღა უნდა შევეთავსოთ ამ დებულებასთან პ. ინგოროყვას შემდეგი განცხადება, მოცემული „რუსთველიანას ეპილოგის“ დასკვნით ნაწილში: „1192—1193 წლებში ჰერეთის და რუსთავის საერისთავონი გაერთიანდა ერთი დიდი საერისთავო-ერისთავოს სახით, ჰერეთის ბაგრატიონთა მთავრობის ქვეშ. მთავარი ცენტრი ამ გაერთიანებულ მხარეთა ამის შემდეგ გახდა რუსთავი. შოთას პაპამ, ასათ გრიგოლის-ძე ჰერეთის ბაგრატიონმა, რომლის დროსაც მოხდა მხარეთა გაერთიანება, რეზიდენცია რუსთავში გადმოიტანა“ („რუსთველიანას ეპილოგი“, გვ. 856).

ამის შემდეგ ავტორი დაასკვნის, რომ შ. რუსთველი დაკრძალულია რუსთავში, როგორც ჰერეთის ერისთავთ-ერისთავი.

გამოდის რომ, ცენტრი ამ გაერთიანებული საერისთავთერისთავოსი რუსთავია, მაგრამ მისი მფლობელი არ არის ერისთავი; ჰერეთის ერისთავი კი საერისთავოს ცენტრს არ ფლობს და ალბათ არც ზის აქ. მაშ, რითღაა რუსთავი საერისთავოს ცენტრი? რაში გამოიხატება მისი ცენტრობა? შეიძლება საერისთავოს ცენტრი ერისთავს არ ეკუთვნო-

დეს? გამოდის, რომ გაერთიანებამდე რუსთავი საერისთავო იყო, გაერთიანების შემდეგ კი, მიუხედავად იმისა, რომ ცენტრი გახდა, საერისთავო აღარ არის. გამოდის, რომ ასათი, რომელმაც თავის შვილს გრიგოლს გადასცა ჰერეთის ერისთავობა და თვით რუსთავში დაჯდა, ერისთავიც კი აღარ იყო. მას თვითონ დაუმტკიცია თავისი თავი.

თუ რუსთავი საერისთავო არ იყო და მისი პატრონი ერისთავი კი არა, უბრალო მფლობელი იყო მხოლოდ, მაშინ რატომ შეაქვს პ. ინგოროყვას XII—XIV სს. საერისთავოთა სიაში რუსთავის საერისთავო და 1192-3 წლიდან XIV საუკუნემდე მის ერისთავებად აცხადებს ჰერეთის ბაგრატიონებს (თუმცა XIV ს. ჰერეთის ბაგრატიონები არც წყაროებში და არც პ. ინგოროყვას ნაშრომებში არ ჩანან) („რუსთველიანის ეპილოგი“, გვ. 556). რას ნიშნავს „რუსთველიანის ეპილოგის“ ქვეთავის სახელწოდება: „რუსთავის ერისთავთ-ერისთავისა და ვაზირის მეჭურჭლეთუხუცესის თანამდებობანი გადადის ჰერეთის ბაგრატიონთა გვარეულობაზე“ (გვ. 655. ხაზგასმა ჩვენია — ნ. შ.). ანდა ამ ქვეთავში გაკეთებული დასკვნა:

„1191 წელს ჰერეთის ბაგრატიონებმა დაიმტკიცეს სრულიად ჰერეთის ერისთავთ-ერისთავობა; ხოლო 1192-3 წლებში მათ მიიღეს რუსთავის ერისთავთ-ერისთავის თანამდებობა და მასთან ერთად ვაზირის (მეჭურჭლეთუხუცესის) პოსტი“ (გვ. 656, ხაზგასმა ჩვენია — ნ. შ.).

ასევე, „ეპილოგის“ 544-ე გვერდზე აღნიშნულია:

„რუსთველიანაში ჩვენ დადგენილი გვაქვს, რომ 1192/3 წელს ჰერეთის ბაგრატიონმა ასათ II გრიგოლისძემ, რომელიც ჰერეთის ერისთავთ-ერისთავი იყო, შეიერთა მეორე დიდი საერისთავო, ჰერეთის რუსთავის მხარე, ასათ II-ემ, როგორც რუსთავის ერისთავთ-ერისთავმა, მიიღო ვაზირის მეჭურჭლეთუხუცესის თანამდებობა (რომელიც ამ დროს რუსთავის დიდ საე-

რისთავოსთან იყო დაკავშირებული)“ (ხაზგასმა ჩვენია — ნ. შ.).

ავტორის ამ ტექსტიდან <sup>არსებული</sup> გამომდის, რომ აღნიშნული ორი საერისთავოს გაერთიანების შემდეგ ასათი არის რუსთავის ერისთავთ-ერისთავი და ზის რუსთავში — გაერთიანებული საერისთავთ-ერისთავოს ცენტრში. ამის შესაბამისად ვაზირთა სიებში ასათ II გამოცხადებულია რუსთავის ერისთავად და მეჭურჭლეთუხუცესად 1192/3 — 1195-1200 წლებში („რუსთველიანის ეპილოგი“, გვ. 580). ასევე, შოთა რუსთველი, „ვეფხისტყაოსნის“ ავტორი, ამავე სიაში 1196/1200 წლებიდან შეყვანილია როგორც „ერისთავთ-ერისთავი, რუსთავის ერისთავი“ („რუსთველიანის ეპილ.“, გვ. 581).

ე. ი. 1196 წლიდან 1204 თუ 1206 წლამდე რუსთავი ხან საერისთავოა, ხან არა. შოთა რუსთველი ხან ერისთავია, ხან არა. „რუსთველი“ ხან რუსთავის ერისთავობას ნიშნავს, ხან მხოლოდ რუსთავის მფლობელობას თუ გამგებლობას.

ამ წინააღმდეგობას და შეუსაბამობას პ. ინგოროყვა თავს ვერ დააღწევს, თუ არ უარყოფს ღებულებას რუსთავისა და ჰერეთის გაერთიანების შესახებ და, მაშასადამე, შოთა რუსთველისა და შოთა კუპრის იგივეობის შესახებაც. ამის მოხსნა კი იმას ნიშნავს, რომ აღარაფერი დარჩება შოთა რუსთველის მის მიერ დადგენილი ბიოგრაფიიდან, რომელიც თვით ავტორის განცხადებით ისე ცნობილი და დადგენილი გახდა მისი გამოკვლევის წყალობით, როგორც ილიას, აკაკის, ნიკოლოზ ბარათაშვილის და ვაჟას ბიოგრაფიები (იქვე, გვ. 857). ამიტომაც შოთა კუპრზე პ. ინგოროყვა ხელს ვერ აიღებს, მაშასადამე, აღნიშნულ შეუსაბამობებსა და წინააღმდეგობებსაც თავს ვერ დააღწევს.

ტერმინ „რუსთველის“ მნიშვნელობა... რომელი რუსთავიდან იყო შოთა რუსთველი?

განვიხილოთ პ. ინგოროყვას თვალ-



საზრისი ტერმინ „რუსთველის“ შესახებ.

„რუსთველიანას“ 82-ე გვერდზე წერია:

„რომ შოთა მალალ ფეოდალურ წრიდან იყო, ამას გვიჩვენებს თვით პოეტის სახელწოდება „რუსთველი“. აქ ჩვენ გვაქვს იმ ტიპის სახელწოდება, რომელსაც ღებულობდნენ არისტოკრატიული მფლობელი გვარები მათი საპატრონო ციხე-ქალაქებიდან. რუსთავი, როგორც ეს ქვემოთ იქნება გამორკვეული, საპატრონო რეზიდენციას წარმოადგენდა, და ძველ ქართული წყაროების ჩვენების თანახმად „რუსთველი“, ანუ „რუსთავისა და შვიდთა მთეულეთთა პატრონი“ უმადლეს ფეოდალურ წრეებს ეკუთვნოდნენ.“

„რუსთველიანას“ 90-ე გვერდზე აღნიშნულია:

„საშუაღ-საუკუნეთა საქართველოში არსებულა რუსთავის სამფლობელო, რომლის ცენტრიც ყოფილა ჰერეთის ციხე-ქალაქი რუსთავი; მფლობელნი ამ ციხე-ქალაქისა და თემისა — იწოდებოდნენ: „რუსთველი“ ანუ „რუსთავისა და შვიდთა მთეულეთთა პატრონი.“

რომ ამ მხარის მფლობელნი ატარებდნენ ტიტულს „რუსთველი“, ეს დადასტურებულია მე-10-13 საუკუნეთა მთელ რიგ წყაროებში (იხ. ჰავიოგრაფიული და ჰიმნოგრაფიული ტექსტები დავით გარეჯელის შესახებ, მე-10-13 საუკუნეებისა).

ამასთან აღვნიშნავთ, რომ ფრესკა ერთ-ერთი რუსთველისა დაცულია დავით-გარეჯაში, რომელიც, როგორც ცნობილია, რუსთველის სამფლობელოს ფარგლებში იყო მოქცეული. უფრო სრული სახით ტიტულატურა „რუსთავისა და შვიდთა მთეულეთთა პატრონი“ წარმოდგენილია მე-12 საუკუნის დასასრულის ეპიგრაფიკულ ძეგლში“ (საზგასმა ავტორისა — ნ. შ.).

„რუსთველიანას ეპილოგის“ 638-ე გვერდზე, სადაც ავტორი განიხილავს რუსთავის ისტორიის VI—VIII სს. პერიოდს, აღნიშნულია: „მას შემდეგ რაც მეხუთე-მეექვსე საუკუნეთა მიჯნაზე

რუსთავის საერისთავოში დასრულდა მფლობელობა უფლისწულთა, მოიხსენიებენ მის დის რევის შთამომავალთა<sup>გარეჯელის</sup> რუსთავის საერისთავოს ხელისუფალნი მე-6 საუკუნის დასაწყისიდან არიან აღვილობრივი ერისთავნი, რომელთაც ეწოდებოდათ „რუსთველი“.

რუსთველთა მმართველობის დროს მე-6 საუკუნის პირველ ნახევარში რუსთავის საერისთავოს ტერიტორიაზე გაშენდა განთქმული გარეჯის მონასტერი, დაარსებული დავით გარეჯელის მიერ.

დავით გარეჯელის ცხოვრების აღწერილობაში მე-6 საუკუნის პირველ ნახევარში მოიხსენიება რუსთველი (რუსთავის მხარის მფლობელი) ბუბაქარი. მე-5-6 საუკუნეებში საქართველოში, ქრისტიანობის გვერდით, როგორც ცნობილია, ფართო გავრცელება ჰქონდა მახდებიანობას. ბუბაქარ რუსთველი მახდებიანი ყოფილა და იგი ქრისტიანობაზე მოუქცევია დავით გარეჯელს.

ჰავიოგრაფიულ ტექსტებში (და აგრეთვე ჰიმნოგრაფიული პოეზიის ტექსტებში) მოთხრობილია, რომ ბუბაქარ რუსთველი, როდესაც იგი ჯერ კიდევ მახდებიანი იყო, შეხვდა ნადირობის დროს დავით გარეჯელს და განიზრახა დავითის მოკვლა; მაგრამ ვითომც ამ დროს მოხდა სასწაული, ბუბაქარმა ვერ შესძლო ხმლის მოქნევა, მას გაუშეშა და მარჯვენა ხელი; ჰიმნოგრაფი წერს:

„[მახდებიანი] იგი რუსთველი... მოვიდა შენდა გულისწყრომით მკისნვარედ, —

...მსწრაფლ აღმოიღო მახვილი ცემად შენთვის

და მყის შეჰხმა მას ხელი მისი მარჯვენა“.

ჰავიოგრაფის სიტყვით, დავით გარეჯელი განკურნავს რუსთველს, ქრისტიანობაზე მოაქცევს და ნათელს სცემს მას. რუსთველი ხდება დავით გარეჯელის თანამოღვაწე, იგი დიდ მონაწილეობას ღებულობს გარეჯის მონასტრის მშენებლობაში.

მას შემდეგ რუსთველი დავით გარეჯის სავანის ქტიტორებად ითვლებო-

უნენ“ (ხაზგასმა ყველგან ჩვენია — ნ. შ.).

როგორც ვხედავთ, პ. ინგოროყვას აზრით, VI ს-დან რუსთავს განაგებდა ერისთავი, რომელიც „რუსთველად“ იწოდებოდა. ამ დებულების დამადასტურებელ წყაროდ ავტორი გვთავაზობს დავით გარეჯელთან დაკავშირებულ ჰაგიოგრაფიულ და ჰიმნოგრაფიულ ტექსტებს, სადაც, პ. ინგოროყვას აზრით, ადგილი აქვს ამ ტერმინის აღნიშნული მნიშვნელობით ხმარებას, აგრეთვე დავით გარეჯის ფრესკას, რომელიც თურმე „რუსთველის“ გამოსახულებას წარმოადგენს.

მაგრამ დავით გარეჯელის ცხოვრების ტექსტებში არსად ტერმინი „რუსთველი“ არ გვხვდება. კერძოდ, ამ ტექსტების ილ. აბულაძის გამოცემაში, რომელსაც ავტორი მიუთითებს, ბუბაქარზე ნათქვამია მხოლოდ, რომ ის იყო „...ბარბაროზი ვინმე ნათესავით ადგილთაგან რუხსთავისათა“. როგორც ვხედავთ, დავით გარეჯელის ცხოვრება არ გამოდგება ტერმინ „რუსთველის“ განსამარტავად. დავით გარეჯელთან დაკავშირებული ზემოაღნიშნული ჰიმნოგრაფიული ტექსტი კი პ. ინგოროყვას მოჰყავს დამახინჯებულად.

მოვიყვანოთ დედნის შესატყვისი ადგილი უცვლელად:

**„მოჰმადიანი იგი რუსთველი ამირა**  
მოვიდა შენდა გულის წყრომით მკსინვარედ, კაკბისა მისთვის რომელი განაჩინე.

მსწრაფლ ამოიღო მახული ცემად შენთვის და მყის შეჰკმა მას პელი მისი მარჯუტნაჲ“<sup>1</sup>.

1) როგორც ვხედავთ, დედანში წერია არა „მაზღეიანი“, არამედ „მოჰმადიანი“. ის, რომ პ. ინგოროყვას „მაზღეიანი“ კუთხურ კავებში აქვს ჩასმული, არ ათავისუფლებს მას პასუხისმგებლობისგან ტექსტის შეცვლისთვის. მას არა აქვს არავითარი უფლება ტექსტიდან ამოიღოს სიტყვა და შემდეგ მის მაგივრად კუთხურ კავებში ჩაწეროს

როს რაც სურს და ამის საფუძველზე დაასკვნას, რომ „მე-5-6 საუკუნეებში საქართველოში, ქრისტიანობის მიმართ, როგორც ცნობილია, ფართო გავრცელება ჰქონდა მაზღეიანობას. ბუბაქარ რუსთველი მაზღეიანი ყოფილა...“

2) ტექსტში წერია „რუსთველი ამირა“ და არა მხოლოდ „რუსთველი“. პ. ინგოროყვამ უმართებულოდ ამოიღო აქედან სიტყვა „ამირა“. როგორც ვხედავთ, ტექსტის ავტორი მაჰმადიან რუსთველ ამირაში გულისხმობს არა რუსთავის ადგილობრივ ერისთავს, რომელიც მაზღეიანობის საქართველოში გავრცელების გამო მაზღეიანი ყოფილა, არამედ — მაჰმადიან არაბ ამირას.

ცხადია, დავით გარეჯელის დროს არც მაჰმადიანობა იყო და არც ამირა, მაგრამ ავტორს გვიანდელი ვითარება გადააქვს VI საუკუნეში. ყოველ შემთხვევაში, ავტორმა იცის მაჰმადიანი რუსთველი ამირების არსებობა არაბობის ხანაში.

3) არაა აგრეთვე მართებული, რომ რითმის შეწყობისთვის პ. ინგოროყვა თვითნებურად იღებს ტექსტიდან სიტყვებს, თუმცა კი სვამს მრავალ წერტილს და ერთხელ სცვლის კიდევ სიტყვის დაბოლოებას — „მარჯუტნაჲ“-ს ნაცვლად კითხულობს: „მარჯუტნე“.

ტერმინ „რუსთველთან“ დაკავშირებით, როგორც აღვნიშნეთ, პ. ინგოროყვა მიუთითებს დავით გარეჯაში გამოსახულ რომელიღაც ფრესკაზე, მაგრამ ასეთი ტერმინი დავით გარეჯის წარწერებში ცნობილი არ არის.

როგორც ვხედავთ, პ. ინგოროყვა ვერ ასახელებს ვერც ერთ წყაროს, სადაც „რუსთველი“ რუსთავის ერისთავს ან რუსთავის მფლობელს ნიშნავდეს. პირიქით, სადაც კი რუსთავის ერისთავზე თუ პატრონზეა ლაპარაკი, არსად „რუსთველი“ არ იხმარება: აბულასანი იწოდება არა „რუსთველად“, არამედ „რუხსთავსა და შვიდთა მთეულეთთა პატრონად“. ზაქარია მხარგრძელი არასდროს არ იწოდება რუსთველად. ლიპარიტ ბაღვაში, რომელიც XI ს-ის II ნახევარში ფლობდა რუსთავს,

<sup>1</sup> ხელნაწ. ინსტ., A — 126, გვ. 16.

არასდროს არ იწოდება რუსთველად. ამდენად, არა გვაქვს უფლება დავასკვნათ, რომ „ვეფხისტყაოსნის“ ავტორის ზედწოდება „რუსთველი“ მიუთითებს კუხეთის რუსთავის ერისთავობაზე თუ პატრონობაზე. კუხეთის რუსთავთან VI საუკუნიდან მოყოლებული მართლაც დაკავშირებულია ტერმინი „რუსთველი“, მაგრამ ის აღნიშნავს, როგორც ცნობილია, რუსთავის ეპისკოპოსს და არა რუსთავის ერისთავს. საეჭვოდ გვეჩვენება, რომ ეს ტერმინი ერთდროულად კუხეთის რუსთავის ეპისკოპოსის აღმნიშვნელიც ყოფილიყო და ერისთავისაც. თუ შოთას ზედწოდება „რუსთველი“ მის მიერ რუსთავის მფლობელობას მიუთითებს, ეს კი მართლაც ასე უნდა იყოს, მაშინ ამ რუსთავში, ჩვენი აზრით, უფრო მესხეთის რუსთავია სავარაუდო. უპირველეს ყოვლისა, შევჩერდეთ იმ საბუთებზე, რითაც პ. ინგოროყვა უარყოფს ამ შესაძლებლობას:

პ. ინგოროყვას ძირითადი არგუმენტი არის ის, რომ მესხეთის რუსთავი არ არის მოხსენიებული წყაროებში XVIII ს-მდე და ამიტომ ის შუა საუკუნეებში ალბათ უმნიშვნელო გეოგრაფიული პუნქტი იყო.

„რუსთველიანაში“ წერია:

„როგორც გამორკვეული გვქონდა, არავითარი ცნობა მესხეთ-ჯავახეთის რუსთავის შესახებ მე-18 საუკუნეზე ადრე არ მოიპოვება. მას არ იცნობს ქართული მატრიანები. ამკარაა, რომ საშუალო საუკუნეთა მანძილზე იგი არ წარმოადგენდა რაიმე მნიშვნელოვან პუნქტს, ყოველ შემთხვევაში, იგი არ წარმოადგენდა სამფლობელო რეზიდენციას. არავითარი ცნობა, რომ მესხეთ-ჯავახეთში არსებობდა რუსთავის ფეოდალური სამფლობელო, სარუსთველო, არ მოიპოვება“ (გვ. 90).

ამის საპასუხოდ უნდა ითქვას შემდეგი:

უპირველეს ყოვლისა, მესხეთის რუს-

თავზე ცნობა შემონახულია მე-18 საუკუნეზე ადრინდელ წყაროშიც. კერძოდ, XVI საუკუნის გურჯისტანის ფეოდალთა დიდ დავთარში.<sup>1</sup>

გარდა ამისა, ფეოდალურ საქართველოში დიდგვარიან ფეოდალთა გვარების ზედწოდებანი ნაწარმოებია არა დიდი ქალაქებიდან, არამედ მათი ციხე-რეზიდენციებიდან, რომლებიც მეტწილად არც მნიშვნელოვანი პუნქტები იყვნენ და არც დიდი ქალაქები. ასეთი გვარებია, მაგალითად ჯაყელი — ჯაყიდან, თორელი, — თორიდან, ძამელი — ძამიდან, ტბელი — ტბეთიდან (შიდა ქართლის), ლობიერი — ლობიეთიდან, ჩორჩანელი — ჩორჩანიდან, მანაველი — მანავიდან, ქვეშელი — ქვეშიდან და სხვა. რომელი ეს პუნქტი მიაჩნია პ. ინგოროყვას წყაროებში ხშირად მოხსენიებულ და კარგად ცნობილ, მნიშვნელოვან პუნქტად ან დიდ ქალაქად? არც ერთი ეს პუნქტი ასეთი არ არის. უცნაურია, რომ პ. ინგოროყვა დასაშვებად მიიჩნევს, მაგალითად, წყაროებში სრულიად მოუხსენიებელ და დღესაც უცნობი ციხე დადი-დან აწარმოოს (თუმცა უმართებულოდ, როგორც ეს ცხადპყო ნ. ბერძენიშვილმა<sup>2</sup>) დადიანის გვარი, ხოლო შეუძლებლად მიიჩნევს მესხეთის რუსთავიდან აწარმოოს რუსთველი, იმის გამო, რომ ის წყაროებში ნაკლებადაა ცნობილი.

იმის დასამტკიცებლად, რომ XII — XIII საუკუნეებში არ არსებობდა რუსთავის ფეოდალური სამფლობელო. პ. ინგოროყვას მოჰყავს XVI საუკუნის დოკუმენტი — სამცხის თავადების სია („წმიდისა და ცათა მობაძახისა კათოლიკე სამოციქულოსა საპატრია ქოსა მცხეთისა) ეკლესიისა ძუელითგან საქონებელნი და სამწყსონი სამცხეს თავადნი და [სო]ფელნი“), სადაც მოხსენიებული არ არის რუსთველი. ავტორის აზრით, თუ კი სამცხეში XII—XIII საუკუნეებში არსებობდა რუსთავის სამფლობელო, ის აუცილებლად მოხსენიებული იქნებოდა აღნიშნულ სიაში, რომლის ძველი ფენა, მისივე აზრით, სწორედ ამ პერიოდისაა.

<sup>1</sup> ს. ჯიქია, გურჯისტანის ვილაიეთის დიდი დავთარი, წ. II, გვ. 11, 141; III, გვ. 196.

<sup>2</sup> ნ. ბერძენიშვილი, დასახ. ნაშრ., გვ. 342.

უპირველეს ყოვლისა, უნდა აღინიშნოს, რომ პ. ინგოროყვას, როგორც ჩანს, გამოუყენებია არა დედანი საბუთისა, არამედ მხოლოდ მისი გამოცემა, რის გამოც ვერ შეუნიშნავს, რომ მას, გარდა კათალიკოზის ბეჭდისა, უზის სიმტიციის 4 ნიშანი: ორი მანუჩარის ხელრთვა, ბეჭედი, რომელიც არ ირჩევა და კათალიკოსის ხელრთვა. ამდენად, საბუთიც უნდა დათარიღდეს მანუჩარ ათაბაგის ხელრთვით და არა ელისბაალ და იოთამ შალიკაშვილების მოხსენიებით. ვარდა ამისა, პ. ინგოროყვა, როგორც ჩანს, არ იცნობს ამ ძეგლის უკანასკნელ გამოცემას ორი ნუსხის მიხედვით, რომელიც მოწმობს, რომ დოკუმენტში არ არის სამცხის ფეოდალთა სრული სია<sup>1</sup>. ამ სიის ნაკლებობას მოწმობს აგრეთვე მისი შედარება თუნდაც „მესხური მატიანის“ ტექსტთან<sup>2</sup>. მაგრამ, რაც მთავარია, არაა სწორი პ. ინგოროყვას დასკვნა, რომ: „სია სამცხე-საათაბაგოს მფლობელი გვარებისა, რომლებიც წარმოდგენილია ამ დოკუმენტში, ეკუთვნის დროს მე-12 საუკუნის დასასრულიდან მე-13 საუკუნის მეორე ნახევრამდე (არა უადრეს 1191 წლისა და არა უგვიანეს 1280-იან—1290-იანი წლებისა)“ („რუსთველიანა“, გვ. 94). ეს სია არ შეიძლება შემდგარიყო XII—XIII საუკუნეებში: ამ დროს სამცხე არ მოიცავდა დოკუმენტში მოცემულ ტერიტორიულ ფარგლებს. ამ ფარგლებს სამცხე-საათაბაგომ მიიღწია XIV საუკუნეში, როცა მან მოიცვა სამცხის გარდა მთელი ჯავახეთი, ტაო, კლარჯეთი, აჭარა, არტანი, კოლა, კარი და სხვა. ერთი სიტყვით, იქცა დიდ ქართულ სამთავროდ. XIII ს. II ნახევრამდე სამცხის სამთავრო საერთოდ არ არსებობდა. თვით სარგის ჯაყელის სამფლობელოს, როცა მან 1266 წელს მონღოლთაგან ხასობა მიი-

ღო, მხოლოდ სამცხე შეადგენდა. XVI საუკუნის ბოლოდან, ბექა I დროს დაიწყო სამცხე-საათაბაგოს ტყვეპყობის ფარგლების გაფართოება, რაც დასრულდა XV საუკუნეში. ამ დროს დაიწყო სწორედ ბრძოლა სამცხე-საათაბაგოს საერო და საეკლესიო ხელისუფლებამ ქართლის საკათალიკოსოსგან გამოსაყოფად, რაც მარცხით დამთავრდა. ამას მოჰყვა სამცხის მღვდელმთავართა კაბიტულაციის აქტები, ერთგულების ფიცის წიგნების სახით, რომლებსაც სამცხის მღვდელმთავრები (მაწყვერელი, კუმურდოელი, იშხნელი და სხვა), აძლევდნენ ქართლის კათალიკოსს. მაგრამ მღვდელმთავრებთან ერთად კაბიტულაციის აქტს წერს საერო ხელისუფლებაც (ე. ი. ათაბაგი)<sup>3</sup>. ამ დოკუმენტში ჩამოთვლილია მცხეთის სამწყსოში შემავალი დიდ-ფეოდალთა საგვარეულოები სამცხე-საათაბაგოს, აგრეთვე, მცხეთისთვის საყმოდ შეწირული საეკლესიო-სამონასტრო სინიორიები. ცხადია, კაბიტულაციის ეს აქტი შეიძლება შექმნილიყო მხოლოდ იმ ბრძოლის შემდეგ მცხეთის კათალიკოსსა და სამცხე-საათაბაგოს ხელისუფლებას შორის, რომელსაც ადგილი ჰქონდა XV საუკუნეში. სიაში შეტანილია ის ძველი ფეოდალური საგვარეულოები, რომელთა ადგილზე ისხდნენ XVI საუკუნის სამცხე-საათაბაგოს დიდგვარიანი ფეოდალები, მაგრამ ძველი სიაც და ახალიც შედგენილია ერთდროულად XVI ს-ში.

ასე რომ, ამ დოკუმენტის მიხედვით ვერ გადაწყდება ის საკითხი, არსებობდა თუ არა სამცხეში XII—XIII საუკუნეებში რუსთავის სამფლობელო.

მაგრამ მაინც გვაქვს თუ არა რაიმე პოზიტიური მონაცემები იმისთვის, რომ შოთას სამშობლოს ძიების დროს მესხეთის რუსთავს მივაკუთვნოთ უპირატესობა კუხეთის რუსთავთან შედარებით? მე ვფიქრობ, გვაქვს: უპირველეს ყოვლისა, ეს ის ლიტერატურული და ხალხური ტრადიციია, რომელიც შოთა რუსთველს მესხად მიიჩნევს. ტრადიციას პ. ინგოროყვა და ჩვენც დიდ ანგარიშს ვუწევთ, როცა „ვეფხის-

<sup>1</sup> სამხრეთ საქართველოს ისტორიის მასალები (XV—XVI სს), ქრ. შარაშიძის გამოც., 1961, გვ. 31-35.

<sup>2</sup> ქრ. შარაშიძე, დასახ. ნაშრ., გვ. 36—56.

<sup>3</sup> იქვე, გვ. 97—98.



ტყაოსნის“ ავტორის სახელად და ზედწოდებად შოთა რუსთველს მივიჩნევთ. ჩვენ ხომ ამ ტრადიციის გარდა, არ გავგაჩინა არავითარი დოკუმენტური დადასტურება ამ სახელისა და ზედწოდებისა. მაშ, რატომ ვუწევთ, ერთ შემთხვევაში ლიტერატურულ ტრადიციას ანგარიშს და უყოყმანოდ ვიღებთ, მეორე შემთხვევაში კი — არა?

პ. ინგოროყვა „რუსთველიანას ეპილოგში“ აღნიშნავს:

„ტრადიცია ჰბადებს სიყვარულს. ჩვენ ვესიყვარულებით წმინდა სახელებს.“

ჩვენ ყველანი შეჩვეული ვიყავით გვიანდელი დროის ტრადიციას, რომ შოთა რუსთველის სამშობლო არის სამცხე-ჯავახეთის რუსთავი. და როდესაც ჩვენ, რუსთველიანას პრობლემებზე მუშაობის დროს, პირველად დავრწმუნდით, რომ რუსთველის მხარე — ეს არის ძველი რუსთავი ჰერეთისა (რუსთავი თბილისისა), ჩვენ ეს თითქოს გვეუცხოვა კიდევ. ალბათ თქვენც ამასვე განიცდიდით პირველად, ჩემო ძვირფასო მკითხველო.

ხოლო ჰეშმარიტება კიდევ ახალი სიყვარულით აღგვაკვებს“ (გვ. 635).

გარდა ამ ტრადიციისა, შოთას მესხობას რამდენადმე მხარს უჭერს ისიც, რომ საისტორიო წყაროები სახელ შოთას მესხეთ-თორში ხშირად იხსენიებენ. ასეთებია: 1) ქვაბისხევის XII — XIII ს. ს. ფრესკა შოთას გამოსახულებით დიდებულის ტანსაცმელში<sup>1</sup>, 2) ზარზმის წარწერა, შოთას მოხსენიებით; 3) სადგერის XV თუ XVI ს. ოდა შოთაშვილებისა, 4) XVI ს. საბუთი, სადაც სოფ. წნისში შოთასშვილები მოიხსენიება, და აგრეთვე მოწმობს ამ სახელის გავრცელებას მესხეთში, როგორც დიდებულთა, ისე დაბალი წრის წარმომადგენელთა შორის და სხვა.

ამის სასარგებლოდ ლაპარაკობს ავ-

რეთვე აძიკვის ბარელიეფის წარწერა: ეს ძეგლი პ. ინგოროყვამ შეცდომით წააკითხა და გამოსცა, როგორც შემდეგ ცხადჰყოფს ნ. ბერძენიშვილის სტატია ამ წარწერაზე<sup>2</sup>. მაგრამ ამჯერად ჩვენ ყურადღებას მივაქცევთ ამ წარწერასთან დაკავშირებით მხოლოდ ერთ ვარაუდს: აქ მოხსენიებული სახელები: გამრეკელი და ვარაზბაქური მიუთითებენ არა ორბელთა გვარზე, არამედ — თორელებზე. განა პ. ინგოროყვასთვის ცნობილი არ არის, რომ სახელი გამრეკელი არც ერთხელ არა გვხვდება ორბელებში და ამ დროისთვის თორელთა საგვარეულო სახელია? ასეთივე სახელია ვარაზბაქური, რომელიც გამრეკელთან შერწყმული სახით გვხვდება XI ს-ის წყაროში და რომელსაც ლ. მუსხელიშვილი ასევე თორელად მიიჩნევს<sup>3</sup>. შოთას მოხსენიება თორელთა გვარის წევრებში უნებურად გვაფიქრებინებს, რომ ეს შოთა, რუსთველია ის თუ სხვა ვინმე, უკავშირდება თორელთა გვარს.

ამის შემდეგ, ცხადია, უნდა გავიხსენოთ ისიც, რომ მესხეთის გარკვეული ნაწილი, ახალციხიანად, XII—XIII სს-ში, თორელთა ხელთ იყო. ახალციხე თამარის დროს ეკუთვნოდა შალვა თორელს. ირკვევა, რომ ის მხარეც, სადაც მესხეთის რუსთავი მდებარეობდა, თორელებს ეკუთვნოდა. ამას მოწმობს შემდეგი:

მესხეთის თავადთა ზემოხსენებულ ნუსხაში გვხვდებიან ლობიერნი. ლობიეთი კი მესხეთის რუსთავის ახლოს მდებარეობდა, მტკვრის მოპირდაპირე მხარეზე. ამის საფუძველზე პ. ინგოროყვა ასკვნის: შოთა რომ აქაური მფლობელი ყოფილიყო, ის რუსთველი კი არა, ლობიერი იქნებოდაო. მაგრამ რატომ არ შეიძლება დავუშვათ ლობიერთა სამფლობელოში ან მისსავე გვერდით რუსთავის სამფლობელოს არსებობა? გარდა ამისა, ჩვენ ხომ არ ვიცით, რა დროს ჩამოყალიბდა ლობიერთა სამფლობელო. ხომ შეიძლება შოთას დროს აქ რუსთავის სამფლობელო ყოფილიყო, მის შემდეგ კი, XIII

<sup>1</sup> იხ. ნ. ბერძენიშვილი, საქართველოს ისტორიის საკითხები. I, გვ. 227 — 229.

<sup>2</sup> იქვე, გვ. 272—283.

<sup>3</sup> იხ. ლ. მუსხელიშვილი, არქეოლოგიური ექსპურსიები, 1941 წ. გვ. 61.

ან XIV ს-ში ღობიეთის სამფლობელო გაჩენილიყო.

მაგრამ ვინ იყვნენ ამ ადგილების მფლობელები, რუსთავისა თუ ღობიეთისა? ამას არკვევს ჯვრის აღაპებში დაცული ცნობა ერისთავთ-ერისთავ გამრეკელ ღობიარის შესახებ. ცხადია, ეს გამრეკელი, თავისი სახელისა და სამფლობელო ადგილის მიხედვით, თორელია. გამოდის, რომ მესხეთის რუსთავს XIII—XIV სს.-ში ფლობდნენ თორელები. აქაც შოთა თორელებს უკავშირდება.

ბოლოს შეიძლება აღინიშნოს კიდევ ერთი მანიშნებელი გარემოება: თამარ მეფის დროს მეჭურჭლეთუხუცესობა თორელებს უპყრიათ (შალვა თორელი), ხოლო თამარის შემდეგ, XIII ს-ში ამ სავაზირო ხელს ზან თორელები ფლობენ, ხან ჯაყელები — სამხრეთ-საქართველოს ეს ორი დიდი საგვარეულო. XIII საუკუნის შუა წლებში თორელებიდან მეჭურჭლეთუხუცესებად ცნობილი არიან გამრეკელი და კახა. ხოლო თუ შოთა რუსთველი მეჭურჭლეთუხუცესი იყო, ეს მას ახლოებს სწორედ სამხრეთ საქართველოს ამ ორ საგვარეულოსთან და, კერძოდ, თუ წინა მონაცემებსაც გავისწინებთ, თორელებთან და არა ჰერეთის ერისთავებთან, რომლებსაც მეჭურჭლეთუხუცესობა მხოლოდ პ. ინგოროყვამ მიანიჭა. თორელების მეჭურჭლეთუხუცესობაზე ისეთი საეჭვო საბუთები კი არა გვაქვს, როგორცაა „ერთი დეტალი თამარის ისტორიაში“, ან ასათის მიერ სამეფო დარბაზში სასთაულის მიღება, არამედ პირდაპირი ცნობები ისეთი საისტორიო წყაროებისა, როგორცაა ქართლის ცხოვრება, ისტორიული დოკუმენტები და ეპიგრაფიკული ძეგლები. ამ წყაროებში თორელები პირდაპირ იწოდებიან მეჭურჭლეთუხუცესებად, თორელები ფლობენ მესხეთის რუსთავსაც. რაღაღ გვინდა ხელოვნურად მივაწეროთ მეჭურჭლეთუხუცესობა და რუსთავის მფლობელობა ჰერეთის ერისთავებს და თავს

ვიდოთ იმის დამტკიცება, რისი დამტკიცებაც შეუძლებელია.

მე, რა თქმა უნდა, არაა დაკმაყოფილებული რაიმე კატეგორიული დასკვნის გამოტანას შოთა რუსთველის ვინაობაზე და სადაურობაზე. დაუსაბუთებელი კონცეფციები ამ საკითხზე ისედაც ბევრია. მე მსურს მხოლოდ აღვნიშნო, რომ ლიტერატურულ და ხალხურ ტრადიციას შოთა რუსთველის მესხობის შესახებ არაფერი არ გამოირიცხავს. საისტორიო წყაროების ზოგიერთი მონაცემები კი მხარს უჭერენ და თითქოს უფრო ასაბუთებენ შოთას მესხობასა და თორელობას.

**დავუბრუნდეთ კუხეთის რუსთავთან მეჭურჭლეთუხუცესობის დაკავშირების საკითხს. დავუბრუნდეთ ე. წ. ჰერეთის ბაგრატიონებს:** პ. ინგოროყვა ჰერეთის ბაგრატიონებად თვლის დავით აღმაშენებლის მიერ 1117 წელს შემოერთებული გიშის მფლობელებს ასათსა და შოთას. შემდეგში, ავტორის აზრით, მათი შთამომავლობა წინაუბრდება საქართველოს მეფის კარზე დავაზირობასა და ჰერეთის ერისთავობასაც იგდებს ხელში. კერძოდ, ასათი უკვე დავით აღმაშენებლის დროს ხდება ჰერეთის ერისთავი და მანდატურთუხუცესი და უპყრია ეს სახელოები 1145 წლამდე, ვიდრე დიმიტრი I წინააღმდეგ ამბოხებაში თუ შეთქმულებაში არ გაერია, რისთვისაც ჩამოაჭვეითეს: ჩამოართვეს ორივე ხელი. 1163 წელს, როგორც გვამცნობს პ. ინგოროყვა, ჰერეთის ბაგრატიონებს დიდი სამსახური გაუწევიათ ქვეყნისთვის მუსულმანთა კოალიციის წინააღმდეგ ანისისთვის ბრძოლაში, რისთვისაც მათ კვლავ დაუბრუნეს ჩამორთმეული სახელოები და გრიგოლ II ასათისძე გახდა ჰერეთის ერისთავიცა და მანდატურთუხუცესიც. შემდეგ, დემნა ბატონიშვილის 1177 წლის აჯანყებაში მონაწილეობის გამო, მათ ისევ დაჰკარგეს ორივე ეს სახელო. ჰერეთის ერისთავთ-ერისთავობა მათ უბრუნდებოთ 1191 წელს, ხოლო ვაზირობა, მე-

მეტრულეთუხუცესობის სახით, რუსთავთან ერთად — 1192-3 წელს.

**მაგრამ არც ვაზირები და არც ჰერეთის ერისთავები არ ყოფილან არც ასათ I, არც მისი ძე გრიგოლ II.** არც ერთ წყაროში ისინი არ იხსენიებიან არც ჰერეთის ერისთავებად, არც მანდატურთუხუცესებად. სად ამოიკითხა პ. ინგოროყვამ ცნობა, რომ დავით აღმაშენებელმა ასათ I უბოძა ჰერეთის ერისთავობა და მანდატურთუხუცესობა, სრულიად გაუგებარია.

ასევე არ ჩანს, საიდან დაასკვნა პ. ინგოროყვამ, რომ ასათმა მონაწილეობა მიიღო ფეოდალთა ამბოხებაში 1145 წელს, რისთვისაც ჩამოერთვა სახელოები (ამასთან უნდა აღინიშნოს, რომ არავითარი ფეოდალთა ამბოხება 1145 წელს არ ყოფილა. ივანე აბუღურთისძის დასჯა დემეტრე მეფის მიერ სრულიად არ ნიშნავს ფეოდალთა ამბოხებას. ძაგან აბუღურთისძემ დასაჯა დავით აღმაშენებელმა, მაგრამ ფეოდალთა ამბოხებას ადგილი არ ჰქონია). ასე, წყაროებზე დაყრდნობის გარეშე, პ. ინგოროყვამ როგორც მისცა, ისევე ჩამოართვა ვაზირობა და ერისთავობა ასათს. ასევე, არსად არ მოიპოვება ცნობა იმის შესახებ, რომ გრიგოლ I ასათის ძეს რაიმე დამსახურება მიუძღოდეს ანისისთვის ბრძოლაში და ამიტომ მიეღოს კიდევ ვაზირობა და ჰერეთის ერისთავობა. პ. ინგოროყვას მიერ მითითებული თამარის ისტორიკოსი ამაზე სრულიად არაფერს გვამცნობს. დემნას აჯანყებაში გრიგოლ ასათისძე მართლაც მონაწილეობდა, თამარის ისტორიკოსის ცნობით, მაგრამ ჩვენ არ ვიცით, იყო თუ არა ის მაინცადამაინც ჰერეთის ერისთავი. ამ აჯანყებაში მონაწილე ივანე ვარდანის ძე კა შეიძლება სწორედ იმ ვარდან კოლონკელის ძის შვილია, რომელიც XII ს. 60-იან წლებში ჰერეთის ერისთავი უნდა ყოფილიყო.<sup>1</sup>

1191 წელს ასათ II-მ, გრიგოლ I-ის ძემ, საღირ კოლონკელის ძეს წარსტაცა ჰერეთის ერისთავობა. სწორედ ამ დრო-

იდან ხდებიან მხოლოდ გრიგოლისძეები, ჩვენი აზრით, ჰერეთის ერისთავები, მანამდე კი ეს სახელო კოლონკელთა ლისძეებს ეპყრათ.

რაც შეეხება მეტრულეთუხუცესობას და რუსთავის ერისთავობას, არც ერთი და არც მეორე არც ასათ II-ს და არც შის შთამომავლებს არ მიუღიათ.

ერთადერთი საფუძველი, რაზეც პ. ინგოროყვა ამყარებს თავის დასკვნას მათი გარუსთველებისა და გავაზირების შესახებ, როგორც აღვნიშნეთ, არის ასათის მიერ არიშიანის ადგილის მიღება ჩასათულით.

როგორც ზემოთ განხილვამ გვიჩვენა, სასათულით ადგილის მიღება სამეფო დარბაზში სრულიადაც არ ნიშნავდა მაინცადამაინც ვაზირობის მიღებას. როდესაც ასათმა იაჯა არიშიანის ადგილზე სასათულით დაჯდომა, ეს ადგილი, ცხადია, რუსთავს კი არ გულისხმობდა, არამედ ადგილს სამეფო დარბაზში, თანაც სასათულით დაგებულს. ეს სასათულიანი ადგილი, ადრე, როგორც ჩანს, არიშიანს ეკუთვნოდა. ახლა, ეს საპატიო ადგილი დარბაზში, სასათულით, ებოძა ასათს. რუსთავი და მეტრულეთუხუცესობა აქ არაფერ შუაში არ არის. ასევე, არსად არ არის ნახსენები გრიგოლ ასათისძე მეტრულეთუხუცესად, ან რუსთველად. პ. ინგოროყვას განცხადება, რომ ერთი „დეტალი თამარის ისტორიაში გვაფიქრებინებს გრიგოლის მეტრულეთუხუცესობას“ („რუსთველიანა“, გვ. 105—106) და რომ წყაროების „ირიბი ჩვენება“ იძლევა ამის საფუძველს („რუსთველიანას ეპილოგი“, გვ. 545), ცხადია, საბუთად ვერ გამოდგება.

ასევე, არსად არ ჩანს მეტრულეთუხუცესად და რუსთველად შოთა ჰერეთის ერისთავი, ანუ შოთა კუპრა. არც ერთხელ ის წყაროში წოდებული არ არის არც მეტრულეთუხუცესად და არც რუსთველად, არამედ მხოლოდ ჰერეთის ერისთავად. ამასთან, ის სამოღვაწეო ასპარეზზე XIII ს-ის 30-იან წლებში გამოდის.

<sup>1</sup> იხ. ქართლის ცხოვრება, II, 1959, გვ. 12.

გაუგებარი რჩება, თუ კი შოთა კუპრი თავის პოლიტიკურ მოღვაწეობას XII ს. 90-იანი წლებიდან იწყებს, მაშინ რატომ არ იხსენიება ის არც ერთხელ საისტორიო წყაროებში, არც თამარის დროს, არც ლაშა გიორგის დროს, რომელსაც ის დაუბრუნებია განდევნილობიდან? რატომ არ ახსენებს მას არც თამარის ისტორიკოსი და არც უამთაღმწერელი ამ დროის მოღვაწეთა შორის? როგორღაა შოთა კუპრი ტბელის უფროსი ძმა, თუკი ტბელი თამარის დროსაა წყაროში ნახსენები, შოთა კუპრი კი მონღოლთა ბატონობის დროს? საიდანღა შეგვიძლია შოთა კუპრი თამარის ეპოქის მოღვაწედ მივიჩნიოთ, თუ საკითხს არ მივუდგებით წინასწარ აღებული აზრით შოთა კუპრისა და შოთა რუსთველის იგივეობის შესახებ?

ამით ვამთავრებთ კუხეთის რუსთავთან მეჭურჭლეთუხუცესობის დაკავშირების საკითხის განხილვას. როგორც ვხედავთ, XII—XIII საუკუნეებში კუხეთის რუსთავთან მხოლოდ ერთი მეჭურჭლეთუხუცესი — აბულასანი არის დაკავშირებული და არა შვიდი. დანარჩენებიდან არიშინი არც რუსთავის მფლობელი ყოფილა და არც მეჭურჭლეთუხუცესი. ორ ვარდანისძე მეჭურჭლეთუხუცესს არაფერი კავშირი არ ჰქონია რუსთავთან, ხოლო ჰერეთის დიდებულები და შემდეგ ერისთავები გრიგოლისძეები არც რუსთავის მფლობელები ყოფილან არასდროს და არც მეჭურჭლეთუხუცესები. საერთოდ, მათი საგვარეულოდან არ ჩანს არათუ ხუთი, არამედ არც ერთი ვაჟი, არც მანდატურთუხუცესი და არც მეჭურჭლეთუხუცესი.

### შოთა რუსთველის განდევნილობის შესახებ

შოთა რუსთველის ბიოგრაფიაში არის კიდევ ერთი შეუსაბამობა:

პ. ინგოროყვას ცნობით, შოთა რუსთველი განდევნილი იყო საქართველოდან 1196 წლიდან, ლაშა გიორგის მეფობამდე და განდევნილობაში დაწერა „ვეფხისტყაოსანი“, თუ მთლიანად

არა, მისი დიდი ნაწილი მაინც (გვ. 217-18, 665-66).

მაგრამ თუ შოთა რუსთველი ლოდ ლაშა გიორგის მეფობის დროს დააბრუნეს საქართველოში 1210/20-იან წლებში, როგორც პ. ინგოროყვა აღნიშნავს, მაშ, როგორღა იყო ის „რუსთავის სამფლობელოს“ გამგებელი 1196-1204 წლებში, ხოლო 1204 წლიდან, მამის გარდაცვალების შემდეგ — ჰერეთის ერისთავი? ხოლო თუ შოთამ ჰერეთის ერისთავობა მიიღო არა მამის, გრიგოლის გარდაცვალების შემდეგ, როგორც ეს აღნიშნულია „რუსთველიანას ეპილოგის“ 676-ე, 678-ე და სხვა გვერდებზე, არამედ — 1210/20-იანი წლებიდან, როგორც ამას ვიგებთ „რუსთველიანას“ 116-ე, „რუსთველიანას ეპილოგის“ 581-ე და სხვა გვერდებიდან, მაშინ ვინღა იყო ჰერეთის ერისთავი 1204 წლიდან, ე. ი. გრიგოლის გარდაცვალების შემდეგ? ვაკანტური იყო ეს ადგილი და შოთას უნახავდნენ? როგორღა არიან შოთა და მისი ძმა ტბელი მოთავენი ჰერეთის ქვეყნისა 1204 წლიდან („რუსთველიანას ეპილოგი“, გვ. 678), თუ შოთა განდევნილია? როგორღა აღნიშნავს „რუსთველიანას ეპილოგში“ ავტორი შემდეგს: „მამის, გრიგოლის გარდაცვალების შემდეგ შოთაზე გადასულა თანამდებობანი ჰერეთისა და რუსთავის ერისთავთ-ერისთავისა (რუსთველისა), ხოლო მეორე ძმა ტბელი—ყოფილა მონაპირე სპასპეტი (მხედართმთავარი) ჰერეთის საერისთავოსი“ („რუსთვ. ეპ.“ გვ. 676). ნუთუ, განდევნილი შოთა თამარმა ერისთავად დანიშნა დაუსწრებლად? მეჭურჭლეთუხუცესობა შოთა რუსთველს მამის გარდაცვალების შემდეგ თურმე არ გადაეცა იმის გამო, რომ განდევნილი იყო („რუსთვ. ეპილ.“ გვ. 665—666). კი მაგრამ, ჰერეთის ერისთავობა კი შეიძლებოდა რომ გადასცემოდა? რუსთავის გამგებელი კი შეიძლება ყოფილიყო? მენაპირეობა თავის ძმა ტბელთან ერთად და მტრისთვის შიშის მოგვრა კი შეეძლო? (გრიგოლისძეთა, ე. ი. ტბელისა და შოთას



მენაპირეობის დროს, წყაროს ცნობით, თურმე „მათი შიშით განძას და ბარდავს ყრმა მცირე ვერ აუტირდებოდა დედას“. ნუთუ განდევნილი შოთას შიში ჰქონდათ მცირე ყრმებს ბარდავსა და განძაში? და თუ აქ შოთას მაგივრად გრიგოლისძეებში ტბელის გვერდით სხვა იგულისხმება და არა განდევნილი შოთა, მაშინ გამოდის, რომ ტბელის ძმა და მასთან ერთად მენაპირე სხვა ყოფილა, ჰერეთის ერისთავი და რუსთველიც ამ დროს სხვა ყოფილა, წინააღმდეგ შემთხვევაში, ხელი უნდა ავიღოთ შოთას განდევნის ვერსიაზე. პ. ინგოროყვა, რა თქმა უნდა, გრძობს ამ შეუსაბამობასაც და როცა აჯამებს შოთა რუსთველის ბიოგრაფიას, გვერდს უვლის სწორედ ამ პერიოდს მისი ცხოვრებიდან, როცა ის განდევნილიცაა და ჰერეთის ერისთავიც, რუსთავის ერისთავიც და მის ძმასთან, ტბელთან ერთად მენაპირე. აქ პ. ინგოროყვა XII ს. ბოლოდან პირდაპირ გადადის XIII ს. 30-იან წლებზე, როცა შოთა კუბრი (იგივე შოთა რუსთველი, პ. ინგოროყვას აზრით) გამოჩნდება სამოღვაწეო ასპარეზზე („ეპილოგი“, გვ. 670-671). ვაზირთა სიაშიც, როგორც უკვე აღვნიშნეთ, ავტორი შოთა რუსთველს ჰერეთის ერისთავად აცხადებს 1210/20-იანი წლებიდან („რუსთველიანა“, გვ. 116, „რუსთველი“. გვ. 581).

„რუსთველიანას“ 219-ე გვერდზე პ. ინგოროყვა ცდილობს გრიგოლის გარდაცვალება და შოთას დაბრუნება ერთ ქრონოლოგიურ ფარგლებში მოაქციოს, ერთმანეთს დაუახლოვოს. ის აღნიშნავს:

„შოთას დაბრუნებისას უცხოეთიდან, გრიგოლ ჰერეთის ერისთავის გარდაცვალების შემდეგ, შოთაზე — როგორც გვარის უფროს წარმომადგენელზე გადასულა ღირსება ჰერეთის ერისთავისა“. მაგრამ გრიგოლი გარდაიცვალა 1204 წ. ახლოს, ხოლო შოთა დაბრუნდა საქართველოში ლაშა გიორგის მეფობაში („ეპილოგი“, გვ. 666). მაშ, როგორღა შეიძლება ამ ორი ფაქტის ერთ-

მანეთთან დაკავშირება? პ. ინგოროყვა ვერ აღწევს თავს ამ შეუსაბამობასაც. ამისთვის მან შოთას განდევნილობა უნდა უარყოს, მაგრამ მაშინ ხომ მისი მანიქველობა და მისი შერისხვაც უნდა უარყოს. ამასთან, შოთას მეჭურჭლეთუხუცესთა რიგშიც ვეღარ მოეძებნება ადგილი: თუ მამის შემდეგ გახდა მეჭურჭლეთუხუცესი, ე. ი. 1204 წ. შემდეგ, მაშინ როგორ წაართვა მას ეს ხელი ყვარყვარე ჯაყელმა, რომელიც მეჭურჭლეთუხუცესად ლაშასა და რუსუდანის მეფობის ხანაში იყო? ხოლო თუ გვიან გახდა მეჭურჭლეთუხუცესი, მაშინ რატომ არ მიიღო ეს ხელი მემკვიდრეობით მამისგან? ამიტომ მისი განდევნა თითქოს ნათელს ჰფენს ამ საკითხს, მაგრამ ბადებს სხვა შეუსაბამობებს. გამოსავალი ერთია: უნდა დავასკვნათ, რომ შოთა რუსთველი არ ყოფილა ჰერეთის ერისთავი, ე. ი. შოთა კუბრი, არც გრიგოლის ძე, არც ტბელის ძმა, არც მისი საქართველოდან განდევნის შესახებ ვიცით რამე.

### III შოთას მეჭურჭლეთუხუცესობის თარიღი

პ. ინგოროყვა შოთას მეჭურჭლეთუხუცესობას ათარიღებს 1245 — 50 წლებით („რუსთვ. ეპილ.“, გვ. 664). ამ ქრონოლოგიურ ფარგლებს, როგორც პ. ინგოროყვა გვამცნობს, განსაზღვრავს ის გარემოება, რომ 1245 წლამდე და 1250 წლის შემდეგ მეჭურჭლეთუხუცესობა უპყრიათ სხვა პირებს და მხოლოდ აღნიშნული 5 წელი — 1245 — 50 რჩება თავისუფალი შოთასთვის.

პ. ინგოროყვას გამოკვლევით, შოთას მამის, გრიგოლის შემდეგ მეჭურჭლეთუხუცესები არიან შემდეგი პირები:

1. შალვა თორელი — 1204/5 წ.
2. ოსე-ყმა — 1205—1212 წწ.
3. ყვარყვარე ციხისჯვარელ — ჯაყელი 1212—1245 წწ.

1250 წლის შემდეგ კი მეჭურჭლეთუხუცესთა შემდეგი რიგია დადგენილი:

1. გამრეკელი თორელი — 1250 — 1257 წწ.

2. კახა თორელი—1257—1270 წწ.

3. სარგის ჯაყელი-ციხისჯვარელი—  
1270 — 1281 წ. წ.

4. ბექა ჯაყელ-ციხისჯვარელი 1281  
—1302 წწ. („რუსთვ. ეპილ.“ გვ. 661—  
669).

უპირველეს ყოვლისა, ისმის კითხვა: თუკი პ. ინგოროყვას აზრით 1242—48 წ. წ. უმეფობის ხანა იყო საქართველოში, ვინ უბოძა შოთას მეჭურჭლეთუხუცესობის პატივი? პ. ინგოროყვა აღნიშნავს:

„1245 წლის ახლოს, როდესაც გარდაიცვალა მეჭურჭლეთუხუცესი ყვარყვარე-ივანე ციხისჯვარელი-ჯაყელი, მთავართა კრებას (რომელიც ამ პერიოდში, უმეფობის დროს, ხელმძღვანელობდა სახელმწიფოს) შოთა დაუდგენია საქართველოს სახელმწიფოს ვაზირად — მეჭურჭლეთუხუცესად — „წესისაებრ სახლისა“ („რუსთვ. ეპილ.“ გვ. 671).

შეიძლებაოდა კი მეფის გარეშე ვაზირის დანიშვნა? პ. ინგოროყვას ეს საკითხი არ აეჭვებ, პირადად ჩვენ კი ეჭვი გვკარება. მაშინ სრულიად უნდა შევიცვალოთ წარმოდგენა ამ პერიოდის ფეოდალური საქართველოს სახელმწიფო სამართალზე: ვაზირი ხომ მეფისა იყო, მეფის თანაშემწე, მეფის მოხელე. რა უფლება ჰქონდათ დიდგვარიან ფეოდალებს უმეფოდ ვაზირი დაენიშნათ? ამასთან, რა უფლებით ჩამოართვეს მეჭურჭლეთუხუცესობა ჯაყელთა სახლს მისმა თანასწორმა ფეოდალებმა და გადასცეს ჰერეთის ერისთავებს?

განვიხილოთ პ. ინგოროყვას მიერ შედგენილი შოთას წინამორბედი მეჭურჭლეთუხუცესების რიგი და გავარკვიოთ, მართლა არ რჩება იქ თავისუფალი ადგილი არც ერთი მეჭურჭლეთუხუცესისთვის? დავეშვათ, რომ 1204 წლამდე მეჭურჭლეთუხუცესებად მართლაც შოთას პაპა ასათი და მამა გრიგოლი იყვნენ, ხოლო 1204/5 წელს ეს ხელი შალვა თორელს ეპყრა. დავეშვათ, რომ გუნია-ყალის ძეგლში ოვსიყმის მოხსენება მართლაც მის მეჭურჭლეთ-

უხუცესობას ნიშნავს. მაგრამ საინტერესანს, რომ ოვსიყმას ეს ხელი 1205 წლიდან 1212-მდე ეპყრა, ხოლო ყვარყვარე ჯაყელს 1212 წლიდან? აბსოლუტურად არსაიდან: გუნია-ყალის ძეგლი, ლ. მუსხელიშვილისა და ა. ბაქრაძის დათარიღებით, 1207—1212 წლისაა. ამავე თარიღს იმეორებს პ. ინგოროყვა, მართლაც ძეგლი 1207 წელზე ადრინდელი არ შეიძლება იყოს, რადგან აქ ლაშა-გიორგი უკვე მეფედ იწოდება თამართან ერთად, ე. ი. მისი თანამოსაყდრია. რა საფუძველი გვაქვს, ძეგლის მიხედვით, ვამტკიცოთ, რომ ოვსიყმა 1205—1212 წლებში იყო მეჭურჭლეთუხუცესი? გუნია—ყალის ძეგლში მისი მოხსენიება ხომ შეიძლება 1207 წლითაც დათარიღდეს და 1212 წლითაც, ე. ი. თავისუფლად შეიძლება შალვასა და ოვსიყმას შორის კიდევ ვინმე ყოფილიყო მეჭურჭლეთუხუცესი. ასევე არ ჩანს ყვარყვარე ჯაყელი მეჭურჭლეთუხუცესად 1212 წლიდან. პირველად ამ ხელის მფლობელად ის იხსენიება ლაშა გიორგის მეფობაში, მონღოლთა გამოჩენის დროს, რასაც, სომხური და არაბულ-სპარსული წყაროების ცნობებით, ადგილი ჰქონდა 1220—21 წელს (კირაკოს განძაყელი, ვარდანის, ანონიმი სებასტიელი, იბნ-ალასირი, რაშიდ-ედ-დინი). აქაც, როგორც ვხედავთ, ყვარყვარემდე შეიძლება ერთიც და ორი მეჭურჭლეთუხუცესიც ყოფილიყო.

თუ მხედველობაში მივიღებთ იმ გარემოებასაც, რომ აბულასანის შემდეგ არც ასათი და არც გრიგოლ ჰერეთის ერისთავები მეჭურჭლეთუხუცესები არ ყოფილან და აბულასანიდან შალვა თორელამდე ჩვენ არა გვყავს წყაროებში მოხსენიებული მეჭურჭლეთუხუცესი, მაშინ უნდა დავასკვნათ, რომ თამარისა და ლაშა გიორგის მეფობაში, როგორც აბულასანსა და შალვა თორელს შუა, ე. ი. 1191 — 1205 წლებში, ისე შალვასა და ოვსიყმას შორის, ისე ოვსიყმასა და ყვარყვარე ჯაყელს შორის საკმაოდ თავისუფალი წლები რჩე-

ბა მეჭურჭლეთუხუცესის მოსათავსებლად.

განვიხილოთ ახლა პ. ინგოროყვას მიერ წარმოდგენილი შოთას მომდევნო მეჭურჭლეთუხუცესების რიგი: გამრეკელი თორელი, კახა თორელი, სარგის ჯაყელი, ბექა ჯაყელი.

დავიწყოთ ბოლოდან: ბექა ჯაყელი მეჭურჭლეთუხუცესი არ ყოფილა. ის მანდატურთუხუცესი იყო და მხოლოდ ამ ხელით იხსენიება ყველა წყაროში. ვერ ერთ წყაროს პ. ინგოროყვა ვერ ასახელებს, სადაც ის მეჭურჭლეთუხუცესად იყოს წოდებული და ამდენად მისთვის ამ საეპიგრაფო ხელის მიკუთვნება საფუძველს მოკლებულია.

სარგის ჯაყელს მეჭურჭლეთუხუცესად იხსენიებს ჟამთააღმწერელი, მაგრამ გაურკვეველია, თუ რის მიხედვით ათარიღებს პ. ინგოროყვა მის მეჭურჭლეთუხუცესობას 1270—1281 წლებით.

ყოველ შემთხვევაში, ჩვენი აზრით, ერთი აშკარაა: სარგისის მიერ მონღოლთაგან ხსოვბის მიღების დროს, რაც ულუ-დავითთან მის კონფლიქტს მოჰყვა (ამას კი ადგილი ჰქონდა არა 1268 წელს, არამედ 1266 წელს), სარგის ჯაყელი უკვე მეჭურჭლეთუხუცესი იყო. ამას მოწმობს, ჯერ ერთი, საისტორიო წყაროს ცნობა, რომ ულუ-დავითმა, მოისურვა რა სარგისის დატყვევება, გამოჰკეტა ის საჭურჭლეში.<sup>1</sup> ცხადია, საჭურჭლეში სარგისი იმყოფებოდა. როგორც ამ უწყების გამგებელი და იმითომ გამოჰკეტეს ის აქ. გარდა ამისა, ძალიან საეჭვოა, რომ მეფეს ამ კონფლიქტის შემდეგ, როცა სარგისმა ილხანისგან ხსოვბა მიიღო და ფაქტიურად გამოეყო საქართველოს სახელმწიფოს, მეჭურჭლეთუხუცესობა მიეცა სარგისისთვის. სულ სხვა საქმეა, რომ შემდგომში, სარგისის შვილი ბექა

მანდატურთუხუცესი გახდა. მას მეჭურჭლეთუხუცესობა არ მოსვლია, პირიქით — დიმიტრის მისი ქალღმერთის ცოლად და ბექა გიორგი ბრწყინვალის პაპა და გამზრდელი იყო.

ამრიგად, ჩვენი აზრით, 1266 წელს სარგის ჯაყელი უკვე მეჭურჭლეთუხუცესი იყო. ხოლო როდის შეეძლო მას შეეცვალა ამ სახელოზე მისი წინამორბედი მეჭურჭლეთუხუცესი კახა თორელი? არა უადრეს 1259—60 წლისა, რადგან ამ წლის შეწირულების „დაწერილში“ კახა თორელი ჯერ კიდევ მეჭურჭლეთუხუცესად იხსენიება. შესაძლებელია, სარგის ჯაყელმა კახა თორელი შესცვალა მაშინ, როცა ეგვიპტეში მონღოლთა 1260 წლის ლაშქრობის დროს კახა თორელმა მხარი არ დაუჭირა ულუ-დავითის აჯანყებას, ხოლო სარგის ჯაყელმა კი სწორედ ამ დროს დიდად შერთვულა მეფეს. ყვარყვარე ჯაყელსა და კახა თორელს შორის პ. ინგოროყვა ათავსებს შოთასა და გამრეკელი თორელის მეჭურჭლეთუხუცესობას, სინამდვილეში კი კახას წინამორბედები იყვნენ გამრეკელი თორელი და მ[ა]მ[უ]რჩა, თუ მ[ან] უ[ჩ]ჩა. ეს უკანასკნელი მეჭურჭლეთუხუცესად იხსენიება არსენ ჭყონდიდელის მიერ აბულახტარისძისთვის ბოძებულ წყალობის „დაწერილში“, რომელსაც ის ხელს ურთავს. ამ დოკუმენტს პ. ინგოროყვა ასახელებს და როგორღა გამოიჩინა მისი ხელჩამრთველი მეჭურჭლეთუხუცესი, გაუგებარია. სერთოდ, არ ჩანს, რის მიხედვით ადგენს პ. ინგოროყვა შოთას მომდევნო მეჭურჭლეთუხუცესთა ქრონოლოგიას, რაზეც დამყარებულია შოთას მეჭურჭლეთუხუცესობის ზედა თარიღი. პ. ინგოროყვა აქ, ისევე როგორც არაერთხელ, ერთი თავისთავად დაუსაბუთებელი დებულებით ასაბუთებს მეორე დებულებას.

გამრეკელი თორელის მეჭურჭლეთუხუცესობაზე ჩვენ ვამცნობს ერთადერთი საისტორიო წყარო, უთარიღო დოკუმენტი — მიქელ კათალიკოსის „დაწერილი“, რომელსაც ხელს ურთავს გამრეკელი მეჭურჭლეთუხუცესი.<sup>2</sup> სა-

<sup>1</sup> ქართლის ცხოვრება, II, 1959 წ., გვ. 255 (ვარიანტი).

<sup>2</sup> ქრონიკები, II, 176, ს. კაკაბაძე, XIII ს. I ნახ. კათალიკოზები; ს. კაკაბაძე საისტორიო მოამბე, I, 1945, გვ. 3; დედანი: ცსსა, ფ. 1448, № 9253.



ბუთს მისი უკანასკნელი გამომცემელი ს. კაკაბაძე ათარიღებს 1241 წლით.

მ[ა]ქ[უ]რჩა მეჭურჭლეთუხუცესი, როგორც აღნიშნეთ, ხელს ურთავს არსენ ჭყონდიდელის „დაწერილს“. <sup>1</sup> რომელსაც მისი გამომცემელი ს. კაკაბაძე ათარიღებს 1242—45 წლებით, ხოლო ნ. ბერძენიშვილი 1241—42 წლით.

ამ დოკუმენტების დათარიღებაზე მსჯელობას ჩვენ აქ არ შეგუდგებით. აღნიშნავთ მხოლოდ, რომ არც ერთი ეს დოკუმენტი და არც მათი ხელრთვები არ შეიძლება დათარიღდეს 1250 წელზე გვიანი დროით.

ამას მოწმობს:

1. ორივე დოკუმენტი იხსენიებს ორ სხვადასხვა კათალიკოსს (მიქელი, არსენი). 1250—1282 წლებში კი ქართლის კათალიკოსია ნიკოლოზი (ნიკოლოზის კათალიკოსობის ქვედა თარიღი ჩანს მის მიერ ხელჩართულ მსახურთუხუცეს გრიგოლ სურამელის დაწერილიდან), ე. ი. აღნიშნული 2 კათალიკოსი ნიკოლოზზე აღრე, 1250 წელზე აღრე იყვნენ.

2. ორივე დოკუმენტი ხელს ურთავს ავაგ ათაბაგი, რომელიც სომხური წყაროების ცნობით გარდაიცვალა 1249 ან 1250 წელს (კირაკოსი, 1909, გვ. 377, სტეფანოს ორბელიანი 1910, გვ. 398, 412. ვარდანი, 1861, გვ. 194). მხედველობაში უნდა მივიღოთ ის გარემოებაც, რომ გამრეკელი უამთაღმწერელთან აღარ იხსენიება საქართველოში მეფეების დაბრუნების შემდეგ, ე. ი. 1248—49 წლის შემდეგ ის აღარ ჩანს სამოღვაწეო ასპარეზზე. ამდენად, როგორც გამრეკელი, ისე მ[ა]ქ[უ]რჩა მეჭურჭლეთუხუცესებად ჩანან 1250 წელზე აღრე. მამურჩა ან მანუჩა სახელის მიხედვით ჯაყელი უნდა იყოს და შესაძლოა მეჭურჭლეთუხუცესობა მიიღო ყვარყვარეს შემდეგ.

<sup>1</sup> ს. კაკაბაძე, შიო-მღვ. 3 ისტ. საბ., 1913; მისივე: საისტ. მ-ბე, II, 1925, გვ. 123—133; საისტ. კრ., II, 1928; საქ. არქ., II, 1927, გვ. 14-28; დედანი: ცსსა, ფ. 1448, № 5003.

<sup>2</sup> ენიქის მ-ბე, V—VI, 1940, გვ. 403.

<sup>3</sup> E. Такашвили, Арх. экск., IV стр. 51—52.

ასე, რომ, 1245-50 წლებში შოთა/მეჭურჭლეთუხუცესისთვის ადგილი არა/რჩება: ის ისევ თამარის ხანა/მეჭურჭლეთუხუცესის დავებრუნოთ, როგორც ვაზირი — ან შალვა თორელის წინ, ან მის შემდეგ — უფრო კი, ვვიქრობ, მის შემდეგ. მით უმეტეს, რომ ოგსიყმა, გუნია-ყალის წარწერაში, ჩვენი აზრით, არ უნდა ვიგულისხმოთ ვაზირად ისევე, როგორც ვაჩე: ოგსიყმაცა და ვაჩეც შესაძლოა ადგილობრივი მოხელეები, ერისთავები ან პატრონები არიან. ამას მხარს უჭერს თრიალეთში შემონახული ქვემო ჯინისის წარწერა, სწორედ XII ს-სა, სადაც მოხსენიებულია აფრიდონის სიმამრი ოგსიყმა.<sup>3</sup> ამდენად, საჭირო არ არის ამ სახელის ძიება კახეთში და მისი ბაკურ-ყრმასთან დაკავშირება, როგორც ამას აკეთებს პ. ინგოროყვა.

ასე რომ, XII—XIII ს. ს. მეჭურჭლეთუხუცესთა რიგში შოთა რუსთველი შემდეგნაირად მოთავსდებოდა:

1. აბულასანი — 1191 წლამდე.

2. შალვა თორელი

მისი მეჭურჭლეთუხუცესობა არ გაცილდება 1205 წელს (ამ წელს ის უკვე მანდატურთუხუცესად ჩანს).

3. შოთა (თორელი), რუსთველი

მეჭურჭლეთუხუცესი ხდება შალვას შემდეგ, ე. ი. არა უგვიანეს 1205 წლისა.

4. ყვარყვარე ჯაყელი

მეჭურჭლეთუხუცესი ხდება, არა უგვიანეს, 1220-21 წლისა. ამ ხელს ფლობს 1245 წლამდე.

5. მამურჩა (ჯაყელი) { ამ ხელს ფლობ

6. გამრეკელი თორალი { ბენ 1250 წელზე

7. კახა თორელი—1260 წლამდე.

8. სარგის ჯაყელი — 1260 წლიდან.

IV. შოთა რუსთველის პორტრეტული მინიატურის თარიღის შესახებ

პ. ინგოროყვა განიხილავს ე. წ. ზაზასეულ ხელნაწერიდან ამოჭრილ შოთა რუსთველის პორტრეტს, რომელიც ამჟამად დაცულია საქ. ხელოვნების მუზეუმში და შეუძლებლად მიიჩნევს რა მხატვრულ-სტილისტური ანალიზის საფუძველზე მისი თარიღის ზედმიწევნით დადგენას რადგან „ქართული მი-



ნიატურის ისტორია ჯერ არ არის აღწერილი და მუშავებულია, ადგენს ამ თარიღს მინიატურის ზურგზე მოთავსებული 2 ძველი წარწერის მიხედვით: ამ წარწერებს პ. ინგოროყვა ასე კითხულობს:

1. „რმზ: ერისთავისა ვა [...]

ის შვილი: გამოავალინე: [...]

II. „ეე ვეფხის (sic!) რამაზ მდივანბეგ[ის ასულის]ია

მზითვეში მოყოლილი“.

ეს რამაზ ერისთავი პ. ინგოროყვას მიაჩნია 1465 წლის დოკუმენტში მოხსენიებულ რამაზ ქსნის ერისთავად, 1498 წ. დოკუმენტში მოხსენიებულ ერისთავ ქვენინფნეველის მამად. ამის მიხედვით პ. ინგოროყვა პირველ მინაწერს და თვით პორტრეტს ათარიღებს 1465 — 1498 წ. წ., ხოლო რადგან მეორე მინაწერში აღნიშნულია, რომ „ვეფხისტყაოსანი“ რამაზ მდივანბეგის ასულის მზითვია, პ. ინგოროყვა ასკვნის, რომ პორტრეტი XV ს-ში მოთავსებული ყოფილა რამაზ ერისთავის კუთვნილ „ვეფხისტყაოსანში“, რომელიც XV ს. ბოლოს ან XVI ს. დასაწყისში მზითვად გაუტანებიათ ციციშვილზე გათხოვილ რამაზის ასულისთვის. შემდეგ, პ. ინგოროყვას აზრით, პორტრეტი XVII ს. 60-იან წლებში ამოუჭრიათ ამ ნაშთითი ხელნაწერიდან და ჩაუკრავთ ზაზა ციციშვილის ბრძანებით გადაწერილ „ვეფხისტყაოსანში“. (გვ. 240-52; 875-80).

პორტრეტის I წარწერას პ. ინგოროყვა ათარიღებს, როგორც აღნიშნეთ, XV ს-ით, ხოლო მეორე მინაწერს, ხელის მიხედვით, მე-18-19 ს. ს-ით, როცა ჯერ კიდევ ხსომებიათ, რომ ხელნაწერი, სადაც ეს პორტრეტი ჩაკრული იყო, რამაზ ერისთავს ეკუთვნოდა.

მე, ცხადია, როგორც არახელოვნებათმცოდნე, ვერაფერს ვიტყვი პორტრეტის თარიღზე ხელოვნებათმცოდნეობის თვალსაზრისით. რაც შეეხება მი-

ნიატურის მინაწერებს, ისინი არავითარ საფუძველს არ იძლევიან მათი XV ს-ით დასათარიღებლად.

უპირველეს ყოვლისა, უნდა აღვნიშნოთ, რომ პორტრეტის ზურგზე რამაზი მოხსენიებულია არა ორ, არამედ სამ მინაწერში. მესამე მინაწერი, რომელსაც პ. ინგოროყვა რატომღაც არ მოიხსენიებს, ასე იკითხება:

„ქ. ეს ვეფხის. ტყაო

სნი რმზ დიამბეგი

სა, ასულის. ბარბარი. იასი

ბით...“

ე. ი: „ქ. ეს ვეფხის ტყაოსანი რამაზ დიამბეგისა ასულის ბარბარიასი...“

როგორც ვხედავთ, ამ მესამე წარწერიდან ირკვევა სახელიც რამაზ მდივანბეგის ასულისა, რომლისთვისაც გაუტანებიათ მზითვად „ვეფხის-ტყაოსანი“. ამ მესამე წარწერის ხელი XVIII — XIX ს-სა და არაფრით არ შეიძლება ამაზე აღრე მისი გადატანა. ამაში ალბათ პ. ინგოროყვაც დაგვეთანხმება. ასევე XVIII—XIX ს. ხელითა დაწერილი მეორე მინაწერიც, როგორც ამას პ. ინგოროყვაც აღნიშნავს, ოლონდ II და III წარწერები სხვადასხვა პირის მიერაა შესრულებული და ამიტომ ერთიმეორისგან განსხვავდება. რაც შეეხება I წარწერას, რომელსაც პ. ინგოროყვა მიიჩნევს XV საუკუნისად, ის როგორც ამას სავსებით მართებულად აღნიშნავდა ს. კაკაბაძე თავის რეცენზიაში „რუსთველიანაზე“ 1927 წელს,<sup>1</sup> აგრეთვე დაწერილია XVIII საუკუნის ტიპიური ხელით, ოლონდ II და III წარწერებისგან განირჩევა იმით, რომ შესრულებულია უფრო დახვეწილი — მდივანმწიგნობრული ხელით. ამ ხელის მიკუთვნება XV საუკუნისთვის შეუძლებელია (რაც შეეხება ა-მეტობით მის დათარიღებას, ჯერ ერთი, აქ ა-მეტობა არ ჩანს, რადგან არც „ერისთავისა“ და არც „გამოავალინე“ ტექსტში არ იკითხება, მეორეც, ა-მეტობა წარწერას მაინც ვერ დაათარიღებდა XV ს-ით).

მაგრამ დავუბრუნდეთ II და III წარწერებს, რომლებსაც ინგოროყვაც

<sup>1</sup> ს. კაკაბაძე, „ვეფხისტყაოსნის“ საკითხის გარშემო, მნათობი, 1927 წ., № 11-12, გვ. 252.

ვერ დაათარიღებს XVIII საუკუნეზე ადრინდელი ხანით. ამ წარწერებში აღნიშნულია: „ეს ვეფხის ტყაოსანი რამაზ მდივანბეგის ასულისააო“. რომელი „ვეფხის-ტყაოსანი“ შეიძლება აქ იგულისხმებოდეს, როცა წერია „ეს „ვეფხისტყაოსანიო“? ცხადია, ის, რომელშიც დაიწერა ეს სიტყვები, ე. ი. „ზაზასეული“, რადგან XVIII ს-ში პორტრეტი უკვე ჩაქრული იყო „ზაზასეულ“ ვეფხისტყაოსანში“. ასე რომ რამაზ მდივან-ბეგის ასულისთვის მშობლებში გაუტანებიათ არა რომელიმე XV ს-ის „ვეფხის-ტყაოსანი“, არამედ — „ზაზასეული“. განა შეიძლება წარმოვიდგინოთ, თითქოს ამ მინაწერის ავტორს XVIII თუ XIX ს-ში ახსოვდა, რომ პორტრეტი ამოჭრილი იყო XV ს-ის ხელნაწერიდან, რომელიც რამაზ მდივანბეგმა მშობივად გაატანა თავის ქალს ამავე საუკუნეში. და თუნდაც მას ეს ხსომებოდა, როგორც ამას აღნიშნავს პ. ინგოროყვა, რატომ დააწერდა „ზაზასეულ ვეფხისტყაოსანს“ „ეს ვეფხის-ტყაოსანიო“, თუკი გულისხმობდა სულ სხვა „ვეფხის-ტყაოსანს“? უნდა გავითვალისწინოთ ისიც, რომ I წარწერაში, რომელსაც პავლე ინგოროყვა XV ს-სად მიიჩნევს, არც რამაზის მდივანბეგობაა აღნიშნული და არც მისი ქალის სახელი, ხოლო მეორე და მესამე წარწერებში ორივე გვხვდება.

რამაზ მდივან-ბეგი არ შეიძლება XV ს-სად მივიჩნიოთ კიდევ იმ უბრალო მიზეზით, რომ, როგორც ამას აღნიშნავს ს. კაკაბაძე იმავე რეცენზიაში, XV ს-ში მდივან-ბეგის თანამდებობა სა-

ქართველოში ჯერ კიდევ არ არის დადასტურებული საისტორიო წყაროებით<sup>1</sup>. მდივანბეგის ინსტიტუტის დროის საქართველოში არც შეიძლება ყოფილიყო, რადგან ის შემოსული ჩანს სპარსეთიდან, რასაც არ შეიძლება აღვნიშნოთ XVI ს. II ნახევარ-მდე<sup>2</sup>. მართლაც, პირველად ეს სახელო ქართულ წყაროებში XVII საუკუნეში გვხვდება. ამ დრომდე საქართველოში არ იყო ჯერ შემოსული მდივან-ბეგის ინსტიტუტი. არც ერთი მდივან-ბეგი საისტორიო წყაროებში არა გვხვდება XVII ს-მდე.

გამოდის, რომ რამაზი მდივანბეგთა სიაში გვიან უნდა ვეძებოთ და, კერძოდ, XVIII ს-ში, რადგან სამივე ეს მინაწერი XVIII საუკუნეზე ადრინდელი არ ჩანს პალეოგრაფიულად.

და მართლაც, XVIII ს. მდივან-ბეგთა შორის გვხვდება არა ერთ და ორ ისტორიულ დოკუმენტში (1765—1771 წლებში), აგრეთვე ამ დროს შედგენილ მდივანბეგთა სიაში, მდივანბეგი რამაზ ენდრონიკაშვილი (სიაში რამაზ ენდრონიკოვი)? რომ ეს რამაზ მდივანბეგი და მინიატურის რამაზი ერთიდაიგივე პიროვნებაა, ამას მოწმობს მინაწერის ფრაგმენტი პორტრეტზე: „ქ. დიმიტრ [ის] ენდრონიკოვის [ას]უ“...

ამდენად, შოთას მინიატურა მინაწერების მიხედვით XV ს-ით ვერ დათარიღდება. ამდენადვე, არავითარი ქსნის ერისთვისეული „ვეფხისტყაოსანი“ XV საუკუნისა შოთა რუსთველის მინიატურით არ არსებულა.

### რაც შეეხება ტბელის ხატს:

არსაიდან არ ჩანს, რა თქმა უნდა, რომ ეს ხატი პერეთის ერისთავთა ოჯახიდანაა და სრულიადაც არ ჩანს ამ ხატის საფუძველზე პერეთის ერისთავებისა და დადიანების ნათესაობა:

1. სახელი ტბელი გვხვდება არა მარტო პერეთის ერისთავებში, არამედ სხვა გვრებშიც (მაგალითად აბუსერისძეთა გვარში და სხვა). აბუსერისძეთა გვარში გვხვდება არა მარტო ტბელი, არამედ — გრიგოლიც: XI — XII სს-ში ამ გვარში გვხვდება 4 გრიგოლი<sup>3</sup>.

<sup>1</sup> ს. კაკაბაძე, იქვე.

<sup>2</sup> ამის შესახებ იხ. ა. ბაქრაძე, მდივან-მწიგნობრობის სახელო და სარგო, 1964 წ. (გამოუქვეყნებელი), გვ. 46—47.

<sup>3</sup> იხ. ხელნაწ. ინს., Ad — 143, 1171, 1180, 1693; Hd — 8586 და სხვა. შ. მესხია, მასალები ქართლ-კახეთის სამეფოს სამოხელეო წყობის ისტორიისთვის, მასალ. საქ. და კავკ. ისტ., 1948 წ., ნაკ. I, გვ. 55. დედანი: ცხსა, ფ. 1450. № 11.

<sup>4</sup> იხ. აბუსერისძე ტბელი, ლ. მუსხელი-შვილის გამ., 1941 წ., გვ. 34 (გენეალოგიური ხე).

2. დავუშვათ, რომ ხატის წარწერაში მოხსენიებული ტბელი გრიგოლის-ძე მართლაც ჰერეთის ერისთავია და ეს ხატი მისი გვარიდან მზითვის სახით გადმოვიდა დადიანების ოჯახში. რატომ უნდა მივიჩნიოთ ამ მზითვის მომტანად მაინცადამაინც ტბელის ქალაქი? ხომ შეიძლება ეს ხატი ერთი ან რამდენიმე საუკუნის შემდეგ მოეტანათ ხობის მონასტერში. თუკი ხატი ხობის მონასტერში გადმოადგილებულია სხვა ადგილიდან, რატომ არ შეიძლება ეს გადაადგილება მომხდარიყო არა XIII საუკუნეში, არამედ XIV ან XV საუკუნეში?

3. არის თუ არა ბორენა ტბელის ქალი? სახელი ბორენა XIII—XIV სს. გავრცელებულია სწორედ დას. საქართველოს დიდებულთა გვარებში.<sup>1</sup> ამიტომ არა გვაქვს საფუძველი, რომ ცოტნესთან ერთად ალაპში მოხსენიებული ბორენა (თუნდაც ის ცოტნეს ცოლი

იყოს) ჰერეთის ერისთავთა ოჯახში გამოსულ ტბელის ქალად მივეჩვენოთ. თვით ალაპი ცოტნესი და შორეული არ არის დათარიღებული და სრულიად არ არის აუცილებელი, რომ აქ მოხსენიებული ცოტნე იყოს კოხტასთავის გმირი. ხომ არის, მაგალითად, მოხსენიებული მანდატურთუხუცესი ცოტნე დადიანი ჯვრის მონასტრის XIV ს. ალაპში, სადაც მის მეუღლედ ჩანს მარიამ-ყოფილი მაკრინე.<sup>2</sup> (პ. ინგოროყვას ეს ცოტნე მანდატურთუხუცესიც კოხტასთავის ცოტნედ მიაჩნია<sup>3</sup>). XIV ს-ით ათარიღებს აგრეთვე ხელოვნებათმცოდნე თ. ვირსალაძე ხობის ეკლესიის მხატვრობაში გამოსახულ შერგილის, ნათელის და მათი ძის ცოტნეს ფრესკას.<sup>4</sup> ამ დათარიღებას მხარს უჭერს ეპიგრაფიკული მასალაც, რომლის მიხედვით ცოტნეს მამა შერგილი XIII ს. მიწურულის მოღვაწეა.<sup>5</sup>

4. არსაიდან არ ჩანს, რომ ლენჯერის ხატში მოხსენიებული ბორენა და ცოტნესთან ერთად ალაპში მოხსენიებული ბორენა ერთიდაიგივე პირია. სახელი ბორენა, როგორც აღვნიშნეთ, საკმაოდ გავრცელებული იყო და მართო ამ სახელით ვერ დავადგენთ ამა თუ იმ პირის ვინაობას. ამასთან, ლენჯერის ხატს პროფ. გ. ჩუბინაშვილი ათარიღებს XI საუკუნით<sup>6</sup>, ხოლო თვით ლექსს კ. კეკელიძე ასევე XI ს-ით<sup>7</sup>.

ამით ვამთავრებთ პ. ინგოროყვას რუსთველოლოგიური ნაშრომების: „რუსთველიანას“ და „რუსთველიანას ეპილოგის“ განხილვას. ამ ნაშრომებში მოცემული დებულებები XII—XIV სს. საქართველოს სახელმწიფოებრივი წყობილებისა და პოლიტიკური ისტორიის, აგრეთვე „ვეფხისტყაოსნის“ ავტორის ბიოგრაფიასთან დაკავშირებულ სხვადასხვა საკითხებზე, საისტორიო წყაროებით არ დასტურდება და მცდარია.

<sup>1</sup> ელ. მეტრეველი, მასალები იერუსალიმის ქართული კოლონიის ისტორიისათვის, ალაპები: № 12, 19, 25, 179, 307.

<sup>2</sup> ელ. მეტრეველი, დასახ. ნაშრომი, გვ. 170, ალაპი № 247.

<sup>3</sup> „რუსთველიანას ეპილოგი“, გვ. 738 — 739.

<sup>4</sup> იხ. თ. ვირსალაძე, შერგილ დადიანის დროინდელი მხატვრობა ხობში. ქართული ხელოვნების ისტორიის ინსტიტუტის I სამეცნიერო სესიის თეზისები, 1941 წ., გვ. 8.

<sup>5</sup> იხ. წალენჯიხის ეკლესიის ჯვარცმის ხატის წარწერა, ძვ. საქართველო, III, გვ. 224 — 227. ხობის მაცხოვრის ხატის წარწერა, ძვ. საქართველო, III 137—139; მარტვილის ღვთისმშობლის ხატის წარწ., ძვ. საქ., III, გვ. 48—49 და სხვა წარწერები აღნიშნული ეკლესიების სიძველეებისა.

<sup>6</sup> Г. Чулинишвили. Грузинское чеканное искусство. Тб., 1959, стр. 609.

<sup>7</sup> კ. კეკელიძე, ქართული ლიტერატურის ისტორია, I, 1960, გვ. 593.





# ისინი სჯურობისათვის — ივანეძენ —


მაზარ კვიციანი

## ადამიანი

## სახელს

## არქმევს

## მდინარეს



ხალხინ-გოლი მონღოლეთის მდინარეა: ჩვენ-  
მა თაობამ გეოგრაფიისა და ისტორიის სახელ-  
მძღვანელოდან თუ იცის ეს მდინარე და  
მის მახლობლად გამართული ბრძოლები. ჩვენს  
უფროსებს, ჩვენს მამებს კი ამ ოცდახუთი

წლის წინათ პირზე ეკერათ მისი სახელი. იმ  
დროს ჩვენს ქვეყანას შორეულ აღმოსავლეთში  
გააღორებით უტყუდნენ იაპონელი ივანტურის-  
ტები. მათ ვერ მოენდებოდათ ხასანის ტბასთან  
ნაგებები მარცხი და რევანშის აღებას ცდი-  
ლობდნენ.

თუ რა ფანატიზმით, რა თავდაუზოგველად  
იბრძვიან იაპონელი ჯარისკაცები, ამაში ახლა-  
ხან კიდევ ერთხელ დაგვარწმუნა დოკუმენტურ-  
მა ფილმმა — „იაპონია ომებში“. ფილმში,  
სხვათა შორის, ნაჩვენებია ის ჯოჯოხეთური  
ბრძოლა, რასაც 150 სასიკვდილოდ განწირუ-  
ლი მფრინავი ამერიკის ერთ ავიამზიდთან ეწევა.

მეტად შემზარავი, დრამატული სურათია,  
როცა „საკეთი“ (ბრინჯის არაყი) გაბრუებუ-  
ლი იაპონელი მფრინავები კაბინაში სხდებიან  
და ამხანაგებს ემშვიდობებიან. ამხანაგები, რო-  
მელთაც ეს „ბედნიერება“ არ ერგოთ წილად.  
ღიმილით აცილებენ მათ, თითქოს დიდ დღე-  
სასწაულებზე ისტუმრებნო. ფანატიკოს მფრი-  
ნავებს ყვავილები უჭირავთ; თავიანთ სისაფლა-  
ოზე საკუთარი ხელით მიაქვთ თაიგული. მაღე,  
ჩვენ მოწმე ვხდებით იმისა, თუ რა უპაროდ-  
ილუბებიან ისინი.

თვითმფრინავები განუწყვეტლივ უტყვენ  
ავიამზიდს. უზარმაზარი გემი ტყვიების ნიაღ-



ვარს აგებებს მოიერიშეებს: მხოლოდ ერთმა თვითმფრინავმა მიაღწია მიზანს — ავიამზიდს შეასკდა, დანარჩენებმა კი ოკეანეში ჰპოვეს სამუდამო სამყოფელი.

არაჩვეულები გააფთრებით ებრძოდა იაპონია ჩვენს ქვეყანას; იგი არაფერს არ ზოგავდა, თავისი მზაკვრული მიზნისთვის რომ მიეღწია. მანჯურის დაპყრობამ მადა უფრო გაუღვიძა, ჩინეთის შიდა რაიონებში შემოიჭრა და მალე სახალხო მონღოლეთს დაადგა კბილი. იაპონელებმა თანდათან მოუზშირეს მონღოლეთის საზღვრები დაარღვევას.

1939 წლის იანვრიდან იაპონელები მონღოლეთის საგულშაოებსა და პოსტებს გამუდმებით ესროდნენ. ამის შემდეგ დიდხანს არ დაუხანებიათ. 28 მაისს იაპონიის ჯარები შეტევაზე გადმოვიდნენ. ურთიერთდახმარების ხელშეკრულების თანახმად, საბჭოთა კავშირი მხარში ამოუდგა მომეც მონღოლეთს.

ლუიტენანტი აკაკი გრიგოლია ერთი პირველთაგანი იყო, ვინც ზაზღვრის დამრღვევთა შესამუსრად გაემგზავრა. ახალგაზრდა მეთაურმა იმ ხანებში წარჩინებით დაამთავრა მოსკოვის სამხედრო სასწავლებელი და წინ უკვე მძიმე გამოცდა ელოდა.

დიდი ხმაურიან ვაგზალზე მარშის ხმა მიწყდა, ეშვოლის ნელ-ნელა დაიძრა. ბრძოლის ველამდე შორი გზა იყო. ბორბლებსი მონოტონური ხმაურში მგზავრს ფიქრები მოეძალა.

ღედის ბოლო წერილი გაახსენდა. ვაგონის ფანჯრიდან მშობლის კეთილი, ნაღვლიანი თვალები მისჩერებოდა.

„...ამდენი ხანია აქაურობას შენი ხელი არ დასტყობა, ბიჭები ძალიან მესმარებიან, მაგრამ შენ მაინც სხვა იყავი. შენმა დარგულმა ალვის ხემ ისე აიყარა ტანი, იმის ნახვას არაფერი სჯობია. რამეფერად მოახერხე, შენ შემოაგეღე, და ამ ზაფხულს ჩამოდი. ღამე არ გავა, სიზმარში რომ არ გნახო. სულ ჭიშკრისკენ მიჰიარავს თვალი...“

აკაკიმ ღელა ანუგეშა, მისწერა კიდევ, მალე შეებულებას მოემეცა და ყველას გინახულბითო. ვერ შეასრულა დანაპირები. არა უშავს, იმ თავხედებს ჭკუაზე მოიყვანს და საყვარელ ილორში ჩასვლას მერეც მოეცსრება.

„როგორ იცვლება დრო, აღამიანები, ქვეყნები, — ფიქრობდა აკაკი, — მონღოლეთის დასაცავად მივიღივარ, იმ მონღოლეთის, ჩემს სამშობლოში სისხლის კალოებს რომ ლეწავდა წინათ. ვინ იფიქრებდა...“

ვაგონის კიბეზე დასიცხული ჯარისკაცები ჩამომხსდარიყვენენ, თამბაქოს აბოლებდნენ. რომელიღაც ფანჯრიდან ფლეიტის ხმა გამოდიოდა. ის ხმა თანდათან სუსტდებოდა და უსაზღვრო სტეპში იყარებოდა. გზა პირდაპირ აღმოსავლეთისკენ მიდიოდა. სტეპში გაქიშული ორთქლმავალი დროდადრო შეჰკვივლებდა, თით-

ქოს მოსაწყენი ერთფეროვნების დაბრუნებას ლამობსო.

ფანჯარაში ხან თეთრი არყის ხეწიფეები ევებდნენ, ხან ტანამოლტილი მწვანე ნამკები. ხანგამომვებით მოუქეული ჰურის ყანები გაიშობოდა თვალწინ. ვინ იცის, ამ ყანის დამთესს ახლა იქნებ ფარაჯა ეცვა და ნამგლის მაგვარიად ხელში შაშხანა ექირა.

მატარებლით მგზავრობას თითქმის ორი კვირა დასჭირდა. მერე მანქანებში გადასდნენ. აქ სულ სხვა, მშრალი პავა იყო. ხეს იშვიათად თუ დანიხავდი. ალაგ-ალაგ იალალები საქონლის ჯოჯოხთ იყო მოფენილი. გამოჩნდა მდინარე ხალხინ-გოლი. მდინარე რუხი, ფიქლი კლდეების კალაპოტში მიედინებოდა და თავადც გამდნარ კლდეს ჰგავდა. ხანდახან ტალღა ნაპირს შეენარცხებოდა და აქაფდებოდა, თორემ ვერც იფიქრებდი, წყალი თუ იყო. მდინარის ვაღმა ქვიშის ბორცვები მოჩანდა პატარა პატარა პირამიდებით. მალე დიდი ხიდი ბულში გაეხვია. ხალხინ-გოლი ზურგს უკან დარჩა. დაიწყო ნამვლილი უდაბნო.

მოსლამოვებული იყო, ჩვენი ჯარების ვანლაგებას რომ მიუახლოვდნენ. დამხედურები სიხარულით, ხვეენა-კოცნით შეეგებნენ მოსულებს. ყველამ შეგნით ამოისუნთქა, მუხლი გამართეს, დანაყრდნენ.

აკაკი იმ საღამოსვე გაეცნო ფრონტზე შემწილ ვითარებას. მდინარე ხალხინ-გოლის რაიონში მებრძოლ I არმიულ ჯგუფს გ. კ. შუკოვი სარდლობდა. ჩვენი ჯარები მონღოლეთის სახალხო რესპუბლიკის მებრძოლებთან ერთად მტრის შემოტევას აცავებდნენ. მალე კონტრშეტევა უნდა დაწყებულყო.

დილით აკაკიმ ოცეულის პირადი შემადგენლობა გაიცნო, დაწვრილებით შეისწავლა ადგილმდებარეობა და საწვრთნელ ვარჯიშებსაც შეუდგა. ჯარისკაცებს თავიდანვე გულში ჩაებეჭდათ მისი ძლიერი, ვაჟკაცური სახე. ცდილობდნენ ყველაფერში მეთაურისთვის მიეზამათ — ყუშმარის ტყორცნა იქნებოდა თუ დაბრკოლების გადალაგვა.

გადიოდა დღეები. ერთხელ, კარგად არც იყო გათენებული, თვითმფრინავის ზუზუნით რომ ჩავსმა. „იერიუს იწყებენ“, — გაუეღვა თავში ლუიტენანტს. მალე აფეთქების ხმაც მოისმა.

მეთაურებმა საბრძოლო ამოცანა მიიღეს. აკაკიმ თავისი ოცეული სანგარში განლაგა. მტრევიამფრქვევებს მარჯვე ადგილი მიუჩინა. ყველანი გააფრთხილა, რომ მის ბრძანებას დაილდებოდნენ. თავად სათვალთვალო პუნქტისკენ გაემართა.

ჰორიზონტზე ჯერ მტრის ერთი ტანკი გამოჩნდა, მერე — მეორე, მესამე... იერიშზე

### ემზარ კვიტაიშვილი

აღამიანი სახელს არქიმევს მდინარეს

ვადმოსულ ტანკებს წელში მოხრილი „სამუ-  
რაები“ მოსდევდნენ კვალდაკვალ; აკაკიმ ღურ-  
ბინდი მოიშორა და ფრთხილი ნაბიჯით წაი-  
და თავის ოცუელისკენ.

ტანკების რახრახი თანდათან ახლოვდებოდა,  
ჯარისკაცებს სუნთქვა ეკვროდათ, ერთი სული  
ჰქონდათ ბრძანების მიღებად. ცოტაც და  
ქვეშეები აყვდნენ. კვამლისა და მტერის შავი  
სვეტი ხან სად ავარდებოდა, ხან სად. ერთი  
ყუმბარა იაპონელთა მეწინავე ტანკის ცხვირ-  
წინ დაეცა. მუხლუხოვანყვებულმა ტანკმა აღ-  
ვილზე დაიწყო ტრიალი. კარგი დღე არც მე-  
ორე ურჩხულს დატრიალა, მალე ისიც შეე-  
კვამლში გაეხვია. მტერი წამოიშალა და შეტე-  
ვაზე ვადმოვიდა. ტყვიამფრქვევების მკახე ხმამ  
ბრძოლის ველი გააყრუა. რამდენიმე იაპონელი  
სილაში ჩაიკეცა, დანარჩენები გაწვნენ დნ  
ხახვით მოიწვედნენ წინ.

მოწინააღმდეგეებს შორის მანძილი თანდა-  
თან მცირდებოდა. თავზეხელაღებული „სამურა-  
ები“ ყვირით კვლავ წამოიშალნენ. სანგარში  
მყოფნი ძლივს იკაიებდნენ თავს. სანგრები  
მოშვავებულნი სილით ივსებოდა.

— წინ, საშობლოსათვის! — გაისმა ლეი-  
ტენანტ გრიგოლის ხმა.

მეთაურს მამინვე მიჰყვა ხიშტებმომარჯვე-  
ბული ოცუელი და მტერს პირველნი ეკვირნენ.  
ნახევარ საათსაც არ გაევილო, რომ ნირწამ-  
დარმა იაპონელებმა პირი იბრუნეს, გაქცევა  
იკადრეს. ბრძოლის ველზე მათ უამრავი საჭურ-  
ველი და მოკლული დარჩათ. რამდენიმე მამაცი  
მეთაური და ჯარისკაცი ჩვენებამაც მიაბარეს  
მონღოლეთის მიწას. იმ დღეს საბჭოთა და მონ-  
ღოლეთის ჯარებმა საკმაოდ დიდი მანძილით  
წაიწიეს წინ, იაპონელებს ძვირად დაუჯდათ  
ბოლო შენობევა. მტერი მდინარე ხალხინ-გო-  
ლის ჩრდილო-აღმოსავლეთით მდებარე მალღო-  
ბებზე გამაგრდა. პირველი არმიული გჯგუფი  
გადამწყვეტი შეტევისთვის ემზადებოდა.

ბრძოლებში გამოჩენილი თავდადებისა და  
მამაცობისათვის 1939 წლის 24 აგვისტოს აკა-  
კი გრიგოლისს მედლით აჯილღოვებენ. მეგრ-  
ძოლებს ახარებთ თავიანთი მეთაურის ყოველი  
წარმატება, აღტაცებული არიან მისი ხალასი  
გულით, ადამიანური თვისებებით.

ჩვენი ჯარების წინსვლას ბევრი დაბრკოლება  
ელობებოდა. ყველაზე მეტად უწყლობა სტან-  
ჯავდათ მეგრძოლებს. უგზობის გამო ჯარის  
ნაწილებთან წყლისა და სურსათის მიტანა პირ-  
და. ხანგამოშვებით ცხელი ქარი მქინვარებდა,  
ჰაერში აზილული მტვერი და ღორღი ცას აბნე-  
ლებდა. მერე ქარი ნელ-ნელა წყნარდებოდა,  
მზეზე ისევ თვალისმომკრელად ლაპლაპებდა  
ბარხანები.

უღაბნო კაცის თვალსა და გულს ღლის,  
მიდისარ წინ და არ თავდება ერთი ზომის, ერ-  
თი ფერის სილა-ქვიშის ბორცვები; არსად სი-

ცოცხლის ნიშანწყალი. უზარმაზარი მწველი  
ზოგავად აცხუნებს და ისედაც გამოშრობს მი-  
წის გულს უშრობს. „პეპელა რომ პეპელაა, მონ-  
ღოლეთში ისიც იკბინება...“ — მაგონდება ერ-  
თი მწერლის ნათქვამი. ღერი ბალახიც არ ირ-  
ხვეა არსად. ფერდობებიდან ჩუმი შრიალით,  
ტალღისავით მოცურავს სილა და ვახვლებულ,  
მაშვრალ ადამიანს იგი წყლად ეჩვენება. ოფ-  
ლის დიდი წვეთები ეცემა მიწას და ჯარისკა-  
ციები აგრძელებენ მომქანცველ, უძიმეს გზას.

საბოლოო შეტევისათვის ყველაფერი მზად  
არის. მტერი წელშია გატეხილი, მაგრამ უკა-  
ნასენელ ზღუდეს ებლაუქება. გათენდა 28 აგ-  
ვისტოც, ჩვენი ჯარების შეტევის დღე. ლეი-  
ტენანტ გრიგოლის ოცუელს სხვებთან ერთად  
ერთ-ერთი ყველაზე ძნელადმისადგომი მალ-  
ლობი უნდა დაეკავებინა.

ორი წითელი შუშხუნა ცაში აიჭრა და თავ-  
ქვე დაევიდა. ეს იყო ნიშანი. ჩვენი ჯარები გა-  
დამწყვეტ შეტევაზე გადავიდნენ. აკაკი კვლავ  
წინ მივდიოდა თავის ბიჭებს. მისი სიმარდღ და  
შეუბოვრობა მეზობელ ოცუელსაც ფრთხვს ას-  
ხამდა. ტყვიები წივილით ვადადიოდა მოიკრი-  
შეთა თავზე. მალღობამდე, სადაც მტერი გან-  
საუთრებით მოხერხებულად იყო გამაგრებული,  
ორასიოდე ნაბიჯი დარჩა, სასაზღვრო ხაზიც  
იქვე ვადიოდა. აღმართი თანდათან აძნელდება  
იერიშეს. ის იყო მალღობისთვის გვერდინდან  
უნდა მოველო, რომ უეცრად ლეიტენანტმა  
წაიბორძიკა, შეტორტმანდა. ჯარისკაცებს პირ-  
ველად ეგონათ, სილაზე ფეხს ეერ იმაგრებსო,  
მაგრამ აკაკიმ რომ ჩაიჩოქა და მისი ყრუ გმინვა  
გაიგონეს, მიხვდნენ, რაც მომხდარიყო. ჯარის-  
კაციები მამინვე მასთან მიცივდნენ და საიმედო  
ადგილას, მოფარებულში გაიყვანეს.

დაჭრილი ძლივს სუნთქავდა, ჰაერი არ  
ჰყოფნიდა. მკერდი სისხლით ჰქონდა შეღებილი.  
აკაკიმ ერთ-ერთ ჯარისკაცს სუსტი ხმით უთხ-  
რა, მოიერიშეებს გაძლოლოდა, დანარჩენებს  
ხელით ანიშნა, ახალ მეთაურს ვაპყოლოდნენ.  
მერე ვეღარც ხელის აწევა შეძლო, თვალები  
თანდათან ებინდებოდა, გრძნობდა, როგორ  
უცივდებოდა ფეხები. სიკვდილზე არც უფიქ-  
რია.

ახლა იგი თავის პატარა სოფელში იყო.  
მოკლემ შარვალი ეცვა ბიჭს და ფეხშიშველი  
იღგა ცხენისწყლის პირას. ჩამავალი მზე ცუ-  
რად ანათებდა მდინარის ზედაპირს. მდინარის  
ვალში მალდა, თეთრი ალები შრიალბდა.  
თვალები დახუჭა ბიჭმა. ლამინი ნაპირი დამსკ-  
და, ნარბენ ფეხსგულებს სასიამოვნოდ უჯ-  
რილებდა. თანდათან მიწელდა მდინარის შხუი-  
ლი.

სამშო საფლავთან ქუდმოხდილი ჯარისკაცი-  
ბი იღგნენ. ისინი უკანასკნელად ემშვიდობე-

ბოდნენ მათ, ვინც მტერზე გამარჯვებას ვერ მოესწრო, ვისაც უღროოდ შეაცივდა ხელში შაშხანა.

ორი ღღის შემდეგ ნაწილში აკაკის დაჯილდოების ამბავი მოვიდა. მალე დაღუპულის დედამ უწყება მიიღო:

„ძვირფასო ბარბალე ანტონის ასულო! ღრმა მწუხარებით გაუწყებთ, რომ თქვენი შვილი, წითელი არმიის ნამდვილი გმირი ლეიტენანტი აკაკი არჩილის ძე გრიგოლია ჩვენი მძლავრი სამშობლოს საზღვრების დამრღვევთა წინააღმდეგ ბრძოლას შეეწირა.

მან ბევრი რამ გააკეთა ჩვენი გამარჯვებისათვის. დავკარგეთ უსაზღვროდ საყვარელი ადამიანი და პატიოსანი მებრძოლი. იგი ყველაფერში პირველი იყო, მუდამ პირადი მაგალითით ამხნევენდა ჯარისკაცებს.

თქვენი შვილისთანა გმირები არ კვდებიან. გწამდეთ, რომ იგი კვლავ ჩვენთან ერთად იმყოფება. მუდამ გვეხსომება ჩვენს გვერდით მებრძოლი ვაჟაკი, ჩვენ არასოდეს არ დავივიწყებთ მას...“

უწყებას ხელს აწერენ საბჭოთა კავშირის გმირი მაიორი ზაიულაიევი და უფროსი პოლიტელი ნიკოლაევი.

რა ანუგეშებს იმ დედას, რომელმაც თავისი შვილის საფლავიც არ იცის, ვინც ვერ დაიტრია იგი და თვალები ვერ დაუკოცნა, სინამ შავ მიწას მიაყრიდნენ.

მწელია, ტანში არ გავცრას და ისე წაიკითხო საბრალო დედის წერილები. დედა თხოვს სახალხო კომისარს, რათა მან ნება დართოს მასა და აკაკის ორ ძმას — ნიკოსა და ალექსანდრეს, რომ დაღუპულის ნეშტი საქართველოში გადმოასვენონ. დედა თხოვს სარდლობას, დაწვრილებით მისწერონ, თუ როგორ დაიღუპა მისი ბიჭი; წერს, რომ როგორმე გამოუგზავნონ შვილის პირადი ნივთები, ყველაფერი, რასაც მისი შვილი შეჰხებია, რაც დაღუპულ პირმშოს მოაგონებდა. თუმცა რა მო-

გონება და გახსენება სჭირდებოდა მოუწყმებელ იარას, დედის გულს რომ საშუალოდ გაეცინა.

არკონეული  
გენერალ-მაიორი

სტადასხვაგვარად კვდებიან ადამიანები. თუკი ბრძოლაში სიკვდილი ეწვერა, აკაკისთანა ვაკაკი სწორედ ასე უნდა დაცემულიყო, ასე უნდა შეწყვეტილიყო მისი ამაყი გულის ფეთქვა.

ღროსგან გაყვითლებულ, გატრეცილ სურათს დაჟჳრებ. ვაკეირდები დაძარღულ ხელებსა და ზარვიეთ ღონიერ კისერს, ოდნავ სევდიან, დაღლილ თვლებს, დაღლილ ომით და ოცნებით, ესაა ამ კაცის ნამდვილი სახე, ისევე უბრალო და გმირული, როგორც მთელი მისი სიცოცხლე.

ჩვენი თაობა იმით არის ძლიერი, რომ ასეთი წინამორბედება აყავდა. მისი თევანწირვა ჩვენი სულის, ჩვენი არსებობის განუყოფელი ნაწილია. თვითონ მან კარგად იცოდა, თუ ვინ გამოზარდა, ვისი შთამომავალიც იყო.

ჩვენი ვალა, დავიწყებას არ მივცეთ კაცური კაცის სახელი, მუდამ გვახსოვდეს იგი, ვინც ღირსია მოგონების, კეთილი სიტყვის.

უამრავი მდინარეა ამქვეყნად. ადამიანი სახელს არქმევს მდინარეს; და მიღის მდინარე. მიღის და მიაქროლებს ცისფერ, რუხ, სისხლისფერ ზვირთებს. მიღის და მისი ზვირთები სიცოცხლეზე მღერაინ. გრიალით ხედება ამომავალ მზეს და ტალღების ტლაშენით აცოლებს ჩამავალს.

შეიძლება ოდესმე დაშრეს მდინარე, შეიძლება მისი კალაპოტი სილამ ამოავსოს, მაგრამ სახელი მაინც დარჩება მისი, თუ იგი დიდი ამბების მოწმე და მონაწილე იყო. ასეა კაციც.



ნიერო-ფანტასტიკური ფილმი „მეათე მსხვერპლი“ ჯილო პონტეკორვოს ფილმი-რეპორტაჟი მკითხაობასა და სასწაულთმოქმედების შესახებ მსოფლიოს სხვადასხვა ქვეყნებში, ლუიჯი ვანცის ფილმი-

რეპორტაჟი ამერიკის შეერთებულ შტატებზე და მრავალი სხვა.

ყოველივე ამასთან დაკავშირებით გაზეთ „უნიტას“ მიმომხილველი აღნიშნავს, რომ

ჩამოთვლილ ფილმთა უმეტესობა აშუამადაც მხოლოდ გასართობი და კომერციული ფილმი იქნებაო.

დასასრული





## გუგამ უანჯიკიძე

### ბრაზილიის ღიღი გუნდი

მსოფლიოს ორგზის ჩემპიონის ბრაზილიის ეროვნული ნაკრები გუნდის საბჭოთა კავშირში ჩამოსვლამდე რამდენიმე დღით ადრე ჩვენს რედაქციას ეწვია შოთა იამანიძე. მან თქვა: „აუცილებლად ნახეთ პეღე. იგი ისე გამოირჩევა ყველა ფეხბურთელისაგან, როგორც, ალბათ, ადმირალი ნელსონი გამოირჩეოდა რიგითი მეზღვაურისაგან.“

მე შოთა იამანიძის სიტყვები მაშინვე გამახსენდა, როგორც კი ბურთი პეღემ მიიღო, მაგრამ ამაზე ქვემოთ.

ბრაზილიის ეროვნული ნაკრების ტურნემ ევროპაში დიდი ინტერესი გამოიწვია. მით უმეტეს, რომ კარზეა მომდგარი ინგლისის მსოფლიო ჩემპიონატი. ბრაზილიელები უმაღლეს დონეზე ბევრჯერ შეხვედრიან ევროპულ კოლექტივებს. 1963 წლამდე ბრაზილიის ეროვნული ნაკრები ოცდაცხრამეტჯერ შეხვდა ევროპის ქვეყნების ეროვნულ ნაკრებ გუნდებს. აქედან 32 გამარჯვება ბრაზილიელებმა მოიპოვეს, ორი მატჩი ფრედ დამთავრდა, დამარცხებულებმა კი მხოლოდ შვიდეჯერ დეტოვეს მოედანა.

1963 წელს ბრაზილიის ნაკრები კვლავ ეწვია ევროპას. მაგრამ ამჯერად გუნდში ორიოდე კაცი თუ თამაშობდა იმ შემადგენლობიდან, რომელმაც ბრაზილიას ზედიზედ ორჯერ დაუმკვიდრა მსოფლიოში უძლიერესის სახელი. ტურნეს წმინდა ექსპერიმენტული ხასიათი ჰქონდა. ისინი ეცნობოდნენ ევროპულ ფეხბურთს და თან ცდილობდნენ მო-

მავალი ჩემპიონატისათვის ახალგაზრდებს შორის შეერჩიათ ყველაზე ღირსეული კანდიდატები.

ტურნემ ბრაზილიელების სახელს ვერაფერი შემატა. ოთხი წაგება (პორტუგალიასთან 0:1, ბელგიასთან 1:5, პოლანდიასთან 0:1, იტალიასთან 0:2), ორი მოგება (საფრანგეთთან 3:2, გერმანიის ფედერაციულ რესპუბლიკასთან 2:1) და ერთი ყიმი ინგლისის ეროვნულ ნაკრებთან — აი ანგარიში ამ საფეხბურთო მოგზაურობასა. ბრაზილიელებს შედეგები მაინცაღამაინც არ აინტერესებდათ. ისინი, ძველი მთავარსარდლებისა არ იყოს, ხელმძღვანელობდნენ პრინციპით: არაფერს არ ნიშნავს წაგო მეროე ხარისხოვანი შეტაკება, მთავარია, მოიგო გენერალური ბრძოლა.

მიუხედავად ამისა, ბრაზილიის საზოგადოებრიობა საყვარელი გუნდის მარცხს აღშფოთებული შეხვდა. ექსპერიმენტი ექსპერიმენტი, მაგრამ არავის არა აქვს უფლება შელახოს ბრაზილიური ფეხბურთის ღირსებაო, — უკვირებდა პრესა ეროვნული ნაკრების ხელმძღვანელობას. ისინი იძულებულნი გახდნენ ხალხის აღშფოთებისათვის ანგარიში გაეწიათ და 1964 წელს რიო დე ჟანეიროში ჩატარებულ მცირე თასის ვათამაშებაში სასტიკად დაამარცხეს ინგლისელები (5:1) და პორტუგალიელები (4:1). თუმცა პირველებმა მინც თავიანთ მუღმივ და უძლიერეს მოქოშპეს — არგენტინას დაუთმეს.



ამ უკანასკნელ მოგზაურობასაც წმინდა ექსპერიმენტული ხასიათი ჰქონდა. ბევრმა სახელმწიფოებრივმა ვეტერანმა დატოვა ნაკრები. ბრაზილიელთა მთავარი მწვრთნელი ვისენტე ფეოლა განსაკუთრებით დიდის დაქარგვას ვანციდის და ვერც ახლო მიმავალში ხელდას მის ღირსეულ შემცვლელს. იგი სინანულით და მადლიერების გრძობით ივონებს ჟილ-მარს, ნილტონ სანტოსს, ვაესს, ზაგლოს, ზიტოს. ვერობაში ფეოლამ 22 ფეხბურთელი ჩამოიყვანა. რამდენიმე უძლიერესი ფეხბურთელი ბრაზილიაში დატოვა, როგორც უღისციბლინონი. მან ერთ-ერთ ინტერვიუში განაცხადა — ჯერ ვერაფერს გეტყვით ლონდონის ჩემპიონატში ბრაზილიური ფეხბურთის ღირსების დაცვას ვის მივანდობი. იგი მხოლოდ ერთადერთ კაცს ასახელებს, ვინც აუცილებლად ითამაშებს ლონდონში. ესაა პელე.

მიუხედავად ასეთი მიზნისა, ფეოლამ 1963 წლის გაკვეთილიც ვითვალისწინა და ამჯერად ნაკრების ამოცანას მოწინააღმდეგეზე გამარჯვებაც შეადგენდა.

ტურნე თავიდანვე დიდი წარმატებით დაიწყო. ბრაზილიელებმა საკუთარ მოედანზე დაამარცხა ბელგიისა (5:0) და გერმანიის ფედერატიული რესპუბლიკის (2:0) ეროვნული ნაკრები გუნდები. არგენტინელებთან შეხვედრა კი უშედეგოდ დამთავრდა, თუმცა ბრაზილიელები ორი ტიპის განმავლობაში უტყველენ მოწინააღმდეგის კარს. შემდეგ მსოფლიო ჩემპიონებმა დაამარცხეს ალჟირის ნაკრები (3:0). პორტუგალიასთან კვლავ ყაიმს დასჯერდნენ (0:0), დაამარცხეს შვედები (2:1) და საბჭოთა კავშირის ნაკრები (3:0).

როგორც ვხედავთ, შვიდ თამაშში ბრაზილიელებმა მხოლოდ ერთი ბურთი გაუშვეს, მაშინ როცა მოწინააღმდეგის კარში 15 ბურთი გაიტანეს. ამ უბრალო ართიმეტიკითაც შეიძლება სრული წარმოდგენა ექონიოთ ბრაზილიელ მკვლელებზე და თავდასხმელებზე.

მოსკოვში, მ. მესხთან, ს. მეტრეველთან, ვ. ბარქიასთან და გ. სიქინავასთან ერთად გვემგზავრე. ბიჭები საბრძოლველად იყვნენ განწყობილი, არც ერთი არ ღელავდა. ბრაზილიელებთან თამაში განსაკუთრებით მიხეილ მესხს სწყურებდა. მსოფლიო ჩემპიონებთან შეხვედრა მისი დიდი ხნის ოცნება იყო. მე ადრეც ბევრჯერ მისაუბრია მიხეილ მესხთან. მას მსოფლიოში უძლიერესად ყოველთვის ბრაზილიური ფეხბურთი მიაჩნდა. ამჯერად კი განაცხადა, ყველას იტალიური ფეხბურთი მიჩიქვიაო. მე არ ვიცი, რატომ შეიცვალა თბილისელთა გარემარბმა თავისი აზრი. იქნებ იმიტომ, რომ იტალიელთა თამაშში რაღაც განსაკუთრებული პროფესიონალური ნიუანსები შეინიშნა, რაც მის ხასიათსა და თამაშის მ-

ნერას უფრო ეგუება? ან იქნებ იმიტომ, რომ უბრალო ფსიქოლოგიური მიზეზების გამო ბრაზილიელთა მატჩის წინ არ უნდოდათ მსოფლიოს ჩემპიონებზე ძალიან მაღალი აზრისა ყოფილიყო?

მოსკოვში საბჭოთა კავშირის ნაკრები ტურასოვკაში, საზოგადოება, „სპარტაკის“ ბაზაში დაბინავდა.

ტურასოვკაში გამგზავრების წინ ყველა ფეხბურთელი ვინახულე. ვერ ვიტყვი, რომ ყველას უხაროდა ბრაზილიელებთან თამაში.

ორ ივლისს საბჭოთა ნაკრებმა ტურასოვკაში საწვრნელი ვარჯიში ჩაატარა. 4 საათზე კი ისინი ბრაზილიელების ვარჯიშის საყურებლად გაემგზავრნენ ლუენიკების ცენტრალურ სტადიონზე. მე ვნახე ორთავე ნაკრების ვარჯიში. უნდა ითქვას, რომ ამ საწვრთნელ ვარჯიშებს შორის დიდი განსხვავება იყო. და სწორედ ამაზე მინდა გესაუბროთ. მით უმეტეს, რომ მატჩის დროსაც ბრაზილიელებისა და საბჭოთა ფეხბურთელების თამაშში იგივე განსხვავება შეინიშნებოდა.

საბჭოთა ფეხბურთელებმა მძლეონსტრი ვარჯიშები ინდიფულტურად ჩაატარეს. ზოგმა მეტ ხანს ივარჯიშა, ზოგმა ნაკლებ ხანს. ერთი კი იყო, ეტყობოდა, ასეთი ვარჯიშები მაინცადაამინც არც ერთს არ სიამოვნებდა. არ იგრძნობოდა ხალისი, რიტმი. ისინი თითქოს ბურთით ვარჯიშზე გადასვლის წინ რაღაც სავალდებულო ბევარას იხდებდნენ.

ბრაზილიელები კი მსგავს ვარჯიშებს სულ სხვანაირად ატარებენ. მე ადრეც წამიკითხავს, ბრაზილიელები მუსიკის სხვადასხვა რიტმზე ვარჯიშობენო. მოსკოვში მუსიკა არ დღუკრავთ, მაგრამ მწვრთნელი (მძლეონსობაში მათ ცალკე მწვრთნელი ჰყავთ) ტამსიკებით სხვადასხვა რიტმს გამოსცემდა. ამ რიტმის მიხედვით 22 ფეხბურთელი ვარჯიშს ისე ერთდროულად ასრულებდა, ისე ერთდროულად სუნთქავდა, გეგონებოდათ, ერთი კაცი ვარჯიშობსო. თავისთავად ასეთი რიტმული მოძრაობა ისეთი ლამაზი სანახაობა იყო, რომ მაყურებელი მათ ტამში აჯილდოვებდა (ვარჯიშს 15-20 ათასამდე კაცი დაესწრო). ამ მეთოდით ვარჯიში არამც თუ მოსაბეზრებელი და მოსაწყენია, პირიქით, უფრო იოლი და სახალისოა. ყოველ შემთხვევაში, კაცი სხვანაირ დასვენს ვერ გააკეთებდა, როცა ბრაზილიელთა მხიარულ სახეებს უყურებდი. ეს წვროთნა არ იყო ტიპური საწვრნელი ვარჯიში. თუნდაც იმიტომ, რომ ბრაზილიელები ამის შემდეგ ორმხრივ თამაშზე გადავიდნენ და საშუალება არ მოგვეცა გვენახა მათი ინდიფულტური წვროთნა. ბრაზილიელებმა ორი ოც-ოც

გურამ ფანჯიკიძე  
ბრაზილიის დიდი გუნდი

წუთიანი ტიმი ითამაშეს ორ შეხებაზე. ისინი ამ მეთოდით თამაშს „დრის ტოკეს“ უწოდებენ. ეს კი იმას ნიშნავს, რომ ფეხბურთელს უფლება აქვს ბურთს მხოლოდ ორჯერ შეეხოს. ამ ორი შეხებით მან უნდა მოასწოროს ბურთის დამუშავებაც და გადაწოდება.

მე ხშირად მინახავს საბჭოთა ფეხბურთელების თამაში სან შეხებაზე. ისინი ხან ნახევარ მოედანზე ან კვადრატში თამაშობენ.

კვადრატში თამაშისას ამოცანა გაიოლებულია. მთავარია, რომ ბურთი არ დაკარგო და მიაწოდო შენს პარტნიორს, სადაც არ უნდა იყოს იგი.

მთელს მოედანზე თამაშისას კი (ნუ დაგვავეწყდება რომ ბრაზილიელები მხოლოდ ორ შეხებაზე თამაშობენ) ამ ამოცანას ემატება მეორე ამოცანაც. მარტო ბურთის შენარჩუნება როდი კმარა, თან მოწინააღმდეგის კარს უნდა შეუტეო და თამაშიც უნდა მოიგო. ეს ფეხბურთელებისაგან ძალზე მაღალ ტექნიკასა და სწრაფ აზროვნებას მოითხოვს.

წარმოდგინეთ როგორი დახვეწილი ტექნიკა უნდა ჰქონდეს ფეხბურთელს, რომ ერთი შეხებით ბურთი სავსებით დაიმორჩილოს, ხოლო მეორე შეხებისას მდგომარეობა ძალზე სწრაფად შეადასოს და ბურთი პარტნიორს გადაწოდოს. არაზუსტ გადაწოდებას კი ბრაზილიელები განსაკუთრებულ დანაშაულად თვლიან.

საწვრთნელი მატჩის დროს ბრაზილიელი თავდამსხმელები დამცველების როლში გამოდიოდნენ. მცველები კი მოწინააღმდეგეთა კარს უტევდნენ და ძალზე აგრესიულადაც. ორმოცმა წუთმა ისე გაიარა, მოწყენილობა არავის უტოვებია. ფეხბურთელები ხუმრობდნენ, შეცდომებზე ერთმანეთს დასცილობდნენ. ბოლოს კი ისეთ ახარტში შევიდნენ, თამაშის დამთავრებას აღარ აპირებდნენ.

თამაშს მეორე მწვრთნელი ამარალი სჯიდა და ხელმძღვანელობდა. თვითონ ფეოლა მოედნის განაპირას იჯდა და კაცი ვერ შეატყობდა, თამაშს თვალყურს ადევნებდა თუ არა.

მე საბჭოთა ფეხბურთელების საწვრთნელი ვარჯიში გამახსენდა. მორიზოვი ფეხბურთელებს ბურთს თვითონ უგორებდა და დარტყმაში ავარჯიშებდა. მან კარგად იცოდა, რომელი ვერ ხმარობდა მარცხენა ფეხს და რომელი მარჯვენას, რომელი ვერ ურტყამდა გაჩერებულ ბურთს, რომელი გაგორებულს და ა. შ. იგი ყოველ ფეხბურთელს თავისი ნაკლის მიხედვით ავარჯიშებდა.

ბრაზილიის ნაკრების მწვრთნელის წინაშე ასეთი პრობლემა როდი დგას. თუ ფეხბურთელი სრულყოფილად არ არის დაუფლებული ურთულეს ტექნიკურ ილეთებს, მას არამც თუ ნაკრების შემადგენლობაში, საშუალო სიძლიერის კლუბშიც კი არ აიყვანენ.

ბრაზილიელებს საწვრთნელი თამაშის დროს ბევრმა ვერც კი შეატყო რომ ორ შეხებაზე თამაშობდნენ. მე და მიხილ მესხი <sup>მეც ვერ შეატყოვან</sup> ვერ შეატყვნენ სხედით. მასხოვს, მე თვითონ პირველი ტაიმის დასასრულამდე ვერ მივხვდი, რომ თამაში ორ შეხებაზე იყო. ერთ მომენტში დღულ ბურთს ორჯერ შეეხო, მეორე ვანზე გადადა და თავის თანაგუნდელს დაუძახა, ბურთთან მოდიო. მაგრამ მოწინააღმდეგე უმაღ გამოექანა. დღულ იძულებული გახდა ბურთს მესამედ შეეხებოდა. მსაჯმა თამაში გააჩერა და ბურთი მოწინააღმდეგეს მიაკუთვნა. ვაოცებული მიშას მივუბრუნე და ვუთხარი, თურმე ორ შეხებაზე თამაშობენ-მეთქი. მიშამ თავი დამიქინა და მითხრა, ძალიან მაგრები ყოფილანო.

ბრაზილიელები უბურთოდ ისე ოსტატურად თამაშობენ, ისე მოძრაობენ და ისეთ ფინტებს აკეთებენ, კაცმა თუ წინასწარ არ იცი, ვერც კი მიხვდები, რომ ბურთს მხოლოდ ორჯერ ეხებიან.

არ ვიცი, ბრაზილიელებს მანგას მეტი მკარე ჩამოყვანილი ჰყავდათ თუ არა, მეორე კარს მათი კაპიტანი ბელინი იცავდა. ურიგო ბურთებიც არ აუღია, მაგრამ ერთხელ, როცა შედარებით იოლი ბურთი გაუშვა, თანაგუნდლებმა ერთი ვაიუფლებული აუტყვეს.

ვინც მსოფლიოს ჩემპიონების ვარჯიშს უყურა, მე მგონი, ეჭვი არ ეპარებოდა, რომ მოშავალ ორთაბრძოლაში გამარჯვება ბრაზილიელებს დარჩებოდა.

როგორც ზემოთ უკვე ვთქვი, ფეოლა გუნდის ტექნიკურ წვრთნაში თითქმის არ მონაწილეობს. მისი მთავარი ამოცანაა, ნაკრების შემადგენლობაში აყვანილ მრავალ შესანიშნავ ფეხბურთელთა შორის შეარჩიოს თერთმეტი-კაცი.

— როცა მწვრთნელი ასეთი არჩევნის წინაშე დგას, მგონი უფრო დიდ გასაჭირშია, ვიდრე მწვრთნელი, რომელსაც არავინ ჰყავს ასარჩევი, — ვანაცხადა ჩვენთან საუბარში ვისენტე ფეოლამ, — ფეხბურთის გუნდი ორკესტრს ჰგავს, სადაც ყველა ინსტრუმენტს თავისი პარტია აქვს, თუმცა ყველა ერთ მელოდიას კი ასრულებს.

მოსკოვში საქმიოდ კარგი თავდამსხმელები ჩამოვიყვანეთ. მათი რიცხვი არცთუ ისე მცირეა — რვა კაცი. საჭიროების შემთხვევაში მათ დამატება ამარილდო, ალტაფინი, მაცოლა და დიდი ყაირი. ისინი ახლა იტალიის საკლუბო გუნდებში თამაშობენ. მოდი და, თუ კარგი ბიჭი ხარ, ამდენ ხალხში ამოარჩიე ოთხი საუკეთესო ფეხბურთელი.

აქ საქმე მარტო ის კი არ არის, გამოიცნო უძლიერესი, მავალთად, ფლავიო უფრო ძლიერია თუ ალტაფინი. მთავარია, ვის შეარჩევი ოთხეულისათვის, რომელსაც საბოლოოდ მიანდობ თავდასხმას. შერჩეული ფეხბურთელები ერთმანეთს უსიტყვოდ უნდა უგებდნენ

ტაქტიკური ბრძოლის დროს და ერთმანეთის თვისებებს უნდა ავსებდნენ ტექნიკური მოქმედების დროს.

ტაქტიკის სიახლეზე ლაპარაკი მხოლოდ მაშინ შეიძლება, როცა გუნდის შემადგენლობა გაირკვევა. აი, სწორედ აქ გამოჩნდება ხოლმე მწვრთნელის ოსტატობა. ყველა ფეხბურთელის თვისებებს გათვალისწინება სჭირდება და საბრძოლო გეგმაც ამისდა მიხედვით შემუშავდება. თუმცა ძირითადად ალბათ არ ვუღალატებთ მოთამაშეთა ასეთ განლაგებას — 1-4-2-4, რომელიც მსოფლიოში ბრაზილიური სისტემის სახელით მონათლეს.

ფეოლას სიტყვებში რაღაც გვენიშნა, როცა ფეხბურთელეთი ფუნქციების და მიხედვით სულ სხვანაირად მოიხსენია. ჩვენ და ძველი საფეხბურთო მსოფლიო მიჩვეულია ასეთ გამოთქმებს — მცველი, ნახევარმცველი, თავდამსხმელი. ფეოლამ კი თავისი მოთამაშეები ასე მოიხსენია: დასაყრდენი ნახევარმცველი, მეოთხედ-დამცველი, ნახევართავდამსხმელი, ბომბარდირი. ეს რაიმე ახალი ტაქტიკური სქემის მიხედვით შემოღებულ „თანამედბობებია“ თუ მოთამაშეთა ინდივიდუალური თვისებებია გათვალისწინებული? ამაზე საკუთარ თავს პასუხი მატჩის დროს გავეცი, როცა დასაყრდენი ნახევარმცველის დუდუს და ნახევართავდამსხმელის გერსონის თამაშს ვაკვირდებოდი. ეს ახალი „თანამედბობები“ ნამდვილად ფეხბურთელთა ინდივიდუალური თვისებების გათვალისწინების საფუძველზე იყო შემოღებული.

ბრაზილიელთა თამაშს ადრე მხოლოდ რამდენიმე კინოფილმით და პრესით ვიცნობდით. რა ტექნიკური სიახლენი შეიმჩნეოდა მათ თამაშში? პირველ რაგში ყურადღება მიიქცია ფლანგების განსხვავებულმა ტაქტიკურმა მანერამ. შეეცაიასა და ჩილში ბრაზილიელები ფლანგებიდან უტევენ. მოსკოვში კი გარემარბები ცდილობდნენ, შეტევის ფრონტი რაც შეიძლება ფართოდ გაეკიშათ. ამ დროს პეულ და ფლავიო ცენტრიდან შემოდიოდნენ.

როგორც კი მოედანზე გარიჩნა გამოვიდა, გარემარბის სამოქმედო ტაქტიკაც შეიცვალა. იგი ორჯერ გავიდა ფრიოდან (ბურთი სულ სამჯერ მიიღო) და ძველებურად ბურთი კარის გასწვრივ ჩასჭრა. აქედან კიდევ ერთი საგულისხმო დასკვნის გამოტანა შეიძლება. ფეოლა გუნდის საბრძოლო გეგმის შედგენის დროს ფეხბურთელების მოქმედებას საკუთარ ფორმულას კი არ უმოჩინებდა, არამედ ფორმულას იმ ფეხბურთელების ინდივიდუალური თვისებების გათვალისწინებით ადგენს, რომლებსაც კონკრეტულ მატჩში ანდობს ნაკრების ბედს. რაც, იმავე მატჩში, სამწუხაროდ, ნაკლებად იგრძნობოდა საბჭოთა ფეხბურთელების მოქმედებაში.

სამართლიანობა მოითხოვს, რომ ერთი გარემოებაც აღენიშნოთ. საბჭოთა მწვრთნელს საბრ-

ძოლო გეგმის შედგენის დროს ძალაუფლებული უნდა გაეთვალისწინებინა პეულ და ფეოლას წინაშე კი ასეთი პრობლემა მოქმედებდა.

განსაკუთრებული ყურადღება მიიქცია ბრაზილიელთა განლაგებამ იმ დროს, როცა ბურთი ჩვენი ფეხბურთელებს ჰქონდათ. ისინი მოედანზე ისე განლაგდებოდნენ ხოლმე, რომ ყოველი მოწინააღმდეგე ბრაზილიელთა კვადრატში ექცეოდა. თითქმის შეუძლებელი იყო არამც თუ გრძელი, საშუალო პასის გადაწოდებაც კი. ფეოლა მტერია ფეხბურთელის „ვიწროპროფესიულობისა“. თავდამსხმელს საჭიროების შემთხვევაში უნდა შეეძლოს შეეშველოს დამცველებს, ანდა, პირიქით, ბურთის გადაცემის დაგვიანება, ან დაკარგვა მე ყველაზე დიდ დანაშაულად მიმაჩნია. — ამბობს იგი. ფეოლა დიდი სიყვარულით იგონებს ზაგალოს, რომელმაც ჩილში „შეთავსებით“ ითამაშა ნახევარმცველისა და გარემარბის პოსტებზე.

ბრაზილიელთა მაღალ ტექნიკაზე ბევრი დაწერია და ბოლოს საკუთარი თვალთაყვანებით მათი შეუდარებელი ოსტატობა. მაგრამ პეულ თვით ბრაზილიელთა შორისაც კი მკვეთრად გამოირჩევა.

ნილტონ სანტოსი წერდა: პეულს აქვს ადემირის გარღვევა, ელენის პრაქტიკული ნიჭი, ზიზინიოს ფანტაზია, ბალთაზარის თავური დარტყმა, ლეონიდასის შემოქმედებითი სული. ფეოლამ თქვა, პეულ არც კი ვიცი, ვის უნდა შევადარაო.

„შავი მარგალიტი“ მართლაც იდეალური ფეხბურთელია. მას აქვს უბრწყინვალესი დრიბლინგი, გარღვევა, კომბინაციური ალღო, ზუსტი და დროული გადაცემები. პეულ შესანიშნავად ხმარობს ორივე ფეხს და ურტყამს ყველა მდგომარეობიდან. შეუდარებელია თავით თამაშში. იგი ძალზე სწრაფია, 100 მეტრს ფარავს 10,8 სექუნდში და ბოლოს, ფეოლას სიტყვებით რომ ვთქვათ, იგი არა მარტო დიდებული სოლისტია, დიდებული პარტიზორიცაა. მატჩის შემდეგ საშუალება მომეცა პეულსთან მესაუბრა.

— ეს იყო თქვენი და თქვენი გუნდის საუკეთესო თამაში? — ეკითხე მე.

— ტრაბახში ნუ ჩამომართმევთ, — გაიცინა პეულმა, — მაგრამ ეს თამაში არ შეიძლება ყოფილიყო ჩვენი საუკეთესო მატჩი. მართალია, ტრაბახებში ვცხოვრობთ, მაგრამ ახლა ბრაზილიაში შუაეული ზამთარია. იქიდან გავემგზავრეთ ალყირში, მერე პორტუგალიაში, შვეიცარია და ბოლოს მოსკოვში. ჰავის ასეთი კონტრასტული ცვლილებანი, რომ აღარაფერი ვთქვათ მომჭანცველ მოგზაურობაზე, ბიჭებზე

გურამ ფანჯიკიძე  
ბრაზილიის დიდი გუნდი



ძალიან მოქმედებს. მართალია, ყველგან ღია გულით გვხვდებიან, მაგრამ ისე მინც ვერ ვვარჯიშობთ, როგორც საკუთარ სახლში. მე ბრაზილიაში ყოველდღიურად 6-8 საათს ვვარჯიშობ. ამ მოგზაურობისას კი დღეში მხოლოდ ორ საათს ვახერხებდით წერთნას. ძალი მიყვარს, სიმსუქნისკენ მიდრეკილებაც მაქვს და ფეხბურთელისთვის შეუფერებლად მოვიმატე. ახლა მე ხუთი კილოგრამი მაქვს დასაკლები. მოდიტ, თქვენ დასკვენით, იყო თუ არა ეს ჩვენი საუკეთესო თამაში.

დასკვნები კი მართლაც ბევრი გვაქვს გასაკეთებელი. ბრაზილიელებმა ლუენიკებში მოგ-

ვიხაზეს ლონდონის მსოფლიო ჩემპიონატის კონტურები. საბერძნეთზე, უელსზე, და განაკუთრებით კი დანიაზე გამარჯვებამ ჩვენს მტერადღება შეასუსტა. ბრაზილიელებმა დროზე შეგვახსენეს, რომ დანიის ეროვნული ნაკრების კლასის გუნდები ლონდონში მხოლოდ ტურისტებად თუ ჩავლენ. შეგვახსენეს ის საფეხბურთო კემპარტებანიც, რომლებიც არ უნდა დაგვეიწყებოდა შვეციისა და ჩილის მსოფლიო ჩემპიონატების შემდეგ.

წინ კიდევ ერთი წელია. ერთ წელიწადში კი ბევრი რამის მოსწრება და გათვალისწინება შეიძლება.



ქურნალი გააფორმა მხატვარმა გიორგი როინიშვილმა

**რედაქციაში უამრუსი მასალა, მოცულობით ერთ თაბასამდე, აპრორებს უან არ დაუბრუნდება.**

რედაქციის მისამართი: თბილისი, პლუხანოვის პროსპ. № 91.

**ტელეფონები: რედაქტორის — 5-08-75, პ/მ მდივნის — 5-08-86, განყოფილებების: პრეტიკისა და კუბლინისტიკის — 5-08-85, კოეზიისა და პროზის — 5-08-25.**

ხელმოწერილი დასაბეჭდად 26/VI-65 წ. ფიზიკურ ფორმათა რაოდენობა 10. პირობით ვორმათა რაოდენობა 13,7. შეკვ. № 973. უე 05652. ქალაღლის ზომა 70×108. ტირაჟი 8.500.

ბეჭდვითი სიტყვის კომბინატი, თბილისი, მარჯანიშვილის ქ. № 5.

Комбинат печати. Тбилиси, ул. Марджанишвили, 5.





იო ჩემპიონატის  
 ელსაზე, და განსა-  
 ვებამ ჩვენი ყუ-  
 იელებმა დროზე  
 ივენული ნაკრების  
 მხოლოდ ტურის-  
 წინს ის საფეხ-  
 ელებზე არ უნდა  
 ჩილის მსოფლიო

ერთ წელიწადში  
 გათვალისწინება



პრეპილიელი „ტორსედორება“ მატის დანუების წინ.

შ

ფოტოები იკუთვნის „სოვეტსკი სპორტის“ ფოტორეპორტიორს  
 იური მორგულისს

,

მზნის: 4რმ.  
 8-25.

. პირობით  
 ირაგი 8.500.



თქვენ შეიძლება, არა დევიდობ ინგლისის მსოფლიო ჩემპიონატზე  
 აღსანიშნავი მისი მემორიალი—სადაც მისი გუნდი  
 მისი სპორტულ მიზნების მიხედვით შეიქმნა  
 ხალხობრივი სიხარულიდან მისი გუნდის მიხედვით



1970 წლის  
 მსოფლიო ჩემპიონატი



უაბანს ბაიანის  
 GODFREY ARKON





6 / 244

ЕЖЕМЕСЯЧНЫЙ ХУДОЖЕСТВЕННО-  
ЛИТЕРАТУРНЫЙ ЖУРНАЛ

„ЦИСКАРИ“

ИЗДАТЕЛЬСТВО  
„ЛИТЕРАТУРА ДА ХЕЛОВНЕБА“

ИНДЕКС 76236

03260 60 523.